

西湖游览志

田汝成

文硕阁

wenshuoge.com

目录

关于我们	4
西湖游览志	6
提要	7
西湖游览志卷一	8
西湖游览志卷二	11
西湖游览志卷三	18
西湖游览志卷四	25
西湖游览志卷五	32
西湖游览志卷六	34
西湖游览志卷七	38
西湖游览志卷八	45
西湖游览志卷九	54
西湖游览志卷十	59
西湖游览志卷十一	66
西湖游览志卷十二	71
西湖游览志卷十三	79
西湖游览志卷十四	90
西湖游览志卷十五	96
西湖游览志卷十六	100
西湖游览志卷十七	104
西湖游览志卷十八	107
西湖游览志卷十九	110
西湖游览志卷二十	116
西湖游览志卷二十一	121
西湖游览志卷二十二	125
西湖游览志卷二十三	128
西湖游览志卷二十四	131
西湖游览志余	138
西湖游览志余卷一	139
西湖游览志余卷二	143
西湖游览志余卷三	154
西湖游览志余卷四	166
西湖游览志余卷五	172
西湖游览志余卷六	178
西湖游览志余卷七	189
西湖游览志余卷八	194

西湖游览志余卷九	202
西湖游览志余卷十	204
西湖游览志余卷十一	214
西湖游览志余卷十二	225
西湖游览志余卷十三	234
西湖游览志余卷十四	241
西湖游览志余卷十五	253
西湖游览志余卷十六	258
西湖游览志余卷十七	265
西湖游览志余卷十八	275
西湖游览志余卷十九	276
西湖游览志余卷二十	281
西湖游览志余卷二十一	289
西湖游览志余卷二十二	298
西湖游览志余卷二十三	305
西湖游览志余卷二十四	312
西湖游览志余卷二十五	320
西湖游览志余卷二十六	331

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

西湖游览志

提要

【臣】等谨案西湖游览志二十四卷志余二十六卷明田汝成撰汝成有炎徼纪闻已着録是书虽以游览为名多纪湖山之胜实则關於南宋史事者为多故于高宗而后偏安逸豫每一篇之中三致意焉宋乾道间周淞撰临安志十五卷咸淳间潜説友又续成一百卷湖山特其中之一目例不当详吴自牧作梦梁録周密作武林旧事于歳时风俗特详而山川古迹又在所畧惟汝成此书因名胜而附以事迹鸿纖鉅细一一兼该非惟可广见闻并可以考文献其体在地志杂史之间与明人游记徒以觴咏登临流连光景者不侔其志余二十六卷则摭拾南宋防闻分门牖载大都杭州之事居多不尽有關於西湖故别为一编例同附録蓋有此余文以消纳其冗碎而后本书不病于芜杂此其义例之善也惟所征故实悉不列其书名遂使出典无征莫能考证其真伪是则明人之通弊汝成亦未能免俗者矣乾隆四十六年正月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

西湖游览志卷一

西湖总叙

西湖故明圣湖也周绕三十里三面环山谿谷缕注下有渊泉百道潏而为湖汉时金牛见湖中人言明圣之瑞遂称明圣湖以其介于钱唐也又称钱唐湖以其输委于下湖也又称上湖以其负郭而西也故称西湖云西湖诸山之脉皆宗天目天目西去府治一百七十里高三千九百丈周广五百五十里蜿蜒东来凌深拔峭舒冈布麓若翔若舞萃于钱唐而嵒萃于天竺從此而南而东则为龙井为大慈为玉岑为积庆为南屏为龙为凤为吴皆谓之南山從此而北而东则为灵隐为 姑为履泰为寶云为巨石皆谓之北山南山之脉分为数道贯于城中则巡台藩垣帅阉府治运司黉舍诸署清河文锦壽安弼教东园盐桥褚塘诸市在宋则为大内德壽宗阳佑圣诸宫隱隱賑賑皆王气所钟而其外逕则自龙山沿江而东环沙河而包括露骨于茅山艮山皆其防沙也北山之脉分为数道贯于城中则臬台分司诸署观桥纯礼诸市在宋则为开元景灵太乙龙翔诸宫隱隱賑賑皆王气所钟而其外逕则自霍山绕湖市半道红冲武林门露骨于武林山皆其防沙也聯絡周匝钩绵秀絕郁葱扶輿之气盘结巩厚濬发光华体魄閎矣潮击海门而上者昼夜再至夫以山奔水 而逆以海潮则气脉不解故东南雄藩形势浩伟生聚繁茂未有若钱唐者也南北诸山崢嶸回绕滙为西湖泄恶停深皎洁圆莹若练若镜若双龙交度而颌下夜明之珠悬抱不释若莲萼层敷附瓣庄严而馥郁花心含让甘露是以天然妙境无事雕饰覩之者心旷神怡游之者毕景留恋信蓬阆之别墅宇内所稀覩者也六朝已前史籍莫攷虽水经有明圣之号天竺有灵运之亭飞来有慧理之塔孤山有天嘉之桧然华艳之迹题咏之篇寥落莫睹逮于中唐而经理渐着代宗时李泌刺史杭州悯市民苦江水之卤恶也开六井凿陰窰引湖水以灌之民赖其利长庆初白居易重修六井鑿函筩以蓄泄湖水溉沿河之田其自序云每減湖水一寸可溉田十五余顷每一复时可溉五十余顷此州春多雨夏秋多旱若隄防如法蓄泄及时即濒湖千余顷无凶年矣又云旧法泄水先量湖水浅深待溉田毕却还原水尺寸往往旱甚则湖水不充今年筑高湖隄数尺水亦随加脱有不足更决临平湖即有余矣俗忌云决湖水不利钱塘县官多假他辞以惑刺史或云鱼龙无托或云茭菱失利且鱼龙与民命孰急茭菱与田稼孰多又云放湖水则城中六井咸枯不知湖底高井管低湖中有泉百道湖耗则泉涌虽罄竭湖水而泉脉常通乃以六井为患谬矣第六井陰窰往往堙塞亦宜数察而通之则虽大旱不乏湖中有无税田数十顷湖浅则田出有田者率盗决以利其私田故函筩非灌田时并须封闭漏泄者罪坐所由即湖水常盈蓄泄无患矣吴越王时湖葑蔓合乃置撩兵千人以芟草濬泉又引湖水为涌金池以入运河而城郭内外增建佛庐者以百数盖其时偏安一隅财力殷阜故兴作自由宋初湖渐淤壅景德四年郡守王济增置斗门以防溃溢而僧民规占者已去其半天禧中王钦若奏以西湖为放生池祝延圣壽禁民采捕自是湖葑益塞庆厯初郡守郑戩复开濬之嘉祐间沈文通守郡作南井于美俗坊亦湖水之余派也元祐五年苏轼守郡上言杭州之有西湖如人之有眉目也自唐以来代有濬治国初废置遂成膏腴熙宁中臣通判杭州葑合才十二三到今十六七年又塞其半更二十年则无西湖矣臣愚以为西湖有不可废者五自故相王钦若奏以西湖为放生池每歲四月八日郡人数万集湖上所活羽毛鳞介以百万数为陛下祈福若任其堙塞使蛟龙鱼鳖同为枯辙之鲋臣子视之亦何心哉此西湖不可废者一也杭州故海

地水泉咸苦民居零落自李泌引湖水作六井然后民足取汲而生聚日繁今湖狭水慳六井渐壞若二十年后尽为葑田则举城复食咸苦民将耗散此西湖不可废者二也白居易开湖记云蓄泄及时可溉田千顷今縱不及此数而下湖数十里菱芡禾麦仰赖不貲此西湖不可废者三也西湖深广则运河取借于湖水若湖水不足则必取借于江潮潮之所经泥沙浑浊一石五斗不出三歲辄调兵夫十余万开濬而舟行市中盖十余里吏卒骚扰泥水狼藉为居民大患此西湖不可废者四也天下官酒之盛未有如杭州者也歲课二十余万缗水泉之用仰给于湖若湖水不足则当劳人远负山泉歲不下二十万工此西湖不可废者五也今湖上葑田二十五万余丈度用夫二十余万工近者防恩免上供额斛五十余万石出柴常平亦数十万石臣谨以圣意斟酌其间增价中米减价出卖以济饥民而增减折耗之余尚得钱米一万余石贯以此募民开湖可得十万工自四月二十八日开工盖梅雨时行则葑根易动父老縱观以为陛下既捐利与民活此一方而又以其余兴久废无穷之利使数千人得食其力以度凶年盖有泣下者但钱米有限所募未广若来者不继则前功复堕近蒙圣恩特赐本州度牒一百道若更加百道便可济事臣自去年开濬茅山盐桥两河各十余里以通江湖犹虑缺乏宜引湖水以助之曲折阡陌之间便民汲取及以余力修完六井南井为陛下敷福州民甚溥朝议從之乃取葑泥积湖中南北径十余里为长堤以通行者募人种菱取息以备修湖之费自是西湖大展至绍兴建都生齿日富湖山表里防饰浸繁离宫别墅梵宇 居舞榭歌楼彤碧辉列丰媚极矣嗣后郡守汤鹏安抚周淙京尹赵与 潜說友递加濬理而与 复因湖水旱竭乃引天目山之水自余杭塘达溜水桥凡歷数堰桔槔运之仰注西湖以灌城市其时君相淫佚荒恢复之谋论者皆以西湖为尤物破国比之西施云元愆宋辙废而不治兼政无纲纪任民规窃尽为桑田国初籍之遂起额税苏隄以西高者为田低者为荡阡陌縱横鳞次作义曾不容刀苏堤以东萦流若带宣德正统间治化隆洽朝野恬熙长民者稍稍搜剔古迹粉绘太平或倡濬湖之议惮更版籍竟致阁寝嗣是都御史刘敷御史吴文元等咸有题请而浮议蜂起有力者百计阻之成化十年郡守胡濬稍辟外湖十七年御史谢秉中布政使刘璋按察使杨继宗等清理续占 治十二年御史吴一贯修筑石闸渐有端绪矣正德三年郡守杨孟瑛銳情恢拓力排羣议言于御史车梁金事高江上疏请之以为西湖当开者五其畧曰杭州地脉发自天目羣山飞翥驻于钱唐江湖夹抱之间山停水聚元气融结故堪輿之书有云势来形止是为全气形止气蓄化生万物又云外气横形内气止生故杭州为人物之都会财赋之奥区而前贤建立城郭南跨吴山北兜武林左带长江右临湖曲所以全形势而周脉络钟灵毓秀于其中若西湖占塞则形胜破损生殖不繁杭城东北二隅皆凿濠塹南倚山岭独城西一隅濒湖为势殆天塹也是以涌金門不设月城实倚外险若西湖占塞则脞径绵连容奸资寇折冲御侮之便何借焉唐宋已来城中之井皆借湖水充之今甘井甚多固不全仰六井南井也然实湖水为之本源陰相输灌若西湖占塞水脉不通则一城将复卤饮矣况前贤兴利以便民而臣等不能纂已成之业非为政之体也五代已前江潮直入运河无复遮捍钱氏有国乃置龙山浙江两闸啓闭以时故泥水不入宋初崩废遂至淤壅频年挑濬苏轼重修堰闸阻截江潮不放入城而城中诸河专用湖水为一郡官民之利若西湖占塞则运河枯澁所谓南柴北米官商往来上下阻滯而闾阎贸易苦于担负之劳生计亦窘矣杭城西南山多田少谷米蔬藪之需全赖东北其上塘濒河田地自仁和至海宁何止千顷皆借湖水以救元旱若西湖占塞则上塘之民缓急无所仰赖矣此五者西湖有无利害明甚第壞旧有之业以伤民心怨讟将起而臣等不敢顾忌者以所利于民者甚大也部议报可乃以是年二月兴

工先是郡人通政何琮常绘西湖二图并着其說故温甫得以其槩上请盖为佣一百五十二日为夫六百七十万为直银二万三千六百七两斥毀田蕩三千四百八十一畝除豁額粮九百三十余石以废寺及新垦田粮补之自是西湖始复唐宋之旧盖自乐天之后二百歲而得子瞻子瞻之后四百歲而得温甫迺来官司禁约浸弛豪民颇有侵围为业者夫陂隄川泽易废难兴与其浩费于已隳孰若旋修于将壞况西湖者形胜關乎郡城余波润于下邑岂直为鱼鸟之藪游览之娱若苏子眉目之喻哉按郡志西湖故与江通据酈道元水经及骆賓王杨巨源二诗为证窃谓不然水经云浙江出三天子都北过余杭东入于海注云浙江一名浙江出丹阳黟县南蛮中东北流至钱唐县又东经灵隱山山下有钱唐故县浙江径其南县侧有明圣湖又东合临平湖经槎渚注于海夫水经作于汉魏时已有明圣湖之号不得于唐时复云湖与江通也水经又言始皇将游防稽至钱唐临浙江不能渡乃道余杭之西津后人因此遂指大佛头为始皇缆船石以征西湖通江之說殊不知西津未必指西湖也至于骆賓王灵隱寺诗有云楼观沧海日门对浙江潮杨巨源诗有云曾过灵隱江边寺独宿东楼看海门与水经所称浙江东经灵隱山相合而西湖通江之說泥而不解夫巨源与乐天同时使泥其诗以为江潮必经灵隱山以通西湖也则明圣之号不当豫立于汉魏时而乐天经理西湖时未闻有江潮浸啗之患况自灵隱山而南重冈复岭隔截江濬者一十余里何緣越度以入西湖哉要之汉唐之交杭州城市未广东北两隅皆为斥卤江水所经故今閶闔之中街坊之号犹有洋 前洋后洋之称所谓合临平湖经槎渚以入于海者理或有之若西湖则自古不与江通也乃今江既不径临平绕越州而东注而灵隱之南吴山之北斥卤之地皆成民居而古迹益不可考矣

西湖游览志卷二

孤山三提胜迹

自断桥西径湖中过望湖亭为孤山四贤堂林逋墓放鹤亭玛瑙坡尚书俞公祠歲寒岩唐陆宣公祠六一泉断桥本名寶祐桥呼断桥自唐始张祐诗断桥荒蘚合是也岂孤山之路至此而断故名欵元钱惟善竹枝词有段家桥之名人以为杜撰然杨萨诸诗亦称未为无据也桥堤烟柳葱青露草芊绵望如裙带白乐天诗望海楼明照曙霞护江堤白蹋晴沙涛声夜入伍胥庙柳色春藏苏小家红袖织绦夸柿蒂青旗沽酒趁梨花谁开湖寺西南路草綠裙腰一道斜后堤渐损万厯中三河孙隆修筑甚壮伟杂值四时花木建锦带桥盖望湖亭游人丛集称絕胜 桥口宋有总宜园中贵张氏別墅也西有涵碧桥宋转运使陈尧佐重修又西有处士桥宏春桥并废

望湖亭唐时在孤山之址宋时徙寶石峯伪周平章张士信所建也国初复徙故址四面玲珑夏饮最快白乐天湖亭晚归诗尽日湖亭卧心闲事亦稀起因残醉醒坐待晚凉归松雨飘藤帽江风透葛衣柳堤行不厌沙软絮霏霏 韩克庄湖亭宴赏有懷徐复初诗芙蓉花开一万顷钱唐最好是湖边晚风得酒更留月春水到门还放船笙引凤凰天上曲赋裁鸚鵡座中僊令人却忆徐公子深阁焚香日晏眠孤山岾介湖中碧波环绕胜絕诸山唐宋间楼阁参差弥布椒麓唐张祐诗楼防耸碧岑一径入湖心不雨山常润无云水自陰断桥荒蘚合空院落花深犹忆西牕月钟声出北林 白乐天西湖晚归回望孤山寺赠客诗柳湖松岛莲花寺晚动归桡出道 卢橘子低山雨重棕榈叶战水风凉烟波淡荡摇空碧楼殿参差倚夕阳到岸请君回首望蓬莱宫在水中央 孤山寺遇雨诗拂波云色重洒叶雨声繁水鹭双飞起风荷一向翻空蒙连北岸萧飒入东轩或拟湖中宿留船在寺门

湖上夜饮诗郭外迎人月湖边醒酒风谁留使君饮红烛在舟中 林君复孤山寺诗低处凭栏思渺然孤山塔后阁西偏陰沈画轴林间寺零落某桺葑上田秋景有时飞独鸟夕阳无事起寒烟迟归更爱吾庐近祇待重来看雪天 孤山写望诗水墨屏风状总非作诗除是谢元晖溪桥裊裊穿黄落樵斧丁丁隔翠防返照未沈僧独往长烟初淡鸟横飞南峯有客鋤园罢闲倚林间忘却归四贤堂正德间郡守杨孟瑛建以祀唐刺史李公泌白公居易宋守苏公軾处士林公逋者泌字长源代宗时任引湖水入城醵六井以解斥鹵民到于今赖之居易字乐天穆宗时任筑湖堤以钟泄湖水溉田千顷軾字子瞻哲宗时任浚湖醵井治堰闸以利民立祠祀之逋字君复隱居孤山征辟不就构巢居阁绕种梅花吟咏自适徜徉湖山或连宵不返客至则童子放鹤招之真宗嘉其高尚赐号和靖处士先是唐民懷白公之德即山之广化寺以祀公至宋益以苏公林公名三贤堂绍兴间建四圣延祥观而尽徙之祠遂废京尹袁韶复建于苏堤中天顺三年郡守胡濬徙之故址成化十一年布政使甯良杜谦等增建仰高亭巢居阁杨公濬湖乞事奉李公泌而并祀之遂名四贤堂也堂之左旧有四照阁久废成化间都御史韩雍复建嘉靖十四年毁和靖巢居阁偶书诗绕舍青山看未足故穿林表架危轩但将松籟延佳客常带岚霏认远村吴榜自能凌晚汰湘累何苦属芳荪余生多病期恬养聊此栖迟一避喧 又絕句诗山水未深猿鸟少此生犹拟别移居直过天竺溪流上独树为桥小结庐 僧道潜四照阁懷少游学士诗猿鸟投林已寂然芭蕉过雨小楼前云移絕壁中间破月自遥峯

缺处圆照坐不须红炬蜡可人惟有蕙炉烟校讐御府图书客畴昔还同此夜禅林逋墓在孤山之阴绍兴十六年建四圣延祥观尽徙诸院刹及士民之墓独逋墓诏存之勿徙咸淳间贾似道题石曰和靖先生墓命金华王庭书之元僧嘉木 喇勒智发其墓惟端砚一枚玉簪一枝成化十年郡守李端菴治逋尝作梅花诗一聯为士林羨颂而他诗亦多清逸比其卒也四壁萧然题诗云湖外青山对结庐坟前修竹亦萧疎茂陵他日求遗稿且喜曾无封禅书时人咸重其节介而范公希文与公雅厚赠诗云巢由不愿仕尧舜岂遗人又云风俗因君厚文章到老醇其激赏如此逋诗云竹树绕吾庐情深趣有余鹤闲临水久蜂懒得花疎酒病妨开卷春阴入荷锄尝怜古图画多半写樵渔猿鸟分清絕林萝拥翠防步穿僧径出肩挂道衣归水墅香醪熟烟岬早笋肥功名无一防何处更忘机园井夹萧森红芳墮翠阴昼岩松鼠静春塹竹鸡深歲课非无术家藏独有琴顏原遗事在千古壮闲心湖水入篱山绕舍隐居应与世相违闲门自掩苍苔迹过客时惊白鸟飞卖药比常嫌有价灌园终亦爱无机如何天竺林间路犹到秋深梦翠防四壁垣衣钓具腥已甘衡泌号沈防伶伦近日无侯白奴仆当时有卫青花月病懷看酒谱云萝幽信寄茶经茅君使者萧闲甚独理丛毛向户庭梅花诗众芳摇落独暄妍占尽风情向小园疎影横斜水清浅暗香浮动月黄昏霜禽欲下先偷眼粉蝶如知合断防幸有防吟可相狎不须檀板共金尊高九万拜和靖墓诗玉函香骨老云根占断孤山水月村荐菊泉清涵竹影种梅地冷带苔痕生前已自全名节身后從谁问子孙惟是年年寒食日游人来与酌清尊萨天锡诗先生胜隱得孤山小艇沿湖日往还自爱烟霞居物外岂知名姓落人间鹤无过迹苔痕老梅自开花月影闲表墓有铭祠有奠高风千载更廉顽

放鹤亭在孤山之北嘉靖中钱塘令王鉞作其巔有歲寒岩其下有处士桥先是至元间儒学提举余谦既葺处士之墓复植梅数百本于山构梅亭于其下郡人陈子安以处士无家妻梅而子鹤不可偏举乃持一鹤放之孤山構鹤亭以配之并废

玛瑙坡在孤山之东碎石文莹若玛瑙然人多采之以镌图篆

尚书俞公祠公名琳字德章临安人成化丁未进士歷官通政使太子少保工部尚书殿庭敷奏声如洪钟豁达有雅量祠临大池幽清可赏其致仕归也尚书刘舜臣赠之诗云莺声柳色满皇都疏傅荣归入画图輿阜每将綏问驾廩人时有粟供厨青春作伴真奇遇綠酒相亲岂细娛莫道尚书无个事一身诗債欠西湖盖公之锡典月廩輿夫皆出异数故有问驾供厨之句祠内左有木香一本引蔓双栢高三丈余枝条蒙密洒落满庭花时如迸玉垂珠雪色照耀软香袭人闻数百步众鸟鸣噪其上终日不去至花残乃不复闻右有古梅一株盘抱奇石榦出石孔中歲久与石脗合老榦枝枒如從石面生也疎花冷朶与乔松相映每霜月流空斜阳在树真若梦罗浮与姑射仙人游也此湖上二奇四方游客见者无不赏美

歲寒岩在俞公祠后石壁陡絕苍蘚剥蚀中隐见篆书歲寒岩三大字下疏郭令公歷中书二十四考广成子住空同万八千年相传为苏长公题其上平夷四旷可眺视全湖即林和靖四照阁故基也

陆宣公祠乃中书舍人洪澄別墅疏泉輦石乔木数十章左右映蔚号称佳丽舍人亡不数年

鞠为荒墟后属陆少保炳少保自谓系出宣公创祠祀之規制 敞吞吐湖山台榭之盛为一时冠炳既物故仍坐法祠没入官以名贤得不废隆庆间侍御豫章谢公廷杰益以严光林逋赵抃王十朋吕祖谦张九成杨简宋濂王琦章懋陈选陶大临并祀焉歲久就圯侍御江陰范公鸣谦捐赎醵檄郡修葺顿还旧观矣六一泉在孤山之南苏子瞻铭叙略云欧阳文忠公将老自谓六一居士予通守杭州别公而南公曰西湖僧惠勤甚文长于诗吾昔为山中乐三章以赠之子闲于民事求人于湖山而不得则往從勤乎予到官三日访勤于孤山抵掌论人物勤曰六一公天人也人见其暂寓人间而不知其乘云驭风歷五岳而跨沧海也此邦之人以公不一来为恨公麾斥八极何所不至虽江山之胜莫适为主而奇丽秀絕之气常为能文者用故吾以谓西湖盖公几案间一物耳逾年六一公薨予哭于勤舍又十八年予守杭州则勤亦逝矣其弟子二仲画六一公像与勤像而祀之有泉出讲堂下予遂本勤意而名之曰六一泉铭之曰泉之出也去公数千里后公之没十有八年而名之曰六一不几于诞乎曰君子之泽岂独五世而已盖得其人则可至千百传尝试与子登孤山而望吴越歌山中之乐而饮此水则公之遗风余烈亦或见于斯泉也复于泉后作东坡庵以自寓云泉屋自南宋久废至国朝洪武初而复兴教授徐一防为作疏云六一泉者东坡先生会勤上人哭欧阳公处也泉在孤山之址勤上人之居在焉先生为着泉铭其徒既作石屋覆泉且刻泉铭泉上宋南渡后废勤舍为延祥观元初又废观为帝师祠泉没于二氏之居几三百年元季兵燹泉始呈露但石屋已摧而泉铭亦为他僧舍昇去有僧曰行升者鉏荒涤垢图复旧观仍树石屋且求泉铭还于旧处欲建祠堂一区如当时祠公与上人故事而力有未逮将持短疏求之好施之家与凡传宗之美释门之老助财成之庶几欧苏二公与上人之流风雅韵同不泯云伏以睠兹胜地实在名邦勤上人于此幽栖苏长公因之数至迹分缁素同登欧子之门谊重死生会哭孤山之下惟精诚有感通之理故山岳出迎劳之泉名聿表于懷贤忱式昭于荐菊故渊源有永幸与文派俱流虽名号仅存几逐劫灰共化欲存古迹必建新祠此举非为福田实欲共成胜事儒冠僧衲请恢雅量以相成山色湖光行与高风而共遠愿言乐助毋诮濫干孤山旧有广化寺西阁辟支塔鉴堂栢堂竹阁智果院玛瑙寶胜院报国寺闲泉仆夫泉四圣延祥观西太乙宫金沙井万壽寺学士沟西湖书院并废

广化寺或云即孤山寺陈天嘉初建名永福宋时改为广化 西阁一名弥勒阁辟支塔在焉僧志文诗杨柳蒹葭覆水濱徘徊南望倚栏频年光似鸟翩翩过世事如碁局局新岚积远山秋气象月生高阁夜精神谁惊一阵鸥鳬起莲叶舟中把钓人 栢堂宋僧志铨作陈文帝天嘉二年有植两桧于孤山寺中至宋时犹存其一号陈朝桧志铨作堂其侧曰栢堂与竹阁连属苏子瞻作诗纪之云道人手种几生前鹤骨龙姿尚宛然双榦一先神物化九朝三见太平年忽惊华夏依岩出乞与嘉名到处传此栢未枯君记取灰心聊伴小乘禅后孝宗尝书此诗勒石竹阁白乐天作在孤山寺中杭人因貌公像而祀之今为四贤堂址其诗云晚坐松檐下宵眠竹阁间清虚当服药幽独抵归山巧未能胜拙忙应不及闲无劳别修道只此是 關苏子瞻诗海山兜率两茫然古寺无人竹满轩白鹤不留归后语苍龙犹是种时孙两丛却似萧郎笔千亩空懷渭上村欲把新诗问遗像病维摩诘更无言 智果院旧有参寥僧其时有僧道潜者号参寥子于潜人通内外典能诗苏子瞻守黄州参寥子自吴中访之梦与赋诗有寒食清明都过了石泉槐火一时新后七年子瞻守杭州参寥子始卜居智果院有泉出石缝间甘冷宜茶寒食之明日子瞻与客泛舟自孤山来访参寥子汲泉鑽火烹黄栢茶适符所梦遂记以刻石为之铭曰在天雨露在地江湖皆我四大滋相所濡伟哉参寥弹指八极退守斯泉一谦四

益予晚闻道梦幻是身真即是梦梦即是真石泉槐火九年而信夫何求信实弊汝神又诗云涨水泛旧壑飞云思故岑念君忘家客亦有懷归心三间得幽寂数步藏清深攢金卢橘坞散火杨梅林茶笋尽禅味松杉真法音云崖有浅井玉醴常半寻遂名参寥泉可濯幽人襟相携横岭上未觉衰年侵一眼吞江湖万象涵古今愿君更小筑歲晚解我簪参寥子答诗泰山屹天下四海同仰止我公命世英突兀等于是胷中涵秋汉皎絕防云津当年事危言轩冕如脱屣但贵知我希宁慙不吾以风云果尔符六翩排空起一夕厌承明抗章求迺邇余杭古雄藩比屋富生齿立谈政即成兴不负山水雍容梵未契访我顽且鄙大旆辉松门禽 亦惊喜森森门下士左右集珠履使君道德姿主角非所恃软语如东风薰然着桃李今朝真胜事千载足遗美安得笔如椽磨崖为公纪 玛瑙寶胜院旧有闲泉仆夫泉僧智圆所凿也智圆字无外钱唐人博学励行号中庸子时王文穆公罢相知杭州诸僧出迺慈云禅师邀之偕往圆以疾辞曰倾山倒壑奔走红尘暂留坐镇诸僧赧服与处士林逋为友临化命门人即后山敛陶器而防塋之名陶器冢自为铭曰清淨本然无变无迁为藏陶器密迹闲泉又作自悼诗三首平生宗禅亦宗儒竭虑研精四体枯莫待归全寂无语始知诸法本来无萧萧墓后千竿竹郁郁坟前一树松此处不须兄弟哭自然相对起悲风莫谈生灭与无生漫把心神与物争陶器一藏松树下綠苔芳草自縱横 报恩寺开寶初钱氏建亦六一泉地也四圣延祥观绍兴间韦太后还自沙漠建以沈香刻四圣像并从者二十人饰以大珠备极工巧为园曰延祥亭馆窈窕丽若画图水洁花寒气象幽雅时高宗絕爱西湖孝宗尝奉之以游歷三朝为故事高疎寮诗水明一色抱神州雨压轻尘不敢浮山北山南人唤酒春前春后客凭楼射熊馆暗花扶屐下鹄池深柳拂舟白髮邦人能道旧君王曾奉上皇游元嘉永扬喇勒智废为万壽寺屑像为香断珠为纓而旧美荒落矣 西太乙宫宋理宗时中贵卢允升等以奢侈 上妄称五福太乙临吴越之分乃即延祥园建太乙宫而玛瑙坡六一泉金沙井皆归御圃宫观亭榭理宗以御书额之若瀛屿射圃白莲堂挹翠堂蓬莱阁香月亭清新亭竞列秀爽殆僊居焉观有凉堂绍兴间遗构也高宗将临观之其时有素壁四堵高二丈中贵人相语曰官家所幸素壁非宜亟趣御前萧照往绘山水照受命即乞尚方酒四斗昏出孤山每一鼓即饮一斗尽一斗则一堵已成画成而照亦沈醉上至览之叹赏宣赐金帛理宗改为黄庭殿周弁阳诗藁宫广殿号黄庭突兀浮云最上层五福贵星留不住水堂空照九枝灯元嘉木 喇勒智为僧窟未几荡废金沙井在广化寺白乐天爱酌之井底砂灿如金出之即黑 学士沟在山南由处士桥入元时西湖堙合好事者疏之以通小舟集贤学士揭曼硕祀南镇弭节葛岭见而助焉因名学士沟曼硕自为记 西湖书院成化间布政使甯良等建之以居大理卿郡人夏时正即太乙宫故址也建书库捐贍田以待四方学子徐奇诗天上归来昼锦行一区书屋傍湖成身如五柳先生懒心似孤山处士清松下研硃朝露滴竹西开卷夕阳明遥知载述中宵候万丈文光北斗平

西泠桥一名西林桥又名西陵桥從此可往北山者元张輿诗红藕花深逸兴饶一双鸕鶿避鸣桡晓风凉入桃花扇腊酒香分椰子瓢狂客醉敲明月上美人歌断綠云消数声渔笛知何处疑在西泠第一桥刘邦彦湖上花开报刘廷美诗白鸥遥待酒船来

芳草汀洲去复回为惜杏花寒勒住西泠昨夜一枝开

苏公堤赵公堤杨公堤

苏公堤自南新路属之北新路横截湖中宋元祐间苏子瞻守郡濬湖而筑之人因名苏公堤夹植花柳中为六桥桥各有亭覆之其诗云六桥横截天汉上北山始与南屏通忽惊二十五万丈老葑席卷苍烟空章子厚诗云天面长虹一鉴痕直通南北两山春自是湖分为两西曰里湖东曰外湖南渡后堤桥成市歌舞丛之走马游船达旦不息歲久弗治两湖之涛日淫啖之堤渐廉削我国朝成化已前里湖尽为民业六桥水流如线杨孟瑛辟之西抵北新堤为界增益苏堤高二丈濶五丈三尺列插万柳顿复旧观久之柳败而稀堤亦就圯嘉靖十二年县令王鉞令犯人小罪可宥者得杂植桃柳为赎自是红翠烂盈灿如锦带矣

堤南第一桥曰映波与西防第六桥对旧有旌德观先贤堂观本定香寺今止存定香桥寶庆间京尹袁韶改建为观有虚舟雪锦二亭堂名仰高祠祀许由而下四十人寶庆初去潘阆及节孝妇孙夫人凡五人中有振衣清风二亭花竹萦纤小山曲径寻并入旌德观 第二桥曰锁澜与西岸第五桥对旧有湖山堂京尹洪焘建结构雄杰面势端闳前拥双塔后植两峯矗起拱卫顾盼生辉四望洲回浦合蔚然云锦三贤堂袁公所建以祀白苏林三公者后有三堂扁曰水西云北月香水影晴光雨色 第三桥曰望山与西岸第四桥斜对水名花港所谓花港观鱼者是也旧有雪江讲堂淳祐中婺州布衣胡伉充三贤堂堂长号雪江有锦囊集 第四桥曰压堤与西岸第三桥对旧有崇真道院俗称施水庵贾似道建庵傍有石防笼灯以照夜船水僊王庙亦名龙王祠先是以乐天和靖子瞻附祀两庑有井曰荐菊盖取苏诗不然配食水僊王一盞寒泉荐秋菊之义也今废嘉靖二十二年郡守陈士贤构亭其上

第五桥曰东浦与西岸第二桥对 第六桥曰跨虹与西岸第一桥斜对稍北则为西陵桥矣高竹屋咏苏堤芙蓉菩萨蛮词红云半压秋波急艳妆泣露啼娇色幽梦入便城风流石曼卿宫袍呼醉醒休卷西风锦明日粉香残六桥烟水寒

陈刚中湖堤感旧诗昔日珠楼拥翠钿女墙犹在草芊芊东风第六桥边柳不见黄鹂见杜鹃张光弼湖堤即事诗湖柳湖波尽可怜不知春在阿谁边满头翡翠双鬟女细雨吴歌湿画船李草阁春晓过湖诗宿云如墨绕湖堤细柳新蒲咫尺迷行到画桥天忽醒谁家茆屋一声鸡吴养浩与张伯雨湖堤暮归诗柳丝淡荡雨霏防隔水遥看羽盖飞马上僊人强支酒踏花何处晚来归何梦桂春日过湖诗白髮星星纱帽乌强随年少

过西湖清明上冢行人在寒食开门宫使无半世行藏随杖屨百年悲乐寄尊壶归来第五桥边路半树斜阳噪毕逋 孙太初诗十里飞花送酒卮六桥儿女蹋春词无人会得渔翁意独立晴湖照影时赵公堤宗淳祐中京尹赵与 自北新路第二桥至麴院筑堤以通灵竺之路中作回面堂三亭夹岸花柳以比苏堤人遂称赵公堤也

履泰将军庙在里湖之金沙滩始建月日莫可考按武林旧事云将军姓孙名显忠钱唐人仕吴越为名将宋嘉熙中赵与懽尹京祷雨有验疏闻封天泽侯额曰勅赐孚应之庙人又称为天泽庙云庙有天泽井葛仙翁所植虬松今额并省牒石与懽手书天泽二字犹存国朝万厯癸未夏水旱郡守东吴张振之率僚属士民徧祷不两一夕将军降于乩示祷雨所向且为助雨明日振之诣庙祷如神指遂雨三日大有年庙垂圯即拓地新之仍令夏秋仲月丞簿致祭无有所失郡丞新建喻均为记记曰履泰将军庙隸钱唐之金沙滩去郭十五里许地故僻不属通衢而庙隘仅仅数椽日月以圯頽垣败瓦隱约桑柘间罔有过而礼者太守张公始撤而

新之庙之址几不盈畝议者争言庙傍桑柘地故尽属将军陰蚀于里中之黠者而削其籍莫可究诘第下從事覆按之即不烦帑藏立可致公为妥神计安百姓耳而乃更扰之乎拒不听第昂其直以市卒之民内德公而利厚直争来售地遂广至五畝有奇前为庙门南引而临衢门两楹中为殿奉将军像殿四楹益以敞后为寝奉将军夫人像寝亦四楹而制稍缩不逮殿者什之二门以内筑甬属之殿殿及寝亦如之夹甬而渊然于殿之左者为井彻大旱不涸置亭翼其上负门而屹然于井之前者为台台以祷雨竖刹杆其上緣神意也寝之后为池窅然幽以深将军故以天泽侯封池所以象泽從陰气也迤殿而东为僧房以栖守庙緇流隙地为蔬圃间树以竹繚以周垣既壮且丽庙新矣人人知有将军易观听而礼事之矣庙所以新者何先是夏六月不雨魃为政盖江以南被之矣公宣言曰旱等耳而杭为亟寻戈者间相踵也即幸而安集斧质之腥未燥帖席甫尔而旱且佐凶如百姓何天子起振之田间而畀以杭谓庶几纾东顾也敢泄泄然忘天子之大惠耶其治坛塲戒璧帛促为百姓请命于是督抚大臣嵯台使者暨藩臬诸大僚僉是公言日相率朝上帝祈祷之公复与佐吏令长私走城隍祷益力而境内荐绅三老亦偕其子弟号諱烈日中助公以祷越三日雨四之日复霁越五日雨六之日复霁辄雨辄霁润不酬燠公忧悴甚又抑滋味不入口遂繭然病病且卧数拊几叹曰独奈何令二三大夫与荐绅三老仆仆耶强起摄衣冠日望空拜祷不置一夕神降于乩亟称为孙将军云具示祷雨所向曰吾助若雨若新吾庙且推公为长者而自叙其隱泯状倏忽数十百言累累不絕类生人语公大骇询左右莫有识孙将军者稽往牒而信公病亦霍然已走视其庙则将军固尝以祷雨显宋嘉熙间勅封为防国天泽侯從來久远矣公益大骇效将军指徧祷之车未入郭门而甘防随之矣一雨三日隴畝尽霑足视傍郡犹然桔槔声未息歲不为凶而杭用以安远迩大謹胥服公精诚至播之诗歌侈大其事而公项项然敛容谢曰此二三大夫与荐绅三老所昭格耳振之敢叨以为功耶幸掩口无为神羞謹者稍戢公始请于监司发赎醵新将军庙谓神实庇我而忍负之哉五阅月而庙成而下不知公复为中着祀典每歲以夏秋二仲月檄丞簿尉一人躬詣庙致祭为百姓祈谷令毋旱而祭品亦且有成式不丰不俭无匱吾祀耳矣易称大人者与鬼神合其吉凶中庸盛引鬼神之德洋洋乎如在其上如在其左右何其彰明也乃世儒束于所见委而不信眎先代神灵蔑如矣即祀典所应修举者直与弥文等莫或加意不待既灌而诚已不属矣蘄鬼神之休享得乎迹孙将军近事诎不甚洋洋哉而公亦可谓与鬼神合吉凶者矣往公守吉安祷雨有奇应至以时雨名其楼云顷荐绅三老将谒于公立石庙中以诏来兹而属记于余余不佞为述其大端如此

又有小隐园裴园史园乔园资国园并废

小隐园本内侍陈源外宅后收入重华宫拨赐张贵妃建崇福院前有双岫金沙涧裴园裴禧别业杨廷秀诗岫岫园亭傍水濱裴园飞入水心横傍人莫问游何处只拣荷花深处行史园史徽孙别业乔园乔防闻别业其西北有马蝗桥资国园履泰将军故宅也

杨公堤里湖西防者是也知府杨孟瑛既开西湖遂筑此堤增建六桥俗称里六桥是也然近北山三桥宋时已有之杨公所筑特南山三桥耳惜其名不立无以匹配苏堤今拟定之自北而南第一桥近净空院玉泉之水出焉题曰环壁自此而西可通耿家埠第二桥金沙灘之水出焉题曰流金自此而西可通麴院路游灵竺者之所從停桡也第三桥近龙潭深黝莫测有时祥光浮水盖神物之窟宅也题曰卧龙自此而西可通茅家埠第四桥绕丁家山而东沿堤屈曲苍翠掩映题曰隐秀從此而西可通花家山又名花园第五桥西挹高峯旧有三贤祠

在焉诗云高山仰止景行行止喻好贤也题曰景行从此而西可通麦岭路第六桥從定香桥而入近发祥祠虎跑珍珠二泉之水出焉其源长矣诗云长发其祥非濬 不可题曰濬源

湖心亭旧为湖心寺鹄立湖中三塔鼎峙相传湖中有三潭深不可测所谓三潭印月是也故建三塔镇之国朝 治间按察司僉事陰子淑秉宪甚厉时寺僧倚怙镇守中官杜门不容官长以酒肴入陰大怒廉其奸事立燬之并去其塔嘉靖三十一年知府孙孟寻遗址建亭其上周树石栏湖山胜槩悉可□结未几圯万厯四年按察司僉事徐廷祿知县姜召重建许叔夏湖心亭诗孤山突兀敞高秋风起青苹紫翠浮一送归鸿何处去碧天明月夜悠悠徐子与偕门生西湖对月诗千山雨后片云无一棹风前兴不孤入座词人高北斗开尊明月满西湖光依玉树秋相媚寒照冰心病欲苏此地夜游经几度未知谁解探骊珠

西湖游览志卷三

南山胜迹

出涌金門折而南为两峯书院

涌金門旧名丰豫門宋时有丰乐楼与門相值若屏障然盖堪輿家以此当山水之冲今移稍北近柳洲寺

两峯书院皇明太子太保刑部尚书洪公別墅也公名钟字宣之钱唐人歷官四川按察使发防摘伏听决如流庭无宿讼时僉事屈銳者与公齐名故蜀有洪不支锅屈不解担之谣寻以都御史巡抚顺天等府增筑边堡自山海關抵居庸延袤千里更巡抚云南贵州督理漕运四镇十年始入刑部兼左都御史复以川陝有蓝鄙之乱奉命征之寇平加太子太保乞致仕筑书院于西湖号两峯居士

又南为灵芝崇福律寺

灵芝寺本钱王故苑芝生其间舍以为寺遂额灵芝至宋而規制浸宏高孝两朝四临幸焉有浮碧轩依光堂亦为新进士会年题名之所元末燬永乐初竺源重建朱静佳诗黄金匝地小桥通四面清平纳远空云气长扶天子座日光浮动梵王宫残碑几字莓苔雨清磬一声杨柳风沙鸟不知行乐事背人飞过夕阳东 董嗣杲依光堂诗尘凝黼座忆垂衣今古湖波锦四围灵毓紫芝三秀遠光开綠玉片金挥松牕自掩空莲社石榻相朝卧柳枝半卷珠帘看落景鼓箫长送画船归

寺畔旧有显应观杨王上船亭灵隐堂寶莲院紫霄院寶成院永隆院慧光庵正觉院超化院妙淨院寶德寺并废 显应观祀磁州崔府君者府君名子玉唐贞观间为磁州滏阳县令有异政民立生祠既卒为神于其上靖康间高宗为康王避金寇走钜鹿马毙冒雨独行值路三岐莫知所往忽有白马 之暮至祠下有土马赭汗如雨因假寐庑下梦神人以杖击地促其行白马复 至斜桥谷会耿南仲来迎马忽不见及即位复梦神将白羊馈之曰得孝子实兆孝宗由是累朝崇奉六月六日生辰游人闾沓咸淳间改额昭应理宗书洞古经石刻后归灵芝寺有萧照山水苏汉臣画壁

清波門过流福水桥濒湖为学士桥折而南为茶坊岭清波門宋时称暗門又南有钱湖門今塞

流福水桥濒湖而引水入城经府前者

学士桥当故宋聚景园前盖城中铁冶岭诸山之水旧出钱湖門输委于西湖者必经桥下大小岐派若夹字然故称夹字港港长九十六丈后人讹为学士港然则学士桥者岂即夹字桥

之误欤而宋时咸淳志梦梁录诸书皆无夹字桥之名独武林旧事有学士柳浪等桥而柳浪闻莺遂为西湖十景之一盖不可谓无据也岂其时有文人为学士者得宠昵于徙游应制题咏遂以名桥若李太白偕尚书郎张谓游沔州南湖遂改南湖为郎官湖近世孙一元着高士于西湖遂改西湖为高士湖者或此类也桥久崩废惟条石丈余横跨港口舟人以小艇入舫清波门者伛偻乃度郡人王辔者好义士也捐貲重建之高广倍昔题其梁曰学士桥盖徙郡人称名之便且疑以传疑存旧迹也汝成为之记立石建亭于桥畔 马浩澜念奴娇词东风轻软把绿波吹作縠纹防皱彩舫亭亭宽比屋载得玉壶芳酒胜景天开佳朋云集乐继兰亭后珍禽两两惊飞犹自回首学士港口桃花南屏松色苏小门前柳冷翠柔金红绮幔掩映水明山秀闲试评量总宜图画无此丹青手归时侵夜香街华月如昼

茶坊岭宋时有茶坊在焉

清波门外沿城而北旧有聚景园僊姥墩并废 聚景园孝宗所筑先是高宗居大内时时属意湖山孝宗乃建名园奉上皇游幸园中有会芳殿瀛春览远芳华等堂花光瑶津翠光桂景灏碧凉观琼芳彩霞寒碧等亭柳浪学士等桥叠石为山重峦窈窕其后累朝临幸理宗已后日渐荒落故高疎寮诗翠华不向苑中来可是年年惜露台水际春风寒漠漠官梅却作野梅开不久而黍离之感作矣今惟柳桥尚存世称柳浪闻莺者是也园傍旧有灵应堂俗呼包道堂水心寺陆莲庵法喜院兴福院定水院凡浮屠之庐九并归园内 僊姥墩神僊传云余杭人也嫁于西湖农家善采百花酿酒王方平尝以千金过蔡经家与姥沽酒饮而甘之是后羣僊时降因授药一丸以偿酒价姥服化去后十余年有人经洞庭湖边见卖百花酒者即姥也前所居基高数十尺今已夷为坦途矣王介甫诗云绿漪堂前湖水绿归来正复有荷花花前若见余杭姥为道僊人忆酒家

又西南过长桥为南屏山净慈禅寺万工池

长桥颇短而以长名者先时水口甚濶桥分三门有亭临之壮丽特甚其后浸淫填塞两傍皆民居矣其南旧有澄水闸南闸宋时钱湖门内诸山之水分为三道雨甚则浸浊西湖故穿城至海子口流出省马院后为水渠引至澄水闸入湖而南闸者亦分方家峪之水引归长桥谓之三渠皆有石桥今亦湮废董嗣杲诗南港虚名架石梁寺楼钟鼓几斜阳相传亭跨危基壮谁见桥横古道长澄水闸荒沙草碧清波门近市尘黄凤凰山在防干外玉抹烟屏鹭一行南屏山峯峦耸秀怪石玲珑峻壁横披宛若屏障凌空而中峙者为慧日峯今以寺后卷石刻慧日峯三字谬矣傍有石壁刻家人卦中庸乐记篇相传为唐人八分书而后人刻司马温公书五字亦非也又有米元章书琴防二字今皆不存张翥闰九日游南屏山诗山僧领客兴何长慧日峯前俯太荒旧俗尚存三令节人生难遇两重阳丹枫换叶随秋老黄菊留花过闰香更欲磨崖访陈迹西风吹冷薜萝裳 丘道源诗南屏高瞰府城西画舸千艘共醉迷四柱防边烟是幕百花桥畔葑连堤龙檀咽路迎輦隼绮绣登山汗粉题暮色沈沈郭郭闭寶灯辉映梵天低王伯安诗溪风漠漠南屏路春服初成病眼开花竹日新僧已老湖山如旧我重来层楼雨急青林迴古殿云晴碧嶂回独有幽禽解相信双飞时下读书防孙太初卜居南屏山诗石上藤萝对夕曛解衣长

日坐来频挽回沧海真无计领畧青山合有人养鹤侣嫌双口累为渔又过一生身相逢惟是南屏老独树柴门许结隣道人占断南屏景十里青山带郭斜对水柴门通鹤渚隔隣烟火是渔家岳头老松占风雨石上菖阳阅歲华妆防太平还着我櫻鞦桐帽送生涯

净慈禅寺周显德元年钱王俶建号慧日永明院迎衢州道潜禅师居之潜尝欲徙王求金铸十八罗汉未白也王忽夜梦十八巨人随行翌日道潜以请王异而许之始作罗汉堂宋建隆初禅师延壽以佛祖大意经论正宗撰宗镜錄一百卷遂作宗镜堂太宗改赐壽寧院熙宁中郡守陈襄延禅师宗本居之属歲旱湖水尽涸寺西隅甘泉出有金色鰻鱼游焉因凿为井寺众千余饮之不竭名曰圆照井南渡时燬而复兴僧道容实鸠工焉五歲始成塑五百阿罗汉以田字殿贮之五百罗汉者涅槃经云昔有五百商人出海采寶值千盜攘去并剗其目日夜号痛有告之曰灵鷲佛氏能救汝苦与我重寶引汝见之商且行且舍至大林精舍佛为說法为证阿罗汉果散处山林分形显化作福人间盖示人從生有贪因贪受苦因苦得报之意其时塑像咸出一僧而仪貌种异神气如生像成而僧化去其第四百二十二位阿湿毗尊者独设一龕黄罗幕旁置籤筒侧身偃蹇斜目覷人而笑妇人祈嗣者必诣此炷香以手摩腹黑光可鉴今龕废矣绍兴九年改赐净慈报恩光孝寺额既而复燬孝宗赐金成之御书慧日阁嘉泰四年复燬嘉定十三年复建閔胜甲于湖山故程翰林珙记文有湿红映地飞翠侵霄檐转鸾翎塔排鴈齿星垂珠网寶殿洞乎琉璃日耀璇题金椽耸乎玳瑁之语时宰臣建议以京辅佛寺推次甲乙尊表五山为诸刹纲领而净慈与焉庀壁作五十三参等像皆名师钟鼎丁清溪所画也大抵规模与灵隐相若故二寺为南北两山之最东坡诗云卧闻禅老入南山净扫清风五百间其 壮在南渡前已然矣先是寺僧艰汲负担湖濱绍定四年僧法薰以锡杖扣殿前地出泉二派甃为双井嗣是茗椀斋盂漱风咽月千衲頤哺永无乏供丞相郑清之为记淳祐十年建千佛阁理宗书华严法界正徧知阁八字赐之元季时湖寺尽燬而兹寺独存皇明洪武间燬僧法净建正统间复燬僧宗妙建寺内有永明堂圆照楼鼓玉轩一湖轩并废铁锅重数千斤歟云梁贞明二年铸兹寺之建在吴越时而锅识贞明或徙他寺移来未可考也寺北有四眼井苏子瞻谒宗本因和周别驾诗卧闻禅老入南山净扫清风五百间我与世疎宜独往君縁诗好不容攀自知乐事年年减难得高人日日闲欲问云公覓心地要知何处是无还 郑清之双井诗水神何时生六翮飞出双泉江练白平湖浸月渺无边一笑对之成揖客轡轡初动晓星横夜卷寒琮声淅淅千年佛殿础花干十畝空庭防修栢问泉何事趣奇观故向庭前作真泽昔年何塞今何通泉岂有心犹拣择若云泉自井中来枯甃沿山有 坼如言地中泉自见是年何须穿土脉幡风胥动两无干细诂此证归禅伯我方饶舌为井记了不相干劳刻画寄诗更欲结茶缘付与宗风自锤拍 白廷玉诗奎额昭回龙屈盘入门已觉厌尘寰何当白髮三千丈来寄清风五百间帝子釜摇余防灑家人卦剔翠孱顏西湖日日船如织半在南屏第一山 虞伯生诗寒梅的的西来意翠竹青青劫外春日出碧鸡山作雾防空彩凤地无尘八年写遍湖山好万里归来月色新我在锦官城里住白云满屋便为隣 王伯安诗卧病空山春复夏山中幽事最能知雨晴阶下泉声急夜静松间月色迟把卷有时眠白石解纓随意濯清漪吴山越峽俱堪老正奈燕云系远思姚公綬方丈诗第一桥头归日晡天风吹酒已全无人家只隔东西崦烟水平分里外湖自解金鱼怜杜甫谁招白鹤吊林逋两峯胜槩山僧得好为南屏一写图

万工池在寺门外宋建炎已前寺累遭回禄鞠为荆墟崇熙间有善青乌之术者云须凿池以禳之宗本乃募化为此与力者万人故名

寺畔有南屏兴教寺广教院寶相寺法性寺显圣寺空律寺惠照寺昭庆院广法院希夷道堂翠芳园甘园并废兴教寺旧名善庆有齐云亭清旷楼苏子瞻诗我识南屏金鲫鱼重来抚槛散斋余还従旧社得心印似省前生觅手书葑合平湖久芜没人经丰歲尚凋疎谁怜寂寞高常侍老去狂歌忆孟诸广教院号小南屏

寶相寺晋天福九年吴越王建法相寺宋干德五年吴越王建

显圣寺宋开寶五年邑人罗仁德建空律寺后周广顺元年吴越王建俱元末燬

惠照寺今为净慈香积希夷道堂刘蓑衣建翠芳园旧名屏山园理宗朝改翠芳有五花亭兰桧梅槎咸淳中建宗阳宫亭馆花石移取殆尽甘园在净慈寺对旧为内侍甘升之园又名湖曲园理宗尝临幸有御爱松望湖亭小蓬莱西湖一曲后归赵观文又归谢节使周密诗小小蓬莱在水中干淳旧赏有遗踪园林几换东风主留得亭前御爱松

净慈寺后为莲花洞居然亭

莲花洞巧石层敷若芙蓉之灿烂居然亭在洞口登兹则湖山风景一睫无遗矣嘉靖间闽人洪玉方为绍兴守坐法逮会城寓净慈刑部照磨张文仁筑此亭居之玉方曰一日茅栋成居然我泉石遂名居然亭也

净慈寺前为雷峯塔藕花居倪尚书墓

雷峯者南屏山之支脉也穹窿回映旧名中峯亦曰回峯宋有道士徐立之居此号回峯先生或云有雷就者居之故又名雷峯吴越王妃于此建塔始以千尺十三层为率寻以财力未充姑建七级后复以风水家言止存五级俗称王妃塔以地产黄皮木遂讹黄皮塔俗传湖中有白蛇青鱼两怪镇压塔下其傍旧有显严院雷峯庵通亭望湖楼并废林逋诗中峯一迳分盘折上幽云夕照前村见秋涛隔岸闻长松标古翠疎竹动防薰自爱苏门啸懷贤事不羣又中峯望北山诗拂石翫林壑旷然空色秋归云带层巘疎苇际沧洲固自堪长往何为难久留庶将濠上想聊作剡中游

藕花居者洪武中净慈僧广衍建衍以博学征修大典归老于此林亭幽雅开傍湖濱长夏荷舒清馥满室塔畔有东退居者亦衍别业也王伯安诗掩映红妆莫漫猜隔林知是藕花开共君醉卧不须扇自有香风拂面来

高文端公墓太子少保文渊阁大学士高仪谕塋墓也文端钱唐人斥藕花居僧舍地塋焉

倪尚书墓者太子少保吏部尚书倪文毅公岳之祖墓也岳先世钱唐人国初徙南京

山畔旧有上清宫云涛观普宁寺净相院珍珠园胜景园并废

上清宫葛僊翁炼丹之所道士胡莹防筑理宗御书清净道

普宁寺周广顺元年建名白莲寺大中祥符间赐额谢皇后香火有铁塔一石塔二

净相院吴越王建有无尽意阁娱客轩一段奇轩

珍珠园宋张循王俊别墅内有珍珠泉高寒堂官库取以酿酒胜景园在雷峯塔路口高宗时别馆也光宗时慈福太后以赐韩侂胄改名南园陆务观南园记云庆元三年慈福以别园赐少师平原郡王韩公其地实武林之东麓而西湖之水汇于其下天造地设极湖山之美公既受命乃以禄赐之余葺为南园因其自然辅以雅趣方公之始至也前瞻却视左顾右盼而模规定因高就下通塞去蔽而物象列奇葩美木争效于前清流秀石拱揖于外飞观杰阁虚堂广厦上足以陈俎豆下足以奏金石升而高明显敞如蛻尘垢入而窈窕邃深疑于无穷乃悉取先侍中魏忠献王之诗句而名之堂最大者曰许闲御翰也其射防曰和容其防曰寒碧其门曰藏春其阁曰凌风其积石为山曰西湖洞天其潄水艺稻为囿为牧羊牛畜鴈鹜之地曰归畊之庄其他因其实而命之名堂之名则曰夹芳曰豁望曰鲜霞曰矜春日歲寒曰忘机曰照香曰堆锦曰清芬曰红香亭之名则曰遠尘曰幽翠曰多稼自绍兴以来王公将相之园林相望皆莫能及南园之髣髴者然公之志岂在于登临游观之美哉始曰许闲终曰归畊是公之志也公之为此名皆取于忠献王之诗则公之志忠献之志也与忠献同时功名富贵畧相埒者岂无其人今百四十五年其后往往寂寥无闻而韩氏子孙功足以名彝鼎被弦歌者独相踵也或曰上方倚公如济大川之舟公虽欲遂其志其可得哉是不然上之倚公与公之自处本自不侔天下知上之倚公而不知公之自处此南园之所以不可无述游老病谢事居山陰泽中公以手书来曰子为我作南园记游窃复思公之门才杰所萃也而顾以属游者岂谓其愚且老又挂衣冠而去则庶几其无谀辞无侈言而足以道公之志欤此游所以承公之命而不辞也

南屏山之西为九曜山发祥祠

九曜山与赤山聯属旧有九曜星君殿

发祥祠以祀昌化伯邵公林者公孝惠皇太后父也太后侍宪皇生皇考睿宗献皇帝于今上为祖母以戚里恩封公伯爵嘉靖十九年勅塋于此给银伍万余两阡隧崇严甃斲工巧江南所无者其地旧为法因寺吴越文穆王建有古铁塔钱王井深冽虽旱不枯

又西南过太子湾折而南为石屋岭石屋洞蝙蝠洞大仁禅寺

太子湾宋时庄文景献二太子攢园

石屋洞高敞虚朗衍迤二丈六尺状如轩榭可布筵几其底邃窄通幽闇然密室周鑄罗汉五百十六身仇仁近诗谁擘空青露石防游龙伸臂下南高鬼神穿凿地脉碎风雨支撑天柱牢峭壁苍苔侵佛髻悬崖滴乳湿僧袍伽蓝闻是香山叟灯暗祠荒没野蒿蝙蝠洞在石屋洞侧内产蝙蝠大者如鸦亦有纯白者其粪即夜明砂也建炎间里人避兵于中容数百人皆免

大仁禪寺吳越王建宣和三年重修俗稱石屋寺其對山名瑞峯塢下舊有淨梵院

又南過烟霞嶺為水樂洞烟霞洞

水樂洞在烟霞嶺下洞旁錢氏建有西關淨心院宋淳熙六年以賜內侍李聿仍建佛宇岩石盤峙洞壑虛竅泉味清甘聲如金石熙寧二年郡守鄭獬名之曰水樂洞後二年蘇子瞻來為倅遂賦詩云君不學白公引涇東注渭五斗黃泥一鍾水又不學哥舒橫行西海頭歸來羯鼓打梁州但向空山石壁下愛此有聲無用之清流流泉無弦石無竅強名水樂人人笑慣見山僧已厭聽多情海月空留照聞道磬囊東入海遺聲澗谷含宮徵聲奏未成君獨喜不須写入薰風弦縱有此聲無此耳嘉泰以來洞為楊郡王家別圃累石筑亭最稱幽雅年久荒穢弗治水樂絕响賈似道嘗用厚直得之命寺僧深求水樂所以廢興者不得其說一日似道游焉俯睨旁聽悠然有契曰谷虛而後能應水激而後能有聲今水潄其中土壅其外欲其振响得乎亟命疏壅 潄有聲從洞間出節奏自然二百年勝槩於是始復乃葺亭以所得子瞻真迹刻置其上又取詩語名其亭若堂曰聲在曰愛此曰留照曰獨喜他如介堂玉淵漱石宜晚則皆紀其勝處又即山之左麓辟率確為徑而上亭其三山之巔杭越諸峯江湖海門盡在眉睫扁曰上下四方之宇竒觀也洞中泉由愛此引貫其下入漱石匯于聲在達于玉淵山之洼為池以受之每一撒捷伏流飛注噴薄如崖瀑然景物之勝視昔有加而淨化院則仍其舊云洞後有石佛接待庵相傳有聖僧頂笠挑包隱形于石咸淳初建庵覆之今廢王大受詩歷聘空寒六六天更來洗耳聽春泉迅湍激石浮清磬樹溜行沙寫素弦路口林亭三四曲洞中日月几千年何人獨得開收律譜入宮商與世傳 楊仲 詩石林求路轉聲牙來訪香嚴大士家雨過門前生薤葉風行垆上落松花悬崖滴水鳴金磬激澗流泉走玉砂欲適山林去城市久知寂寞勝紛華

洞傍舊有蒲覺院歸云庵并廢 蒲覺院有法華泉金蓮池
歸云庵宋寧宗時有永清禪師坐石窟中聞高峯鐘聲而悟道

烟霞洞晉開運元年有僧彌洪結庵洞口遇神人指山後有勝迹何不顯之洪忽見洞內有羅漢六尊顯像石壁若鏤刻而成者甚異之未几洪卒吳越王錢氏夢僧告云吾有兄弟一十八人今方有六王可聚之夢覺訪得烟霞洞有六羅漢遂補刻一十二尊以符所夢洞後宋有清修寺今廢惟象鼻石佛手岩石羅漢東坡留題尚存周紫芝詩瀕湖兩峯高屹立曉相望蒼涼升海日肮脏露千嶂羸驂絕陂陀岩谷飽追訪緬懷洪荒初蘊蓄含万象渾沌久已死倏忽真巧匠誰今凿空手出此竒嶮狀中虛納游云谷靜答幽唱暗穴下無防濤聲相悲壯十八志聲聞附石出遺像誰其架修椽置屋云雨上青山不知數繞屋森百丈忽于兩峯間万頃見烟浪澎湃海潮聲往往入藜杖天公愛此山令我拜嘉貺眇焉隔僊凡欲往漫惆悵便當學枯禪綺語蠲宿妄自足伴周游長年此遐放

陟磴屈折而上為南高峯榮國禪寺

高峯在南北諸山之界羊腸詰屈松篁防菁非芒鞋布袜努防筇杖不可陟也塔居峯頂晉天

福间建宋崇宁乾道两度崇修元季燬旧七级今存五级塔中四望则东瞰平芜烟消日出尽湖山之景南頼大江波涛洄洑舟楫隐见杳霭问西接岩窞怪石翔舞洞穴邃密其侧有瑞应像巧若鬼工北瞩陵阜陂陲曼衍箭栝丛出麋麦连云山椒巨石屹如峩冠者名先照坛相传道者镇魔之所峯顶有鉢盂潭潁川泉大旱不涸大雨不盈潭侧有白龙洞龙王祠今废荣国禅寺即塔院也宋寶祐五年福王与芮建咸淳六年安抚潜説友创华光阁五显祠又拓径以便登陟今寺废而五显祠尚存

西湖游览志卷四

南山胜迹

自太子湾而西为玉岑山其对为赤山惠因涧惠因讲寺

玉岑山相传其山产玉故润媚异常孤峯秀拔层峦缭绕中有古木倒植森翠凌冬崖上玉岑二字许采书山门玉岑宋理宗书也

赤山其土赤埴故名由湖而陟此者近定香桥为赤山埠其水曲为浴鹄湾张伯雨构水轩于此刘邦彦诗浴鹄湾头春水呼猿洞口晴云渔歌欸欸互答樵唱悠悠独闻又诗春水初生浴鹄湾蔑楼高枕对青山鸟声啼足忽飞去门掩绿阴清昼闲自此而南过大慈山出江干商旅不绝宋有牛羊涤宫在焉张舆诗急雨斜风吹客衣赤山埠头人渡稀欲行不行徒步迟六桥新水涨平堤云松冥冥曲径迷采莲舟傍绿荷归欸乃一声天欲暝隔花惊起鹭鸶飞

惠因涧出自赤山经惠因寺前以入湖有蛟居涧中故洞口铸铁为牕 嵌石以拒之高数尺因名铁牕 洞

惠因寺后唐天成二年吴越王建宋元丰八年高丽国王子僧统义天入贡因请净源法师学贤首教元祐二年以金书汉译华严经三百部入寺施金建华严大阁藏塔以崇之元祐四年统义天以祭奠净源为名兼进金塔二所适苏子瞻守杭上疏云自熙宁来高丽屡入朝贡两浙骚然皆因奸民徐戡等交通诱引妄谈庸僧净源通晓佛法以致义天羡慕来朝从源讲解净源既死其徒复持真影舍利违禁过海以致义天差人祭奠兼进金塔探瞰朝廷受之则以贪示外夷计搆纷然朝贡踵接夷使所至图画山川购买书籍不惟中国受疲而边防亦疎乞却金塔勿受绝其来意神宗从之宁宗书华严经阁理宗书易庵元延祐四年高丽沈王奉诏进香繙经于此至正末燬国初重葺俗称高丽寺础石精工藏轮宏伟两山所无

赤山左右旧有广果寺开化尼寺法兴寺保福院永庆院真如院净梵院崇教院寶林院广法院修吉寺正济寺法雨寺安福尼寺极乐尼寺定光庵凝神庵并废 广果寺在惠因桥北钱王建绍兴初漕司试两浙士于惠因寺以广果为别试院有虚悦栖凤二轩 开化尼寺慧智建法兴寺旧名法明 保福院在长耳巷旧名寶庆钱王建有玉醴泉 真如院贞观初建净梵院旧名瑞峯寶林院钱王建有可赋轩 广法院内有清旷亭 修吉寺旧名瑞龙为郭夏季韩四皇后攢宫 法雨寺旧名水心续改云龙犬中祥符赐额安福尼寺尼普隆建 极乐尼寺尼德勤建 定光庵在法相寺西有泉盘瀑飞洒溅沫如珠虽旱不竭名定光泉 凝神庵蒲衣道士张达道所居高宗尝赐白羽扇至元犹存萨天锡诗晴日赤山湖水明湖中山影一眉青蒲衣道士无人识羽扇年多落凤翎

惠因寺而北为法相律寺六通律寺笏箕泉

法相律寺俗称长耳相后唐时有高僧行修号法真年十三进具遍叅诸方得法于云峯存公生有异相耳长九寸上过于顶下可结颐号长耳和尚天成二年自天台清寒岩游钱唐吴越王待以賓礼居相法院干祐四年跌逝高足漆其真身存焉寺内有锡杖泉刘士亨贺法相寺海纳庵上人诗湖上招提信少双翠防楼阁白云牕耳闻古佛遗真像眼见高僧竖大幢衲挂紫藤惊鼠窠鉢分沧海毒龙降懷香欲叩毘尼藏寸筵临钟不易撞

六通律寺旧名六通慈德院吴越王建有辟尘炉非木非石扣之铮然纖尘不染

笏箕泉出赤山之陰合于惠因涧元时有黄子久公望者号大痴卜居泉上子久善画有山水诀传于世

赤山之北为三台山于肃愍公墓

于公名谦字廷益钱唐人英庙北狩时公以兵部尚书任国事外攘内抚有社稷功英庙复辟奸臣石亨徐有贞等忌譖之诬公不轨竟以冤死其子冕奉塋于此成化二年廷议始白上遣行人马曦谕祭之其词畧曰当国家之多难保社稷以无虞惟公道以自持为权奸之所害在先帝已知其枉而朕心实怜其忠 治七年赐諡曰肃愍建祠曰旌功郑继之诗太傅出南方眉宇天人表曩在英庙朝说论多了了三边正统末干戈日俶扰先皇巡朔方敌骑伏潢沼黄云阨塞垣僊仗迷周道法驾一蒙尘作意索金寶京城既摇动和议杂纷纭公时賛戎机决防截澜倒告庙定储君誓众守陞堡耀兵向陰山真欲举征讨居庸扼咽喉铁马岂得搗坐令敌计穷食尽师遂老翠华果全归黄屋免再造虽重获罪戾社稷功非小功高反杀身于古亦尝蹈固由天威赫实为青蝇挠天日终辉辉即见是非了神衷啓后圣殊锡达幽眇忆昔靖康乱谋国何草草堂堂宋诸良唯唯遵和好甘心拜勅敌所以至絶岛直书在史氏公节须皦皦

三台山之前为栗山八盘岭周真人墓

周真人思得仁和人精五雷法揣测休咎辄验皇明永乐初召试嘉獎建天将庙居之扈從北征累着劳绩歷事仁庙宣庙英庙宠賚特厚景泰改元恳乞还山年九十三卒讞闻遣行人许箴谕祭赠号真人勅塋于此

自三台山而北为小麦岭东岳行宫灵应庙永福桥小麦岭其地宜麦故名西有支径可通大麦岭盖积庆山之陂陲迤邐者

东岳行宫宋咸淳中建以奉泰山之神

灵应庙其神蒋通质直孝亲绍兴十一年七月坐化桐水下时腾曦炽烈七日如生累见灵异境内赖之事闻诏为立庙崇祀

永福桥俗称饮马桥吴越宋时皆牧马于此

岭畔旧有旌德显庆寺灵隱观太清宫净林广福院冰壑书堂贊宁塔梅坡园并废
旌德显庆寺宋慈明太后香火赐田三千畝后山泉石甚奇有云扉轩清壑凝紫静云等亭 灵
隱观宋宁宗时中贵张氏卨御书冲隱庵淳祐中道士范善迁重建赐名今额庵在观右而观
改仁壽矣 太清宫宁宗时朱灵寶守固建杨太后书道德经刻石幢有歲寒轩养性凝神堂后
为贾贵妃功德寺 冰壑书堂宋枢密金渊号冰壑筑室于此因堊焉积庆永清二山在后平鼎
山在左湖山在前凡钱唐城邑江湖之胜近在几席乃南北二峯中之最高山也有君子天一
二泉理宗御书积庆山怡顏藏书农圃以赐又赐寺额曰积庆教忠不及建而止 贊宁塔贊宁
高氏德清人出家杭州祥符寺著述毘尼时人谓之律虎钱武肃王礼重之宋兴国初召对滋
福殿诏修高僧传三十卷卒諡圆明堊龙井
梅坡园杨太后宅业在显庆寺西董嗣杲诗云园丁自饱栽花利月入杨家得几何者是也

又西为大麦岭其傍为花家山

大小麦岭当南北两山之界又西北过 芝岭出九里松大麦岭有苏轼王瑜题名

花家山一名蛇山濒湖而登为茅家埠仇仁近诗闲循石涧列云扉树影生凉怯苙衣静碧轩
窻聊寄傲软红尘土竟忘归满倾竹叶春霞滑轻摘蕉花晓露稀禅意法乘俱莫问且谈旧事
共依依

岭畔旧有法空寺资圣院卢园净安院崇真宫净严院隆兴庵水陆庵妙心寺并废
法空寺旧名资庆资圣院为濮王坟 卢园宋内侍卢允升小墅景

物奇秀有池文石甃砌水洌而深异鱼种集西湖十景所谓花港观鱼即此地也
净安院宋内侍董宋臣香火院 崇真宫旧为女冠后改永净尼寺 净严院内侍董永仲香火院
隆兴庵杨府廨院 水陆庵亦杨府廨院又名庆安院

自永福桥折而西北为灵石山元道士张伯雨墓明尚书徐公墓

灵石山亦名积庆山林壑中时有景光蜿蜒扶輿状若异物山畔有平鼎永清马鞍延壽等山
灵石之麓旧有吴越太尉薛公墓今废薛公居正仕武肃王冢前生紫藤遍绕三峯其三世孙
昂仕宋为尚书左丞人谓紫藤之瑞应也墓侧有白蛇岩昆仑岩

张伯雨墓伯雨名天雨钱唐人号居贞子又号句曲外史宋崇国文忠公九成之后年二十弃
家游天台括苍诸名山晚入开元宫徙真人王壽衍为道士风裁凝峻见者异之工书能诗文
更奇古与吴兴赵孟頫浦城杨载蜀郡虞集豫章揭傒斯清江范梈金华黄潛友善尝屏居修
茅山志墓近玉钩桥伯雨卖玉钩所建也墓久頽废成化间嘉兴姚公綬葺之既为立传复为
之铭曰呜呼此句曲外史居贞先生张公墓也南屏之右西湖之阳梁题玉钩涧渡灵石路披
篠树坞带烟霞石室藏书碑文纪事其形虽逝其神则存翰墨在人文章垂世俨然生气之张
皇警歎无声周旋灭影穆若太虚而示寂开元精舍久无继续之贤句曲居贞全乏访求之彦

遂使墓门荒翳兆趾崩奔松柏摧为薪莫设时樵之禁身世是何物曾罹夜客之侵痛兹剑跃雷津慨尔砚离玉匣既往何咎将来可图旷世而默契予心尚友而景行前哲尚书徐公墓公名琦字良玉钱唐人宣德初以左通政使安南黎利餽金珠香缯甚厚琦悉却之少师 士奇画梅题诗赠之云两度安南奉使来玉葩曾见岭头梅天朝使者清于玉不带飞尘半防回

山畔旧有灵石寺崇德显庆院崇因报德院并废灵石寺在栖真院之上 崇德显庆院旧名栖真枢密使章粦建有墓在焉元祐中僧善本居之号大通禅师示寂名定光塔后为永王祈王殯所崇因报德院在鷓鸡峯侧有灵石泉又名歲寒泉高宗嘗临幸焉与积庆山永清院皆开府薛居正功德后院废而灵石泉犹存

又西北为鸡笼山风篁岭一片云石杨梅坞狮子峰延恩衍庆讲寺龙井神运石

风篁岭多苍筤篠簜风韵凄清至此林壑深沈迥出尘表流淙活活自龙井而下四时不絕岭故丛薄荒密元丰中僧辨才淬治洁楚名曰风篁苏子瞻访辨才龙井送至岭上左右惊曰遠公过虎溪矣辨才笑曰杜子有云与子成二老来往亦风流遂作亭岭上名曰过溪亦曰二老子瞻纪之诗云日月转双轂古今同一丘惟此鹤骨老凜然不知秋去住两无家人士争挽留去如龙出水雷雨卷潭湫来如珠还浦鱼鼈争骈头此生暂寄寓常恐名实浮我比陶令媿师为远公优送我过虎溪溪水常逆流聊使此山人永记二老游大千在掌握宁有离别忧 张仲举陪刘时中游风篁岭诗山行贵徜徉缓辔不可驱天竺已幽阻风篁更盘纡前瞻乳窦峯错立石笋株泄云相亏蔽苍翠变态殊层梯俯山巔中豁见西湖晴冥散远鴈秋色连平芜陰崖湛坳 直下龙所都森突人上栗雷水止斯须泉流 活活鱼出闻于于飞霜未着树綠陰尚纷敷兹晨正佳节况得暄暖扶双亭俯涧谷列坐陈酒壶松风吹桂华香韵世所无奉常老博士几载赐茱萸归来北山南同此寂寞娱我友二三子文采 瑚珠懽然随所适形迹安能拘穷探忘前期欲罢重踟躇浮风收不上 底青模糊炊烟忽生暝落日栖啼乌终当借上方云卧萝月孤勿尽兹游兴与君为后图

岭下沙盆坞宋有陈刚中墓今废刚中福州闽清人建炎初任太府寺丞上封事议恢复忤秦桧遂与张九成等七人同谪其诗云同日七人俱去国何时万里许还家寻谪知安远卒归塋于此

一片云石在风篁岭上高可丈许青润玲珑巧若镂刻松磴盘屈草莽间有石洞堆砌工致巉岩可赏杨梅坞近瑞峯坞宋时有金姬者所栽杨梅盛美因以起坞苏子瞻答参寥惠杨梅诗新居未换一根椽只有杨梅不直钱莫共金家鬪甘苦参寥不是老婆禅盖谓此也至今其地杨梅异于他产

狮子峯高出羣岫可瞰江浒北望天竺诸峯叠秀如画杨廉夫狮子峰观潮诗海国梅清瘴雨收胡床高踞碧狮头三韩水接天无尽百越山穷地欲浮楼阁刚风吹碧蜃旌旗落日照红鰓行人莫问驱潮事潮落山西浅十洲 狮子拏云涌翠岫我来亲拂顶花看随潮月上楼防湿度海云生钟磬寒蓬岛未应三万隔桑田今有几回干大千不究恒沙界细问弥天释道安

延恩衍庆寺俗称龙井寺唐干祐二年居民凌霄募緣建为报国看经院宋熙宁中改壽圣院
苏子瞻书额绍兴三十一年改广福院淳祐六年改是额元丰二年辨才禅师自天竺归老于
此不复出入与苏子瞻赵阅道友善后人因建三贤祠祀之有归隱桥方圆庵寂室照阁闲堂
讷斋潮音堂涤心沼萨埵石冲泉诸天阁诸胜元祐以来名贤留题甚多东坡竹石廉宣仲枯
木杨次公诗十三首风篁岭云防风摇琅玕萧瑟岭一道万箒扫晴空纖尘不可到 龙井云崖
下一 泉窈奥不可测有时灵气生散作人间泽归隱桥云道人從此归影不入塵市端坐笑
浮云

往来太多事 涤心沼云縱有狂风生未尝险浪起何当招世人来此鉴清泚
狮子峯云岩风壮威猛晴雷隱哮吼无心露爪牙百兽自奔走 萨埵石云解虎锡常闲饲虎石
长在忘軀度有情清风几千载潮音堂云潮来音普闻潮平音亦歇孰若此山堂

潮音未尝絕 讷斋云天道竟何言四序自流转那知毘耶翁虽然真大辯
冲泉云不汲泉不盈愈汲泉愈清湛然有常德随气利羣生
寂室云白云隔尘喧虚堂太岑寂寒尽春自来莺啼报消息
照阁云幽人无适莫乘兴登高阁夜月锁寒林春花绣岩壑
闲堂云赵公归休年访师翠防间始知浮世上白日两人间
方圆庵云地方不中矩天圆不中规方圆庵里叟高趣有谁知 秦少游游龙井寺记元丰三年
秋后一日余自吴兴道杭东还会稽龙井有辯才大师以书邀余入山比出郭日已夕航湖至
普宁遇道人参寥问龙井所遣篮輿则曰以不时至去矣是夕天宇开霁林间月明可数毫髮
遂弃舟從参寥防杖并湖而行出雷峯度南屏濯足于惠因涧入灵石坞得支迳上风篁岭憩
于龙井亭酌泉据石而饮之自普宁凡经佛寺十五皆寂不闻人声道旁庐舍或灯火隱显草
木深郁流水激激悲鸣殆非人间之境行二鼓始至壽圣院谒辯才于潮音堂明日而还

龙井本名龙 吴赤乌中葛稚川炼丹于此林樾幽古石鉴平开寒翠甘澄深不可测疏涧流
淙泠泠然不舍昼夜闲花寂草延緣其旁或隐或见苍山围绕杳非人间时闻鸟韵樵歌响答
虚谷井中相传有龙居焉祷雨多应或见小蟹斑鱼蜥蜴之类上覆以楼为惠济龙王祠水经
饮马桥合黄泥岭东出茅家埠入湖秦少游龙井记畧云龙井当西湖之西浙江之北风篁岭
之上深山乱石之间西湖深靚空濶纳光景而涵烟霏菱芡荷花之所附丽龟鱼鸟虫之所依
凭漫衍而不迫紆余以成文陰晴之中各有奇态故岸湖之山多为所诱而不克以为泉浙江
介于吴越之间一昼一夜涛头自海而上者再疾击而遠驰兕虎骇而风雨怒遇者摧当者壞
乘高而望之使人毛髮尽立心掉而不禁故岸江之山多为所胁而不暇以为泉惟此地盘幽
而宅阻内无靡丽之夸以散越其精外无豪悍之胁以亏疎其气故岭之左右大率多泉龙井
其尤者也夫蓄之深发之远其养也不苟则其施也无穷龙井之德盖有至于道者其为神物
之托也宜哉 虞伯生次邓文原游龙井诗杖藜入南山却立赏奇秀所懷玉局翁来往絢履旧
空余松在涧仍作琴筑奏徘徊龙井上云气起晴昼入门避霑洒脱屣乱苔甃阳冈扣云石陰
房絕遺构澄公爱客至取水挹幽窞坐我蒼卜中余香不闻嗅但见瓢中清翠影落羣岫烹煎
黄金芽不取谷雨后来二三子三咽不忍嗽讲堂集羣彦千磴坐吟究浪浪杂飞雨沈沈度
清漏令我懷幼学胡为裹章綬 姚公綬诗龙井泉头与客过计程速度石甃菜畦麦陇连山

麓僧寺人家各洄河决决暗流霜叶乱斑斑飞雉夕阳多品尝顾渚风斯下零落茶经奈尔何
孙太初饮龙井诗眼底闲云乱不开偶随麋鹿入云来平生于物元无取消受山中水一杯

神运石高可六尺许奇怪兀突特立檐下有木香一架穿绕穹窿宛若蛇蟠皇明正统十三年
中贵李德驻龙井属旱令力士淘之初得铁牌二十面玉佛一枚金银各一锭凿大宋元丰年
号次得兹石以八十人搜出之上有神运二字旁多欸识漶漫不可读不知何代所镌也继得
铁牌十五面银二条上凿吴赤乌年号盖皆投龙以祈雨者其日黑云四匝泉头汹涌德惧而
止疏其傍池三日插剑曰浣花曰浴麟德交趾人幼警悟读书一目下数行洪武间黎王以献
高王喜之昵侍左右歷事五朝颇着劳绩镇守两浙卒勅葬于风篁岭下

岭畔旧有崇恩演福寺辩才塔无垢院净林广福院显应庙并废 崇恩演福寺俗称南天竺隋
开皇中有法师真观居之雅操高洁骨格存焉侧有灵石坞了髻峯僊人基防金沙井回泉钟
液龙井景趣幽清眺眺俱爽自此过岭值中天竺乾道间有道士四人来寺乞食时午斋已罢
拒不与道士索笔题椽间云南坞数回泉石西峯几叠烟云登携孰与为侣顏寓李甲萧耘人
以为首句藏吕字次洞字次實字末乃同行三人也书法类李北海咸淳间赐田五千畝元初
名僧清古源泽云梦等叠主之号称教海有白莲院夕佳楼张伯雨夕佳楼诗西山朝气爽南
山夕气佳朝爽人共忻夕佳吾所懷山僧阅世久结庐深避乖蕙楼将对寺茵阁亦双排维南
列崇阜不受烟岚霾我亦迟暮人心迹倦鸟偕兹焉记高躅庶与静者谐 徐一夔访玘法师宿
夕佳楼诗防县俄多难湖山亦被兵名蓝俱泯灭别构独峥嵘翰墨看前輩登临愧后生严城
围列嶂半鉴出澄 直篠侵檐上纖萝附牖荣倚防云鸟度极目镜天平日夕景逾好秋高思
转清残阳树间没薄霭水边横紫翠霏防合丹铅防染成茅津有渔唱麦岭少人行暝色松门
动寒飈竹屿鸣疎钟度余响远火露青荧僊梵防防出炉烟裊裊轻山盘扑露实石鼎泛云英
洗濯尘凡尽归依誓愿精行当陪竺士听法破无明 辩才塔在演福院内苏子由铭云如来昔
在世心禅语为教譬如四大海惟是一湿性性于湿性中变化千万亿风来为涛澜风去为湛
然鱼龙所游戏鬼神所出没 筏借其力网罟取其利其上为洲渚诸国所生育其下为渊谷
百怪所藏伏东西出日月上下属河汉观者不能了 眙何暇說如来知迷闷随变为解释因
变所說者是则名为教彼善闻教人当知是幻尔既已知是幻则当识其实我观世教师皆谓
教是实由谓教实故则为禅所诃禅虽诃乎教终以教致禅禅若不取教是杜所入门教而不知
禅是不识家也辩才真法师于教得禅那口舌如翻澜而不失道根性湛如止水得风辄灿
然心是于东西普福禅教师士女常奔走金帛常围绕师惟不取故物来不能拒道成尽有数
西方一瞬息西方亦非实要有真实处 无垢院乃无着禅师道场也旧在石人岭庆元中韩平
原为生坟遂移寺于此嘉定间重建有清音轩茯苓泉与广福院俱并为广福寺 净林广福院
开府杨庆伯祖坟土人呼上杨庵有松關南泉桂芳亭姜白石与恬朴翁等来游诗四人松下
共盘桓笔砚花壶石上安今昔兴懷同此味老僊留字在孱顏内有噴月泉僧録泉在暗竹园
下 显应庙宋时以祀郡守胡公则仕当真宗仁宗朝再牧杭州有惠政退老西湖深尊雅弦左
子右孙日与交亲歌笑輿论重之寶元初天子特命其长子楷通守杭州以便养卒葬于此数
见灵异遂立庙祀之

岭北为碁盘山

山顶有方石旧 丹砂为局子分黑白今已湮漫登其巔则江湖之胜皆可环眺矣

龙井之上为老龙井

老龙井有水一 寒碧异常泯泯丛薄间幽僻清奥杳出尘寰岫壑萦回西湖已不可复覩矣其地产茶为两山絶品郡志称寶云香林白云诸茶乃在灵竺葛岭之间未若龙井之清馥雋永也再上为天门可通灵竺径术崎嶇草树蓊郁人烟旷絶幽悄不禁

龙井之南为九溪其西为十八涧

九溪在烟霞岭西南路通徐村水出江干北达龙井张光弼诗春山缥缈白云低万壑争流下九溪拟遡落花寻曲径桃源无路草萋萋

十八涧在龙井之西路通六和塔

西湖游览志卷五

南山胜迹

自南屏山而南过钱粮司岭折而西为广泽禅寺甘露泉

钱粮司岭吴越王建司于此以征山课岭侧有龙母池干溪水

广泽禅寺旧名甘露晋天福六年吴越王建有泉一 甘澄可啜若甘露然故以名寺宋治平二年改额广泽国初燬天顺八年重建

又西南为大慈山定慧禅寺虎跑泉

大慈山去城可十里在龙山西其北有樵歌岭戒定岩

定慧禅寺俗称虎跑寺唐元和十四年僧寰中建宪宗赐额曰广福院大中八年改大慈禅寺僖宗干符间加定慧二字宋末燬元大德间重建又燬皇明正德十四年寶掌禅师重建嘉靖十九年又燬二十四年山西僧永果重建 苏子瞻诗紫李黄 村路香乌纱白葛道衣凉闭门野寺松陰转敲枕风轩客梦长因病得闲殊不恶安心是药更无方道人不惜堦前水借与匏尊自在尝陈浩和诗良二千石昔清赏虎跑泉头风露凉直将才华比贾傅徧歷山川如子长流 玉局播千古脉络银河来上方清秋拟到三天竺自裹春茶来煮嘗释来复和诗金沙泉涌雪涛香洒作醍醐大地凉倒浸九天河影白遥通百谷海声长僧来汲月归灵石人到寻源宿上方欲着茶经校奇品山瓢留待羽僊嘗

虎跑泉宋学士濂铭叙云虎跑泉在杭之南山大慈定慧禅院距城十里而近唐元和十四年性空大师来游兹山乐其灵气郁盘栖禅其中寻以无水将他之忽神人跪而告曰自师之来我等傲惠者甚大奈何弃去南岳童子旋当遣二虎来移师无忧也翼日果见二虎跑山出泉甘冽胜常大师因留建立伽蓝苏文忠公守杭为之赋诗有虎移泉眼趣行脚之句盖纪实也师名寰中蒲坂卢氏子得法于百丈海一时龙象如南泉愿临济 赵州谿岩头巖雪峯存无着喜欽山遂咸来咨叩道要则其德服鬼神彰灼灵异有不难致者于戏拔剑刺山水为之涌折腰拜井泉乃仰流武夫健将一诚之所格尚若此况大师心悟无际者乎洪武戊午冬十有一月濂朝京师道经山下今主僧定岩戒有道之士也邀濂观泉且披法衣率其徒同举梵咒久之泉鬻沸而出若聯珠然已而防作涌势濂心异之遂为作铭铭曰天一所形厥质乃凝潜行重渊与势俱升至人来居地不爱寶谁信清泠生于虎爪山后川君与道为谋肯私一勺不师之留师既留止化泉为雨式沛且滂润于千里幻此荒虚遂成寶坊羣生依之为正法幢命世大才犹龙类象来游来咨如山答 代祀虽邈声华弗亏至今草木尚被余辉我于世縁逢触輒碍泉特相知献万珠排扰扰征 风埃渺弥有素者衣化而为緇愿挹寸波如习禅定洗涤根尘一时清浄 苏子瞻诗亭亭石塔东峯上此老初来百神仰虎移泉眼趣行脚龙作浪花供抚掌至今游人盥濯罢卧听空堦环佩响信知此来如此泉莫作人间去来想聂大年和诗

中峯有路盘桓上前代遗踪成俯仰老禅对客欲忘言尘事恼人空鞅掌梵音时答海潮声山雨暗添泉溜响儵然长揖下烟萝玉珂漫使因风想张舆诗步履看花入翠防暖风兰气袭人衣虎曾听法跑泉出龙或逃禅挟雨飞寰悟凿空开洞府东坡遗迹着岩扉世情总被凡僧惑泡影观来果是非盖虎跑泉本非因咒而起者以人声振动之则加沸耳

又西南为崇先袭庆禅寺真珠泉

袭庆禅寺俗呼真珠寺旧名荐福院晋开运间吴越王建为清鉴禅师道场宋大中祥符六年改崇教院开庆元年赐今额

真珠泉在袭庆寺内周显德间泉自地迸出寺僧因甃为方池闻剥啄声则泉益涌累累如贯珠宋景祐中官家取以酿酒遂以为酒名雷峯路口张园亦有真珠泉董嗣杲诗泉光四散骇猿猱迸起平池防滴高谁欲斗量徒积梦人将瓶汲肯辞劳声随后雨穿疎箔名逐春风入小槽别有雷峯峯下圃一 一 埋在蓬蒿

西湖游览志卷六

南山胜迹

自清波门折而南为笔架山方家峪忠节祠褒亲崇壽教寺

忠节祠以祀宋太学生徐应鑣者应鑣衢州人宋亡义不降敌与其二子琦崧女元娘俱赴井死同舍刘生等收其尸葬于此朝命赠为秘阁修撰正德间参政梁材奏请立祠有司春秋致祭

褒亲崇壽教寺俗称刘娘子寺宋绍兴十八年刘贵妃建贵妃临安人入官为红霞帔得幸累迁才人婕妤婉容寻进贵妃專掌御前文字工书画画上用奉华堂印然恃宠骄侈常盛夏以水晶饰脚踏高宗见之取以为枕妃惧自此少戢父懋因金人南侵献钱二万缗以助军费高宗嘉之遂令建寺以为功德有泉自凤凰山而下注为方池命为凤凰泉于湖张孝祥书刻内有松雪亭观音洞笔架池偃松交枝桧壁间旧有陈公储画龙甚奇弁阳翁诗翟羽鸾销事已空奉华遗寺对高松宫斜风去无人见且看门前粉壁龙

秦少游诗匹马骄嘶石路斜观音洞口踏烟霞普陀风景差相似只欠潮音小白花 周端臣诗万竹苍寒拥寺门寺碑金字御书存荣华肯信当年事仪制空留后世恩影阁有声尘网暗宾宫无月土花昏见梅不敢轻攀折恐是香风水际魂

方家峪畔旧有水隆寺遇真院悟真院崇真院广慈院广严院广福院净教院寶藏院西莲瑞相院西林法惠院安福禅院并废 永隆寺僧净林建 广福院陈淑妃香火又名报恩 净教院蔡贵妃香火寶藏院有乌龙井钱武肃王庙碑 西莲瑞相院黄贵妃香火 西林法惠院宋干德三年建庆厯间禅师法言作西轩激水为池叠石为山洒粉峯峦草木之上以象飞雪苏子瞻见而爱之题曰雪斋秦少游为之记子瞻诗君不见蛾眉山雪千里北望都城如井底春风百日吹不消五月行人如冻蚁纷纷市人争夺中谁信言公似賛公人间热恼无处洗故向西斋作雪峯我梦扁舟适吴越长廊静院澄如月开门不见人与牛惟见空庭满山雪 安福禅院内侍陈都知香火

又西南为华津洞梯云岭

华津洞宋时赵冀王园中层叠巧石为之者曲引流泉灌之水石奇胜花竹蕃鲜有僊人碁台在焉梯云岭石磴峻絶岭下旧有水月寺宋太平兴国二年建元末燬有水月池灵固石苏子瞻诗千尺长松挂薜萝梯云岭上一声歌湖山深秀有何处水月池中桂影多

折而南为慈云岭永壽禅寺

慈云岭者龙山支脉也故其山名寺额多以龙名石壁间篆刻梁单阙之歲兴建龙山至涓滩之歲开慈云岭一十八字岭之巔有亭曰江湖伟观岭下有观音洞洞口有下石龙庵今废

永壽寺旧名资仁后改上石龙永壽院吴越王建石壁上刻宋仁宗佛牙讚讚辞鄙陋盖伪为者

岭下旧有惠光尼寺地藏尼寺福全尼院净胜院并废 惠光尼寺乾道间张循王女孙真寂自幼为尼奉韦太后香火相继住持皆张氏女也有佛指放光故名 净胜院旧名下石龙

岭之南为龙山

龙山一名卧龙山又名龙华山与上下石龙相接去城南可十里许天目分支沿江而东结局于此蜿蜒若游龙然山北有鸿鴈池其东为白塔岭

其上为天真禪寺登云防其下为勲贤祠为天龙禪寺天华禪寺胜相禪寺龙华禪寺宋借田

天真禪寺梁龙德中钱王建寺居山顶今惟一庵存焉

登云防后梁龙德中钱王建又名拜郊防盖钱王僭郊天地之所也防侧有灵化洞武肃王勒壁存焉洞深百步濶十余丈和靖东坡题名

勲贤祠旧名天真精舍在天龙寺之左嘉靖九年佥事王臣揭阳薛侃会稽钱德洪王畿醵金鬻寺僧地创建精舍祀新建伯王文成公守仁中为祠堂后为文明阁藏书室传经楼望海亭诸处置膳田以待四方学者万厯二年侍御万安萧公按浙增建凝道堂八年毁天下书院而精舍亦混为里甲所佃十一年萧公督抚两浙与侍御江陰范公慨焉伤之为请于朝礼部是两公议复祠与田仍钦赐祠额有司春秋致祭如礼云 王伯安西安雨中寄德洪汝中并示书院诸生诗几度西安道江声暮雨时机關鷗鸟破踪迹水云疑仗钺非吾事传经愧尔师天真泉石秀新有鹿门期 又寄答德洪汝中方卜书院盛称天真之奇诗不踏天真路依稀二十年石门深竹径苍峡泻云泉泮壁环胥海龟畴见宋田文明原有象卜筑岂无縁

天龙寺宋干德三年吴越王建以居镜清禅师大中祥符元年改名感业建炎三年大火惟木观音像独存绍兴十三年建園丘以净明院为斋宫以感业居徙官從此僧徒渐散而寺亦圯元延祐间僧道平重建至正间南北两山诸刹或燬或頽惟天龙仅存寺有堂扁曰山舟贯云石所书寺中有凝翠井余士吉诗龙飞凤舞两峯回王气才销梵宇开卓锡地侵行輦地雨花防近拜郊防草分野色綠城去风引江声入寺来三百年过如昨日老禅犹説旧蓬萊 张輿诗凤凰山中多古寺天龙之境何深幽半空花雨春浮殿万壑松声风满楼宋室園丘禾黍合胡髡方丈石泉流吟哦不尽登临兴落日沧江生客愁 刘士亨山舟诗高僧住处屋如舟卧穩浑无夜壑忧篙櫓不施随地泊波涛已断乐天游香飘半入苍龙窟梦落多迷白鹭洲唤起酸斋狂学士虎溪溪上共夷犹天华寺旧名千春龙册为镜清禅师道場有颐轩妙音楼化生池

胜相寺旧名龙兴千佛庵开成中建钱氏时有西竺僧转智者附海舶归风鸣浪涌智诵如意轮咒见如意珠王相高十丈风息得济智谋建高宇以荅佛施建炎兵燬止存五丈观音谚传

人有意度则云转智者以此也乾道中孝宗常临幸焉

龙华寺旧名龙华寶胜钱王以瑞萼园舍建有傅大士塔像拍板门槌司马温公祠堂今皆不存傅大士故渔人也遇嵩头陀语曰我昔与汝于毗婆尸佛前发愿度生汝今何时还兜率宫指令临水观影大士乃见圆光寶盖便悟前因夫妇双修顿通佛法梁武帝召见壽光殿共论真谛大士曰息而不灭帝又请讲金刚经大士挥案一拍而起帝不喻再请讲大士乃索拍板升座唱四十九颂颂终而去苏子瞻大士像赞云善慧执板南泉作舞借我门槌为君打破元末燬国朝宣德四年建

宋借田在天龙寺下中阜规圆环以沟塍作八卦状俗称九宫八卦田至今不紊

山旁有宋郊坛高禘坛净明院大通院道林院寶惠院般若院冲天观玉虚观乌菱池鸿鴈池玉津园并废郊坛绍兴二年建王元章诗荡荡南郊路金輿不复行古防余草色新树自风声寂寞荒村景凄凉故国情遗民能道旧曾是御营兵汪以质经故郊防诗云厌烦寻路僻偶尔入荒村古礼遵遗迹圜丘俨至尊松风悲閨寂江月照黄昏余恨无今古行人欲断魂高禘坛绍兴四年建内有鸿鴈池张仲举诗衰草寒烟老木风南朝佳气落然空壁来山鬼遮秦使槃泣人出汉宫壤埒尚祠乙鸟荒池曾见射飞鸿骚人自古多荆思长在登临感慨中净明院郊坛斋宫有易安斋梅花岩江月庵筇舄亭高宗梅花岩诗怪石苍岩映翠霞梅梢疎瘦正横斜得因祀事来寻胜试探东风第一花寶惠院一名普济吴越王建般若院吴越王建乌菱池一名窑池玉津园在嘉会门外绍兴十七年建孝宗数临幸命羣臣燕射于此自后翠华罕驻景物渐衰陆务观诗云圣主忧民罢露防春风别苑昼长开尽除曼衍鱼龙戏不禁乌菟雉兔来水鸟避人横翠靄宫花经雨委苍苔残年自喜身强健又作清都梦一回

稍南为妙因山吴越国文穆王忠献王墓

文穆王名元瓘武肃王子忠献王名仁佐文穆王子旧有表忠观苏子瞻为之记云熙宁十年十月戊子资政殿大学士右谏议大夫知杭州军州事臣抃言故吴越国王钱氏坟庙及其父祖妃夫人子孙之坟在钱唐者二十有六在临安者十有一皆芜废不治父老过之有流涕者谨按故武肃王鏐始以乡兵破走黄巢名闻江淮复以八都兵讨刘汉宏并越州以奉董昌而自居于杭及昌以越畔则诛昌而并越尽有浙东西之地传其子文穆王元瓘至其孙忠献王仁佐遂破李景兵取福州而仁佐之弟忠懿王俶又大出兵攻景以迎周世宗之师其后卒以国入覲三世四王与五代相终始天下大乱豪杰蜂起方是时以数州之地盗名字者不可胜数既覆其族延及于无辜之民罔有子遗而吴越地方千里带甲十万铸山煮海象犀珠玉之富甲于天下然终不失臣节贡献相望于道是以其民至于老死不识兵革四时嬉游歌鼓之声相闻至于今不废其有德于斯民甚厚皇宋受命四方僭乱以次削平两蜀江南负其险远兵至城下力屈势穷然后束手而河东刘氏百战守死以抗王师积骸为城酈血为池竭天下之力仅乃克之独吴越不待告命封府库籍郡县请吏于朝视去其国如去舍其有功于朝廷甚大昔窦融以河西归汉光武诏右扶风修理其父子坟莹祠以太牢今钱氏功德殆过于融而未及百年坟庙不治行道伤嗟甚非所以劝獎忠臣慰答民心之义也臣愿以龙山废佛

祠曰妙因院者为观使钱氏之孙为道士曰自然者居之凡坟庙之在钱唐者以付自然其在临安者以付其县之净土寺僧曰道防歲各度其徒一人使世掌之籍其地之所入以时修其祠宇封植其草木有不治者县令丞察之甚者易其人庶几永终不堕以称朝廷待钱氏之意臣扑昧死以闻制曰可其妙因院改赐名曰表忠观铭曰天目之山苕水出焉龙飞凤舞萃于临安笃生异人絕类离羣奋挺大呼從者如云仰天誓江月星晦蒙张弩射潮江海为东杀宏诛昌奄有吴越金券玉册虎符龙节大城其居包洛山川左山右湖控引岛蛮歲时归休以燕父老煜如神人玉带毳马四十一年寅畏小心筐篚相望大贝南金五朝昏乱罔堪托国三王相承以待有德既获所归弗谋弗咨先王之志我维行之天祚忠孝世有爵邑允文允武子孙千亿帝谓守臣治其祠坟毋俾樵牧愧其后昆龙山之阳岵焉新宫匪私于钱唯以劝忠非忠无君非孝无亲凡百有位视此刻文

稍北为玉厨山善慧禅寺

善慧寺元延祐间建伏龙冈禅师道场寺旁旧有真觉院

妙因山之阳为江文昭公墓

江氏仁和世族其父玘举景泰辛未进士歷官给事中山东右叅政文昭公名澜举成化戊戌进士歷官翰林院编修学士吏部左侍郎忤幸臣刘瑾出为南京礼部尚书瑾诛赠太子少保賜諡其弟洵戊午举人澜之仲子晓举正德戊辰进士歷官吏部郎中布政使府尹工部右侍郎隆庆初用台諫言赠尚书三子暉举正德丁丑进士翰林院庶吉士諫止南巡出为广德知州召还编修修撰四子曜以恩廕歷官中书舍人礼部员外郎晓子圻举隆庆戊辰进士歷官南京刑部主事郎中广西提学僉事曜子埏以恩廕歷官应天治中长芦运同圻之子铎举万歷甲戌进士澜之伯兄曾孙金丙子举人仕宦蝉聯甲于一郡世德清谨而叅政尚书侍郎修撰学使皆從祀府学乡贤祠侍郎修撰学使铎皆以春秋魁榜尤士族所稀也

西湖游览志卷七

南山胜迹

自清波门折而东南为凤凰山

凤凰山两翅轩翥左薄湖潏右掠江滨形若飞凤一郡王气皆借此山自唐以来肇造州治盖凤凰之右翅也钱氏因之递加拓饰逮于南宋建都而兹山东麓环入禁苑张闳华丽秀比蓬昆佳气扶舆萃于一脉开署布政驻輦宅中民吏之所凭依帝王之所临蒞隱隱赓赓者六七百年可谓盛矣元时纳胡僧之說即故宫建五寺筑镇南塔以压之而兹山到今落寞乃即开元宫建省治面对吴山盖凤凰之左翅也我朝因之而官司位署皆列左方为东南雄会岂非王气移易发泄有时也山据江湖之胜立而环眺则凌虚鹜远环异絕特之观举归眉睫

其麓为万松岭万松书院八蟠岭留月防玉壶防万松岭夹道多巨松在唐时已有之白乐天湖上夜归诗半醉闲行湖上东马鞭敲 簪玲珑万株松树青山上十里沙堤明月中楼角渐移当路影潮头欲过满江风归来未放笙歌散画防重开蜡炬红南宋时密迓大内碧瓦红檐鳞次栉比今夷为大涂而松亦无几矣

万松书院本报恩寺故址也 治十年参政周木燬寺而建书院中设先师孔子及四配像为大成殿明道堂居仁由义二斋顏乐曾唯二亭南北楔綽二曰德侔天地道贯古今以孔氏子孙世守之嘉靖五年御史潘仿建毓秀阁翼以精舍以待四方游学之士八蟠岭在万松岭右过北而南可达月岩王元章诗路绕危垣上风高松桧鸣花飞殊失意草长不知名游客谿遗俗居民指旧京浮屠天末起瞻望忽伤情留月玉壶二台在书院右方上为月岩下为圭石中有四亭曰振衣曰可汲曰依云曰见湖秀石巉岩青苍玉削累累然若芙蓉之未舒隱见草莽者不可胜记

岭畔旧有报恩寺唐元贞间建元至正间筑城移建大井巷国初并海会寺成化间仍徙故址内有舞凤轩万菊轩浣云池铜井白乐天浣云池诗白云本无心舒卷长自洁影落一鉴空可浣不可 鸢飞鱼跃间上下俱澄澈此意难与言览之自怡悦 苏子瞻万菊轩诗一轩專为黄花设富拟人间万石君佳本尽從方外得异香多在月中闻引泉北涧分清露开径南山破白云此意欲为知者道陶翁犹自未离羣岭上有沈婆井岭下有郭公井相 晋时郭璞所

相啗者盖其时杭州皆濱江斥鹵艰于甘泉故地脉非璞不可识铁冶岭亦有郭璞井

又东经凤山门折而南过万松坊为报国讲寺

万松坊永乐己亥金台王圻书

报国寺元至元十三年從嘉木 喇勒智之请即宋故内建五寺曰报国曰兴元曰般若曰僊

林曰尊胜报国寺即垂拱殿殿角有银杏树其实无心杨仲 诗所谓万年珠树落秋霜是也
内有碧梧轩舞凤轩兴化寺即芙蓉殿般若寺即和宁门僊林寺即延和殿尊胜寺即福宁殿
下有曲水流觞嘉木 喇勒智发宋诸陵建塔其上其形如壶俗称一瓶塔高二百丈内藏佛
经数十万卷佛菩萨像万躯坐饰如雪故又名白塔至顺辛未正月十四日黎明雷震之至正
末为张士诚所毁其寺钟即故内禁物也西有望江亭大江百里吁睫可览至今有尊胜巷四
寺虽隘而景致宏丽延祐至正间诸寺递燬皇明洪武二十四年重建报国寺僧噩梦堂舞凤
轩诗江涛晓上青崔嵬山势远从天日来钱氏岂能当王气郭生端复是僊才光摇晴旭九苞
动影拂秋旻双翅回为我翩然览辉下一轩着此亦宜哉 杨仲 钱唐懷古诗西湖清浊自天
开鸿鴈鳬鹭日往来黄道星辰环太乙紫防宫殿拥蓬莱能文竞奏王褒颂献壽深倾阿母杯
九域輿图今混一百年耆旧独兴哀其二山回禁籞入云长无复陈兵卫两厢千古金钟埋野
草万年珠树落秋霜龙文不徙阳人聚鸟篆终归轺道傍九市尘埃来袞袞一江风浪去茫茫
其三斜界钩陈通大道中分魏阙对层峦云生殿上金炉暗露下庭前玉井寒江汉飞龙俄杳
杳沧溟泛鹢竟漫漫中天会合宁非数坐见苍生奠枕安其四化城宫阙被层阿栋宇高低若
涌波翠石文章题日月寶珠光焰燭山河空桑說法黄龙听贝叶繙经白马驼谁道一无超众
有祇今尘土重来过 僧宗泐诗欲识钱唐王气徂紫宸宫殿入青芜朔方铁骑飞天塹师相楼
宿里湖白鴈不知南国破青山还傍海门孤百年又见城池改多少英雄屈壮图又云天地
无情日月徂凤凰山下久榛芜独怜内殿成荒寺空见前山映后湖塞北有谁遗一老海南无
处问诸孤蓬菜阁上秋风起先向燕京入画图 钱思复同武仲仁登白塔诗鹿苑萧条景龙山
惨淡陰百年同感慨九日此登临宫叶诗谁写离花酒共斟不知城外雨凉思满幽襟其二香
火今朝寺云山前代宫雕栏陈迹在白塔溟烟笼雨 交龙柱风悲孤凤桐惟应江上水千古
酹英雄其三宋宫 是唐朝寺白塔崔嵬寝殿前夏雨染成千树綠暮岚散作一江烟苍苔门
外铜铺暗细柳营中画角传寂寞葫芦宫井畔野人拾得旧金钿 郑洪诗江山襟带尚依然王
气消沈已百年八叶龙孙东入海六宫防女北归燕铜驼荆棘西风里石马莓苔落照边玉匣
游魂飞劫火五陵嘉树不啼鹃

宋行宫即钱王旧宫也皇城九里入和宁门左进奏院玉堂右中殿外库至北宫门循廊左序
巨瑯幕次列如鱼贯祥曦殿朶殿接修廊为后殿对以御酒库御药院慈元殿外库内侍省内
东门司大内都巡检司御厨天章等阁廊回路转众班排列又转内藏库对军器库又转便门
垂拱殿五间十二架长六丈广八丈四尺檐屋三门长广各丈五朶殿四两廊各二十间殿门
三间内龙墀折檻殿后拥舍七间为延和殿右便门通后殿殿左一殿随时易名明堂郊祀曰
端诚防士唱名曰集英宴对奉使曰崇德武举及军班授官曰讲武东宫在丽正门内南宫门
外本宫会议所之侧入门垂杨夹道间以芙蓉环朱阑二里至外宫门节堂后为财帛生料二
库环以官属直舍转外窑子入内宫门廊右为贊 春坊直舍左讲堂七楹扁新益外为讲官
直舍正殿向明左圣堂右祠堂后凝华殿瞻策堂环以竹左寢室右斋安位内人直舍百二十
楹左彝斋太子赐号也接绣香堂便门通绎已堂重檐复屋昔杨太后垂帘于此曰慈明殿前
射圃竟百步环修廊右博雅楼十二门左转数十步雕阑花甃万卉中出秋千对阳春亭清斋
亭前芙蓉后水榭玉质亭梅绕之由绎已堂过锦胭廊百八十楹直通御前廊外即后苑梅花
千树曰梅冈亭曰冰花亭枕小西湖曰水月境界曰澄碧牡丹曰伊洛 芳芍药曰冠芳山茶
曰鸛丹桂曰大阙清香堂曰本支百世佑圣祠曰庆和泗州曰慈济钟吕曰得真橘曰洞庭佳

味茅亭曰昭俭木香曰架雪竹曰赏静松亭曰天陵偃盖以日本国松木为翠寒堂不施丹雘白如象齿环以古松碧琳堂近之一山崔巍作观堂为上焚香祝天之所理宗时吴知古掌焚脩每三茅观钟鸣观堂之钟应之则驾兴山背芙蓉阁风帆沙鸟咸出履舄下山下一溪萦带通小西湖亭曰清涟怪石夹列献瑰逞秀三出五湖洞穴深杳豁然平朗翬飞翼拱凌虚楼对瑞庆殿损斋缉熙崇政殿之东为钦先孝思复古紫宸等殿水围即福宁殿射殿曰选德坤宁殿贵妃昭仪婕妤等位宫人直舍螳聚焉东过阁子库睿思殿仪鸾修内八作翰林诸司是谓东华门元黄潜凤凰山故宋宫诗沧海桑田事渺茫行逢遗老色荒凉为言故国游麋鹿漫指空山号凤凰春尽绿莎迷辇道雨多苍荠上宫墙遥知汴水东流畔更有平芜与夕阳赵子昂诗东南都会帝王州三月莺花非旧游故国金人泣辞汉当年玉马去朝周湖山靡靡今犹在江水悠悠只自流千古兴亡尽如此春风麦秀使人愁杨子承诗天下车书正一家数逢阳九乱如麻两朝北狩过天寶四海南奔类永嘉陵寝可怜分异域衣冠不复返中华玉箫吹暖钱唐月谁念黄龙惨暮笳仇仁近诗渐无南渡旧衣冠尚有西湖风雨寒凤鸟不来山寂寂防夷何在漫漫漫荒陵樵采官犹禁故苑烟花客自看惟恨余杭门外柳长年不了送征鞍杨廉夫诗天山乳凤飞来小南渡君臣又六朝劫火不烧杨琏塔箭峰犹抵伍胥潮燐光夜附山精出龙气秋随海雾消惟有宫人斜畔月夜深犹自照吹箫张仲举诗南渡君臣建业偏不堪乔木黯风烟岂知白马兴王日又到红羊换劫年三辅皇图空郡国六朝王气渺山川白头开府归来日应览遗踪一怆然钱思复诗登临休赋黍离章千里江流接大荒剑锁血华空楚舞镜埋香骨失秦妆薛萝山鬼啼萤苑荆棘铜驼卧鹿场寂寞万年枝上月夜深犹照旧宫墙陈廷言诗越水吴山共寂寥已无遗老话前朝海门三日潮声歇天目千年王气消夜月乌啼龙井树春风花落海鲜桥威仪文物今何在回首浮屠倚碧霄王逢诗王气凌虚散晓霞虎闾麟阁静烟花中天日月迂黄道沧海风云冷翠华望帝神游防子国乌衣梦隔野人家当时举目山河异岂但红颜泣塞笳其二周南风俗汉衣冠五色云中忆驻銮璎珞桧高藏白兽蕊珠花发降文鸾河通织女机丝湿雨歇巫娥翠黛寒满地吴山谁洒泪一江春水独凭栏其三瑶池青鸟集觚棱白塔金鳧閤夜灯云母帐虚星彩动水晶宫冷露华凝骊山草暗虚周业郿坞花繁失汉陵白马素车江海上依然潮汐撼西兴其四金爵觚棱月向低泠泠清磬万松西五门曙色开龙尾十日春寒健马蹄红雾不收花气合绿波初涨柳条齐遗民暗忆名都会尚绕湖湄唱大堤蓝涧诗南渡山川王气销西风松柏认前朝紫宸无复千官宴沧海空余半夜潮龙去蓬萊曾驻輦凤归寥廓不闻箫上方楼阁依稀在暮雨疎钟送寂寥徐贲诗荒山欲逐凤凰騫谁构浮屠压寝园土厚尚封南渡骨月明不照北归魂海门有路双龙去沙溆无潮万马屯莫向秋风重惆怅梵王宫里易黄昏刘伯温诗泽国繁华地前朝旧此都青山弥百粤白水入三吴艮岳销王气坤灵肇帝图两宫千里恨九子一身孤设险凭天堑偷安负海隅云霞行殿起荆棘寝园芜帑帑敦和议弓刀抑武夫但闻当宁奏不见立庭呼鬼蜮昭华袞忠良赐属镂何劳问社稷且自作欢娱秔稻来吴会鱼鼉出具区至尊巍北阙多士乐西湖鹄首驰文舫龙鳞舞绣襦暖沙摇褭积凉月浸璚紫桂秋风老红莲晓露濡巨鳌擎拥剑香饭漉雕胡蜗角乾坤大鳌头气势殊秦庭迷指鹿周室叹瞻乌白马违京輦铜驼掷路衢含容天地广养育羽毛俱橘柚驰包贡涂泥赋上腴断犀埋越棘照乘走隋珠吊古江山在懷今歲月逾鲸鲵空渤海歌咏已唐虞防革愁何极羊裘钓不迂征鸿暮南去回首忆莼鲈

又南折而西为梵天讲寺

梵天寺宋干德中吴越王建名南塔治平中改今额元元统中燬皇明永乐十五年重建有石塔二灵鰻井金井先是四明阿育王山有灵鰻井吴越王迎阿育舍利归梵天寺奉之凿井南廊鰻忽见僧賛宁有记僧志铨诗落日寒蝉鸣独归林下寺柴扉夜未掩片月随行履惟闻犬吠声又入青萝去

苏子瞻和诗但闻烟外钟不见烟中寺幽人行未已草露湿芒履惟应山头月夜夜照来去又寒食游南塔寺寂照堂诗城南钟鼓鬪清新端为投荒洗瘴尘总是鉴空堂上客谁为寂照镜中人红芳归去风惊晓绿叶成陰雨洗春记取明年作寒食杏花曾与此翁隣唐宋以来州治故在凤凰山下南渡驻輦因以为行宫而万松八蟠介亭诸胜皆列皇城之外行宫比州治稍东南至江干皆禁籞也故序州治于此旧有虚白堂因岩亭忘筌亭碧波亭高斋东楼望海楼清晖楼中和堂有美堂石林轩并废白乐天虚白堂诗平旦起视事亭午卧掩闕除亲簿领外多在琴书前况有虚白堂坐见海门山潮来一凭檻寘至一开筵终朝对云水有时聴管持此聊过日非忙亦非闲山林太寂寞朝闕空喧烦惟兹郡斋内器静得中间乐天因岩亭诗箕颍人穷独蓬壶路阻难何如兼

吏隱复得事跻攀岩树罗堦下江云贮栋间似移天目石疑入武丘山清景徒堪赏皇恩肯放还遥知兴未足即被诏催还乐天忘筌亭诗翠巘公门对朱轩野径连只开新户牖不改旧风烟空室闲生白高情淡入酒容同坐劝诗借属城自笑沧江畔遥思絳帐前庭防随事有争敢比忘筌严维九日高斋诗诗家九日怜芳菊迟客高斋对浙江渔浦浪花摇素壁西陵树色入秋牕木奴向熟悬金实桑落新开防玉缸四子醉时会讲德笑论黄霸屈为邦乐天东楼诗东楼胜事我偏知气象多随昏旦移湖卷衣裳白重叠山张屏障绿参差海僊楼塔晴方出江女笙箫夜始吹春雨星攢寻蠨火秋风霞飈弄潮旗太守经年嘲不尽郡斋空作百篇诗又寄题郡楼诗官歷二十政宦游三十秋江山与风月最忆是杭州北郭沙堤尾西湖石岸头绿杨春送客红烛夜回舟不敢言遗爱空知念旧游凭君吟此句题向望涛楼又东楼晚眺寄张水部诗澹烟疎雨间斜阳江色鲜明海气凉树散云收破楼阁虹残水照断桥梁风翻白浪花千片鴈防青天字一行好着丹青图写取题诗寄与水曹郎又东楼南望诗不厌东楼望江楼对海门风涛生有信天水合无痕鷁带风帆动鸥和雪里翻鱼盐聚为市烟火起成村日脚金波碎峯头细防繁送秋千里鴈报暝一声猿已豁烦襟闷仍看病眼昏郡中登眺处无胜此东轩又江楼夕望招客诗海天东望夕茫茫山势川形濶复长灯火万家城四畔星河一道水中央风吹古水晴天雨月照平沙夏夜霜能就江楼消暑气比君茅舍校清凉苏子瞻望海楼诗海上涛头一线来楼前指顾雪成堆従今潮上君须上更看银山十二回青山断处塔层层隔岸人家唤欲应江上秋风晚来急为传钟鼓到西兴楼下谁家烧夜香玉声哀怨弄清凉临风有客吟秋扇拜月无人见晚妆沙河灯火照山红歌鼓喧喧语咲中为问少年心在否角巾敲倚鬓如蓬乐天清晖楼寄严维诗严维制兹楼立名曰清晖未及题花榜遽催还粉闱去来三四年尘土登者稀今年新太守扫洒施帘帟院柳烟婀娜檐花雪霏防看山倚西户待月闌东扉碧牕夏瑶瑟朱栏飘舞衣烧香卷帘坐风燕一双飞君作不得住我来幸因依始知天地间灵境有所归中和堂本钱王阅礼堂也壮丽絶伦暑月最快苏子瞻去任夏日有懷诗忠孝王家千柱宫东坡作吏五年中中和堂上东南颊独有人间万里风有美堂嘉祐二年龙图学士梅摯出守杭州仁宗赐之诗云地有湖山美东南第一州剖符宣政化持橐辍才流暂出论思列遥分宵旰忧循良勤抚俗来暮听欢讴摯到郡即以有美二字名其堂欧阳文忠公为之记

畧云举天下之至美与其乐有不可兼者多矣故穷山水登临之美者必之乎寬闲之野寂寞之乡而后得焉览人物之盛丽夸都邑之雄富者必据乎四達之衢舟车之会而后足焉盖彼放心于物外而此娱意于繁华二者各有适然其乐不可得兼也罗浮天台衡岳庐阜洞庭之广三峡之险号为东南奇伟秀絕者乃在乎下州小邑僻陋之邦此幽潜之士穷愁放逐之臣之所乐也若乃四方之所聚百货之所交物盛人众为一都会而又能兼有山水之美以资富贵之娱者惟金陵钱唐然二邦皆僭窃于乱世圣宋受命金陵以后服见诛今其江山虽在而頽垣废址荒烟野草过者踌躇而凄怆独钱唐自五代时知尊中国効臣顺及其亡也顿首请命不烦干戈今其民幸富足安乐又俗习工巧邑屋华丽盖十余万家环以湖山左右映带而闽商岭贾风帆海舶出入于江涛浩渺云烟杳霭之间可谓盛矣而帅是邦者必皆朝廷公卿大臣若天子之侍从又有四方游士为之賓客故喜占形胜治亭榭相与极游览之娱然与其所取有得于此者必有遗于彼独所谓有美堂者山水登临之美人物邑居之繁一寓目而尽得之盖钱唐兼天下之美而斯堂者又尽得钱唐之美焉宜乎公之甚爱而难忘也 苏子瞻与陈太守有美堂夜归诗娟娟云月稍侵轩防星河半隱山鱼钥未收清夜永凤箫犹在翠防间凄风瑟缩经弦柱香雾霏迷着髻鬟若喜使君能共乐万人争看火城还
石林轩宋郡守孙沔建燕思阁取立石七株置阁前号七贤石蒲宗孟更名石林轩

自梵天寺而北折而西回绕松磴为胜果禅寺月岩胜果寺唐干宁间无着喜禅师建吴越王镌弥勒观音势至三佛及十八罗汉像于石壁宋庆厯初赐额崇圣寺元至正间燬皇明洪武初兴初禅师建又燬永乐十五年重建松径盘纡涧淙潺湲唐僧处默诗路自中峯上盘回出薛萝到江吴地尽隔岸越山多古木重青霭遥天浸白波下方城郭近钟磬杂笙歌王介甫诗登高见山水身在水中央下视楼防处

空多树水苍浮云连海气落日动湖光偶坐吹横笛残声入富阳 僧圆法师诗并序云胜果名刹相望而高轩虚阁尽得江山之胜槩因诵谢宣城天际识归舟云中辨江树之句颇类彼景用以为韵成诗十章寄胜果裕师开士虽不足发挥骚雅庶写相懷之心尔
江色杳无极渺渺接遥天归帆带夕阳去鸟冲寒烟幽景不同观遐想成斯篇
栖阁耸峩嵒参差极云际高牕晓色鲜晚景余霞丽寥寥羣动息防心远尘世
冷淡杳难羣幽趣唯吾识高情薄云汉清谈润金石不学浮世人奔名竞雕饰
惟静百虑忘轩开万象归空江答夜钟高峤留残晖幽砌絕尘踪孤云自依依
恶 如探汤触物类虚舟他人莫已知此道本吾求独坐时相懷斜阳下危楼
崔巍高山侧触石生片云自将霖雨期不与尘土羣杳杳游太虚对此几思君 高迹将谁亲幽
栖白云中闲阶吐苍苔古木生清风时将西竺诗讲义训来防静躁各所好是非安能辯声利
如我仇云泉若牵挽寂寂深林中芳兰自堪搴
羣峯耸危碧倒影沈空江清景生晚晴冷色涵虚牕逍遥縱吟赏能使吾心降
海日照吟轩江风动庭树此景乐闲情何人识高趣登楼独南望杳杳空烟雾 王伯安诗江上
但知山色好峯回始见寺门开半空虚阁有云住六月深松无暑来病肺正思移枕簟洗心兼
得遠尘埃富春咫尺烟涛外时倚层霞望钓防 深林容鸟道古洞隱春萝天迴闻潮早江空得
月多冰霜丛草木舟楫玩风波岩下幽栖处时闻白石歌

月岩石壁削立有隙如镜中秋蟾魄斜圆清辉满隙若合璧然其旁有月榭陈天瑞诗怪石堆云矗太空女娲链出广寒宫一轮常满陰晴见万古无亏昼夜同捣药声繁驱白兔漏天孔正透清风光明自照如来镜肯学姮娥西复东 王伯安饮月榭别王侍御赴两广诗湖山久系念块处限形迹遥望一水间十年靡由即军旅起衰废驱驰岂遑息前旌道回冈取捷上嶠侧新构郁层椒石门转深寂是时霜始降风凄羣卉折壑静响江声牕虚涵海色夕陰下西岑凉月穿东壁观风此余情抚景见高臆匪徒羣公钱何因得良覲南徼方如燬救焚岂辞亟来归幸有期终遂寻幽僻

月岩之左为中峯其右为宋殿前司营

中峯之上有亭曰天峯孤啸少师夏公谨所题峯之后为三佛石僊姑洞郭公泉卧醉石放光石

宋殿前司营为亲军防卫之所俗称御校場者是也山顶石笋林立苍翠玲珑森若朝拱钱氏命为排衙石第二峯旧有白塔塔西小径石壁夹道通人往来名为石同宋初名公多题刻其间從此南望则长江带绕北眺则西湖鉴开山下有金星洞通明洞柳浦皆芜汨不可踪迹苏子瞻金星洞铭云寶山南麓凤左翅惊雷划石逋蚪起凝陰嘘坚出怪玮是生神草肖苍虺离离赤痣挟脊尾飞流丹石决痈痂金星非实特取似施及山石亦见谓凡名相因皆此比 郑继之登御校場望故宫诗万峯云水郁苍苍古垒仍存阅武場南渡關河双眼尽中原风物百忧旁尚 草莽开黄屋想见龙蛇绕御床往事只今俱洒泪两阶干羽意何长

峯畔旧有冲天观望海亭介亭崇圣塔并废 冲天观在介亭后 介亭宋祖无择建苏子瞻登介亭钱杨杰次公诗篮輿西出登山门喜与我友寻僊村丹青明灭风篁岭环佩空响桃花源前坡欲上已腊屐黑云白雨如倾盆今晨积雾卷千里岂畏触热生病根在家头陀无为子多与青山为弟昆孤峯尽处亦何有西湖镜天江抹坤临高麾手谢好住清风万壑传其言风回响答君听取我亦到处随君轩 次刘景文诗泽国梅雨余衰年困蒸溽高堂磨新砖颇觉利腰足松根百尺井两绠飞净綠流觴聚儿童一笑为捧腹清风信可驭刚气在岩麓始知共此世物外无三伏长歌入云烟不待 管逐西湖真西子烟树防眉目涛江少醞借高浪翻云屋俛仰抚四海百世飞鸟速遠追钱氏余近吊祖侯躅吾生如寄耳寸晷轻尺玉谁似刘将军逸韵谢边幅千言一挥手五车不再读春岩彩鸡舞月峡哀猿哭朝先啼鵙起暮与寒蛩续我老毁吟哦赖君时击触從今事遠览发轫此幽谷清游得三昧至乐谢五欲莫作狂道士气压刘师服再次袁公济诗昏昏堕醉梦禁此六月溽君诗如清风吹我朝睡足登临得佳句江白照湖綠袖手犹不言默藁已在腹是时风雨逼霭霭云归麓疎星带防雨金火争见伏惜哉此清景变灭不可逐归来读君诗耿耿犹在目却思少年日声价争場屋文如翻水成赋作叉手速秋风起鸿鴈我亦继华躅那知君蹭蹬独泣荆山玉相见南新道青山垂破幅早知事大谬恨不十年读莫嗟冯唐老终胜贾谊哭今年复为僚旧好许重续升沈何足道等是蛮与触共为湖山主出入穷涧谷众驰君不争人弃我所欲何时神武门相约挂冠服 陈述古召饮介亭诗西风初作十分凉喜见新橙透甲香迟暮赏心惊节物登临病眼怯秋光惯眠处士云庵里倦醉佳人锦瑟旁犹有梦回清兴在卧闻归路乐声长

崇圣塔高七级二十余丈宋景祐初建庆历中郡守郑戩请加崇圣之号南渡毁入行宫

又西为栖云庵

栖云庵小云石海涯别业也其父楚国公贯只哥云石遂以贯为氏号曰酸斋年十二三膂力絶人使健儿驱三恶马疾驰持槊立而待马至越二而跨三运槊生风观者辟易或挽强射生逐猛兽上下峻阪如飞稍长折节读书目五行下庵其藏修之所也由门径而西可達龙华寺

又南为包家山山川坛

包家山多桃花宋时有關扁曰蒸霞二月游人最盛号小桃源董嗣杲诗绮霞蒸日透林梢一簇南山尚姓包冷水峪边苔色老冲云楼下树陰高园隣古道传耕借防倚青城想拜郊欲趣桃花寻隱去關门无锁不须敲 钱思复诗平生鹿门趣有意此诛茅地控江分越山因人姓包海鸥飞落日野马牧荒郊流水花千树重期载酒肴 张仲举清明游包家山诗二首远近红千树繁开夺艳霞月明寒食雨春老上阳花犂路迷游躅宫词入梦华东风葵麦恨回首野人家太液曾来鹄高防旧影娥美人黄土尽故国白云多野草荒神借宫莲怨棹歌羌儿洗马虎斜日满寒波

山畔旧有上善庵福泉庵并废 上善庵淳祐七年建俗名白衣五圣庙
福泉庵淳祐四年建有龙王井方丈余虽旱不竭又名冷泉峪

山川坛洪武元年先拟建山川坛于城西北风师坛于城东北雨雷师坛于城西南二年诏风云雷雨合一坛寻又诏并山川共为一坛八年又诏并城隍合祭

坛之左为正宗庵右为三一庵

正宗庵元至大间僧大方建

三一庵白玉蟾炼丹之所有像存焉白玉蟾南海琼州人当宋乾道间于黎母山中遇神人授洞 雷法遨游江湖修真访道嘉定中召赴行都对御称防命主太乙宫更结小庵于此一日去不知所往庵中有得月楼前有石池白玉蟾诗风吹玉露洗银濠爽气平分桂影高把笛倚楼人不寐此时直拟数秋毫千嵎爽气已平分万里青天辗玉轮起向钱塘江上望相逢都是广寒人 贯酸斋诗茅栋萧萧水石间放懷终日对林峦梦回不觉舟临砌吟罢始知身倚栏药碓夜舂云母急石瓶秋迸井花寒羣鱼亦得逍遥乐何用机心把钓竿

又南为大慈禅寺

大慈寺俗称包山寺宋乾道九年僧德殊建淳熙间赐额

西湖游览志卷八

北山胜迹

出涌金門而北为丰乐楼

丰乐楼宋初为众乐亭寻改耸翠楼政和中改今名淳祐九年安抚赵与 重构之瑰丽峥嵘掩映图画俯瞰平湖千峰连环一碧万顷柳汀花坞歷歷栏檻间亭榭翬飞遠近映带游桡冶骑菱歌渔唱往往防合于楼前元末乃燬嘉靖二十年郡守陈公仕贤毁柳洲寺而重建之为宾使館所题曰柳洲别館館后有楼题曰丰乐存旧迹也编修金璐为之记宋赵忠定公咏丰乐楼柳梢青词水月光中烟霞影里涌出歌台空外笙箫云间笑语人在蓬莱天香暗逐风回正十里荷花尽开买个舟山南游遍山北归来元杨仲 诗峥嵘飞构压名邦西望平湖东望江气合重 防沆瀣标存九域奠洪庞朝来散雾縈朱栢夜后流星透碧牕倚遍栏干愁目飞鸢旋转故双双

柳洲寺宋开宝间钱王建本名资福院院旁有通元庵防灵庙即五龙王祠开禧元年赵师宰并为柳洲寺洲旁有黑亭子湾吕洞宾祠集贤亭上船亭养鱼莊环碧园迎光楼刘氏园并废上船亭贾似道建养鱼莊环碧园皆杨和王别业轩亭皆高宗御书迎光楼张循王别业刘氏园内侍刘玉外宅

出钱唐門瀕湖为玉莲堂折而北为来鹄楼

玉莲堂旧在府治中宋时安抚魏克愚徙建于此都人竞渡湖中以此为夺标之所久废皇明嘉靖二十一年按察僉事刘望之欲建宾館于此问名于汝成汝成为陈故实且曰兴灭阐德以无防前人复其名为玉莲堂何如公欣然首肯乃濬池环門树以白荷甫成而公以忧去扁額尚未揭也俚人但称月牙公館云

来鹄楼邑人张文宿別墅也尝为晋江令有雅致寄傲湖山构楼湖畔栋宇经始有鹄巢焉遂名来鹄楼钱唐門沿城而北旧有钱武肃王庙九曲城菩提院真觉院法济院妙因院宝严院普润寺玉壶园望湖楼贾府上船亭谢府新园择胜园隱秀园并废 钱武肃王庙王名鏐临安石鑑乡人骁勇有智畧壮而微販盐自活唐僖宗时王僊芝寇两浙命都将董昌讨镇之鏐属昌部平朱直拒黄巢斩刘汉宏累功拜杭州刺史擒薛明破徐福加防御使进苏杭等州观察使新作杭城自秦望山由夹城东亘江干泊钱唐湖霍山范浦凡七十里进镇海军节度使封开国公防董昌反越州鏐受诏讨灭之进彭城郡王加中书令图形凌烟閣名其营曰衣锦营封其山曰衣锦山改封越王再改吴王梁开平初进封吴越王筑捍海塘建候潮通江等門时江涛怒啗命强弩数百射之涛为敛却还击西陵寻授天下兵馬都元帥后唐同光初賜玉册金印长兴二年卒年八十三謚武肃篤孝善抚士卒临政勤警无倦容当中原绎骚而保鎮疆域民甚德之五传至忠懿王俶当宋太祖受命时纳土子孙代为显官九曲城有五圣庙苏汉臣画壁 菩提院本钱惟演別墅也舍以为寺有白莲綠野等堂碧玉四

观披颢等轩南漪迎薰澄心涵碧玉壶雪 璩等亭后并入昭庆寺周紫芝菩提小轩晚晴诗
杭颖雌雄本自殊淡妆浓抹是吴姝满倾涨玉千钟酒来防镕银百顷湖白鸟去邊山泼黛綠
蒲疎处雨跳珠不知能事王摩诘貌得西山落照无 真觉院即隱净庵
法济院旧名观音院有明轩爽轩妙因院即慈光庵 宝严院俗呼九曲院 普润

寺宋淳熙初建元末燬 玉壶园宋理宗时御园也本鄜王刘琦别业后属官家林亭幽雅长夏
森寒张輿诗林亭絕幽迴长夏綠云香明月出山小白莲承露凉譙鼓楼头急吴歛风外长翛
然玉壶内浑与世相防 望湖楼在昭庆寺前钱王所作一名先得楼潘阆诗望湖楼上立竟日
懒思还听水分他界防云过别山孤舟依防静独鸟向人闲回首重门闭蛙声夕照间苏子瞻
诗黒云翻墨未遮山白雨跳珠乱入船卷地风来忽吹散望湖楼下水如天放生鱼鳖逐人来
无主荷花到处开水枕能令山俯仰风船解与月徘徊未成小隱聊中隱可得长闲胜暂闲我
本无家更安往故乡无此好湖山王介甫诗水光山气碧浮浮落日将归又少留从此祇应长
入梦梦中还与故人游 谢府新园故甘氏园也为太后別墅在惠照斋宫西有道院村庄水阁
一碧万顷眉壽等堂湖山清观歇凉等亭备华极防架亭湖中每元夕亭馆皆垂水晶帘放灯
上下晖映金碧夺目士女纵观往往得遗簪坠珥元时元帅夏若水据有之
择胜园在九曲城下宋秀王別墅理宗御书择胜爱闲二扁隱秀园刘鄜王別墅

折而西过溜水桥为昭庆律寺

溜水桥泄湖水以入下湖可通新河

昭庆律寺晋天福间吴越王建宋干德二年重修太平兴国三年建戒坛于寺中每歲三月三
日海内緇流云集于此推其长老能通五宗诸典者登坛說法敷陈具戒其徒跪而听之名曰
受戒至今行之天禧初有圓淨法师学庐山慧遠结白莲社縉绅之士与防者二十余人运使
孙何为之记南渡后以其地为防选锋军教塲寻复为寺元末燬皇明洪武间重建成化间燬
云水僧广慎复营之宋陈尧佐诗湖邊山影里静境与僧分一榻坐临水片心闲对云树寒时
落叶鸥散忽成群莫问红尘事林间肯暂闻 王元之诗梦幻吾身是偶然劳生四十又三年任
夸西掖吟红叶何似东林种白莲入定雪龕灯焰直讲经霜殿磬声圆谪官不得余杭郡空寄
高僧结社篇

昭庆寺之北为庆忌塔

庆忌塔者春秋时吴王阖闾既弑王僚僚子庆忌奔卫阖闾患之谋诸伍员员进细人要离俾
之行刺要离者细而寡力迎风则僵负风则伏王语以庆忌之勇谓其不如也要离曰臣能杀
之臣诈以负罪出奔愿王戮臣妻子断臣右手庆忌必信臣矣王从之要离乃诈奔诸侯宣怨
于路遂如卫见庆忌言阖闾无道愿因王子之勇可得也庆忌信之简练士卒与还袭吴渡江
要离坐于上风因风之势以矛钩其冠顺风而刺庆忌死 于此其地在宋为丰儲仓前有石
池深不可测宋咸淳六年七月池水壁立浮苴登木荡突久之或云中有大龟数百年者故兴
妖如此又时有怪物出水若鐵棺然

自昭庆寺而西过石函桥为放生亭

石函桥唐刺史李泌建有水闸泄湖水以入下河沿东西马塍羊角埂至归锦桥凡四 白乐天记畧云北有石函南有笕决湖水一寸可溉田十五余顷每一复时可溉五十余顷其去郡别州民诗云耆老遮归路壶浆满别筵甘棠无一树那得泪潸然税重多贫户农饥足旱田惟留一湖水与汝救荒年

放生亭在宝石山麓宋天禧四年王钦若请以西湖为放生池禁民采捕郡守王随为之记有碑存焉庆元四年赵师□建德生堂飞泳亭于桥畔理宗御书并废

又北过羊坊桥小溜水桥为灵卫庙

羊坊桥宋时涤羊之所也有酒库瓦子在焉其西为古柳林

小溜水桥俗称水磨头其下为棕毛塲

灵卫庙宋建炎三年金酋完颜宗弼犯临安郡守康允之退保赭山钱唐令朱晔乡兵二千邀击之力战死尉将金胜祝威复集凋兵据葛岭编竹覆泥为大途以诱贼贼骑颺至 蹙而蹈仆者鳞叠横尸山委金人大骇遁赤山得奸细为导由南壁入胜威被执死之郡人感其忠节以马革裹尸骈葬云洞之右立祠祀之后人并以祀晔淳祐间赐庙额曰灵卫至今人称金祝庙者从始建意也每岁七月一日守臣致祭盖金公诞辰云

石函桥之北旧有赵郭园水丘园梅庄园聚秀园钱氏园张氏园王氏园万花小隐园竹所云洞园瑶池园钱唐县尉司宝胜院洞明庵精进院延庆院澄寂院并废 梅庄园者宋韩蕲王别业也广一百三十亩有乐静堂清风轩皆高宗御书水阁梅坡芙蓉堆花竹辉映皆聚景之所四时可游吴立夫花园老卒歌蕲王手种红锦花十载不挂铁钺花园老卒守花树睡着花砖闻曙雅白头白尽身无事古塞沙尘战余骑多士如云足健儿一奇在腹终憔悴青铜万缗满地光寶函矫节赐夷王宫妆粉艳去酣酒海货珠睽归压橈王家舍儿惊吐舌御府珊瑚碎飞雪口犹乳臭却帐前矍铄一翁嗟弃捐君不见天下英雄本材武左鼻成龙右鼻虎颈血淋漓思衅鼓史传沉埋谁比数花落花开几风雨 云洞园者杨和王别业也培土为洞屈曲通行图画云气其旁有丽春台青石为坡不断碱齿春时令丽人歌舞为戏得上坡者受赏园内有万景天全方壶潇碧天机云锦紫翠间濯纓五色云等亭榭玉龙玲珑金粟天砌等台洞户牖辉煌花水蟠郁穷极丽雅盛时凡用园丁四十余人监园使二人洞后有天龙庵嘉定间惠开法师建 瑶池园中贵吕氏外宅也池周二里植菱芰池侧有寶胜院 钱唐县尉司相传为王子高故居宋隆兴间建时宇内承平兹邑特繁丽仁宗常览西湖图叹曰真仙尉也遂建真仙亭 苏子瞻常率宾僚游焉建英游阁林和靖访谢尉赋秋水芙蓉诗建咏物楼 洞明庵咸淳中朱端卿舍宅建 精进院旧名储修晋开运间建 延庆院旧名兴化寺 澄寂院近桃花街口

过石函桥而西为寶石山崇壽禪寺寶所塔壽星石石屏风狮子峰屯霞石防松台落星石乳泉井一勺泉天然图画阁

寶石山本名巨石山高六十三丈周一十三里钱王封为壽星寶石山罗隱为之记其下为寶稷山山下有乳泉佛足泉其絕顶为寶峰

崇壽禪寺吴越王之臣吴延爽者请东阳善导和尚舍利建塔于山巔附以佛庐宋开寶初赐额曰崇壽院洪武初有高僧慧炬出家院中明天台教时江涛大溢炬說法洒淨水止之隄賴以不圯杭人称炬菩萨云

寶所塔延爽建九级寻崩咸平中僧永保以目募緣十年始复其旧目光如故保有戒行人呼师叔遂称保叔塔也塔门旧有张即之书湖山胜槩四字今移置净慈寺阁元延祐中院塔俱燬僧可周建至正末又燬僧慧炬重建至七级而止皇明成化间燬治间僧可胜重建一夕大雷击死游僧三人大蛇一条重五十斤腹中白子数十枚塔渐崩废正德九年僧文鏞重建又筑西方殿于塔后挹凉亭于山下嘉靖元年塔燬二十二年僧永果重建永果山西人有戒行募緣多助咸称老山西又有全真号浪滔滔者亦与協力故能饰复旧美钱思复诗金刹天开画鐵檐风语铃野云秋共白江树晚逾青凿屋岩藏雨黏崖石坠星下防湖上客歌吹正沉冥

壽星石旧名落星石钱王改今名一在塔后一在防松台下各大数十围块然无根望之如斲

石屏风狮子峰皆以形似名之石屏风下旧有石屏院狮子峰一名巾子峰林和靖诗巾子山头乌臼水微霜未落叶先红者是也

屯霞石色赭如霞介立嵯岬

防松台去寺左百步所俯临巨壑凌驾松杪松下有石圆如陨星施儒诗兹山亦何奇而喜游人少我本烟霞徒一丘愿终老王顓诗树盖珠林胜花开翠壁妍清秋一舒啸画里着诗僊

乱泉井去防松台百步所泉白而甘

一勺泉在崇壽院右壁太仆丞张瑛名之诗云絕顶盘峰秀蛟龙拥地莲塔栖南斗下僧问劫灰年斧摧坚石神功琢涌泉疑银汉泻溜讶玉龙穿沆云根分明琬琰鑄一通海眼孤浸立山巔正正华沉月淳淳碧醺天味翻流乳滑嵌泄溅珠圆鱼跃金梭见虹垂寶带悬洗瓯僧防茗供佛客擎钱几许诗脾沁徒为俗虑牵静焉仁者学湛者定心禅渴想瓢饮酣宜漱石眠何人识恬淡终日爱潺湲莫怪频来此烦痾顿觉捐

天然图画阁在寺右一勺泉之阳少师夏公谨诗客到西湖上春游尚及时石门深歷險山阁静凭危午寺鸣钟乱风湖去舫迟清樽欢不极醉笔更题诗崇壽院前旧有金牛防法院巾子

峰前有金轮梵天院并废

寶石山麓为大佛禅寺沁雪泉

大石佛旧传为秦始皇缆船石宋宣和中僧思净者当儿时见之作念曰异日出家当镌此石为佛及长为僧妙行寺遂镌石为半身佛像饰以黄金构殿覆之遂名为大石佛院元至元间院燬佛像亦剥落皇明永乐间僧志琳重建勅赐为大佛禅寺 治四年僧永安重修寺畔有塔俗称壶瓶塔乃元时西河僧所建张輿诗葛僊岭西大石头祖龙东来曾系舟不闻登僊入蓬岛徒见作佛如嘉州地涌半身云水绕山开一面金碧浮几回劫火烧不尽空对湖山飞白鸥 吴立夫诗手抚一片石昔为沧海漚始皇或系缆万里浩无津世间本妖妄何处有僊真蓬莱不可到弱水空飏轮徐生或云去方士先避秦童男继童女五谷襍货珍岛屿止不返蛟龙化其民非惟长年药永隔战马尘人君却未悟望望转东巡山 觉将死海鱼祠作神侯生奉图箴讥谏极所陈骊山閼鳧雁金椁竟沉沦借兹鉴不逮遗迹留千春经营大屋覆刻斲青莲身汉唐几英主覆辙犹尔遵我恐石有语神僊多误人

沁雪泉在佛身右壁棠陵方思道题

寺畔旧有相严院冠胜轩西有水月园大吴园小吴园嘉泽庙孙花翁墓并废
相严院晋天福二年钱氏建有十三间楼楼上贮三才佛一尊苏子瞻治郡时常判事于此 水月园高宗以赐杨和王存中者御书水月扁孝宗朝更赐秀王伯圭有水月瀛玉林堂俯挹澄湖万柳成幕燕游者多集焉
嘉泽庙即水僊祠梁大同间建以奉钱唐湖龙君钱鏐碑记宋时移建于苏堤 孙花翁墓翁名惟信字季蕃仕宋光宗时弃官隱西湖工为长短句好艺花卉自号花翁家徒壁立无旦夕之储弹琴读书晏如也既卒安抚赵与 葬之墓近水僊王庙仇仁近诗水僊分地葬诗人一片荒山野火焚荐菊有亭今作圃扫松无子谩留坟蜗牛负殼粘碑石老鸛携雏入陇云欲把管弦歌楚些却怜度曲不如君

又西为智果禅寺参寥泉

智果寺旧在孤山吴越王所建宋绍兴间徙筑于此先是苏子瞻守杭州与智果院禅师参寥子善名其所居泉曰参寥泉寺既徙北山有泉适出寺后好事者仍名参寥泉以志旧迹元末燬皇明洪武初僧可祥慧炬重建其梁题云元祐五年歲在庚午二月辛卯朔二十五日乙卯上梁盖子瞻手书自孤山移置者 张光弼诗佳游在上已属此清明前春景已云暮风光犹未暄往寻智果寺竟得参寥泉景物岂殊昔人世自更迁邈哉长公咏风流想当年我辈复登临化界何因緣古佛俨香阁真詮积华轩境超万念空道胜诸妄捐緬懷此防难徘徊未云还申章续芳藻冀或来者传 吴立夫诗古寺湖水上寺門但菰蒲一泉湛如玉岩骨早不枯粵从参寥啗得与盖壤俱东坡或茗宴西岭犹松筭人谁问诗侶世颇笑酪奴瓦甃纵然在木瓢知已无汲水宜汲深尘心非轆轤别禅胜别味俗舌空醍醐老僧久不识香地冷宿盂卓哉郡太守遗像拥眉须闲来试我酌雾雨变须臾尚持金芙蓉便踏赤鯿鱼

又西为显功庙

显功庙祀宋布衣岳琚钱唐霍山人建炎三年冬完顏宗弼由独松關犯杭州守臣遁于赭山琚乃捐家资以充军饷推钱唐令朱晔为谋主金祝二尉为先锋率死士诱敌由西溪并天竺东来堑葛岭编竹覆泥以防之虜后防城西琚力战死焉郡人感之为请于朝立祠于此

又西为锦坞初阳台紫阳书院葛翁井

锦坞在寶云山东宋时此地花卉灿然若锦故名初阳台在山巔葛僊翁修真时吸日月精华于此高朗宜远眺清晓烟消日出海底炯然奇观杨仲 诗彩云相翳防华露共婵娟在水浑疑堕当空孰使悬潜虬精魄动宿鹤羽毛鲜寂寂丹台夜相从讶得僊丹台欲上路盘盘秋月圆时正好观已作高亭凌

岸防岂辞深夜倚栏干云封大壑蛟龙睡露下苍林翡翠寒下顾尘寰悲迫阨致身何止在云端 张伯雨诗初阳台上新亭好一曲笙簧石壁开惊起 真狂道士步虚飞下玉清台

紫阳书院祀紫阳先生也盖先生提举浙东时有大惠政于法得祀藩臬屡加修葺有崇道堂初阳山房浴日泉玛瑙坡寶云茶坞诸胜

葛翁井去智果寺西南上方下圆相传葛稚川投丹之所今在马氏园宣德间大旱醵而涸之得石匣一石瓶四匣固不可啓瓶中有丸药若芡防之絕无臭味乃弃之施渔翁独防一枚后年百有六歲井遂淤恶不可食以匣投之甘冽如故张伯雨诗一宿葛翁丹井上化为蝴蝶梦魂清湖田凉蛤四散吠烟寺晓钟相通鸣孤屿横陈为玉几初阳灿烂似霞城拏舟又入水云去还我风篁雪窦声 葛洪井上访真居一饮丹泉足自如拂袖莫嫌狂散甚子非知我我知鱼

锦坞西旧有普安院治平寺玉清宫云巢楼并废治平寺初名锦坞庵僧法聪建有烟云阁 玉清宫宋绍定初建理宗御书扁元至正末燬赵达夫白斑鲜于枢聯句二首湖田漠漠水禽飞达夫堤柳斜斜带夕晖枢二月江南好天气斑初阳台上愜春衣枢巾子峰头 钓船达夫初阳台上坐鸣 出云高树明残日斑过雨苍苔 细泉絕俗谁能继遐躅枢凌空我欲学飞僊达夫还家正恐乡人问斑化鹤重来知几年枢 云巢楼在玉清宫内张伯雨诗初阳台上白云多云里层层玉树歌栖息一枝綠未穩飞翻千仞柰危何雨中幕燕雷惊起峰顶笙鸾月送过好丹梯无百尺屋头防尽白鸥波

又西为寶云山玛瑙讲寺后仆夫泉

玛瑙讲寺故名玛瑙寶胜院在孤山晋开运三年钱氏建宋大中祥符间高僧智圆重修绍兴间徙筑于此元末燬皇明永乐间重建陟山之巔石磴数百级有阁凌空特起凭眺最胜俗称玛瑙山居者是也陈谕诗雨霁佛屋明苔迳深曲折树摇高露惊草密暗泉咽前林或清磬烟灯遠欲灭寄谢尘中人与君从此别

后仆夫泉元僧芳洲所凿也先是智圆居孤山有仆夫艺竹得泉遂号仆夫泉后徙寺兹山借葛井以汲寺僧薙之芳洲凿地得此遂名后仆夫泉

寺西宋有养乐园半春园小隐园琼华园寶云庵并废 养乐园贾似道别墅也内有光禄阁春雨观嘉生堂生意生物之府似道既败有人题其壁曰老壑曾居葛岭西游人谁敢问苏堤势将覆餗不回首事到出师方噬脐废圃更无人作主败垣惟有客留题筭来祇是孤山耐依旧梅花伴月低盖似道尝住园中有游骑过门者辄为侦事者擒入有官者黜有财者籍其妾兄鬬瞰亦缚投火中 半春小隐琼华皆史弥远别墅也台榭工丽在在殊宜 寶云庵宋干德二年吴越王建名千光王寺雍熙二年改今额寶庆间为邵王攢所元至正末燬内有灵泉井月窟澄心阁南隐堂妙思堂苏子瞻次寶云僧仲殊雪中游湖韵诗寶云楼阁閤千门林静初无一鸟喧闭户莫教风扫地卷帘疑有月临轩水光潋灩犹浮碧山色空蒙已敛昏乞得汤休奇絕句始知盐絮是陈言

又西为葛岭葛僊翁墓

葛岭上有葛僊翁墓葛洪字稚川晋时人博闻深洽江左絕伦好神僊导養之术见高士郭文举于大涤山中覩德而悟道结庐西湖修真著书号抱朴子岭上有甘露泉梅泉萨天锡诗炼丹僊子 茫间一夕乘风去不还火冷炉头灰已尽云封洞口岭长闲千年瑞气生瑶草夜半天风响佩环真境空明自今古烟尘依旧隔瀛寰 吴立夫登初阳台谒抱朴子墓诗人生扰扰间颇觉天地窄我忆抱朴子高台睨空碧初阳出山上照破万古石丹光动鼎鑪雾气浮冠舄遗书上下卷道妙或黄白老衰及病瘦辛苦为形役岂伊鸾鳳姿终以狐兔宅尸解本无形空飞宁复迹郭君曾有传勾漏恍所歷降子倘可问稚川特未隔幽林来魍魎缺井守蜥蜴神僊果何人海岳长戏剧世传老 死吾谓方朔谪虚坟谁所为怪树独悲激满前湖与山秋色落几席因兹些尔魂目送天邊翮

岭上旧有招贤寺岭下有集芳园壽星院善住阁香月隣挹秀园秀野园赵紫芝墓并废 招贤寺唐德宗时郡人吴元卿为六宫内使弃官学道结庵山中开运三年钱氏改建为寺有尉迟恭井防泉东坡书扁白乐天紫阳花诗序云招贤寺有山花一树色紫气香芳丽可爱颇类僊物而人无识者因以紫阳花名之诗云何年植向僊坛上早晚移栽到梵家虽在人间人不识与君名作紫阳花 集芳园故张婉仪别墅也绍兴间收属官家藻饰益丽有蟠翠雪香翠岩倚綉挹露玉蕊清胜诸扁皆高宗御题淳祐间理宗以赐贾似道改名后乐园楼阁林泉幽畅咸极古木寿藤多南渡以前所植者积翠廻抱仰不见日架廊叠磴幽 逶迤隧地通道抗以石梁旁透湖滨飞楼层台凉亭燠馆华防精妙前挹孤山后据葛岭两桥映带一水横穿各随地势以构筑焉理宗为书西湖一曲奇勋扁度宗为书秋壑遂初容堂扁又有初阳精舍警室熙然台无邊风月见天地心琳琅步归舟甘露井诸胜元大德初僧满月即其址建福地院赵子昂为之记至正末燬林景熙诗当年构华居权焰倾卫霍地力穷斧斤天章焕丹雘花石拟平泉川途致兹壑唯闻丞相嗔那后天下乐我来陵谷余山意已萧索苍生堕巖崖国破身谁托空悲上蔡犬不返华亭鹤丈夫保勲名风采照麟阁胡为一声鉦聚鐵铸此错回首草莱碑荒烟掩余怍 壽星院有杯泉灵泉寒碧轩此君轩平秀轩垂云亭明遠堂其上有阁曰江湖伟观

安抚赵与建苏子瞻守杭日常游焉入门即悟前身曾到歷言院后殿阁山石之名无一遗
谬故湖中诗咏于此居多其次周长官韵诗琉璃百顷水僊家风静湖平响钓车寂歷疎松欹
晚照伶俜寒蝶抱秋花困眠不觉依蒲褐归路相将桂华更着纶巾披鶴氅他年应作画图
夸寒碧轩诗清风肃肃摇牕扉牕前修竹一尺围纷纷苍雪落夏簟冉冉緑雾沾人衣日高山
蝉抱叶响人静翠羽穿林飞道人絶粒对寒碧为问鶴骨何縁肥垂云亭僧清顺作子瞻诗云
江山虽有余亭榭着难穩登临不得要万象各偃蹇惜哉垂云轩此地得何晚天功争向背诗
眼巧增损路穷朱栏出山破石壁很海门浸坤轴湖尾抱云巘葱葱城郭丽淡淡烟村遠纷纷
乌鵲去一一渔樵返雄观快新获微景收昔遁道人真古人啸咏慕嵇阮空斋卧蒲褐芒屨每
自捆天怜诗人穷乞与供诗本我诗久不作荒澁旋鋤垦从君覓佳句咀嚼废朝饮
此君轩诗卧听谡谡碎龙鳞俯防苍苍玉立身一舸防夷江海去尚余君子六千人车玉峰明
遠堂诗十年不向此凭栏景象依然一望间龙蜃吐云天入水楼台倒影日山僧于僻寺难
为隱人在扁舟未是闲孤鶴似寻和靖宅盘空飞下复飞还朱继芳江湖伟观诗吴山表里水
为池百有余年壮帝居天目遠将双凤落海门近拱六龙飞胥涛白雪生秋思太乙红云驻夕
晖江上沙鷗湖上舫柳邊风里两依依善住阁运使瞿拱舍宅建有山中四时亭安乐窝
香月隣廖莹中园后并于似道挹秀园杨驸马別墅秀野园刘鄜王琦別墅有四并堂赵紫
芝墓赵师秀温州人工诗有集卒葬于此刘后村吊诗有尽出香分妓惟留砚付儿之句盖亦
宕逸之士也

其前为四圣延祥观竹阁

四圣延祥观旧在孤山宋高宗为康王时常使于金夜见四巨人执仗卫行询之方士云紫微
有大将四名曰天蓬天猷翊圣真武王心异之及即位乃建观祀之即今六一泉地是也元嘉
木喇勒智改于武林门外至正间再迁葛岭

竹阁旧在孤山寺中白乐天所作杭人因以祀公宋时徙建于北山报恩院故称竹阁寺黄宜
山诗移自孤山占此山荒凉老屋万琅玕櫻桃杨柳空花梦千古清风满阁寒今其地为杭妓
沈氏园嘉靖二十四年沈氏坐法当籍太守陈公一贯欲改祠宇以祀杨公孟瑛士论以妓室
不可栖郡长陈公患之时客有說公者曰何不还以祀白公也白公守杭时勤民敏政操履清
白然雅好躋攀属意声妓去郡数载犹有沉红昵緑之思故其诗云故妓数人凭问讯新诗两
首倩流传意趣所钟生死一致奉以妥神似无不可况又仍其故地乎陈公然之遂扁其堂曰
竹阁门曰關从公诗所谓无劳别修道只此是關也近废为六桥草堂少卿徐江山别业

又西为虎头岩嘉德永壽讲寺

虎头岩山形突出若虎头然吴越王盛时望气者云杭州有王气艺祖命凿之今断落矣岩下
宋有仪王墓显明寺仪王仲湜宋宗室也当靖康时徽钦北驾六军欲拥王而立之王坚拒不
从曰自有真主六军遂约王逾月真主不出则王当大位王阳许之未几高宗即位于应天王
艚關詣行在命为濮王后常自贊其容曰性比山麋貌同野叟皓月清风良朋益友湛然灵台
确乎不朽薨后葬于此其子孙视诸藩为盛人以为积善之报云

嘉德永壽讲寺宋理宗时秦国夫人毛氏者皇后母也既老结庵于此就葬焉即庵为寺有芝产墓侧因名芝岩前有放生池翔泳堂幻隱洞寶妝阁东有寶岩院垂云亭借竹轩西有定业院环峰堂袞梦轩神僊宫灵耀观并废白廷玉翔泳堂酒中诗瓊辞度得雪儿歌浓墨斜书碧玉柯醉折芙蓉薰酒盞里湖凉似外湖多

又西为凤林禪寺君子泉

凤林寺俗呼喜鵲寺唐长庆初禪师圆修居此四十余年栖息松上有鵲构巢其傍人遂呼为鸟窠禪师白乐天守杭州时常往参之曰大师居处甚险禪师曰太守险乐天曰弟子位镇山河何险之有禪师曰心火相搆识浪不停得非险乎乐天服之宣德间僧如月重建勅名凤林寺圆修骨塔存焉僧来复诗寶网金幢变劫灰瞿曇寺里尽蒿莱鸟窠无树山防泣不见谈禪太傳來

君子泉本在定业院中亦鸟窠禪师道場也院废而泉湮后人遂勒石于此寒冽而深防为方沼可冰鲜焉

寺右旧有快活园水竹院落仁寿庵并废快活园赵婉容別墅水竹院落贾似道离亭在西泠桥南左挟孤山右带苏堤波光万顷与防檻相值骋快絕伦内有奎文阁秋水观思刻亭

西湖游览志卷九

北山胜迹

葛岭之西为履防山栖霞岭桃溪栖霞洞紫云洞牛皋墓妙智庵

栖霞岭上桃花烂灿色如凝霞其北有古劔關盖左寶云右僊姑两山夹峙若劔门然宋立巡司于此有水一道名桃溪经岳坟前入湖岭西为乌石坞栖霞洞在妙智庵左地多怪石隱翳榛莽中贾似道望而异之命施畚鍤倏见竒防乃抉藏剔幽为亭曰暢曰钥俗入其中穹然如夏屋双石相倚为闑閤风从南来飀飀而出寒骨凄神不可久佇故暑游最胜石壁小台突然坎中衡二石下达于坻仰视左窔四五通明大者圆径丈许有水洞深不可测顷者恶僧以游人之多塞兌垢径仅余丈尺耳

紫云洞在岭巔去妙智庵数百步许倚空如悬陰凉彻骨

牛皋墓在劔門關畔皋字伯遠汝州鲁山人岳武穆部将累立战功转寧国军承宣使绍兴十七年上巳日都统制田师中大防诸将皋遇毒亟归语所亲曰皋年六十一官至侍从即死无恨所恨者南北通和不以马革裹尸顾死牖下耳明日卒或言秦桧使师中毒皋云景定初追封辅文侯

妙智庵即牛皋香火院岭北有金鼓洞昔人伐石其间闻金鼓下作乃止

岭下有处士仇仁近员外郎张光弼墓并废仁近名遠钱唐人宋咸淳名士宋亡落魄江湖元初辟溧阳州学正未几隱去工诗文所著有山村集洪武初祠于府学乡贤祠钱思复挽诗诗穷八十年江海正凄然玉塵风生颊青山雪滿巔門牆张籍俊墓表孟郊贤出处人皆识哀歌彻九泉张仲举诗前辈凋零尽南阳有古阡诗应传四海酒不到黄泉槐国真成梦桃园亦是僊松根一掬泪慘淡墮风烟张光弼庐陵人仕元为浙省左司员外郎罢官居花市遨游湖山累月不返有诗名所著有左司集其诗云但教懷抱能傾倒莫向尊罍计有无不为访僧三竺寺肯乘烟艇过西湖酒馆湖船尽有名玉杯时得肆闲情至今人說张员外不是防花不入城

岭下为岳武穆王墓翊忠祠分尸桧流芳亭

岳武穆王墓王名飞字鵬举相州汤陰人少负气节沉毅寡言有神力未冠挽弓三百觔弩八石宋高宗时以战伐功歷官都统屢陈恢复大计高宗慮钦宗之返而攘已也阳獎而陰憾之丞相秦桧揣知帝防遂力主和议防乌珠防拱毫诏飞往援金人大败追及朱僊镇中原响应谓其部下曰直抵黄龙与诸君痛饮耳方指日渡河而桧欲割淮以北弃之乃召张俊杨沂中先归言飞孤军不可久留以金牌十二召之班师飞愤惋泣东向拜曰十年之力壞于一旦矣明年乌珠防淮西张俊畏敌不敢进诏飞往援乌珠遁俊忌之飞遂力请解兵柄防乌珠遗桧书言飞不死和议终不成桧乃讽台臣何铸罗汝楫等交章论飞言金人攻淮西飞至舒蘄而

不进与张俊按兵淮上又欲弃山阳而不守张俊又劫王俊诬飞令张宪岳云通书协谋冀以兵柄还飞桧遣使捕飞父子下狱令諫议大夫万俟卨鞫成之防歲暮狱无佐证桧一日独居书室食柑玩皮若有思者其妻王氏窥咲曰老汉一何无决擒虎易纵虎难也桧犁然当心致片纸狱中即日报飞死矣盖折杀之年三十九云宪皆弃市狱卒隗顺负飞尸逾城至九曲丛祠潜瘞之以玉环殉树双橘识焉绍兴末金人益猖獗太学生程宏图讼飞冤诏还飞宗属徙邊者孝宗诏复飞官谥武穆改葬于栖霞岭云附其旁废智果院为祠赐额曰褒忠衍福寺墓上之水皆南向盖英灵之感也嘉定四年封鄂王宋亡寺废王之六世孙在江州者名士廸与宜兴岳氏通谱合力起之未几复废至元间天台僧可观者诉于官郑明德为作疏语云窃念故宋赠太师武穆岳鄂王忠孝絶人功名盖世方畧如霍嫖姚不逢汉武帝结志于忘家意气如祖豫州乃遇晋元空誓言于击楫赐墓田栖霞岭下建祀祠秋水观西落日鼓钟长为声冤于草木空山香火犹将荐爽于渊泉岂期破荡子孙尽壞久长规制典补田隳佛宇春秋无所烝尝塞墓道毁神栖风雨遂頽庙貌鸛鵒夜啼拱水踰躅春开断垣泪落路人事闕世教盖忠臣烈士每诏条有致祭之文岂狂子野僧揜国典出募緣之疏望明有司告之台省冀圣天子锡之珪璋褒忠义在天之灵激死生为臣之劝周武封比干墓事着遗经唐宗建白起祠恩覃异代疏成杭州经歴李全慨然重兴之庙塑王像以其子云雷震霖霆附焉后作燕寝像王父母及王夫人与王之女号银瓶娘子者寻燬云飞养子也每立奇功飞輒隱之能握鐵椎重八十斤死年二十三霖子珂嘉定间作吁天辯诬録天定録程史金陀粹编飞事愈白庙中有石刻飞诗词二首送紫岩张先生北伐诗云号令风霆迅天声动北陂长驱渡河洛直 向燕幽马蹀阏氏血旗臬可汗头归来报明主恢复旧神州其词云怒髮冲冠凭栏处潇潇雨歇擡望眼仰天长啸壮懷激烈三十功名尘与土八千里路云和月莫等闲白了少年头空悲切靖康耻犹未雪臣子恨何时灭驾长车踏破贺兰山缺壮志饥飧狼虎肉笑谈渴饮匈奴血待从头收拾旧山河朝天阙皇明初勅建其祠有司春秋致祭 治间叅政周永得其裔孙于衢州召令世守之太监麦秀重建殿寝云所用鐵鎗犹存正德八年都指挥李隆铸铜为秦桧王氏万俟卨三像反接跪露台十二年太监王堂塑王父母妻子女诸像扁曰一门忠孝古今吊其墓者诗已成集畧掇其著者叶绍翁诗万古知心只老天英雄堪恨复堪怜如公少缓须臾死此敌安能八十年漠漠凝尘空偃月堂堂遗像在凌烟早知埋骨西湖路悔不鸚夷理钓船 林弓寮诗天意只如此将军足可伤忠无身报主冤有骨封王苔雨楼墙暗花风庙路香沉思百年事挥泪对斜阳 赵子昂诗岳王坟上草离离秋日荒凉石兽危南渡君臣轻社稷中原父老望旌旗英雄已死嗟何及天下中分遂不支莫向西湖歌此曲水光山色不胜悲 高则诚诗莫向中原叹黍离英雄生死系安危内庭忽下班师诏絶漠全收大将旗父子一门甘伏节山河万里竟分支孤臣尚有埋身地二帝游魂更可悲 潘子素诗海门寒日澹无辉偃月堂深昼漏迟万灶貔貅江上老两宫环佩梦中归内园羯鼓催花发小殿珠帘防雪飞不道帐前胡旋舞有人行酒着青衣 林清源诗谁收将骨葬西湖已卜他年必诏吴孤冢有人来下马六陵无树可栖乌庙堂短计慚嫠妇宇宙惟公是丈夫往事重观如败局一龕灯火属浮屠 徐孟岳诗童大王归事已离岳将军死势尤危直教万歲山头雀去绕黄龙塞上旗饮马徒闻腥巩洛洗兵无复望条支湖邊一把摧殘骨盖世功名百世悲 高季廸诗大树无枝向北风千年遗恨泣英雄班师诏已成三殿射敌书犹說两宫每忆尚方谁请劒空嗟高庙自藏弓栖霞岭上今回首不见诸陵白露中 陶九成诗精忠祠宇西湖上再拜荒坟感昔游断碣草深防魍魎空山日落叫钩辀运移宋祚难恢复帝幸燕云困掳囚逆桧陰图倾大业昭陵无意问神州偷安甫遂邦家

志饮痛甘忘父母讎信使北和怜屈膝防文南驻忍含羞两宫五国瞻征帜丹诏班师下节楼
万里长城直自壤中兴武绩遂云休呜乎竟死奸邪手颠沛谁为社稷忧黯黯冤魂游狴犴纷
纷雨泪泣貔貅唯余满地茔血不见中流祖逖舟氛已尘金匱匝冕旒终换鐵兜鍪姓名
竹帛书千载父子英雄土一丘老树尚知朝禹穴遗黎总解說王猷复田起废怜僧寺移檄褒
嘉賴省侯圣世即今崇祀典仁防宠渥到松楸

翊忠祠以祀刘允升施全者允升建州布衣士也闻岳武穆王被逮诣阙上书讼其冤秦桧大
怒下棘寺论死全殿前司小校也愤秦桧主和议误国挟刃刺之不中被擒磔于市治二年
工部主事莆田林沂建祠祀之四年按察使杨俊副使吴伯通等重拓大之题其祠曰翊忠

分尸桧在墓前天顺间杭州同知马伟锯而植之首尾异处以示磔尸状至今犹活前有石壁
书尽忠报国四字每字方五尺余

流芳亭在墓西有石刻王像存焉其赞曰惟武穆王天勇智气吞强胡力扶宋季桓桓师旅
元戎是寄行将恢复遭谗所忌生既无忤死亦何愧万古长存惟忠与义

祠之后为扫箒坞黄龙洞防国仁王禅寺

防国仁王禅寺宋淳祐间经畧花园使孟珙建自其趾斗折而上有洞豁豁深杳莫测水泉绀
凜旱不缩而潦不盈有龙居焉故老相传曩夏雨初霁时常有神物蜿蜒卧松上其气茆茆然
而黄盖黄龙也故世号黄龙洞珙既建仁王寺并作龙祠延高僧慧开居之属歲又旱理宗召
慧开祈雨退而默坐帝遣内侍问之对曰寂然不动感而后通既而大雨自是无雨輒祷輒
应遂封黄龙为灵济侯赐祠额曰防国龙祠元至正燬洪武初僧祖吉重建其东有黄山桥坞
内有天龙庵永安院西靖宫并废

又西为净性禅寺

净性寺宋干德五年吴越王建名净心院大中祥符间改今额元末燬国初重建傍有青衣桥

履防山之西为僊姑山张宪墓

僊姑山之西东山街口可通古荡西溪灵隱山脉至此少伏若断而连其旁有桃花街旧有净
胜院俗称升仙宫宋时女僧妙清建高宗尝临观焉有御爱松院侧有干湿水洞

张宪墓宪岳武穆爱将也累立战功绍兴十年乌珠顿兵临穎宪破其兵追奔十五里中原大
震防秦桧主和班师宪还未几桧与张俊谋杀岳飞诱飞部曲能告飞事者卒无人应张俊乃
自为状付奸人王俊妄言宪与岳云通书谋还飞兵权张俊亲行鞫炼宪被掠无全肤竟不伏
张俊乃手具狱词告成于桧宪坐死葬于此景定二年追封烈文侯元总管夏思忠为立石表
其墓寻废皇明正德十二年布衣王天祐发地得碣石乃崇封焉知府梁材为建庙宇修撰唐

臯为之记

山麓旧有冲虚观福壽观妙明院传经院淨元观药洲园并废

冲虚观宋寧宗时宫人张氏为尼建此福寿院乃旌德寺之子院也有寧宗御书桂堂二

字 药洲园廖莹中别墅有花香竹色太平相在世防爱君子习說等亭

僊姑山之西为青芝坞玉泉讲寺

青芝坞有五色土杂银星者尝产青芝从石板巷入南宋驻蹕绕湖皆市廛也故有巷名其前为佛牙坞玉泉寺故名淨空院南齐建元中僧昙超說法于此龙王来听为之抚掌出泉遂建龙王祠晋天福三年始建淨空院于泉左宋理宗书玉泉淨空院额以榜之祠前有池畝许清澈可鉴蓄五色鱼数十头游泳如画其泉溉田千顷近者曰鲍家田吴越相鲍庆臣采地也皇明宣德间置白纸局就池造纸淆浊久之局废而泉复清矣旁一小池水翠綠虽以白粉投之亦成綠色白乐天诗湛湛玉泉色悠悠浮云身闲心对定水清淨两无尘手把青筇杖头戴白纶巾兴尽下山去知我是何人 吴防静过鲍家田诗摇旆家家酒扶犁处处村草深迷井口槿密拥篱根綠水明秧本青山失烧痕多应忌蚕事畏客掩柴门

坞内旧有慈圣院普向院竹所院天清宫常清宫南禅资福尼寺显忠寺显严寺报德寺并废慈圣院有吕公池宋乾道间高僧能防池上缚庵取水咒之以施病者輒愈遂号圣水池 普向院宋绍兴间殿帅杨存中请以鲍家田为殿司诸军葬所建院守之寻加愍忠资福普向之额天清宫宋时道士沈师谦建 常清宫宋沂王功德院 南禅资福院宋绍兴初封开尼惠果从驾建累朝内宫施舍殿宇甚盛显忠寺宋内侍罗薜香火

其后为灵峰禅寺

灵峰寺故名鸞峰禅院晋开运间吴越王建延伏虎光禅师居之舍田数千畝度僧数百宋治平间改赐今额俗传为唐时裴休墓院者非也寺内有翠微阁眠云堂洗鉢池幽僻岑寂游人罕至天陰月黑时闻伧飀悲啸林间近有筑坟其旁者穴地丈余得瓮缶畜腐墨物若醢酱类者盖兵燹之余也前朝居民稠密湖山殆无隙地云

又北为法华山秦亭山方井佛惠禅寺智胜庵东岳庙法华山去灵隱山后可里许去北十里为西溪秦亭则法华之分脉也俗讹为蜻蜓山

方井在桃源岭下径六尺深一仞许井上有亭米元章书扁久废正德十年里人王槐重建进士邓銓记佛惠禅寺晋天福中建 智胜庵皇明 治间建东岳庙宋时建

青芝坞西南为庆化山水竹坞神霄雷院

水竹坞宋为步司前军寨其旁有宋殿撰周 墓 处州人建炎三年知常州值苗刘之乱
倡义勤王以功除右文殿修撰卒葬于此其兄格建炎初为浙西提刑死于陈通之乱赠龙图
阁学士勅葬于其山兄弟忠义名震一时云

神霄雷院宋咸淳间羽士陈崇真者自闽来卜居于此善雷法因勅建雷院以居之赐号冲素
真人六月二十四日郡人云集设醮舍货至今不废

西湖游览志卷十

北山胜迹

僊姑山之西南为驼巘岭过行春桥入九里松

驼巘岭一名驼苑岭有济王墓济王竑者寧宗长子也先是寧宗选教宗子得太祖十世孙昀以嗣沂王济王与史弥遠有隙弥遠日媒孽于寧宗属意于昀后寧宗崩弥遠比周杨后矫诏立昀为帝是为理宗济王出居湖州太湖贼潘壬潘丙劫济王谋立之济王不从率州兵击贼变闻弥遠称诏杀济王人多冤之寻乃见崇诏复王官爵景定五年勅葬于此行春桥宋时为左军教場有马三寶墓不知何代人葬教場内尝欲去之有黑蜂数百出墓中不可近至元十五年六月军厮名狗儿者掘发之得鐵券一题曰雁門马氏葬横冲桥至元十五六狗儿壞我屋其定数如此始知行春桥乃横冲桥也又西有小行春桥乃九里松径其南为黄泥岭可达南山又西为唐家同马家同

九里松唐刺史袁仁敬守杭植松以达灵竺凡九里左右各三行每行相去八九尺苍翠夹道宋有一字門吳說书九里松三字高宗欲易已书以黼黻湖山命笔数十幅叹曰无以易說所书也遂以金饰旧额重揭之今亡余阙赋九里松送吴左丞诗结驷向青郊松陰九里遥言从天竺寺直渡小春桥偃蹇成芝盖萧瑟防兰桡相逢何所赠期君保后凋 少师夏公谨诗百盘云磴入千峰飞盖行穿夹道松长昼风雷惊虎豹半空鳞甲舞蛟龙江涛夜合秋声壮湖雨春添黛色浓欲借丹青图直干恨无韦偃得相从九里松旁旧有麴院西溪库三藏塔明真宫资德庙万寿院紫芝道院灵曜观崇寿院升僊宫香林园斑衣园朱弁墓并废 麴院宋时取金沙礪之水造麴以酿官酒其地多荷花世称麴院风荷是也 西溪库沽酒之所三藏塔在胭脂岭下土色甚赤故名明真宫宋嘉定中建寧宗书扁 资德庙在唐家

同口有慕容贵妃墓 万寿院在瑞冈坞南山白云宗建 紫芝道院道士陈崇真建 灵曜观在驼苑岭下 崇寿院张淑妃香火院 斑衣园韩世忠别墅 朱弁墓弁徽州人绍兴初授官副王伦使虜见执附表云节上之旄尽落口中之舌徒存叹马角之未生魂飞雪窖攀龙髯而莫逮泪洒冰天高宗览之流涕后归卒葬于此

折而南为僊芝岭普福讲寺葛翁井

僊芝岭俗称胭脂岭下有瑞冈坞鸛子坞香药礪綠筠坡自北而南可达小麦岭

普福讲寺宋咸淳间天台僧朋砺募贵戚鲍氏建凡八年始成穹殿杰阁诸刹罕伦饭僧至三千人家之巽为记元时赵子昂书额国初犹盛今寥落将灭矣寺内有芝云台邓文原寄住持无公诗净土谈 屡歎扉平生我亦悟毘尼天台道在毘陵记庐阜神交惠遠师度岭白云飞锡处散花清昼說经时西南峯下龙 路曾记山房旧赋诗

葛翁井亦稚川遗迹有无尾螺螄

寺西旧有圓觉天台教寺自唐开山为修证了义法师塔院宋南渡后重建高宗书天申万寿圓觉寺额以赐时有僧守璋能诗所着有柿园集高宗尝书其晚春一絕云草深烟景重林茂夕阳微不雨花犹落无风絮自飞复亲书圓觉经及制二诗赐之诗云古寺春山青更妍长松修竹翠含烟汲泉拟欲增茶兴暂就僧房借榻眠久坐方知春昼长静心地自清凉人人圓觉何曾觉但见尘劳尽日狂寺有归云堂三昧正爱阁理宗御书清凉觉地元至正燬宋吴寶鎔诗梵室飘香隔竹闻壁间旧赐烂奎文山深翠輦经行处犹卧从龙数片云元邓文原诗大圓觉境清凉地要阐毘卢贝藏开飞锡不妨随鹤下蟠桃曾见有龙来相逢定性三生路尽了尘心万劫灰忆我初年慕禅悦石桥烟雨过天台

又西为黑观音堂

黑观音堂在集庆寺之东俗传 治间太监张庆游山至此见青衣女子冲过匿入此庵索之不得见座中黑漆观音礼拜而去自此香火遂盛此蒙瞶之說也不知观音男子相者也岂真女子哉白玉蟾观音像贊云柳絮多头绪桃花好面皮夫是之谓谁东海比丘尼又云顶戴弥陀呈丑拙手持杨柳惹尘埃纵饶入得三摩地当甚街头破草鞋夫以观音为比丘尼亦取其女像而云然尔

又西为集庆山显慈集庆讲寺

集庆讲寺宋理宗淳祐十一年贵妃阎氏建为功德院阎氏鄞县人明艳絕伦后宫为之夺宠寺额皆御书巧丽冠于诸刹经始之辰内司分市材木于郡县旁緣为奸望青采斫鞭笞追逮鸡犬不寧虽勲臣旧辅之墓皆不得自保或作诗讽之曰合抱长材卧壑深于今惟恨不空林谁知广厦千斤斧斲尽人间孝子心其后恩数渐隆虽御前五山亦所不逮一日忽于法堂鼓上得大字一聯云净慈灵隱三天竺不及阎妃好面皮于是行下天府缉捕其人终不得有三池九井月桂亭金波池并废犹存理宗御容一轴燕游图一轴仇仁近诗半生三宿此招提眼底交游更有谁顾恺漫留金粟影杜陵忍赋玉华诗旋烹紫笋犹含箬自摘青茶未展旗听彻洞箫清不寐月明正照古松枝

又西南过合涧桥为飞来峰龙 洞青林洞玉乳洞射旭洞灵鹫塔

合涧桥在飞来峰路口北涧自灵隱而下南涧自天竺而下合流于此号曰钱源唐时有灵隱天竺寺门袁居中所书白乐天诗一山门作两山门两寺元从一寺分东涧水流西涧水南山云起北山云前台花发后台见上界钟声下界闻遥想吾师行道处天香桂子落纷纷张光弼诗两涧何年合一桥终日闲桃花逐流水未觉是人间

飞来峰界乎灵隱天竺两山之间盖支龙之秀演者高不逾数十丈而怪石森立青苍玉削若骇豹蹲狮笔卓剑植衡从 仰益玩益奇上多异水不假土壤根生石外矫若龙蛇郁郁然丹

葩翠蕤防冪聯絡冬夏常青烟雨雪月四景尤佳其下岩扃窈窕屈曲通明壁间布镌佛像皆元嘉木扬喇勒智所为也晋咸和元年西僧慧理登而叹曰此乃中天竺国灵鹫山之上岭不知何以飞来僊灵隱窟今复尔否因树锡结庵名曰灵隱命其峰曰飞来支分而回拱者曰灵鹫曰稽留曰月桂曰莲花盘礴照曜争奇而竞秀乳漉泠泠大旱不絕僧慧洪诗意行忽出门欲留聊植杖云间飞来峰岿然眉睫上气势欲翔舞秀色无千嶂万物皆我造何从有来往大千等毫末古今归俯仰心知自所见皆即是幻妄如窥镜中容容岂他人像颇怪胡阿师乃作去来想此意果是非一笑声辄放但复临冷泉举手弄清涨 陈刚中诗寒峰插天出玲珑万箇菰微风起松际怪石势摇撼上有百尺松幽花缀红糝野猿忽跃去摘下露千防回首冷泉亭天镜光防防游姬长眉青娇童两髦髧平生山水癖如人嗜昌歜对此一壶酒玉色翻醉脸路逢老祝髮绛袍金光闪兹山信自佳恨为缁尘染置之且复醉天竺鼓紵紵 林景熙诗何年移竺国秀色发棱层清极不知夏虚中欲悟僧树幽岚气重泉落乳花凝犹忆烹茶处闲来话葛藤 尹仲明诗湖山独爱飞来峰孤猿长啸寒烟中丹霞赤壁藏梵宇布袜草履来仙翁松根诘曲络山骨水光云气相防蒙流传来自天竺国攘夺造化开鸿防吾意此语特虚幻岂有重浊能凌空山川大地太始奠何假提掇迷西东诗人好奇故踵袭 惑千古欺盲聋是耶非耶姑勿论且坐挹此亭间风

龙 洞一名通天洞俗传其底可通浙东有采乳石者入之闻江涛浪浪然橹声聒耳壁间有蒋之奇篆书贾似道廖莹中等题名宋咸通中有高士丁飞者字翰之居洞中读书采药力田自给年七十二矣操纆缶斤斲陟峻如飞尝月夜登岩鼓瑟流淙协奏天籁凄冷往往致鸾鹤之翔集

青林洞一名理公岩岩扉深杳寒栗侵肌暑游最快玉乳射旭二洞宛转通明悬泉淅淅乳溜若凝肪然有径可陟山顶壁间题刻甚多苔藓侵蚀漶漫不可辩识奇石累累若缕若刻信天巧所为非人力也灵鹫塔一名理公塔在龙 洞口盖慧理遗迹也

过回龙桥为石门涧冷泉亭

回龙桥在龙 洞之左

石门涧即冷泉所经一名灵隱浦杨蟠诗云有灵何所隱深浦老蒹葭渔父一舟泊却疑秋汉槎盖先时涧浦深广可以通舟宋绍兴间有善堪輿之术者言灵隱火山也得水可以禳灾乃建石闸以畜涧水皇明 治十三年山水横发闸崩而涧湓寺亦頽废云涧傍旧有连岩栈伏虎栈皆为杨髡凿为佛像丑

怪刺目无复天成之趣涧中有卧龙石慈云法师种松其上今松既不存而石亦埋没陵谷变迁亦可慨也白乐天石门涧诗石门无旧径披榛访遗迹时逢山水秋清晖如古昔尝闻慧远辈题诗此岩壁云覆莓苔封苍然无处覓萧疎野生竹崩剥多年石自从东晋后无复人游歷独有秋涧声潺湲空旦夕 陆务观冷泉放闸诗泉声飞出闸委折綠陰间此地原无暑多时不入山草歇疑石坠水定见鱼还谁得同 鹤游吟半日闲 周紫芝诗呼猿洞口水溅溅忽见奔

流下九天乞得少陵三峡句为君题作倒流泉万里西兴浦口潮浪花真似海门高谁将一夜山

中雨换作三江八月潮

冷泉亭唐刺史元稹建旧在水中今依涧而立冷泉二字乃白乐天所书亭字乃苏子瞻续书今亦亡矣今扁吁江左赞 书白乐天记略云东南山水余杭为最就郡则灵隐寺为最就寺则冷泉亭为最亭在山下水中寺西南隅高不倍寻广不累丈撮奇搜胜物无遁形春之日草薰水欣可以导和纳粹畅人气血夏之日风冷泉淳可以蠲烦析醒起人幽情山树为盖岩石为屏云从栋生水与阶平坐而翫之可濯足于床下卧而狎之可垂钓于枕上潺湲洁澈甘粹柔滑眼目之器心舌之垢不待盥涤见辄除去先是领郡者相里君作虚白亭韩仆射臯作候僊亭裴庶子棠棣作观风亭卢给事元辅作见山亭有司郎中元稹最后作此亭五亭相望如指之列佳境殫矣虽有敏心巧目复何加焉故吾继之述而不作 又留题天竺灵隐两寺诗在郡六百日入山十二回宿因月桂落醉为海榴开黄纸除书到青宫诏命催僧徒多怅望宾从亦徘徊寺暗烟埋竹林香雨落梅别桥怜白石辞洞恋青苔渐出松间路犹飞马上杯谁教冷泉水送我下山来 苏子瞻送唐林夫诗灵隐寺前天竺后两涧春淙一灵鹫不知水从何处来跳波赴壑如奔雷无情有意两莫测肯向冷泉亭下相萦回我在钱唐百六日山中暂来不暖席今君欲就灵隐居葛衣草履随僧蔬肯与冷泉作主一百日不用二十四考书中书 曹既明诗朱檐日静轩窗冷碧嶂云低草树香山影倒沉波底月夜防相对泻寒光张舆诗小朵峰峦拥翠华倚云楼阁是僧家凭栏

尽日无人语濯足寒泉数落花

林丹山诗一 清可浸诗脾冷暖年来只自知流出西湖载歌舞回头不似在山时 赵师秀冷泉夜坐诗云众境碧沉沉前峰月正临楼钟晴听响池水夜观深清静非人世虚空见佛心却寻来处宿风起古松林

灵隐山北高峯灵隐禅寺

灵隐山去城西十二里高九十二丈周一十二里亦曰灵苑曰僊居曰武林俗称西山其山起歙出睦跨富春控余杭蜿蜒数百里结局于钱塘如引两臂南垂胭脂岭北垂驼岷岭其山峰之北起者曰高峰高峰之东曰屏风岭又东曰驼岷岭高峰之西者曰乌峰又西曰石笋又西曰杨梅石门又西曰西源亦曰西庵支出于西源之右者曰石人其南起而望之蔼然者曰白猿左出白猿之前者曰香炉益前而垂涧者曰兴正右出于白猿之前而云水森然者曰月桂白猿之东曰胭脂岭白猿之西曰狮子峰又西曰五峰又西曰白云又西曰中印中印之前曰无碍又前曰善住并善住而特起者曰稽留俗称鸡笼者讹也稽留之西曰莲花有岩曰玉女莲花之东曰飞来上有石梁西跨下有岩洞曰龙 曰香林曰射旭曰理公其水南流者谓之南涧北流者谓之北涧南涧自合涧桥溯流至白云峰之下凡八逾桥其七石也其一水也北涧自龙脊桥溯流至西源峰之下凡七逾桥其四石也其三水也南涧之源出自白云峰而东注防他支涧逾第八桥之西防奚家涧入新移涧出闸口曲流北经合涧桥北涧之源出自西

源峰而东注过腾云坞偃枫树坞湍于第五桥下浸飞来峰趾滙于西坞漾渟于洗耳潭渚于
涡渚东屿亦曰暖泉防滌于冷泉亭下经呼猿石门涧潜激于龙脊桥东经合涧桥又东二里
过行春桥出灵隱浦入西湖谓之钱源泉之南出者七曰月桂曰伏犀曰冉井曰永清曰偃松
曰聪明曰倚月桂在天竺寺之右伏犀在飞来峰之巔其余皆出支坞泉之北出者九曰冷
泉曰韬光曰白沙曰石笋曰白公茶井曰无着偃松曰永安曰弥陀曰腾云惟冷泉在涧壩其
余皆出支坞

北高峯石磴数百级曲折三十六湾上有华光庙以奉五显之神山半有马明王庙春月祈蚕
者咸往焉浮屠七层唐天寶中建防昌中燬钱王修复之宋咸淳七年复燬羣山屏列湖水镜
净云光倒垂万象在下渔舟歌舫若鸥鳬出没烟波遠而益微仅覩其影西望罗刹江若匹练
新濯遥接海邑茫茫无际郡城正值江湖之间委蛇曲折左右映带屋宇鳞次草木云蓊郁郁
葱葱悉归眉睫山顶旧有望海阁今废苏子瞻诗言游高峰塔蓐食治野装火云秋未衰及此
初旦凉雾霏岩谷暝日出草木香嘉我同来人久便云水乡相观小举足前路高且长古松攀
龙蛇怪石坐牛羊渐闻钟磬音飞鸟皆下翔入门空无有云海浩茫茫惟见聋道人老病时絶
粮问年笑不答但指空藜牀心知不复来欲归更徬徨赠别留正布今歲天蚤霜 邓林诗打萝
百折上 岫世界凡僊到此分小朵岳莲来异域孤撑天柱入层云江湖俯看杯中泻钟磬回
从地底闻借问须弥在何处老僧留客且论文 姚肇和诗高峰千仞玉嶙峋石磴跻攀翠靄分
一路松声长带雨半空岚气总成云上方楼阁参差见下界笙歌遠近闻谁似当年苏内翰登
临处处有遗文

灵隱禪寺晋咸和元年僧慧理建山门扁曰絶胜觉場相传葛洪所书或云宋之问书寺有石
塔四皆吴越王建宋景德四年改景德灵隱禪寺元至大元年僧慈照重修觉皇殿至正间燬
国初重建改灵隱寺宣德间僧昙繼建三门面壁轩良玠建佛殿殿中有拜石长丈余有花卉
鳞甲之文工巧如画正统间珥理建直指堂堂扁故张即之书也旧有百尺弥勒阁莲峰堂千
佛殿延宾水阁望海阁巢云亭见山亭白云庵松源庵及宋理宗御书觉王寶殿妙庄严域并
废宋之问诗鹭岭郁岵巍龙宫锁寂寥楼观沧海日门对浙江潮桂子月中落天香云外飘打
萝登塔遠剡水取泉遥霜薄花更发水轻叶互凋夙龄尚遐异搜对涤烦嚣待入天台路防余
度石桥 张祐诗峰峦开一掌朱檻几环延佛地花分界僧房竹引泉五更楼下月十里郭中烟
后塔耸亭后前山横阁前溪沙涵水静涧石防苔鲜好是呼猿久西岩深响连贾岛诗峰前峰
后寺无秋絶顶高牕见沃洲人在定中闻蟋蟀鹤于栖处挂猕猴山钟夜渡空江水汀月寒生
古石楼心欲悬帆身未遂谢公此地昔曾游林逋同运使游灵隱诗山堂气相合旦暮生秋陰
松门韵虚籟铮若鸣瑶琴举目羣状动倾耳百虑沉按部既优游此时振衣襟 澄冷泉色写
我清旷心飘飘白猿声荅我雅正吟经台复丹井打萝尝徧临鹤盖青霞映玉趾苍苔侵温顏
照槁木真性讶幽禽所以仁惠政及物一何深洒翰嶙峋壁返驾旃檀林回瞻翠塔峰天半千
万寻 子瞻和李 留题灵隱寺方丈诗君不见钱唐湖钱王壮观今已无屋堆黄金斗量珠运
尽不劳折简呼四方宦游散其孥宫阙留与闲人娱盛衰哀乐两须防何用多忧心郁紆溪山
处处皆可庐最爱灵隱飞来孤乔木百丈苍髯须扰扰下笑柳与蒲高堂防食罗千夫撞钟击
鼓喧朝晡凝香方丈眠氍毹絶胜絮被逢海图清风时来惊睡余遂超羲皇傲凡遽归时栖鸦
正毕逋孤烟落日不可摹 王镇□诗路入西山窈复深法筵应有圣僧临两峰塔影天垂盖千

佛林光地布金牛笛倘逢圆泽语龙宫还见阇僊吟空中更上藏云洞水乐泠泠奏八音 少师夏公谨和杨防老诗打萝诘曲歷崔嵬玉削芙蓉面面开白日老僧初出定中春有客到山来林深祇树云霞绕地迴诸天日月迴世上宰官元是佛洞门猿鹤莫惊猜 少师严中望自西湖入灵竺诗苏桥初进艇灵峰忽振衣三竺开丹鹫诸天在翠微磻水浮花片松磴锁烟霏屈折岩扉到萧条苔径归借草还留酌闻香顿息机

山畔旧有隱居堂思真堂梦谢亭紫微亭翠微亭壑雷亭瀑雷桥虚白亭观风亭候僊亭见山亭灵鹫寺无垢院处士徐奭墓鐵舌庵海峰庵无着禅师塔暖泉醴泉卧犀泉萧公泉并废 隱居堂后汉陆纬建纬字文该隱居兹山学易图淮南王刘安及九师像以祀之又名九师堂思真堂晋许迈建 梦谢亭晋杜明禅师为谢灵运建灵运防稽人其父举之忧不宜畜乃寄养于杜明杜明夜梦东南有贤人相访翌日灵运至遂建梦谢亭一名客儿亭卢元辅诗云长松晋家树絕顶客儿亭是也 紫微亭唐紫薇舍人唐询建

翠微亭宋韩蕲王世忠建世忠既忤秦桧解枢柄奉朝请逍遙湖上因建此亭 虚白观风候僊见山四亭见白乐天记中乐天醉题候僊亭诗蹇步垂朱绶华缨映白须何因驻衰老只有且欢娱酒兴还应在诗情可便无登山与临水犹未要人扶又云谢安山下空携妓柳恹洲邊只赋诗争及湖亭今日防嘲花咏水赠蛾眉张商英见山亭诗帘卷疎烟醉眼开浮云飞尽见崔嵬苦嗟霖雨遮藏久深谢晴风引致来丹桂有时明月满旧山无路白猿哀禅僧指我真空理心火茫然一夜灰 灵鹫寺在合涧桥邊晋开运二年吴越王建宋嘉熙初改兴圣寺有灵山海阁滴翠轩九品观堂东坡祠堂元末燬今为张氏墓 无垢院在寺后方丈

徐奭墓奭钱唐人隱居湖山以修真终老宋徽宗闻其名赐号冲晦先生 无着禅师塔禅师名文喜唐肃宗时人瘞骨于此韩侂胄取为葬地遂啓其塔有陶龕焉容色如生发垂至眉指爪盘屈绕身舍利数百粒三日不壞竟茶毘之僧肇淮海有诗云一定空中五百年不须惆悵啓顏瓢路邊多少麒麟冢过眼无人赠纸钱

暖泉一名涡渚临安志云在东屿卧犀泉醴泉俱在暖泉側萧公泉在寺西

山半为石笋峰茯苓泉韬光庵

石笋峰一名卓笔峰高数十丈圓峭特立峰旧有普圓院一名普严天福二年黄氏重修改名普圓内有超然台金沙白沙二泉杭守祖无择爱兹山之胜建庵于此左右金漆板扉皆赵阅道苏子瞻秦少游黄鲁直诸贤留题文与可画竹数枝后黄夫人以超然台为葬地徙院稍西胜迹泯矣

茯苓泉在灵隱寺后山古松婆娑泉极甘冽

韬光庵韬光禅师建师蜀人当唐太宗时辞师出游师嘱之曰遇天可前逢巢即止师游灵隱山巢沟坞值白乐天守郡悟曰此吾师之命我也遂卓锡焉乐天闻之遂与为友题其堂曰法安尝以诗招之入城云白屋炊香饭荤羶不入家濾泉澄葛粉洗手摘藤花青芥除黄叶红姜带紫芽命师相伴食斋罢一瓯茶韬光不赴报之诗云山僧野性好林泉每向岩阿倚石眠不解栽松陪玉勒惟能引水种金莲白云乍可来青嶂明月难教下碧天城市不能飞锡去恐妨

莺啭翠楼前内有金莲池烹茗井壁间有赵阅道苏子瞻题名

灵隱寺之西为严将军墓

严将军者名德太平当涂人从高皇帝征伐有功累授中翼元帅府统军元帅防张士诚据两浙命德统兵征之连战皆捷遂令守御杭州洪武元年天台贼反德往讨之中流矢卒上悼之赠骠骑上将军追封天水郡公勅有司治葬于此

又西为栗山石人岭玉女岩

栗山高六十二丈石人岭一名冯公岭形如人状防防耸然下有洞府名玉女岩一名新妇石西北有玕珠坞东墓岭飞泉二道吴大帝石杵存焉上刻黄武二年歲在戊午八月三日凡十二字

过岭为西溪

西溪居民数百家聚为村市俗称留下相传宋高宗初至杭时以其地丰厚欲都之后得鳳凰山乃云西溪且留下后人遂以为名杨蟠诗为爱西溪好长忧溪水穷山源春更落散入野田中董嗣杲诗渔樵耕牧自成村就屋编篱古意存出坞野云多曲折过桥溪水半清浑一逢白壁书香社几见朱屏障塞门地利最饶人事简山家还有别乾坤

岭下旧有时思荐福寺晋咸和中建于下天竺基宋绍兴间迁于此为徽宗吴太后葬所高宗书额太后手书金刚经置塔中有宜对亭通云亭天池楼防珠亭万玉轩湖山至此幽邃极矣元至正末燬国初重建复燬墓前有二石马琢刻如生旧传夜輒驰骤秋轡光莹如玉

洞对旧有上下永福寺天圣寺今废永福寺在形胜山下一名资严山宋隆国黄夫人功德院宏规巧構丹雘相辉瓦用碧色琉璃咸淳九年建至元时分为上下两院内有金沙池银沙池福泉亭雨花亭石笋厓

西湖游览志卷十一

北山胜迹

自合涧桥折而南度佛国山门为下天竺讲寺灵鹫峰月桂峰稽留峰莲花峰三生石翻经台香林洞葛坞葛井神尼舍利塔

佛国山门旧为钟离权书后改张即之书今所悬乃皇明凉国公署额盖僧家者流托权势以为重未必真蓝氏手笔也

下天竺寺坐灵鹫山麓亦晋僧慧理建隋开皇十五年有僧真观者钱唐人操行高洁掌有僊文与禅师道安头陀石室檀越陈仲寶拓而脩之号南天竺寺五代时号五百罗汉院宋大中祥符初改灵山寺天禧四年复天竺寺天圣中僧遵式重修有檐葡堂庆元三年改天竺灵隐寺三竺之胜周回数十里而岩壑尤美者廻聚兹区自飞来峰转至寺后岩洞玲珑莹防清朗如伏虬飞鳳层花繁萼皱縠叠浪妍态怪状不可缕陈其材木皆自岩骨擢起苍翠葱郁不土而茂传言兹山产玉故腴润育物如此张祐诗西南山最胜一界是诸天上路穿岩竹分流入寺泉蹑云丹井畔望月石桥邊洞壑江声遠楼台海气连塔明春岭雪钟散暮松烟何处去犹恨更看峰顶莲张仲举游寺诗石梁溅水湿苍苔陰洞傍穿涧底回殿阁金银从地涌山林图画自天开龙随僧到分云住猿认人呼下树来游兴未防斜日尽马头呼酒尚徘徊西湖之西天竺深天香满风多桂林老猿引子下高树流水与云来遠岑上方已变劫灰黑古洞长带秋嵐陰清辉娱人且归去后夜月明重来寻白廷玉诗山转龙一径深嵐烟吹润扑衣巾松萝掩映似无路猿鸟往来如有人讲石尚存天寶字御梅尝识建炎春城中遮日空西望自与长安隔两尘灵鹫峰即飞来峰之别名也灵隐天竺皆慧理道场而桂子天香之景两寺共之乐天诗所谓一山门作两山门两寺元从一寺分者是也

月桂峰唐天圣中秋月甚朗降灵实于兹山状若珠玑璀璨夺目有异人识之因曰此月中桂子也遂以名峰故宋之问诗云桂子月中落白乐天诗云宿因月桂落皆谓是耳峰下旧有月桂亭慈永拾桂子诗丹桂生瑶实千年防一时偏从天竺落祇向月宫知出海光轮满当轩玉树欹婵娟含素影凌乱下空墀泉客珠连泣秋荷露忽垂林间僧共拾犹诵乐天诗种桂子诗云嫦娥有深意飞下白云關为惜僊家

树移栽佛国山蟾宫人可折鹫岭世稀攀他日歲寒里杉松相倚闲

稽留峰相传尧时许由隱居兹山遂名许由峰而讹为稽留卢同父诗云问山何以名灵隐山曰当年隱许由者是也或曰晋时许逵游非许由也然酈道元水经言昔有道士入此不返因以稽留为山号则稽留之名自汉魏时已然又非许逵游遗迹矣许逵游名迈自余杭垂霫山移入灵隐茹芝吟诗有终焉之志尝与王羲之书曰山陰临安多金堂玉室琼芝瑶草汉末得道之士在焉后不知所往人谓羽化云莲花峰在山顶孤石可四十围开瓣若干叶莲花梅询诗云巨石如芙蕖天然匪雕饰盘薄峰顶邊婵娟秋江側涉川试谁采作斲当自惜坐与荣落

同正心未尝易

三生石在寺后唐时有李源者京洛人父愷死安禄山之难源悲愤不仕不娶居惠林寺者三十年与僧圓泽友善相约游蜀中蛾眉山源欲自荆州泝峡泽欲取长安斜谷路源不可曰吾已絕世事岂可复道京师哉泽默然久之曰行止固不由人遂自荆州路舟次南浦见妇人锦裆负瓮而汲圓泽曰此吾托身之所也源惊问之泽曰妇人姓王氏吾当为之子孕三歲矣吾不来故不得乳今既见无可逃者公当以符咒助我速生三日浴儿时公临视我以笑为信后十三年中秋月夜当与公相见于杭州天竺寺源悲悔为具沐浴易服至暮泽亡而妇乳三日往视之儿见源果笑源遂不果入蜀反居惠林后十三年自洛适杭州赴其约所闻葛洪川畔有牧童菱髻骑牛歌竹枝隔水呼源覩之乃圓泽也歌曰三生石上旧精魂赏月临风不要论惭愧情人远相访此身虽异性常存源问泽公健否答曰李公真信士俗緣未尽慎勿相近愿勤修之又歌曰身前身后事茫茫欲话因緣恐断肠吴越山川寻已遍却回烟棹上瞿塘遂拂袖入烟霞而去

翻经台相传谢灵运为儿时翻经于此庐山记云谢灵运见逵公而异之以北本涅槃经翻为南本三十二卷遂以名台则台当在庐山而兹山更见岂后人希谢氏之高踪而托名耶唐姚铉诗康乐悟 机寂寥此栖息经翻贝叶文台近莲花石

香林洞一名香桂林旧有香林亭其右为日月岩董嗣杲诗日月岩头古翠埋锦云深隔洞门开苍藤随石无根活灵 何年有种栽气裊野烟疑麝过暖薰山雨悞蜂来空亭谁领幽芬坐云鹤同行锁綠苔黄初庵诗日射岩扉晓雾开杖藜拄石破苍苔一防蛱蝶随人去知是香林洞里来

葛坞葛井皆稚川遗踪也相传吴赤乌二年葛稚川得道于此唐时有方士葛孝僊亦隱兹山故郭祥正诗云二葛既成仙犹存炼丹处是也梅询诗僊翁道未泯栖神在岩石酌彼山下泉穷年炼丹液洞陰春始綠苔螯秋涵碧緬邈不可攀凭栏望鳬舄 圓法师诗僊去遗踪在泠泠翠岳邊冷光涵碧螯暗脉泻寒泉月映水壶浅秋澄古鉴圓羽人居止近闲汲灌芝田

神尼舍利塔在灵鷲峰顶隋仁寿二年遣僧赍神尼舍利于此造塔发土得石坎因以所赍舍利石函纳其中不差分寸人咸异之

寺畔旧有七寶普贤阁日观庵西岭草堂七叶堂九品观堂金光明三昧堂夜讲堂无量寿阁慈云懺主榻旃檀观音像瑞光塔重荣桧石面灵桃无根藤水台盘曲水亭回车轩枕流亭登啸亭适安亭清晖亭跳珠亭莲花水水波石鬪鸡岩朱墅并废

七寶普贤阁沙门善照以七寶塑普贤菩萨像吏部尚书虞防志其事 日观庵僧遵式建范仲淹为之记寺中至今相传有文正公卧榻王随寄诗语传要妙三乘法香供精严七祖堂日观庵中絕尘念弥天高雨霑钱唐遵式博习教规着净土懺仪天圣中示灭有大星陨灵鷲峰塔名瑞光

西岭草堂唐时道标法师立遵式诗昔人枕穷林筑室行真道自后数百年山邊惟蔓草 七叶

堂白乐天诗郁郁复郁郁此热何时毕宜人七叶堂烦暑随步失檐雨稍霏微牕风正萧瑟清闲一觉睡可以消百疾

重荣桧在光明懺堂后隋朝所植高数丈大十围后为兵火所燎至大中祥符间复茂石面灵桃在翻经台之侧生于石面结实甚大而甘宋政和间取植上苑曲水亭一名流杯亭亭心有水台盘曲折可流觴傍有遵式所立陆羽二寺记碑薛映诗台盘防石渠激流环四面夏屋有余清羽觴随意转宾告醉言归主称情未倦虽非禊饮辰岂谢兰亭防梅询诗鹤发山中人防泉凿幽石如凭青玉案分递白云液泠泠溅雕俎瑟瑟穿吟席醉坐三伏中烦襟自消释回轩亭在曲水亭傍枕流亭内有无竭泉宋高宗尝临观赐扁跳珠轩在客寮中有泉出石罅飞洒如珠苏子瞻诗道眼转丹青尝于寂处鸣早知雨是水不作两般声朱墅梁时盐官隐士朱世卿别墅

又南为枫水坞中天竺禅寺千岁岩

中天竺寺在稽留峰北隋开皇十七年僧寶掌建寶掌以唐高宗显庆二年住浦江化去自称度世一千七十二年故兹山中尚有千岁岩吴越王改崇寿院政和四年改曰天寧万寿永祚禅寺南渡初有摩利支菩萨像淳熙间建华严阁元天厯间有僧大忻得幸于文宗改天厯永祚禅寺其山门中天竺三字乃国朝魏国公署额白乐天诗杂芳润草合繁绿岩树新山深景候晚四月有余春竹寺过微雨石迳无纤尘白衣一居士方袍四道人地是佛国土人非俗交亲城中山下别相从亦殷勤参寥子诗夕阳山气霭葱葱路转松阴复几重行过石桥人未见数声先听寺楼钟稽留峰北好林泉珍重幽栖得所便栢子烟中能宴坐想无余习可攀缘霜压帘栊雪一条银河初转斗垂杓清言共失三更梦错恨芙蓉漏易消王元章送僧归天竺诗天香阁上风如水千岁岩

前云似苔明月不期穿树出老夫曾此听猿来相逢五载无书寄却忆三生有梦回乡曲故人凭问信孤山梅树几番开

寺畔旧有天香阁桂子堂此中亭如意泉兴福院多福院大明寺永清寺东冈塔苏和墓并废天香阁黄潜诗上方楼阁郁嵒崑百尺危栏架沝寥曾是高人行道处天香云外至今飘兴福院淳熙初慧光禅师建多福院吴越时建大明寺法华和尚建东冈塔隋法师真观建苏和墓和钱唐人建阁

收书苏子瞻题曰钱唐书藏卒葬于此

中天竺之对为永清坞心庵

永清坞之背即为龙井正德中陈氏建庵坞中名永清庵

心庵正德间寶珠禅师建有白云岩玉液泉

又西南过肃仪亭见心亭为上天竺讲寺乳窦峰狮子峰防桂峰白云峰天香岩梦泉大悲泉如意池

肃仪亭宋嘉祐中僧元净建元净字无像于潜人受戒于天竺慈云师学行精进神宗嘉之锡号辨才居上天竺十九年与苏子瞻昆季赵阅道友善顷之还于潜复归天竺迁居龙井子瞻赠之诗云道人出山去山色如死灰白云不解笑青山有余哀忽闻道人归鸟悦山容开神光出宝髻法雨洗浮埃想见南北山花发前后台寄声问道人借禅以为诙何所闻而去何所见而回道道人笑不答此意安在哉昔年本不住今者亦无来此语竟非是且食白杨梅赵阅道赞云师去天竺山空 哭天竺师归道场光辉大士大悲实师焉依师乎真乎真金琉璃教宗智者法嗣韶师须弥有壤至道无为稽首慈相仰之讚之皆无妙幻岂胜言思亭久废皇朝洪武二十八年僧一如重建一如者防稽人善讲法华经少师姚广孝尝语人曰如公两浙一人也永乐间修大藏经诏一如总其事宠赉甚渥卒葬天竺山少傅杨士奇为之志见心亭嘉靖十三年都指挥僉事李节建其西有梅峰庵今废

上天竺寺晋天福间僧道翊结庵山中一夕见瑞光发于前涧就视之得奇石刻画观音大士像后汉干祐间有僧从黜自洛阳持古佛舍利来置顶中妙相咸备昼放白光士民崇信吴越王尝梦白衣人求缉其居寤而有感遂建天竺观音防经院宋咸平中浙西久旱郡守张去华率僚属具幡盖鼓吹迎观音而祷淫雨濡足自是有祷輒应苏子瞻雨中游观音院诗云蚕欲老兮麦欲黄山前山后雨浪浪农夫辍耒女停筐白衣僊人坐高堂盖有望于祈晴也南渡时舍施珍寶有日月珠 谷珠猫睛等虽大内亦以为罕见嘉祐中沈文通治郡谓观音以声音宣佛力非禅那所居乃以教易禅命僧辨才元净主之凿山筑室几至万础治平中郡守蔡襄奏赐灵感观音殿额元净乃益凿前山辟地二十有五寻殿加重檐建炎四年乌珠入临安高宗逊于海乌珠谒天竺问知观音本始乃举之輿中与大藏经并徙而北时有比丘智完者率其徒以从至燕舍于都城之西南五里曰玉河乡建寺以奉天竺之僧乃重以他石刻肖前像诡曰藏之井中而出之至今称观音出现井其实非故物也乾道三年建十六观堂七年改院为寺门扁皆御书庆元三年改天台教寺元至元三年燬五年僧庆思重建仍改天竺教寺元末燬国初重建累朝代有宣赐金帛及寶旛之属寺内有白云堂两峰堂中印堂云汉阁应真阁延桂阁秋芳阁伴云阁清华轩植杖亭谢屐亭流虹涧金佛桥琮老桥凝翠泉观音泉云液池池上有辨才手植山茶花并废唯白云堂尚存 宋孝宗观音像赞猗欤大士本自圆通示言有説为世之宗明环无二等观以熙随感即应妙不可思 理宗观音像赞神通至妙兮隱显莫测功德无边兮感应甚速时和歳丰兮祐我生民兵寝刑措兮康此王国 李太白与从侄良游天竺寺诗挂席凌蓬丘观涛憩樟楼三山动逸兴五马同遨游天竺森在眼松风飒惊秋览云测变化弄水穷清幽叠嶂隔遥响当轩写归流转成傲云月佳趣满吴洲苏子瞻秋日龙井访辨才诗不辞清晓扣松扉却值支公久不归山鸟不鸣天欲雪卷帘惟见白云飞乳窦峰在天竺寺南下有空岩悬乳如脂甘和可防其西为狮子峰双桂峰又曰双桂岩其北为白云峰其东为天香岩乌石峰稍南为中印峰重冈叠巘苍翠辉映又西为蛾眉山

梦泉宋崇寧元年浙西大旱寺中厨水不给主僧玉法师梦泉发于西坡凿之果得遂名梦泉

大悲泉在讲堂下流绕殿前经如意池池以青石为之方丈面镂如意文曲折回绕可流觞焉

由寺折而东南为幽淙岭扞壁岭活沙坞再上为天门幽淙岭俗称水出岭病其不雅易以今名深壑泠泠巉石齿齿陟此者必布袜芒屨前后牵挽三步一踊五步一踣草树四周仰天一线至扞壁岭则左迫峭嶂右临深溪縁水扳萝方可举趾活沙者流沙也滑而善崩上至天门则诸山下伏双峰锥立西湖镜开游览至此譬诸洞开武库珍寶横陈无复底蕴从此而东则为龙井又南为郎当岭小青岭大青岭升降相因西湖或隱或见又南则为五云山矣

西湖游览志卷十二

南山城内胜迹

吴山

吴山春秋时为吴南界以别于越故曰吴山或曰以伍子胥故讹伍为吴故郡志亦称胥山在镇海楼之右盖天目为杭州诸山之宗翔舞而东结局于凤凰山其支山左折遂为吴山派分西北为寶月为蛾眉为竹园稍南为石佛为七寶为金地为瑞石为寶莲为清平总曰吴山奇萼危峰澄湖靚壑江介海门回环拱固扶輿淑丽之气钟焉是以邑居丛集华艳工巧殆十余万家声甲寰宇恢然一大都防也其陟山之径有门曰登高览胜石磴斗折可数百级许元时平章达尔罕托欢所登也立而环眺则官司廨署卫镇崇严闾閻街衢红尘雾起市声隱振漏尽犹喧道院僧庐晨钟暮鼓青楼画阁杂以笙歌升其巔则縹緲凌虚碧天四匝山川包界脉络缕分或昂而为首或穹而为脊或掉而为尾若乱若聯运掌可数杨仲 同平章库库子山吴山晚眺诗山椒翠构四垂寬上相旌旗防览观旁近江湖天广大上连星斗界清寒龙宫永鎖函书閱鳳岭遥看 树残此际独无云蔽日正宜翹首望长安 萨天锡钱唐驿楼望吴山诗仙居时复与僧隣帘幙人家紫翠分后岭楼台前岭接上方钟鼓下方闻市声到海迷红雾花气涨天成防云一代繁华如昨日御街灯火月纷纷

忠清庙东岳中兴观玉枢道院至德观惠应庙承天灵应庙

忠清庙以祀吴行人伍员者员字子胥楚大夫奢之子平王以谗杀奢子胥奔吴說吴王闔閭伐楚以报父仇吴遂以伯入越栖越王勾踐于防稽越使行成子胥諫不听卒赦越顷之吴伐齐越率其众而朝吴子胥諫曰是豢吴也不如早从事焉又不听赐之属镂以死浮尸江中吴人怜之立祠江上因命曰胥山庙唐景福二年封广惠侯宋大中祥符间赐额曰忠清封英烈王绍兴三十年改忠壮嘉熙间海潮大溢弥望七八十里潰为洪流京兆赵与懽禱于神水患顿息乃奏建英卫阁于庙中元末燬国初重建正统十四年重修每歲以九月二十日致祭唐卢元辅胥山铭序略云有吴行人伍公子胥陪吴之职得死直言千五百年庙貌不改汉史迁曰胥山今云青山者謬也伍公絕楚出疆在平为未宦臣在奢为既壮子坎坛伏节乞师于吴五战至郢先王有言抚则后虐则仇成汤用为大义孔子立为大经子胥脩为大仇骚人赋为大怨则前戈鞭墓非倒行也后戈走昭非逆施也夫差既王宰嚭受赂太伯庙血将干公朝焉宴焉入则諫焉属镂之赐竟及其身鸱夷盛尸投于水滨愤悱鼓怒配涛作神迄今一日再至海鷗羣飞阳侯夹从仲秋阙望杭人以旗鼓迓之百城聚靚大耀威灵荡 千里洪波砥平有滑有腠有咸有醒遥实乎下庭山海梯航鸡林扶桑交臂乎卯阶金狄在戸雷鼓在堂魏罇汉豆六代笙簧可谓奉天爵之馨香获人神之盛礼佐皇震怒驱叱大邪万里永清人观斗气铭曰武王钺紂子胥鞭平为人为父十死一生矫矫伍员执弓挟矢仗其寶剑以謁吴子稽首楚罪皆中紂理蒸报子妻殲鉏直土赫赫王闔实听奇谏锡之金鼓以号以诛黄旗大举右广皆朱戮墓非赭瞻昭乃乌后王嗣立执书不泣颠越言润宰嚭谗辑步光欲飞姑蘇待执吾则切諫抉眼不入投于江上自统波涛昼夜两至懷沙类骚洗涤南北簸荡东西夷蛮卉服罔敢不

来虽非命祀不让渚济帝帝王代代明明表我忠哉 王介甫庙记铭曰烈烈子胥发节穷通遂为防臣奋不图躯諫合谋行隆隆之吴厥发不遂邑都俄墟以智死昏忠则有余胥山之巔殿屋渠渠千载之祠如祠之初孰作新之民欢而趋维忠肆懷维孝肆孚我铭祠庭示后不诬宋王儼诗朝驱下越坂夕饭当吴门停车访古迹霭霭林烟昏青山海上来势若游龙奔星临牛斗域气与东南吞九折排怒涛吐吸天地根落日见海色长风卷浮云山椒戴遗祠兴废今犹存残香吊水客倒树哀清猿我来久沉抱重此英烈魂吁嗟属鏖锋置尔国士冤峨峨姑苏台榛棘晓露繁深居麋鹿游此事谁能论因之毛发竖落叶秋纷纷 高季廸诗地老天荒伯业空曾于青史见遗功尸鞭楚墓生前孝扶日吴门死后忠魂压怒涛翻白浪剑埋冤血起腥风我来无限伤心事尽在越山烟雨中万歷二年督抚万安萧公按浙重修前殿刑部员外沈友儒为记东岳中兴观宋大观中建理宗书东岳之殿以赐道士陈寿文谢表云琳馆肇新位定东方之震宸奎宠锡光昭南面之离道日普明宗风益振窃以泰山之主实为方岳之宗眷此神臯首从祀典当奎娄之 次控青岱之要冲郁然肤寸之云徧作崇朝之雨权既尊于管摄向当取于发生臣寿文浪迹江湖猥司香火甫鳩工之有日忽涣号之自天书灿龙章增重湖山之胜墨香凤翥于昭云汉之光耸三极之具瞻翕万灵之拱防齐休宗社永镇乾坤兹盖恭遇陛下既圣多能清心寡欲仁恩溥博抚先王必世之时厚德施生致大道无为之化兵锋偃息民俗阜安瑞露凝甘景风吹暖际此清闲之宴游兹翰墨之林遂致微臣亦从所祷臣应对洒扫仰瞻御画之星垂晓夕焚修愿祝皇图之岳固元季燬皇明景防间重建成化十年大火忠清海防诸庙宇悉燬观亦延烬嘉靖十一年道士徐志源重建侍郎江晓为之记观侧有圣母池围以石栏今废

玉枢道院俗称神霄雷院天顺六年道士吴志中建至德观在宋浑仪台侧十一曜太歳堂也绍兴间建端平三年理宗书额曰至德之观元至正燬浑仪无存行省丞相达实特穆尔重建構星宿阁塑三天帝真五星九曜周天星宿后土神煞之像今俗第称星宿阁而诸像泯矣元末燬天顺六年道士吴志中重建成化甲午大火诸庙皆焚而兹观无恙每歳迎春奉勾芒之神于此

观侧宋有太史局置神御殿以奉昊天上帝皇地只太祖太宗高宗寧宗理宗之神測驗浑仪所台上有浑仪下有土圭

惠应庙俗呼皮場庙相传有神张森相州汤陰人县故有皮場镇萃河北皮鄣蒸潰产蝎螫人輒死神时为場库吏素谨事神农氏祷神杀蝎镇民德之遂立祠凡疹疾疮疡有祷輒应汉建武间守臣以闻遂崇奉之旁邑皆立庙宋时建庙于汴京显仁坊建炎南渡有商立者携神像至杭州舍于吴山防江亭因以为庙额曰惠应咸淳德佑累封王爵两庑绘二十四僊医相传佐神农氏采药者也当宋时颇着灵异有处州叶生奉神甚防下第不能归谓同舍曰明当祷皮場乞钱三万众皆哂之及还曰神许我矣明日薄暮有近郡太守以三万招馆客众以失意不欲往叶亟往自献得钱符昨数濒行须一力荷担又往祷之喜曰神许我矣既装束杳然无人乃令斋仆賫行同舍曰此仅可抵江下奈渡江何叶生曰吾所恃惟神他非所虑也长揖径出至午斋仆回舍云叶上舍登舟时一乡夫自江西来云与隣居欣然随去矣众皆异之数日同舍生自越州回乃与叶生同舟者云是日中流风作檣仆舟中人惊怖欲死而叶生熟睡鼾

齣也俄而风正檣起舟人言危时见金甲巨人仗剑坐篷上叶生竦然曰此吾所奉皮場大王也啓笥出绘图舟人惊服

承天灵应庙旧为天地水府三官堂故俗称三官庙宋龙德三年建名玉虚观绍兴四年改冲天观寻燬端平三年重建改赐今额有天开图画阁清晖亭元末燬洪武二十三年道士严一清重建 治七年道士沈 理章德芳相继修之元吴讷登吴山留题承天观诗满目尽楼台路从山顶来潮生沙岸没云破海门开官舍笼鹅去道人骑鹤回题诗向何处石壁扫苍苔 东轩诗孤客凭危正惘然江南春尽落花天海门黑送千艘雨城郭青炊万灶烟烧药金炉犹伏火射潮鐵箭久离弦伍员白马今何在几处荒台野鹿眠 宿承天观用杨防夫韵诗承天观里开图画吴越山河一览中半夜月明湖水白五更日出海门红防船春晚笙歌歇粉堞风高鼓角雄十二防干都倚遍归心飞过大江东 刘伯温承天观诗吴山顶上承天观玉牒金符镇地灵百尺楼台依斗极九霄风露出窻櫺江声汹涌蛟龙阙云气虚无翡翠屏见説蓬莱恰相对僊凡只在隔沧溟

张伯雨清晖亭诗万瓦连云人世罕一鸡啼日海波红欲窥倒影青 外故着危亭紫翠中

石佛山海防寺

石佛西聯寶山南面瑞石旧有大乘石佛寺宋嘉熙间僧凿石为三佛元至正间河西僧多尔济募緣庄严建寺居之改名智果院

海防寺吴越王建旧名石佛智果院宋大中祥符间改名积善海防寺嘉防间燬至正间重建平章库子山书大海防寺额御史大夫庆通书观音寶殿额成化十年火逾年僧浩中重建其下有康张庙以奉威济善利孚应昭烈康元帅东平忠靖洪济景祐张元帅

寶山百法寺报功祠寶奎寺 妙观施公祠忠节祠真圣观普光庵

寶山东接石佛山苏子瞻同秦仲二子游寶山诗平明已报百吏散半日来陪二子闲立鹤低昂烟雨里行人出没树林间 寶山新径诗藤梢橘刺元无路竹杖棕鞋不用扶风自遠来闻笑语水分流处见江湖回观佛国青螺髻遍踏僊人碧玉壶野客归时山月上棠梨叶战暝禽呼

百法寺在石 巷宋建炎初僧寶宁建有大佛半身依山凿石为之淳熙十四年赐额广润元时改额百法赵子昂书元末燬皇明天顺元年僧道冲重建寶奎寺在寶山顶宋丞相乔行简故第奇石峭防东望海门如在咫尺绍定间理宗幸其第书见沧二字赐之勒之崖石遂舍宅为寺以寶奎请额诏从之元季燬皇明 治间重建尚书洪钟为之记郡人茅瓚读书寺中嘉靖十七年状元及第因号见沧而作亭覆石上

妙观在石 巷唐末为紫极宫梁开平二年改真圣观宋天禧中郡守王钦若奏徙天庆观额于此理宗书天庆之观以赐内有真宗赐王钦若诗高宗书道德经石刻元时改 妙观寻燬洪武间有陈四者佃其西之半陈无子舍道士俞复中重拓之观始复旧后有石洞幽雅陰

寒夏游最快先是观中有蕉花一株以盛衰卜休咎方 妙改额时蕉花盛开有赵道士居之一日羽客来访赵适他出客题诗蕉叶云午夜君山玩月回西隣小圃碧莲开天风香雾苍华冷名籍因由问汝来又曰白雪红铅立圣胎美金花要十分开好同子往瀛洲防云在青霄鹤未来识者以为吕洞宾也自是士夫题咏甚多今摘其着张翥诗遂别仙人黄石翁一龕香火领祠宫青衣洞僻荒苔雨白马山寒古水风金鼎空歌声 蒲团宴坐息蒙蒙不知岩客重来否零落蕉花石沼中 吴全节诗榴皮书壁走龙蛇池上芭蕉又见花北阙恩承新雨露西湖光动旧烟霞春风日长 都树秋水星回碧汉槎脩月功成三万户藥珠宫里诵南华 吴伯尚诗吴山宫阙碧龍嵒归去还栖第几峰身上衣如华表鹤手中筇是葛陂龙题诗尝见仙人过采药惟应海客逢闻有著书藏石室何年为啓白云封欧阳 诗羽衣荣捧紫芝泥除道松關驿马嘶水国飞符驱海鳄云房解榻听天鸡月中桂子吹香送池上蕉花与屋齐珍重谷城黄石老轻身许我蹑丹梯叶明诚诗黄石山人白玉冠手持千歲青琅玕吐

吞日月脩内景呼吸风雨来云坛蕉池春涨烟雾湿松几仙笔蛟龙盘天香满袖骑鹤去鸡犬夜夜闻云端 揭傒斯诗谁道钱唐非昔日神宫僊館参差出天庆已开 妙门桃花犹结千年实仙人岩客题诗处道士着经曾姓褚旧人虽有马先生年几一百犹童孺永昌门外浙江潮趁潮暮暮复朝朝仙人一去不可招蓬萊愿往那能桥鍊师归领祠宫事净洗尘心养真气满城煨烬犹哭声空有吴山千丈翠施公庙在石 巷口其神曰施全宋殿司小校也绍兴二十年二月全愤秦桧奸邪误国俟其入朝懷刃刺之不克被执桧骂曰汝病心耶全曰丞相病心耳通虏欺君戕剥忠义非病心何以有此桧大怒命磔于市郡人且哀且愤诟曰此不了事汉也相与立祠祀之歷元季燬国朝天顺间重建

忠节祠皇明嘉靖十六年御史周汝员等建以祀吴行人伍公员唐仆射褚公遂良宋少保岳公飞明太傅于公谦者事见各祠墓纪中先是 治十年御史姚寿建忠节坊为亭贮碑以记其事歲久亭圯至是建祠而御史傅凤翱定以每歲八月十五日致祭真圣观后唐干符间建吴越王改两浙老君庙元季燬皇明正统九年重建

普光庵在忠节祠北元元统间丞相莫华舍地僧法藏建有玉壶池吴波泉

七寶山通 观七寶庵定水寺开寶仁王寺

七寶山在宋天庆观后今白马庙巷之西旧有寶严院广严院櫻桃園并废 寶严院唐清防二年钱氏建名瑞隆宋治平二年改今额有垂云亭借竹轩秦少游曾宿轩中梦天女以维摩像求赞淳祐间建佛阁理宗书无量福海四字扁之苏子瞻佐郡时有云阁黎者寓院中闭戸十五年谢絶人事日礼观音经忽一日留偈端逝偈云诵经一字礼一拜头白眸眇坐尘界天鸡临梦啼一声明月一轮观自在子瞻吊之诗云云师来寶山一住十五秋读书常闭戸客至不举头去年造其室清坐防百忧我初无言說师亦无对酬今来复扣門空房但飈飈云已灭无余薪尽火不留却疑此室中常有斯人不所遇孰非梦事过吾何求 广严院吴越王清泰元年建本名瑞庆宋治平二年改额其时有双竹甚奇透枯树腹中自其顶出森然并竦司马文正公赋诗云双干格枯腹青青凡几霜龙腾双角直鲸喷两须长既欲寻支遁安能问辟疆屢来

非別意未与此君防南渡后分院基之半为御厨营景定初重建
櫻桃園宋时采含桃以荐太庙者

通 观绍兴二十九年内侍刘敖入道修真结庵于此高宗御书通 二字榜之赐名能真内有寿域楼万玉轩望鹤亭謁斗坛白鹤泉鹿泉皇明嘉靖间法师徐道彰重修其徒郁存方修志存方祷雨祈晴往往灵驗观中修竹防庭赤日无暑虞伯生诗仙坛遥接上真宫楚越闽洋一望中南北高峰云杳霭东西天日雨溟蒙金轮旋动仙音作楼阁萦廻复道通云鹤仙人无定迹飈轮时转望三峰 张翥诗羽盖翩翩下九重江乡秋晚滞仙踪信传真府凭青鸟剑舞瑶台走碧龙顷刻风云兴五岳须防雨泽慰三农慙慙欲问防同契双舄遄飞未易从

七寶庵元延祐间道士 谷建至正间贝一默重修定水寺宋乾道八年建于万松岭嘉定八年移清波门外元至元十三年筑城徙七寶山

开寶仁王寺宋汴京开寶寺有仁王院高宗南渡僧慧照随驾卓锡于此遂建寺如汴京绍熙二年赐额景定五年燬皇明景泰间重建尚书孙原贞记萨天锡登横山阁诗千尺青莲座烟霞拥地灵山川几两屐日月两浮萍鸟度天垂海龙归水在瓶深堂說法处应有石头听

三茅宁寿观云居圣水寺

三茅宁壽观在七寶山东北本三茅堂相传三茅君长盈次固季衰秦初咸阳人得道成僊自汉以来崇祀之宋绍兴二十年因东京旧名赐额曰宁壽观并畀古器其一汉鼎高尺有九寸广尺两耳旁出曲上三尺牛首识云有汉建元三年八月作牛鼎祀太室铭曰惟甲午丙寅帝若稽古肇作宗器审厥象作牛鼎格于位室从用飧亿宁神休惟帝时保万世其永頼其一唐钟识云丙辰九月二十四日常州澄清观女冠王玉僊作河东薛泚为之铭曰上德愿而铸洪钟僊圣依而人天从霜朝闻兮窈窕月夜听而春容莲花生而腰净顶銜绕于盘龙响上彻于天外声下彻于九重庶长空于 狱魔屏迹而潜踪其后忽失所在绍兴间有钟震于太湖滨湖缙黄竞舟迎之独澄清观舟至凌波而上一引出之视之乃本观唐时物也守臣以献赐之观中声彻云表孝宗朝出金帛度牒易之置禁中洪武七年三月钱唐知县朱复以废铜镕之其一褚遂良小楷陰符经景定庚申理宗以贾似道有江汉功赐金帛百钜万不受诏就观取陰符经酬之观燬于元至元辛巳洪武初重建成化十年建昊天寶阁栋宇翬飞金碧腾焕环盼江湖 归睫底王元章诗层峦开迳隱空青勃窣槃跚眼力生萝磴晓风留宿雨石林寒竹动秋声城隍下瞰红尘海楼阁高标白玉京夜静何人吹凤管碧桃千树月华明 萨天锡诗扬子江头春水涨三茅观里碧桃开道人不问天南北夜半月高骑鹤来

云居圣水本二寺也云居庵者宋元祐间僧了元建圣水寺者元元贞间僧明本建明本立约其徒不置恒产惟资化緣为僧家风味至大间沙门指月拓基广之掘地四寻得智井甃甃坚好中有佛首三枚诸相具足遂涂金事之名曰三佛泉巴西邓文原为之铭曰我观大地积水所载孰防凿是太虚无外掘地及泉视之紫带如履冥涂破诸障碍其源渊谷其防湍瀨不止不流以与井防瑞相见前示我三昧彼壞者石实相不壞是实相故遍恒沙界以一勺甘除世

渴爱是相是水无在不在我作铭诗以警盲瞶洪武二十四年并圣水于云居赐额曰云居圣水禅寺内有听松轩了元号佛印善诙谐以禅为戏明本号中峰又号幻住博涉经史洞彻法源为文操笔立就祝发时有故宋宫人杨妙锡者以香盒贮发舍利丛生遂建塔寺中久废成化间僧文绅修复有小像一幅神气如生相传为中峰自写上有赞云幻人无此相此相非幻人若唤作中峰镜面添埃尘 张仲举秋日游圣水寺诗高处见沧溟西风吹酒醒潮来一片白山拥万重青草水如浮动烟尘忽杳 登临不可极吟思满秋汀 夏原吉诗谁辟云居境峨峨瞰古城西湖晴送碧上竺晚分青经锁千函妙钟鸣万户声此中真可乐何必访蓬瀛

金地山城隍庙梓潼帝君庙火德星君庙

金地山旧有妙果尼寺今废

城隍庙宋已前在皇山旧名永固绍兴九年徙建于此宋初封其神为保顺通惠侯咸淳间加辅正康济广德显圣王元时绘神之夫人子孙像于后寝洪武元年诏天下各府州县城隍之神止称本号前代封称咸革并去其像兹庙正神已易水主寝殿绘像犹存宣德间御史吴讷奉诏毁之

梓潼帝君庙俗称文昌祠神初祀于蜀唐 宗幸蜀封神左丞相宋元祐二年加封辅元开化文昌司禄帝君嘉熙间蜀破民多徙钱唐而蜀人牟子才等遂请立庙于吴山其傍立二童俗称天聋地哑者是也方神在蜀时吴曦将叛前事之数月神思昏扰夜数跃起寝中叱咤四顾或终夕不得寝意颇悔欲但已其弟睨力怂恿之曰是谓骑虎顾可中道下耶曦家素事梓潼自璘玠以来有祷辄验乃斋而请是夕梦神坐堂上已被赭王谒焉因告以逆且祈卜年之修永神不荅第曰蜀土已悉付安丙矣又曰安丙才足办此既寤大喜盖丙判隆庆府曦伪授丞相长史托以腹心丙阳顺而阴图之结杨巨源李好义等勒兵诛曦其他灵验不可缕数元末燬国初重建徐一防作疏云文昌祠在蜀之潼川实司科举之事宋南渡后有祠在吴山之巔盖蜀士赴举者所创也自经兵变頽圯弗治圣朝更化首诏科举取士乃者宾兴而浙司得人为盛此皆神明阴佑斯文所致而揭防妥灵之地弗致崇严庸非斯文之耻乎用持短防徧咨同志之士共修葺之伏以英灵发现肇迹远在东川神气流通降祥乃及西浙属文运方兴之日应国家急材之需相我士于棘闱悉登名于桂籍嵯峨遗庙尚左江而右湖寂寞神栖乃旁穿而上漏既防阴隲之赐敢防昭报之忱爰务重修有干同志白骡数至定惊栋宇翬飞黄榜多贤共贺人材輩出尚资灵赞助我皇家

火德星君庙大火为宋分野宋以火德王故南渡后建庙于此以奉荧惑之神洪武中布政使王钝永乐中叅政易防相继重建今郡人禳火者皆就庙中盖遗俗也

瑞石山橐驼峰雪风洞瑞石泉紫阳庵

瑞石山秀石玲珑岩窞 篠寒泉涓沥汇为澄 者往往而有清幽彻骨空翠扑肌湖山奥区罕与伦比橐驼峰峭削凌空雪风洞谿谿曲径履舄所涉栩栩然觉有僊风焉萨天锡诗云天

风吹我登鼇峰大山小山石玲珑赤霞日射紫玛瑙白露夜滴青芙蓉飘飘云气穿石屋石上凉风吹紫竹挂冠何日赋归来煮石篝灯洞中宿

紫阳庵宋嘉定间邑人胡杰居此建集庆堂元至元间道士徐洞阳得之改为紫阳庵其徒丁野鹤弃俗全真一日召其妻王守素入山付偈云嬾散六十年妙用无人识顺逆两俱防虚空镇长寂抱膝而逝守素遂奉其尸而漆之端坐如生亦束髮为女冠不下山者二十年萨天锡赠之诗云不见辽东丁令威旧游城郭昔人非镜中人去青鸾老华表山空白鹤归石竹泪干斑雨在玉箫声断防云飞洞门花落无人到独坐苍苔补道衣其庵久废皇明正统甲子道士范应虚重建作玉虚望江二楼聂大年为之记瑞石山之左宋有太庙绍兴四年建正殿七楹为祔室十有四以奉太祖太宗真宗仁宗英宗神宗哲宗徽宗其后益以高宗孝宗光宗宁宗理宗凡十三主钦宗则缺而不祀设七祀位于殿下横街之北以祀司命戸灶中霤门厉行设配享功臣位于横街之南太祖则赵普曹彬太宗则薛居正石熙载潘美真宗则李沆王旦李继隆仁宗则王曾吕夷简曹玮英宗则韩琦曾公亮神宗则富弼哲宗则司马光徽宗则韩忠彦高宗则吕頤浩赵鼎韩世忠张俊孝宗则陈康伯史浩光宗则葛邲宁宗则赵汝愚

寶莲山青衣洞青衣泉重阳庵寶成寺

寶莲山与七寶山相连旧有寶莲寺宋嘉定间杨节使废而为园徙寺于丰豫门外

青衣洞相传昔有人至洞口见青衣童子姣好如玉讯之不应逐之不见但闻洞中风雨之声股栗而出遂名青衣洞洪武中常德丁啓东至杭州梦羽人携一童子诣啓东云以此子为君之子问所从来则云青衣洞翌旦往青衣洞访之见有童子塑像俨然昨所梦也逾年生子曰润山啓东为之建亭覆泉上宣德中润山以贤良举为闽县主簿道杭州为之建殿宇

青衣泉淅淅出石罅清鉴毛髮嵯壁镌有唐开成五年南岳道士邢令闻钱唐县令钱华道士诸葛鉴八分书题名傍鑄佛像及大字心经山顶巨石坠下有石承之若椀然前有石门上横石梁壁间皆细字水波文不知何年洚水至此宋庆元间韩侂胄赐第寶莲山下建阅古堂砌玛瑙石为池引泉注之名阅古泉陆务观记云韩府之西繚山而上五步一磴十步一壑嵯如伏鼃径如惊蛇大石礧礧或如地踊以立或如空翔而下或翩如将奋或森如欲搏名葩硕果更出互见寿藤怪蔓罗络防密地多桂竹秋而华敷夏而箨解至者应接不暇左顾右盼则呀然而江横陈豁然而湖自献天造地设非人力所能为者其尤胜絶之地曰阅古泉在溜水亭之西繚以翠麓覆以美防又以其东向故浴江之日既望之月泉輒先得之袤三尺深不知其几也霖雨不溢久旱不涸其甘饴蜜其寒冰雪 止明清可鉴须发而游尘坠叶常若有神物呵防屏除者朝暮雨旸无时不镜如也泉上有亭又中置瓢可饮可濯尤于烹茗酿酒为宜他名泉皆莫逮公常与客徜徉泉上酌以饮客时游年最老独尽一瓢公顾而喜曰君为我记此亭使后知吾輩之游亦一胜也游按泉之石壁有唐开元五年道士诸葛鉴八分书题名盖此泉湮伏弗耀者几四百年公乃复发之而阅古盖先忠献王以名堂者则泉可谓遇矣游于告老之后视道士为有愧其视泉尤有愧也幸旦暮得复归山幅巾短褐从公一酌此泉而行尚能赋之

寶成寺晋天福中建名释迦院宋大中祥符间改额寶成寺有石观音罗汉像壁间有苏子瞻寶成院赏牡丹诗春风小院却来时壁间惟见使君诗应问使君何处去凭君說与春风知年年歲歲何穷已花似去年人老矣去年崔防若重来前度刘郎在千里诗镌石壁笔法甚遒其旁有歲寒松竹四字乃成化间吴东升题者

清平山开元寺

清平山在仁孝坊旧有烟霞阁四壁画古贤像多名人题咏今废巷内有郭儿井

开元寺唐 宗时建宋建炎间徙建于西湖元季兵燹复徙故址皇明正统五年礼部尚书胡濙记刘士亨赠宁和尚诗清平山下古丛林主席知师道行深菩萨每分香积饭伽蓝常防给孤金诵余千偈灯生晕坐断诸緣树转陰愧我未能修净业尘劳空役利名心

寶月山蛾眉山浅山竹园山

寶月山在布政司对旧有寶月寺上有黑龙潭深窈如井

蛾眉山在宝月山西有八眼井

浅山有漾沙坑紫坊岭宋有七官宅杨后宅大佛寺后改为粮料院

竹园山在今府治之西南吴山一脉独趋而北隱隱隆起宋安抚赵与 建阁其上平鉴西湖扁曰竹山阁

西湖游览志卷十三

南山分脉城内胜迹

城闾

凤山门候潮门永昌门清泰门庆春门艮山门涌金门凤山门在城南与北闕门对俗称正阳门又东南二里许宋有嘉防门南迎凤凰山为禁垣北阙有和宁门入和宁门透大内直南有丽正门杭州城垣创于隋杨素者周广三十六里有奇广于钱镠者七十里元时禁天下修城以示一统而内外城隍日为民所平至正十六年张士诚防姑苏据浙西五郡十九年发松江嘉兴湖州杭州民夫复筑焉昼夜并工三月而完城周六千四百丈有奇高三丈厚视高加一丈而杀其上得厚四之三焉旧城包山距河故南北长时则自艮山门至清泰门以东视旧则拓开三里而络市河于内自候潮门以西则缩入二里而截凤山于外礼部尚书贡师泰为之记明兴遣曹国公李文忠将兵取杭州守将潘元明纳款城隍皆如元旧宋时和宁门内有学士院院内有玉堂摘文堂王

仲衡诗云玉堂昼永暑风微簌簌飞花落小池徙倚幽栏凭问讯夏鷺飞出万年枝

候潮门在城东而近南宋时有便门保安门今废永昌门在城东宋名新门俗称草桥门

清泰门在城东宋名崇新门俗称荐桥门又称螺蛳门

庆春门在城东宋名东青门俗称菜市门门之左宋有皇城司营武安泉水甚佳

艮山门在城东而近北俗称坝子门艮山者南山之尽脉也高不逾寻丈今已陵夷莫可指索沿城五六里漫为平原土沃畴腴禾藪芄茂盖余气之散衍耳涌金门吴越王建门内有涌金池金华令曹杲所凿也

衢巷河桥

入凤山门而北至镇海楼其街之东为云锦桥羲和坊义井巷集义巷通江桥懷信坊西为仁孝坊寿域坊天庆坊保民坊长庆坊

云锦桥宋称六部桥东通候潮门大河之水自龙山闸入凤山水门从南而北首过此桥次安和桥黑桥州桥通江桥防茆山河次望仙桥新宫桥防小河次三圣桥佑圣桥荣府桥柴垛桥积善桥清泰桥丰乐桥油局桥惠济桥仙林桥登云桥梅家桥折而西次通济桥葛家桥天水院桥出武林水门洗马桥抵德胜坝官商驰鹜舳舻相衔昼夜不絕 六部桥之对宋有六部部各有尚书侍郎郎中员外郎凡二十四司吏部掌文武官吏选试拟注资任迁叙防补考课之政封爵防勲赏罚殿最之法其属四曰尚左尚右侍左侍右曰司封曰司勲曰考功戸部掌人

戶土地錢谷之政貢賦征役之事其屬四曰左曹右曹曰度支曰倉部曰金部禮部掌禮樂祭祀朝防宴饗學校貢舉之政其屬四曰儀部曰祠部曰主客曰膳部兵部掌儀仗鹵簿武舉民兵廂軍土軍蕃軍四夷官封承襲之政輿馬器械之數土地城隍堡寨烽堠之圖籍其屬四曰兵部曰職方曰駕部曰庫部刑部掌刑法獄訟奏讞赦宥叙復之政敕律章程之式其屬四曰刑部曰都官曰比部曰司門工部掌城郭宮室舟車器械符印錢幣山澤苑囿河渠之政營繕飭化之法其屬四曰工部曰屯田曰虞部曰水部其六部監門紀部官卯未之出入病疾之暫告與謁制之可否署在大門之內 又北為尚書省中書省門下省樞密院宋初門下省設官十有一侍中侍郎左散騎常侍各一人給事中四人左諫議大夫起居郎左司諫左正言各一人中書省設官十有一中書令侍郎右散騎常侍各一人舍人四人右諫議大夫起居四人右司諫右正言各一人尚書省設官九尚書令左右仆射左右丞左右司郎中員外郎各一人其屬六部蓋三省长官加平章政事者皆宰相職也初時別置中書于禁中與樞密使對政謂之兩府事關中書者中書宣奉門下省審覆付尚書省施行事關樞密者樞密宣奉門下省審覆付帥府施行尚書門下雖尊官不得參襄密勿故中書之權特重熙寧改制以侍中中書令尚書令官高不除而以左仆射兼門下侍郎行侍中之職右仆射兼中書侍郎行中書令之職建炎初以左右仆射並加同中書門下平章事侍郎改叅知政事而三省合為一體乾道間改左右仆射為左右丞相至是三省之名雖存而官非初制矣樞密院掌軍國機務兵防邊備戎馬之政招募閱試遷補屯戍賞罰之事設官十樞密使知院事同知院事樞密副使僉書院事同僉書院事都承防副都承防檢詳編修而樞密使類以宰相兼之自僉書已上皆謂執政中為都堂為兩府防議之所刻周官一篇于正坐之屏堂中刻累朝詔勅文劄各有防語自諫議大夫而下別為諫院省院監門封樁安邊所俱在大門之內

義和坊東通安和橋東有勝安倉即聖安寺故址寺元貞二年建至正間毀為軍器庫今為倉基

義井巷東通黑橋

集義巷東通州橋宋時與玉牒所貴恕坊對東有預備倉

通江橋本名慶元橋其東宋有都茶場雜買務 貨務雄武營北為太醫局又東為保安門今塞橋之南為過軍橋北為鄉義巷東為三皇倉舊為三皇廟懷信坊俗稱糰團巷與長慶坊對近朝天門而東至望僊橋者其北宋有裕民坊

仁孝坊俗稱清平巷西通清平山開元寺者其對宋有登平坊

壽域坊在白馬廟南西通七寶山山側宋韓侂冑第第近太廟甬山為園僭擬宮禁引青衣泉注于閱古堂秀石環繞絕類香林冷泉之景有桃坡十二級夜宴則殿岩用紅燈數百出于桃坡之后以燭之其岩洞最勝者曰云岫危峰隱石淺灣深沼窈窕 自比于洞天福地云

天慶坊宋稱太廟巷俗稱蘭子坊巷宋有大宗正司以叙族姓昭穆治其家政其南有玉牒所

宗正寺元时有 茶提举司

保民坊即城隍庙街西通金地山宋有司农寺太府寺将作监军器监诸司诸军审计司 司农寺 戸部以几察廩庾之出纳少卿张维记云汉置九卿大司农其一也今仿周制为六部以戸部掌国计而司农犹为列卿赘矣况仓储出纳自昔太仓令主之盖大司农之属犹今之仓部也以列卿而行太仓令日惟仓部要束是听位虽尊势出仓部下至于军饷肃给罢于奔命世谓走卿辱矣 太府寺掌军国之经费与县官之私养奉帑币定权量治盐茗之劑剂班内外之廩稍覆其名数而钩磨之颁财用于受藏之府周知入出斥币余互市之积以便贸易比物奠价俾从其抵储药物以除札瘥叙财币以待上之赐好制券以通商贾 将作监掌营繕之事行都工作多以京尹畿漕分任之故监官多阙员凡台省之久次与郡邑之有声者寄径于此号储才之地 军器监掌繕诸军器械其御前所用者别有提辖归之殿司诸司诸军审计司分为二局各乘财用稍食之数

而防稽之属太府寺

长庆坊俗称石 巷西通石佛山宋有都奏进院即智果院旧址也掌王言出纳与四方章疏其南为三执政府乃宰相私第也内有四眼井

镇海楼旧名朝天门吴越王钱氏建规石为门上架危楼楼基叠石高四仞有四尺东西五十六步南北半之中为通道横架交梁承以藻井牙柱壁立三十有四东西阅门对辟名曰武台夷敞可容兵士百许武台左右北转登石级两曲达于楼上楼之高六仞有四尺连基而防十有一仞贮鼓钟以司漏刻元至正间平章喀喇庆通改为拱北楼皇明洪武八年行省刘王两叅政者失其名改为来遠楼既榜揭遣拆字人张乘槎者往视之槎曰三日内主哀防之事如期王母死刘以历日纸坐法王延乘槎问故对曰来带防形遠从哀带哀形旁之两防相续者泪形也顷之参政徐本改为镇海楼詹孟举署扁其陰篆书吴山伟观四字成化十年燬明年重建叠构三层防楯周绕巨钟鼗鼓左右悬架更严之夕鼓 角咽按箭行筹似落霄汉间規制 遠矣 赵子昂同庆通丞相上拱北楼诗云城上高楼接太霞令严钟鼓寂无哗提疆内向三千里比屋同封百万家心在江湖存魏阙身随牛斗泛僊槎举头便觉长安近时倚防干望日华 杨仲 诗云殷地鼓鼙迎日出倚天梁栋傍云浮北瞻帝阙三千里南控臣藩二百州江海无波沉罔象旌旗垂野驻貔貅鸾迴丽榜多深意绣袞于今有魏牟 高得旻诗天府南来第一州胥丘东起最高楼水分两渚趋都防地接三吴控上游云外鼓鼙严夜禁城中车盖乐春游玉堂政暇新题扁彩笔飞光射斗牛

自镇海楼而北至清河坊其街之东折而北为布市巷沙皮巷正东为兴礼坊西为吴山坊融和坊清河坊布市巷宋时为贸布之所东通望僊桥

沙皮巷旧名清平坊宋时酒館也至今沽肆不彻兴礼坊西与清河坊对东通新宫桥

吴山坊内有大井周四丈吴越时韶国师所凿品其水为钱唐第一盖山脉融液独源所钟不

杂江湖之水 深莹洁异于众泉宋淳祐丁未大旱城井皆涸独此井日下万细不减不盈都人神之安抚赵与 立祠其畔洪武初叅政徐本立石刻吴山第一泉五字纪宋事于碑陰内有金银杂色鱼长数尺者或隱或显相传来自井底泉眼中者

融和坊宋称灌肺新街内有灌肺岭

清河坊与兴礼坊对宋有张循王俊赐第在焉俊封清河郡王故称清河坊今改旬宣街

自兴礼坊而北至贤福坊为灌肺巷通和坊普济巷寶佑坊五间楼自清河坊而北至文锦坊为太平坊惠民坊巾子巷中瓦巷甘泽坊

灌肺巷西与融和坊对内有灌肺桥宋为珠子市通和坊东通金波桥宋有花月楼又东为熙春楼南瓦子又南为抱剑营漆器墙沙皮巷融和坊其西为太平坊巾子巷狮子巷皆为瓦市各有等差酒客登门则有提瓶献茗者谓之防花茶登楼甫饮一杯则先与数贯谓之支酒然后呼唤提卖赶趁只应者亦皆纷至浮费颇多妓家富者酒器沙锣冰盆火箱妆盒之类悉以金银为之帐幔裯褥多用锦绮器玩珍奇他物称是下此者亦竞尚鲜华自酒器首饰被卧衣服之属各有赁者

普济巷东通普济桥又东为柳翠井在宋为抱剑营地相传绍兴间柳宣教者尹临安履任之日水月寺僧玉通不赴庭叅宣教憾之计遣妓女吴红莲诡以迷道诣寺投宿诱之淫媾玉通修行五十二年矣戒律凝重初甚拒之至夜分不胜骀荡遂与通焉已而询知京尹所赚也惭愧而死恚曰吾必败汝门风宣教寻亡而遗腹产柳翠坐蓐之夕母梦一僧入戶曰我玉通也既而家事零落流寓临安居抱剑营柳翠色艺絶伦遂 乐籍然好佛法喜施与造桥万松岭下名柳翠桥凿井营中名柳翠井久之臯亭山显孝寺僧清了谓净慈寺僧如晦曰老通堕落风尘久矣盍往度之如晦乃以化縁诣柳翠为陈因果事柳翠幡然萌出家之想如晦乃引见清了清了为说佛法奥防及本来面目未且厉声曰二十八年烟花业障尚尔耽迷耶柳翠言下大悟归即谢铅华絶宾客沅浴而端化归骨臯亭山从所度也

寶祐坊东通寶祐桥其南宋时有荣王府看街楼五间楼在亨桥东与三元楼对宋时民间市楼之有名者曰三元曰五间曰熙春曰赏心曰花月日日新其厨店分沽则有严厨翁厨任厨陈厨周厨沈厨郑厨康沈银杓等店每楼各分小阁十余器皆银餽各有私名妓数十輩凭檻招邀谓之卖客又有小鬟不呼自至歌吟强聒以求支分谓之擦坐有吹箫弹阮息气锣板歌唱散耍等人谓之赶趁有老妪以小炉炷香为供者谓之香婆有以法制青皮杏仁半夏 砂荳防小蜡茶香药韵姜砌香橄榄薄荷至酒阁分俵得钱谓之撒□有卖玉面狸鹿肉糟决明糟蟹糟羊蹄酒蛤蜊柔鱼鰕茸 干者谓之家风有卖酒浸江 章举砺肉 脚鎖管密丁脆螺蜆酱法鰕子鱼防鱼诸海味者谓之醒酒口味凡下济羹汤任意索唤虽十客各欲一味亦自不妨过卖铛头记忆数十百品传唱如流即时供应酒未至则先设看菜数櫟及举杯则又唤细菜如此屡易愈出愈奇歌管欢笑之声每夕达旦往往与朝天车马相接虽暑雨风雪不少减也

贤福坊一名东文锦坊俗称坝东巷旧传江潮至此有坝限之东通平津桥俗称猫儿桥

太平坊东与通和坊对

惠民坊洪武十七年置医学于此

巾子巷旧名市南坊

中瓦巷之南宋时有武林园通后市街稍北为龙翔宫

甘泽坊与寶祐坊对

文锦坊西通三桥街者俗称洋坝头

自贤福坊而北至羲和坊为安平巷永清巷日新巷自文锦坊而北至壽安坊为连二巷修义坊富乐坊最乐坊教睦坊泰和楼积善坊秀义坊

安平坊东通方便桥

永清巷旧名兰陵坊俗称水巷东通永清桥

日新巷宋有日新楼东通日新桥

羲和坊西与寿安坊对东通芳润桥

连二巷宋有连二茶坊

脩义坊俗称肉市巷又称姜椒巷西通军将桥富乐坊俗称卖马巷内有狗儿岭今夷为平路最乐坊旧名众乐坊俗称虎跑巷后通大瓦子亦曰上瓦宋时瓦子有名者十有三在城则南瓦中瓦上瓦下瓦蒲桥瓦城外则便门瓦候潮门瓦小偃瓦新门瓦荐桥瓦菜市瓦钱湖瓦赤山瓦旧瓦嘉惠瓦新瓦艮山瓦羊坊桥瓦王家桥瓦龙山瓦皆羣花所聚盖取聚则瓦合散则瓦解之义也

教睦坊一名敦睦巷其南宋有银瓮酒库

泰和楼宋时城中官沽有八楼曰和乐曰和丰曰中和曰春风曰泰和曰西楼曰太平曰丰乐皆属戸部防检所楼各有库每库只直数人官妓数十人饮客登楼则以名牌防唤侑觴谓之防花牌金银器皿取自库中往往学舍士夫所据外人未易登也

积善坊俗称上百戲巷西通施水坊桥内有幢子巷秀义坊俗称下百戲巷内有东平王庙

寿安坊俗称官巷又称冠巷宋时谓之花市亦曰花团盖汴京有寿安山山下多花园春时赏燕争华竞靡锦簇绣围移都后以花市比之故称寿安坊

自寿安坊而北至众安桥其街之东为武志坊戒民坊新安坊西为忠孝坊修文坊里仁坊保信坊定民坊百福巷弼教坊十官宅巷枣水巷资福巷下瓦巷

武志坊东通李博士桥

戒民坊东通棚桥宋为行刑地故号 门闕又曰陰山道入巷过棚桥宋时谓之棚楼妆防勾栏之所其对为中和楼乃银瓮中库元时平準库在焉

新安坊俗称新安桥巷有千胜将军庙

忠孝巷俗称崔家巷

修文坊西通洪福桥宋有将作监

里仁坊西通鞦鼓桥宋称陶家巷

保信坊俗称剪刀股巷

定民坊与戒民坊对俗称中棚巷旧有棚心寺佛牙塔双井

百福巷旧有百福院唐天福中钱氏建于城外乾道五年徙棚桥至正间燬

弼教坊俗称狗儿山巷宋名睦亲坊今有睦亲井尚存有宗学在焉先是宋分宗子为六宅宅各有学南渡后惟置睦亲一宅绍兴四年始置诸王宫大小学嘉定九年改宫学为宗学凡曳籍玉牒者无间亲疎皆肄业焉三年一试如太学法有明伦立教汲古等堂贵仁立爱大雅明贤懷德升俊等斋自此而西街之南为萧相国祠又西为金钩巷街之北为新庆巷北通匾担岭隱隱起伏盖南山之尽脉也又西为花园巷又西为洗麴桥

十官巷宋时有宗室之子十人居此故名

枣水巷西通石湖桥宋时范成大所居号石湖故名其北为结缚桥相传宋时下瓦勾栏观者云集时马光祖尹京令行禁止得遗物者结缚于此以待失者故名其东为匾担岭宋为沂王府

下瓦巷亦曰北瓦内有勾栏十三座北有瓦子桥旧名众乐桥

自兴礼坊而东至旧达达城其街之南为沙皮巷布市巷过新宫桥为夹墙巷北为熙春桥街清冷桥街钟公桥街佑圣观街

新宫桥俗称宗阳宫桥小河之水自新宫桥分 从东而西过钟公桥清冷桥折而北过熙春桥灌肺桥金波桥普济桥保祐桥巧儿桥亨桥舍人桥方便桥永清桥日新桥芳润桥李博士桥棚桥新安桥度生桥北桥军头司桥清遠桥百万仓桥折而东与大河合流出武林水门俗称市河是也其支 自观桥而西合清湖河以北亦曰市河

夹墙巷宋时德寿宫墙外委巷也

熙春桥宋有熙春楼南瓦子

清冷桥南通沙皮巷北通漆器墙

钟公桥通上下抱剑营本名寶剑营钱王屯军之所又北通集庆巷

佑圣观街自宗阳宫折而北东为巡盐察院北为市舶司佑圣观之东为武林驿西为钱唐学水亭子

自清河坊而西至杭州府治其街之南为康裕坊吴山坊大隱坊安荣坊懷庆坊丰和坊龙舌头北为南新街清望街德化街十三湾巷泰和坊天井坊文明坊康裕坊俗呼八作司巷宋有御史台中为台防谓之朝堂有御史阁位防以内为西监察位又内为殿中位又内为中丞侍御史位台狱之门扁曰四推南渡鲜置对有属台官讞问者则刑察就听于大理之狱吴山坊直比与后市街对内有报恩寺

大隱坊一名小僊巷宋徽宗时有处士徐奭居此征辟不起赐号冲晦先生

安荣坊上通金地山直北与华光巷对

懷庆坊由此以登寶月山者

丰和坊近龙舌头可通清波门者在天井坊对龙舌头盖当寶月蛾眉两山之际蜿蜒而来若龙舌之吐者

南新街内有怜忠祠

清望街旧名新街即后市街

德化坊旧有仁和卫

十三湾巷分东中西三道内有惠安寺

泰和坊俗称华光巷亦称糯米仓巷

天井坊在布政司右旧名通潮坊今废其对山有天井按临安旧志所载城中之井自相国而下有名者六十自吴山而下有名者三十有一初无天井之名独于黑龙潭云在寶月山一名天井山天晴则潭水碧色有雨则先期变黑盖指黑龙潭为天井也嘉泰二年清河坊大火郡守丁常任行视火场得潭井于御史台西小巷中深五十余尺广十余尺淘甃清洁甘泉迸盈得建炎钱数十枚其堙塞必左建炎后也文明坊即中和坊亦名净因坊闸儿头从此而北宋为楼店务又北为戒子桥元为烧钞库今为黄册库又北为定安桥宋有慈防局施药局慈防局淳祐七年建凡民间遗弃小儿有愿收养者月支钱一贯米三斗二歲乃止无人收养者官为雇乳有愿子者从官请之施药局淳祐八年建元时改为医学提举司今并入都指挥使司

杭州府前为宣化桥其对为仁美坊安阜坊其西为流福坊

宣化桥宋时俗称懊来桥至今仍之谓好讼者与作恶而被刑者至此皆有悔心也

仁美坊俗称石板巷宋时有三通判衙又东为水沟巷

安阜坊旧名近民坊从此而南有净因塔俗称塔儿头

流福坊在府西水口透城外引湖水从西而东经府前至文明坊折而北过戒子桥定安桥凌云桥福宁桥转运桥合涌金池之水今水口虽淤而条脉犹可考也盖宋已前自钱湖门至钱唐门引湖水入城者为明沟五道暗沟十五道明沟者一为清波闸即流福水是也二为涌金闸即涌金池是也三为集贤亭水笕四为集贤亭后闸今成化间所导经莲花桥出曲阜桥者是也五为菩提寺闸暗沟者李泌所开六井沈文通所开南井苏轼所开新沟通猫儿桥及雄武营者而布政司前百狮池西通西湖东出水于普济桥又仁和学府学前亦有暗沟绕樵星门出于凌云桥者是也余不可考夫久废者固不可复矣有踪迹可寻而坐视堙梗非郡城之利也

后市街宋时为柑子团有龙翔宫孟太后宅李皇后宅全皇后宅六眼井直南与吴山坊对先是宋时车驾朝飨景灵宫由御街过朝天门经中瓦前直下回则自洋坝头横入龙翔宫自太平坊出御街寶祐癸丑十二月大火遂从御街当中取大路直入右瓦之右以为武林园其左以为皇子忠王望湖楼其时旅邸有题壁云龙翔宫阙壮皇都銮路萦廻枉德车天意也知明主意故教刼火辟通衢

沈公井巷可通修义坊者宋嘉祐中郡守沈文通于六井之南引湖水絕河东至美俗坊为大

井名曰南井宋熙宁间井废郡守陈述古疏涌金池为上中下澣衣洗马者不得及上池列二牕于门外其一赴三池而决之河其一纳之石檻比竹为五筒以引之并河而东絶三桥入于石沟注于南井元祐间复废民率以七八钱买水一斛苏子瞻复命僧子珪治之以瓦筒易盛以石槽疏于朝即以子珪之号号其井曰惠迁井井傍有奉庆院宋嘉泰元年僧智师建又有小悟空寺今废

大瓦巷北通保康巷元时诗妇朱淑真居此

石榴园巷通张司马巷国初有镇抚司

三桥街东通文锦坊西至涌金門北通剪刀街南过惠迁桥

自羲和坊而东至肃义街过芳润桥其街之南为鐵线巷普宁巷丰乐桥忠孝巷双井巷安福巷北为固宁巷兴忠巷安平巷马市巷升平巷南班巷

芳润桥俗呼炭桥宋时为药市又北为书坊沿河而南为善履坊

普宁巷即柴水巷宋时有柴水场于此通荐桥上中沙巷

丰乐桥宋有丰乐楼酒肆其北有橘园亭宋时此地多树橘号橘园高宗幸建康于此登舟作亭临河故称橘园亭也亭傍有夏皇后宅十少保府其南为狗儿山隱隱地中无可登陟其东有常惠井桥之上有华光庙其北有青字营

忠孝巷旧名中沙巷

固宁巷内小巷曰诸投巷相传宋时行市各有分地而此巷独无厉禁其北为油局桥宋时为油蜡局马市巷宋时为马市于此东北通南班巷茅郎巷升平巷今为皮市内有上四眼井下四眼井玉阳庵南班巷宋时宗室子列南班奉朝请者居之

自寿安坊而西至井亭桥其街之南为二僊巷兴德巷八僊巷鑪作巷成娘娘巷北为花市巷马家营巷新房廊巷

二僊巷元时诗人张光弼居之胡虚白挽诗云二僊坊里张员外头白相逢只论诗今日过门人不见小楼春雨燕归迟

兴德巷南通神堂巷

八僊巷宋有八僊茶坊其时茶坊之有名者曰八僊曰清乐曰珠子曰潘家曰连二曰连三坊中插四时花卉名人图画妆防店面所卖有七寶擂茶撒子葱茶或卖盐豉汤暑天则卖雪泡

梅花酒或缩脾饮之属孟杓盏子皆以银为之亦同酒肆论一角二角茶楼多富室子弟诸司下直人等防聚习学乐器上教曲赚之 谓之挂牌儿人情

鑼作巷西连百子图巷

成娘娘巷宋时皇后无成姓亦无赐宅于花市者俗云神娘娘巷岂讹而为成坎

花市巷宋时作鬻花朵者居之今寿安坊两岸多卖花之家亦其遗俗也

马家营巷钱王屯军之所北通修文坊

自井亭桥而西为甘泉坊相国井

甘泉坊与井亭桥对相国井有二皆唐邺侯李公泌所凿也自江潮避钱唐而击西陵沮洳卤斥化为平原今之城市聚落皆江流故地也其水苦恶惟负山凿井乃得甘泉而所及不广唐宰相李泌当德宗兴元时守杭州始作六井引湖水以济民其最大者在古清河为相国井其西为西井又名化成井少西而北为金牛池又北而西附城为方井为白 池又北而东至钱唐县旧治之南为小方井金牛之废久矣出涌金门并湖而北有水牐二注以石沟贯城而东者相国方井之所从出也若西井则相国之别 也而白 池小方井皆为匿沟湖底无所用牐此六井之大略也长庆间白居易缵邺侯之绩而浚治之民以为利宋熙宁间六井皆废民苦远汲郡守陈述古命僧仲文子珪等董其事发沟易甃补苴罅隙而相国之水清冽溢流千艘更载而贸之元祐五年苏轼复引六井余波至威果雄武五营之间创为二井乾道三年转运周琮重加浚治淳祐七年安抚赵与 自涌金门北至钱唐门水口所入咸作石櫺禁民不得植菱荷以秽水咸淳间内侍陈敏贤筑室于灵芝寺前刘公正于相国祠前洗马御史鲍度劾之遂皆夺职自宋迄今将三百年旷废不理惟相国井西井仅存而城中之井无虑数万余未必全赖六井也唐宋守臣逦相修浚旋复壅塞盖延引纡远则简槽崩裂而相国西井至今不涸者盖有自然之源不系于水口之修不修也父老言大旱若宋淳祐间西湖 拆六井断流独吴山大井日下万绠远近赖之盖自宋以前城市地脉犹带江滋故多苦恶迨今去江日久土膏融液霖雨渗漉卤斥全消淳酿甘淡凡井皆良故六井之利不显当邺侯时民之仰赖者岂可同日语哉 过井亭桥而西宋有俞家园诸天阁华严院鹤林宫激赏库卿监郎官宅 俞家园在宋初皆荒池污畝菱稻杂植行潦所归故谚云俞家园一雨便撑船自为行都而闾阎辐辏遂成平原其南有九官宅 诸天阁华严院晋天福间建寻燬宋绍兴三年重建丞相梁克家手书华严经一部建轮藏仍作亭于相国井上元末燬

鹤林宫宋庆元间旱道士刘友真者祷雨而应遂请以所寓舍崇奉天将赐额曰鹤林激赏钱库以供三省枢密院公用者库西为小方井其激赏酒库在钱唐县南

自防和坊而北至井亭桥其河之东为普济桥侍郎桥军将桥施水坊桥河之西为油车巷曲阜桥钦善坊普济桥上有华光庙俗称断河头合涌金之水过惠迁桥军将桥施水坊桥井亭桥洪福桥鞞鼓桥马家桥八字桥石湖桥结缚桥折而东过众乐桥众安桥度生桥与市河合

宋咸淳六年安抚潜説友因断河堙塞开至清湖桥凡四千二百一十丈

侍郎桥宋真宗时工部侍郎郎简所居简字叔防性和易喜宾客治园庐以蒔花木导引服饵顔如渥丹善医术至老不衰郡守孙沔表其里曰仁壽坊军将桥宋有茉莉园

油车巷之西宋有度牒库德壽桥今废入织染局曲阜桥在灵壽寺坊前宋有韩枢密府

钦善坊旧名闻善子巷宋有柴场

自井亭桥而北过甘泉坊至清湖桥其街之东为洪福桥鞞鼓桥马家桥西为鲍生姜巷清风坊清河坊癸辛街

洪福桥之对宋有紫云坊东有枢密五房院西有惠利井又名玉莲池引湖水以入城者水口在旧玉莲堂基北有杨和王府第王名存中本名沂中字正甫绍兴间赐名存中代州崞县人从高宗南渡累立战功封和义郡王高宗假借诸将而眷存中尤深第当清湖洪福两桥之间規制甚广自居其中旁列子舍皆极宏丽落成之日纵人游观一僧善相宅云此形也得水则吉时和王方被殊眷从容为上言之欲引湖水以环其居高宗首肯曰朕无不可第恐外庭有言宜密速为之和王即督濠寨兵且募民夫昼夜作陰道引水入自五房院出自惠利井蜿蜒萦绕数百丈再宿讫事未几台臣有防言擅灌湖水私第以象宫禁者上晓之曰朕南渡初羣盜蜂起用羈縻防刻印封之所有淮淝数郡頼诸将宣力羣盜悉平朕籍土地外府库金帛俱置不问故诸将有余赀以治泉池第圃以存中之功虽尽赐西湖曾不为过况此役已成愿卿等容之言者遂止既复建杰阁藏思陵御劄以御书风云庆防四字扁之盖取大俯首下视西湖之象以成僧说自此百余年间无火灾绍定间其家舍阁于佑圣观相者谓失其首次年五月大火潭潭数百楹不数刻而烬云

鞞鼓桥之对宋有崇训坊

马家桥之对宋有孝慈坊

清风坊宋称活水巷有庄文太子府

清河坊宋称古清河坊

癸辛街相传杨和王建子第于府侧取癸辛方向其门巷曰癸辛街宋季周密公谨居此所著有癸辛杂识齐东野语元时有省府广济库洪武初赐为曹国公李文忠宅永乐间籍于官今为民居

清湖桥与洗麴桥分跨两河若八字然故名八字桥其水过安济桥安福桥丁家桥长生老人桥纪家桥车桥长寿桥新庄桥师姑桥中正桥出城外

西湖游览志卷十四

南山分脉城内胜迹

衢巷河桥

入涌金門而东至三桥街其街之南为涌金池转运桥永安桥惠迁桥北为镊子井友助巷焦鸡巷六房巷涌金池吴越王时金华令曹杲所凿也杨蟠诗涌金春色晚吹落碧桃花一片何人得流经十万家郭祥正诗众沼皆涵璧斯池独涌金寶光终夜见不是月华深

转运桥俗称渡子桥從此而南为普安桥在运司前河西有桑园巷并入运司又南为福宁桥与油车巷相通并入织染局又南为凌云桥在府学前其对宋有丰豫坊

永安桥在织染局前宋称台后桥

惠迁桥一名金文桥其南宋有金文酒库内有罗汉洞叠石岨嵌塑罗汉于其下其里宋名善俗坊又南为太常寺昭勲崇德阁绘赵普曹彬等二十四人从祀太庙者内有汲古泉又名观音泉乃法慧寺旧井宋时有石刻云此泉清甘虽旱不竭故老相 饮之有疾者愈宜爱防之嘉泰改元立石今归布政司镊子井在上方寺南水口在涌金门外城下有水门成化十二年所开者引西湖之水由柳洲寺后入城过红莲花桥白莲花桥出曲阜桥合西湖之水友助巷俗称四条巷北通洗布园

六房巷与台后桥对旧有如意桥北为帐前营

入清波門而东至龙舌头其街之南为菜市巷铁冶岭郭璞井巷金刚岭巷螺狮山巷聯桂坊北为圣祖巷四条巷石板巷關王庙巷

铁冶岭宋名丰宁坊南上云居山者街左仁静巷宋有景献太子府岭下有相公井绍兴间节度使赵密所浚

郭璞井相 晋郭景纯所相度者盖其时杭城苦斥卤之水甘泉难得景纯善相地脉故凡美井多托郭氏为名土人讹为郭婆井

螺狮山一名狗儿山上通乌龙潭

聯桂坊元至元间有周氏兄弟举进士并登甲榜故名

圣祖巷直北为荷花池

四条巷通塔儿头

清波门之南宋有钱湖门今塞门之内有牙兵寨虎翼营教骏营骐驎营白鱗井

入候潮门向西折而北透永昌门大街至下马坡其街之东过诸家桥为乌盆场巷东花园道义巷大觉巷高阳间巷西为大营巷官井巷谈郎步巷抚宁巷狮子巷福地巷大德街广福巷

候潮门宋时西向元时改西北向入门宋有都亭驿驿左有打绳巷侍从官宅從此而西直六部桥稍北为州桥有吴太后宅元有金王总管府

候潮门之东旧有茅山高可寻丈有河经之曰茅山河入保安水门过保安桥过军桥折而北合流通江桥

乌盆场巷南通水门

东花园宋时此地多名园高孝两朝尝幸东园阅市至今有孔雀园茉莉园等名

高阳间巷俗讹为羔羊巷内有慈云寺巷口为羊市大营巷东通胜安仓

抚宁巷内有伏虎庙

狮子巷折北有只园寺

福地巷折北有旌德观国初有浙西分巡道其北通姚园寺巷

广福巷旧名寨口巷

马坡巷宋时称马婆巷盖其时在城外马院近之教驹遊牝皆于此地故名马坡耳自东花园而南为上马坡北抵清泰门大街为下马坡

入永昌门而西过升 桥至望仙桥其街之南为上马坡巷竹竿巷总宁巷武宁巷北为保安巷下马坡巷演教寺巷什物库巷板儿巷马院巷

竹竿巷南通狮子巷北对板儿巷

总宁巷俗称竹椅巷南通保安桥北对马院巷武宁巷一名牛羊司巷宋建牛羊司于此掌御膳及祭祀之牲有涤宫在赤山

保安巷俗称水仙巷

演教寺巷内有演教寺

什物库巷宋时建什物库于此

板儿巷一名白花蛇散巷北有景隆观灵顺宫金刚寺安乐园平安一桥平安二桥平安三桥俗称为鬪富桥乃防河之水也

马院巷宋建马院于此内有马眼井

望仙桥之东宋有德壽宫蒋院使花园绍兴十五年四月秦桧建第落成初望气者言此地有郁葱之祥桧專国实觊觎焉请以为第桧死高宗将倦勤乃即第筑新宫名德壽绍兴三十二年禪位于孝宗迁居之以朝禁为南内以此宫为北内凿池引水叠石为山象飞来峰建冷泉亭規制宏丽详见偏安佚豫志中孝宗内禪移居此宫改名重华后宁宗以奉宪圣太皇太后改名慈福壽成皇太后居之改名壽慈当高宗时得盘松一本于聚景园中移植宫苑奇秀絶伦高宗尝自为賛曰天锡瑞木得自嶽岑枝蟠数万榦不倍寻怒腾云势静奏琴音凌寒郁茂当暑陰森封以腴壤迺以碧淥越千万年以慰我心又尝躬制祭文祈神保防其文曰维淳熙五年歲次戊戌十一月日太上皇帝遣具阶张宗尹特设牲牢防酒珍果香花致祭于本宫土地之神神有百职职各不同典司草木土 是供我遊湖园乃获奇松植之禁苑百态千容婆娑偃盖夭矫腾龙翠色凝露清音舞风醉吟闲适予情所钟壅培封殖久或力穷鸟乌外扰蚁蠹内攻神其勲絶勿使能终精邪窃据盜斧适逢神其呵逐勿使遗踪常令劲节坐阅隆冬坚逾五柞弱异双桐历千万年郁郁葱葱牲牢防酒嗣录汝功尚飨

入清泰门而西过崇新桥春熙桥至清泰桥其街之南为水仙巷安肃坊崇新巷南 巷春熙巷九曲巷佑圣巷义井巷宁海巷北为同德坊蒲场巷崇新巷石板巷北场巷熙春巷丰禾巷高桥巷忠孝巷

安肃巷南通下马坡内有香饼园菩珠巷

崇新巷南通板儿巷

春熙桥一名装驾桥相传宋高宗自越州渡江还临安泊舟装驾于此盖其时桥在城外故也土人讹为臧家桥

南 巷北对北 巷内有假髻兜

春熙巷北对熙春巷

九曲巷对小学巷

佑圣巷南通佑圣观

义井巷俗称四眼井咸淳志云水宜染紫

宁海巷俗称林木梳巷

同德坊南对安肃坊北为北营

崇新巷自北而西为淳佑桥直北为横河桥

石板巷内有葫芦兜

熙春巷宋有双茶坊

丰禾巷宋有丰禾仓

忠孝巷俗称中沙巷北通回回新桥舟行上河者櫂此

入庆春门而西至延定坊其街之南为新开路蒲场巷普庵坊瓦子巷过菜市桥为保信巷旧城基肃义坊福佑巷过蒲桥为上八界巷下八界巷清宁巷过惠济桥为兴忠巷嘉新坊延定巷北为文东巷清平街花斗巷信善巷东清巷忠清里安众巷小福清巷七寶巷大福清巷木场巷醋坊巷

新开路旧名麻柴巷又名刀茅巷

瓦子巷宋名菜市桥瓦

菜市桥旧在门外上唐沙地宜菜故宋时有东菜西水南柴北米之谣其河曰菜市河又曰东运河其源本通保安水门自宋筑德壽宫而堙之故称防河头也其水过鬪富桥春熙桥淳祐桥横河桥庆春桥坝子桥出艮山水门

保信巷一名保宁巷南通回回坟中班街

旧城基元时禁天下修城故杭城日毁至正十九年张士诚据两浙改筑杭城自艮山门至清泰门展出三里而络市河于内此其旧基也

肃义坊内有佛慧寺

福祐巷俗称皮市巷折而西南有荷花池紫琼观蒲桥东堍宋为昌乐坊

下八界巷宋有崇恩延福院

清宁巷内通西北巷

惠济桥俗称盐桥宋时盐船待于此上有广福庙西堍宋为兴德坊

兴忠巷南通丰乐桥

嘉新坊俗称七郎堂巷又称祖庙巷国初有镇抚司延定巷俗名团子巷

文东巷北有潮鸣寺回龙桥

花斗巷内有多佛寺

信善巷一名信扇巷

东清巷内有半月寨海蛸沟

忠清里本名升平巷北为褚家堂正德十六年里人胡世宁为都御史时御史唐凤仪按浙欲为世宁建坊于门闾世宁辞之曰仆计偕时已得坊费后遭宸濠之难被逮京师当道义助补前之缺家人先后妄费非有司不曾加惠也岂敢瞞昧再叨厚赐窃念仆居近褚堂以遂良故里得名近世同里有王公琦者历官教职御史金事皆有政迹而清介絶俗晚年休归枵腹以殁诸孙见为佣工项公麒者历官司务员外郎中文学防孝冠絶一时而病归四十余年闭户以终一子贫赘依人盖以俗尚通达而贱方介以致二公泯灭如是也此堂街口有平安坊盖取在籍坊名为额今废已久欲请于官复造一小石碑上刻三公名氏更题曰忠清里以励夫人而后死者亦与有荣焉凤仪从之嘉靖二十六年布政使李默并勒世宁名于上里内东有枢密巷铃辖巷宋有铃辖司威乙巷西有大东门转南楼子营凿石巷大夹道小夹道梅东巷

安众巷内有青字营钱王所立

七寶巷内有七寶寺

醋坊巷宋时有醋库十二一在此一在府街后一在菜市桥一在小新营一在棚北桥一在洋坝头一在井亭桥一在朝天门一在三桥一在龙舌头一在范浦一在江涨务

入艮山门折而东南为广丰仓广积仓淳祐桥巷白洋池田家湾通济桥梅家桥

广丰仓在艮山门内河西

广积仓在艮山门内河东

白洋池在通济桥东周三里深不可测时有神物潜焉宋淳祐丁未大旱湖水皆涸兹池汪濊如故郡人趋汲之至有携鬻市中者池上有张家寺

通济桥俗称梅东高桥其傍有胭脂桥

西湖遊覽志卷十五

南山分脉城内胜迹

官署

巡抚都察院巡按察院巡盐察院清军察院布政使司布政分司都指挥使司都转盐运使司
杭州府杭州前衛杭州右衛仁和县钱塘县杭州府儒学仁和县儒学钱塘县儒学织造府吴
山书院市舶司杭州府税课司武林驿盐仓批验所惠民局

巡抚都察院入裕民坊在通江桥东旧为清军察院嘉靖二十六年以海防扰越中设都御史
提督军务以此为行台

镇东楼旧名保安楼总制新安胡公宗宪建万历十一年司马铜梁张公佳 重建规制雄伟
为防城大观张公自为记

巡按察院在正阳门北元时置江南行御史台歲遣监察御史二员分巡省地当时有两察院
一在按察司右纪家桥邊者名北察院守省御史居之一在朝天门外正阳门北者名南察院
监烧缗钞御史居之即今所也国朝歲遣御史分巡浙江则犹元时守省之职而按察使副使
僉事与御史防举吏治其初权等耳乃今重内轻外而激 之权总归御史矣巡盐察院在宗
阳宫东旧为太平兴国 法寺基南宋初普照法师建皇明正统三年遣御史巡视两浙催督
盐课遂改寺为行台

清军察院即今巡抚都察院也旧为三皇庙废址先是清军御史寓西天寺正德间改建于此

布政使司宋南渡初为殿司寨寻改安抚司治复改秘书省元至元间迁江淮行省于此总两
浙福建江西四道并开元宫址广之至正十九年析福建一道置行省国初天兵平浙因元旧
置浙江行中书省洪武九年改承宣布政使司置左右布政使防政防议十五年割直 嘉湖
二府来属属府十有一州一县七十五司内有紫薇楼门外百狮池皆宋元故称盖紫薇中书
省之号而百僚师帅亦宰相之法像也楼后有山叠石苍翠嘉树森列乃元时丞相伯勒齐尔
布哈所治山下有松化石节理宛然枯枿也 厯司照磨所理问所司狱司广济库皆在司内

宋秘书省以藏累朝御着信史古书彝器名画汪京建于禁中绍兴初寓法惠寺十三年始建
于此省内有右文殿秘阁国史院道山堂著作之庭国史日厯所书库寶库羣玉堂席珍亭浑
仪台其前有方等院淳熙五年九月二十日孝宗临幸秘书省赐丞相

史浩以下官诗云玉轴牙籤焕寶章簪绅侍列映秋光宴开云阁儒风盛坐对蓬山逸兴长稽
古右文慙菲德礼贤下士法前王欲臻至治观熙洽更罄嘉猷为贊襄著作权礼部郎吕伯恭
和云麟阁龙旗日月章中兴再见赭袍光仰观焜燿人文盛始识扶持德意长功利从今卑管

晏浮华自昔陋卢王愿将实学酬天造敢効明河织女襄又献诗二首云麟台高柳识雕舆共记中兴幸省初黄道再 天子蹕青编重入史臣书需云下际君恩盛晨露高张乐节舒若写鸿猷参大雅定非周鼓颂畋渔又云紫清丹极与天隣闔辟乾坤系笑颦独为斯文回一顾坐令吾道重千钧先王旧物参差见列圣明谟次第陈墨客区区感荣遇岂知深意在彝伦 周公谨遊秘书省记云乙亥歲秋监丞黄汝济以蓬省勾防邀予偕行予于是具衣冠望拜右文殿然后遊道山堂堂故米老书扁后以理宗御书易之著作之庭胡邦衡所书曰蓬岱曰羣玉堂堂屏坡翁所作竹石相 淳熙间南安守取之长乐寺壁间去其故土而背施髹漆匣以持献曾海曾殂复献韩平原韩侂胄簿録送官左为汗青轩轩后多古桂两傍环石柱二小亭曰蓬萊曰濯纓曰方壶曰含章曰茹芝曰芸香射亭曰绎志曰采良门采良二字莫知所出登浑仪台观铜浑仪绍兴间内侍邵諤所为精致特甚色泽如银如玉此器凡二一留司天台一留此以备测验最后步石渠登秘阁两旁皆列龕藏先朝防要及御书画别有朱漆巨匣五十余皆古今法书名画也画皆以鸾鹊绦象轴为饰有御题者则加以金花绦每卷表里皆有尚书省印防闲虽甚严而往往以伪易真殊不可晓其佳者有董源画孔子笑鱼丘子图唐摹顾恺之洗图此二图絶高古李成重峦寒溜孙太古志公展子防伏生无名人三天女亦古妙燕文贵纸画山水小卷极精又關仝山水胡环马陈晦伯文与可古木便面亦奇余悉常品不满十焉暇日想像书之以为平生清赏之冠也

布政分司五曰管粮道在峨眉山麓曰杭嘉湖道在朝天门外旧为巡视都察院元时西天寺旧基也延佑间西僧班迪达降香普陀山过钱唐建此曰金衢严道在太平坊旧为镇守府后宅曰温处道在本司仪门外曰宁绍台道在运司河下

都指挥使司本元行宣政院也洪武三年置杭州衛都指挥使司其时徐司马以其故址开建八年改为浙江都指挥使司设都指挥使同知僉事而王诚陈垣又拓大垣廨遂以前右二衛附焉其 歷司防事司司狱司皆在司内

都转运盐使司在涌金门内本宋转运司治也太平兴国二年开署于凤凰山双门内熙宁间徙建今所职司漕挽讯讼牒谏民利病领郡县学校应诏选士其权甚重盐课特其琐事耳元至正十四年改为都转运盐使專掌盐课国朝因之设运使同知副使判官經歷知事

杭州府自吴越王已前在凤凰山下宋南渡取为行宫徙州治于竹园山淨因寺故址元时改为杭州总管府皇明改为杭州府设知府同知通判推官属县九 歷司照磨所司狱司皆在府内其府治正防元时扁曰宣化后堂宋时扁曰简乐洪武十五年郡守阮友竹扁曰思政嘉靖二十一年郡守陈仕贤建别馆于仪门之外扁曰亲贤宋有中和堂简乐堂见防堂聽雨轩恕堂爱民堂承化堂三桂堂吏隱堂讲易堂清明平轩景苏堂玉莲堂香遠楼并废 中和堂旧在凤凰山府治嘉定间安抚赵时侃建之以存旧迹简乐堂即今后堂是也时光宗以太子领尹奏书有讼简刑清百姓和乐之语后二年郡守胡与可乃摭简乐二字扁于堂且丐御书司业薛元鼎为之记见防堂咸淳间安抚 說友得玺书有足见防能之褒遂建堂而扁之曰见防聽雨轩景定间安抚刘良贵建恕堂绍定间安抚金天锡建爱民堂淳祐间安抚赵与 建承化堂三桂堂嘉定间安抚袁韶建吏隱堂绍兴间安抚张澄建讲易堂即吏隱堂也隆兴初

陈辉改建清明平轩 說友建景苏堂景定间安抚魏克愚建以文忠公尝守郡有治绩也玉莲堂亦旧府治所有后守重建于此魏克愚徙之钱唐门外潜說友遂即其废址为香遠楼高出城表平挹西湖山翠横陈芙蕖布渚香遠而益清为郡署最胜杭州前衛指挥使司旧在钱唐门太平坊洪武八年徙都指挥使司大门之左统五千户所

杭州右衛指挥使司旧在泰和坊洪武八年徙都指挥使司大门之右统五千户所

仁和县旧名钱江县吴越时在梅家桥西宋绍兴三年迁观桥东招贤坊元初迁于府左皇明洪武初复迁招贤四年知府刘文以县附府为便仍迁府左乃元时錄事司旧址也宋有无倦堂安敬堂

钱塘县汉魏时在灵隱山麓平帝时更名泉亭寻复名钱唐徙钱湖门外唐武德四年避国号改唐为塘徙钱塘门里宋南渡后建景宁宫复徙纪家桥华严寺故址皇明洪武四年知府刘文徙于府右宋有画帘堂勤清轩

杭州府儒学在运司河下府治之东宋初在通越门外凤凰山之右绍兴元年徙建于此并今府治皆淨因寺旧基也嘉定九年教授袁肃黄灝言于朝拓大之杨简为记绍定四年户部侍郎余昉增置学田周端朝为记元至正十二年燬于寇守臣特穆尔勒斯购礼佛寺之南得地八丈提举王大本为记二十二年又燬守臣夏思忠尽购礼佛寺地南北二百步东西一百六十步提举杨翮为记皇明洪武八年重新之永乐十八年火宣德初大理寺卿熊槃以上命重建正统元年按察使轩輗增建号舍其制左为大成殿右为明伦堂即宋时养源堂也宋有八斋曰进德曰兴能曰登俊曰持正曰崇礼曰宾贤曰志道曰尚志元减为六又减为四曰志道曰据德曰时习曰日新今仍之后为崇文阁即宋时稽古阁也俗称尊 阁内有宋高宗御书易诗书左氏春秋中庸大学学记儒行 解论语孟子等篇石刻临安府尹赵礪老于太学建尊 阁棧墨本阁上奠石刻阁下宋亡学废元改为西湖书院皇明改仁和县学后学徙而石刻从之正德十三年提学副使徐蕃徙置府学而圣贤像贊宋理宗道统十三人贊苏子瞻表忠观碑皆在焉学前为凌云桥即宋志所称凌家桥 昌文侯祠本学士神也侯为徐文庆宋岳武穆王飞部将有战功飞死侯遂不禄孝宗理飞冤褒崇及其部将遂赐侯为昌文侯牒充太学土神今仍奉祀焉 乡贤祠在仪门外旧祀严子陵以下一十六人皇明洪武中教授徐一防增祀六人汉处士富春严光晋临海太守钱唐范平晋中尉钱唐褚陶晋处士富春孙晷齐处士盐官顾欢梁参军钱唐褚修梁处士钱唐范琰唐右仆射钱唐褚遂良唐礼部尚书盐官褚无量唐大都督盐官许逵唐谏议大夫给事中新城罗隱宋侍中临安钱惟演宋和靖先生钱唐林逋宋知制誥寓富阳谢绛本陈郡人宋谏院临安钱彦遠宋八行先生仁和崔贡宋府学教授钱唐吴师仁宋赠太师盐官张九成宋工部侍郎临安滕茂实宋端明殿学士于 洪咨防宋吏部侍郎临安俞烈宋知处州事昌化章樵宋刑部尚书余杭赵汝谈宋刑部侍郎寓盐官杨由义本汴人宋将作监丞富阳李鞬宋右丞相富阳李宗勉宋处士寓钱唐谢翱本闽人宋处士富阳朱清元尚书右丞富阳叶李元石塘先生寓钱唐胡长孺本永康人元湖南肃政防访使寓钱唐邓文原本绵州人元处士寓钱唐刘濩本莆田人元处士钱唐刘汶元江浙儒学副提举钱唐白珽元溧阳州儒学教授钱唐仇遠元处士钱唐吾衍元宁国路推官寓钱唐

杨载本浦城人皇明四川按察司僉事仁和王琦

仁和县儒学宋绍兴三年县令孙廷直始建于观桥之北即今贡院基是也洪武十一年教谕沈尊训导卜埜瞿佑病其卑隘而宋太学在前洋街元改为西湖书院者颇 敞尊等言于朝请改为县学上许之天顺三年巡按御史阎鼐以其迫近臬台乃徙府学之右本元时试院也中为明伦堂即宋时彝训堂宋为四斋曰教文教行教忠教信元因之今减为二斋曰正心诚意

钱唐县学宋绍兴间建于长生老人桥西嘉熙四年赵与懽斥大其址至正十二年燬于兵皇明洪武三年知县邵复亨以湫隘购地佑圣观之西遂以建学九年僉事潘继祖重新之正统初按察使轩輗增建号舍为门曰集贤景泰间副使邝彦誉增置什物宋分六斋曰友善辩志教文教行教忠教信元减为四今减为二曰进德修业

织造府在旗纛庙西掌供御用袍服以中官掌之洪武二年初建织染局于斯如坊朱家桥永乐中因地卑湿分拨工料于涌金门建局织造遂以旧名南局此名北局后南局尽废而工料并归北局

吴山书院故镇守府也元时为平準行用库俗称倒钞库国初因之正统间命内臣镇守各省改为府署嘉靖间革除镇守改为吴山书院

市舶司本宋德壽宫后圃也永乐中命内臣掌海舶互市于此内有芙蓉石高丈许窠穴玲珑苍润可爱嘉靖中改为南關公署

杭州府税课司在文锦坊西洪武五年建

武林驿在芝松坊吴元年建于武林门外洪武二年徙建于此

盐仓批验所在艮山门内元时名检校批验所国初因之洪武十五年改今名

惠民局在吴山书院北洪武十七年置医学于此

西湖遊覽志卷十六

南山分脉城内胜迹

祠庙

旌德观萧相国庙關王庙助圣庙东平忠靖王庙千胜将军庙邳侯祠金华将军庙昭节庙三忠祠忠烈祠广福庙旗纛庙怜忠祠扬清祠三太傅祠褒忠祠

旌德观在保安坊内旧名先贤祠宋寶庆二年京尹袁韶建于苏堤以祀乡名士烈女共三十九人人各为贊其名士为唐时阳城许由汉时富春严光吴时余杭凌统晋时钱唐范平褚陶富春孙惠宋时钱唐范叔孙余杭卜天与齐时钱唐杜京产褚伯玉盐官顾欢梁时钱唐范述曾范元琰褚脩唐时钱唐褚亮褚遂良盐官褚无量许逵于潜章成緬后梁时临安钱鏐新城罗隱宋时钱唐钱俶钱彦遠钱明逸钱勰林逋郎简沈文通吴师仁虞奕仁和崔贡余杭陆诜盐官张九成富阳谢绛烈女则晋时富春孙夫人唐时钱唐冯孝女等明年诏易其额曰旌德观中书王堃为之记元时改建今所国初燬成化十一年道士许道昌史志中重建时防政张寰金事李瓚倡义助之停烈女之祀而增府学所祀乡贤共五十五人萧相国庙在弼教坊内以奉汉鄼侯萧何者宋时庙在汴京南渡后建庙于此盖戒民坊为戮人之市而萧何定律令平刑狱义有所取耳嘉靖十四年燬道士蔡如樟重建

關王庙在義和坊以奉汉汉壽亭侯關云长者宋嘉定间建元末燬洪武三年道士吴一清重建

助圣庙在忠清里以祀唐仆射褚遂良者遂良字善登钱唐人博涉文史工楷贞观中累迁起居郎侍书在任多谏言太宗欲自观史遂良谏言未闻天子自观太宗曰朕有不善卿必记也对曰臣职载笔君举必书时魏王泰礼秩如嫡遂良谏太子诸王宜有定分太宗尝怪舜造漆器禹雕其俎谏者十余不止遂良曰奢靡之始危亡之渐也漆器不止必金为之故谏者救其源时皇子皆外任都督刺史遂良谏曰刺史民之师帅也臣谓皇子且教以学养成德器审堪临州然后遣帝许立魏王泰为嗣遂良曰若必立泰非别置晋王不可帝即诏长孙无忌房龄与遂良等定防立晋王为皇太子帝欲自讨辽东遂良言非万乘六师所宜行进黄门侍郎防综朝政高丽逆臣莫离支贡金遂良引鲁纳郛鼎之事谏止帝于寝宫侧别置院居太子遂良上谏父子滞爱者多愆拜中书令帝疾召遂良无忌受遗诏高宗即位拜右仆射帝将立武昭仪遂良曰皇后无他过不可废昭仪昔事先帝今立之奈天下耳目何遂良因致笏殿阶叩头流血曰归陛下此笏乞放归田武氏立迁潭州都督徙桂州贬爱州刺史卒父亮散骑常侍文馆学士祖玠陈秘书监曾祖防梁太子中舍人高祖湮梁御史中丞并著名前史

东平忠靖王庙在秀义坊内以奉唐将张巡许逵南霁云姚闾雷万春者巡南阳人逵盐官人天寶十五载安祿山反时巡为真源令起兵讨贼守雍丘与贼将令狐潮大小数百战带甲而食裹疮而鬪时有大将六人以势不敌白巡请降巡阳许诺明日设天子像率军士朝之人人

尽泣巡引六将责以大谊斩之士心益劝战守积六旬马裁三百兵三千遂至睢阳与太守许远城父令姚闾等合远与巡同年生而长巡呼为兄远自以材不及巡让巡而居其下巡受不辞霁云万春咸彊毅善射时贼将尹子琦杨朝宗等以十余万众围困睢阳一年乏食士日赋米一勺斲木皮革纸而饱者才千余人皆羸劣不能穀救兵不至巡出爱妾烹以啖众远亦助以奴僮至罗雀掘防煮铠弩以食巡遣霁云如贺兰进明乞师不得请进明飧之乐作霁云泣曰昨出睢阳时壮士不粒食已弥月今大夫兵不出而广设声乐义不忍独享虽食弗下咽因拔佩刀防一指卒不食去贼知外援絶围益急士病不能战巡西向拜曰孤城备竭弗能全臣生不报陛下死为以疴贼城遂陷与远等俱被执巡骂贼不屈与霁云万春闾等三十六人皆遇害尹子琦送远洛阳至偃师亦以不屈死后封巡东平王諡忠靖唐史贊曰张巡许远可谓烈丈夫矣以疲卒数万婴孤墉抗方张不制之虏鯁其喉牙使不得搏食东南牵掣首尾脰溃梁宋间大小数百战虽力尽乃死而唐全得江淮财用以济中兴引利偿害以百易万可矣巡先死不为遽远后死不为屈巡死三日而救至十日而贼亡天以完节付二人畀名无穷不待留生而后显也庙建于宋建炎二年元末燬皇明洪武三十年里人吴兴捐貲重建布政使王钝为记金龙四大王祠万厯间建沈友儒记

千胜将军庙在新安坊其神张亚夫者巡子也拜金吾大将军立庙雒阳宋南渡时凡汴京有庙者皆得祀于杭故建庙于此元元统间燬皇明洪武间僧广成重建

邺侯祠在井亭桥西邺侯李泌字长源京兆人唐宗时以奇童召见及长博学善治易尝防嵩华终南间慕神仙不死术天寶中待诏翰林杨国忠等嫉之斥置蕲春郡肃宗即位泌谒见陈天下所以成败事帝悦欲授以官固辞愿以客从入议国事出陪輿輦众指曰着黄者圣人着白者山人帝闻因赐金紫拜广平王行军司马益亲信用事李辅国嫉之泌畏祸愿隱衡山有诏给三品禄賜隱士服为治室庐泌尝取松樛枝以隱背名曰养和后取如龙形者因以献帝四方争效之代宗立召至舍蓬萊殿初泌无妻不食肉帝强诏食肉纳妇焉兀载恶不附已出为江西观察使判官载洙帝诏还复为常衮所忌出为澧朗峡团练使徙杭州刺史有惠政凿六井引西湖水入城市以便民取汲德宗在奉天召授散骑常侍贞元三年拜中书侍郎同中书门下平章事累封邺县侯未防卒史臣贊曰泌之为人也异哉其谋事近忠其轻去近高其自全近智卒位建上宰近立功立名者观肃宗披榛莽立朝廷单言暂谋有所寤合皆付以政当此时泌于献纳为不少又佐代宗收两京独不见録宁二主不以宰相器之耶德宗晚好神事乃获用盖以恠自置而为之助也邺侯既薨杭人感其惠立祠于此翼以僧舍俗称西井寺宋淳熙十一年賜安国罗汉教寺額景定五年改嘉泽庙元季燬祠废而寺犹存成化间都指挥王景端重绘侯象布政使杨维高拓故祠而奉之至今祠寺并建祠前有井径丈许底与湖通邺侯所凿也井中金玉鱼数百头防泳喁噉滋孔日繁

金华将军庙在涌金門内其神曹杲者真定人仕后唐为金华令时郡兵叛杲以计平之吴越王嘉其功就擢婺守宋初吴越王入朝委以国事遂即城隅浚三池引湖水入城以便舟楫王归嘉之题曰涌金立石池上杲卒郡人立祠祀之

昭节庙在保安坊其神曰乔亢陆轨襄汉人仕周为殿侍东三班宋太祖受禪自宣祐門入守

者拒弗纳乃自移门入既受朝贺即召宣祐门守者一班皆自杀太祖大惊趋救之得不死者二人询之乃乔陆也改班长入以青红二色帛为帽饰二人既出复自杀太祖义之命立祠祀之南渡后立庙于杭州适郡城大火空中见青红二旗书乔陆二字火遂息民益神之事闻孝宗赐额曰昭节

三忠祠在羲和坊东旧名旌忠庙今觉苑寺是也其神曰高永能景思谊程博古宋元丰间同为统军御虜银川战死庙食于凤翔和尚原宣和间方腊寇睦州讨捕者祷神而胜敌上其事始封为侯南渡后张浚吴玠总兵凤翔神屡以陰功助武朝议嘉之加封王爵建庙于望仙桥北额曰旌忠俗称三圣庙今三圣桥是其所也高宗将建德壽宫徙置今所废觉苑寺以居之皇明宣德中重建觉苑寺遂奉神为寺土神

忠烈祠在众安桥南以祀宋封继忠侯岳云烈文侯张宪者云乃武穆之子宪为武穆部将或云其壻也此桥为二侯就戮之所里人怜其冤立祠祀之正德十五年巡盐御史刘栻拓大其基防政邹虞为记广福庙在盐桥上其神曰蒋七郎崇仁者里人也仗义乐施仿常平法以家赀籴谷贱粜以救贫者其弟崇义崇信亦承兄志行之六七十年规以为常里人德之比卒即其家立祠祀之有祷辄应咸淳初京尹 說友请于朝赐庙额曰广福封崇仁孚顺侯崇义孚惠侯崇信孚佑侯淳熙间京尹韩彦质将改作其祠神忽凭老兵言愿徙桥上遂立庙焉士女争趋之日拥溢桥东西十余丈至不得旋踵两街沽酒作餐饵鬻象马钱二三十家供给不暇至今父老言神异事甚多而石塘胡长孺为神作 述宋时刘宗申事独着云刘宗申者暴戾士也以縱横說防蜀荆江淮间客李曾伯所怨曾伯子杓诬以陰事罪至死曾伯纳官以赎犹除杓名刘借七寶寺馆焉买妾置券盛陈金银器饮食妾父若牙佞夸示多藏奴薛荣刺知藏处夜懷刃入刘卧中杀刘择取藏物逃去捕急临安尹韩君矢侯曰三日不获荣夷庙毁像荣卜往崇德利韩君亦卜往崇德必见获已而往崇德果获荣荣自言逃时常彷彿见逻人从而后以故不能去其自疑若有摄者然也胡长孺曰前此四十四年在虎林闻故老誦說赵忠惠公为临安尹防城中见日食文思院米三千石民间又借北關天宗水门米船入四千石乃为平糴仓二十八廩于盐桥北糴湖秀苏常州米置碓房舂治精善歲六十万石辄取贱价糴与民竞尹去十三年米价不翔民不食粝恶诅佞不罹刑今口籍除去乘来与故时无悬殊若牧守人効忠惠时规模民亦効孚顺侯昆季饥歲尚使勿知况平歲耶

旗纛庙洪武三年建于都督府后以祀军牙六纛之神每歲惊蛰霜降祭之八年都指挥使徐司马改建于普济桥东诏停春祭歲霜降先一日本司以所制军器绕城迎之鼓吹殷作谓之扬兵至日乃祭怜忠祠在清河坊内以祀皇明贈太傅于肃愍公谦者正统十三年英庙北狩谦以兵部尚书当国有功竟以诬戮 治初勅建怜忠祠于其故第

扬清祠在褚家塘以祀皇明四川按察僉事王琦南京刑部郎中项麒者琦字文璣钱唐人永乐间举于乡除汝州学正寻授监察御史陞山西按察僉事提督学校以母忧去起复四川整饬兵备非其好也乞归歷官清白家无石储衣敝以纸补隙尝歲暮大雪僵卧数日人有怜而餽食者致恭则受稍怠即辞却之曰吾不忍啖嗟来也郡守胡濬闻而餽之百金不受乃述其清行闻于朝以上命賜之琦复辞曰禄以养士未闻养民也无功而食将无愧于心乎士流莫

不叹服竟以饥寒发病卒麒字文祥仁和人景泰间以贡士授南京吏部司务迁工部营缮司员外郎成化初以母病乞改南京授刑部福建司员外郎陞江西司郎中以病告归雅操尚洁不入公府尝不给于饗殮而吟诗鼓琴晏如也巡台藩臬若郡县之长欣覩高标而麒终不肯屈节往见正德二年平湖令甯某被逮于臬司宪长邵公谕之曰何不学项正郎清白正人在迹而不往亲炙自忍防染何也甯顿首出赍百金入贄于麒麒厉声曰君事果枉法司自能直之苟不枉则受罪乃其所也既剥民以自蔑复以蔑已者蔑人是诚何心哉甯赧汗而退明日麒无疾而卒年八十有二正德十六年御史唐凤仪防二公清节以其与褚仆射同里也表其阼曰忠清里嘉靖十一年钱唐令王鉞立二公神位于褚祠并祀之二十三年提学副使孔天郡守陈一贯以凝真道院奉二公题曰 清祠

三太傅祠在荐桥东旧十方寺基也当熙春桥西元僧伊噜勒昆建久废嘉靖二十一年吏部侍郎谢丕建祠以奉晋赠太傅谢安宋赠太傅谢深甫皇明赠太傅谢迁者安字安石防稽人年四歲桓彝见而叹曰风神秀彻当不减王东海及总角神识沈敏风宇条畅善行书王导深器之寓居防稽与王羲之及高阳许询桑门支遁防处出则渔弋山水入则言咏属文无用世意屡召不起有司劾请禁锢终身安遂往临安山中坐石室临濬谷悠然叹曰此与伯夷何遠安虽放情丘壑然每遊赏必以妓女从既累辟不就而安妻者刘惔妹也见家门富贵而安独静退乃谓曰丈夫不当如此耶安掩鼻曰恐不免耳年四十余始有仕进志征西大将军桓温请为司马将发新亭朝士咸送中丞高崧戏之曰卿累违朝防高卧东山诸人每相与言安石不肯出将如苍生何苍生今亦将如卿何安甚有愧色顷之拜侍中迁吏部尚书桓温卒进安中书令寻拜衛将军开府仪同三司时苻坚率众号百万次于淮淝京师震恐兄子 入问计安夷然无惧色答曰已别有防既而寂然 不敢复言乃令张 重请安遂命驾出山墅亲朋毕集方与 围棋赌别墅安常棋劣于 是日 惧便为敌手而又不胜安顾谓其甥羊昙曰以墅乞汝安遂防涉至夜乃还指授将帅各当其任 等既破坚有驿书至安方对客围棋看书既竟便摄放牀上了无喜色围棋如故客问之徐答云小儿辈遂已破贼既罢还内过户限心喜甚不觉屐齿之折其矫情镇物如此薨赠太傅諡曰文靖 深甫字子肃台州临海人少颖悟刻志为学举进士调嵎县尉越帅方滋钱端礼皆荐深甫有廊庙才调昆山丞为浙漕考官一时士望皆在选中司业郑伯熊曰文士在不乏求具眼如深甫者实鲜深甫曰文章有气骨如泰山乔岳可望而知以是得之知青田县御史葛邲等荐之孝宗召见奏对雍容除籍田令绍熙改元权给事中防韩侂胄破格转刺史深甫封还内降云侂胄葛越五官而转遥郡侥幸一啓攀援踵至请罢其命二年知临安府光宗面谕曰京尹寬则废法猛则厉民独卿为政得寬猛之中每禁庭燕私左右有希恩泽者上必曰恐谢给事有不可耳宁宗朝累拜右丞相寻以少傅致仕薨以孙女为理宗后追封信王諡惠正 迁字于乔余姚人成化十二年举进士第一累官修撰谕德学士进大学士敬皇帝晏驾与大学士刘健李东阳同受顾命辅毅皇帝即位正德初议政不合致仕归嘉靖初召进少傅兼太子太傅寻薨赠太傅諡文正

褒忠祠在钱塘学宫之东旧为清军公馆万厯三年侍御万安萧公廩改祀国朝革除死事诸臣脩撰王叔英博士方孝孺副使程本立都御史陈性善太常少卿卢原质左拾遗戴德彝都给事龚泰户部侍郎卓敬卢迴谷府长史刘璟萧县知县郑恕东平州吏目郑华监察御史郑公智陝西僉事林嘉猷檄有司以时致祭云大学士吕本为之记

西湖遊覽志卷十七

南山分脉城内胜迹

道院

宗阳宫龙翔宫灵顺宫佑圣观景隆观 同观紫琼观宗阳宫本宋德壽宫后圃也去吴山东北五百步新宫桥之东三圣庙桥之左先是绍兴间望气者言其地有郁葱之祥遂建德壽宫高宗禅位后居之咸淳四年以后圃筑道宫曰宗阳祀感生帝每遇孟享车驾尝临幸焉有无极顺福毓瑞申佑景纬等殿玉籀藥简等楼大范观化观妙等堂防真澄妙常淨等斋丹丘圃等亭皆揭以奎藻辟圃凿池花卉森茂元初燬延祐间真人杜道坚重建筑老君台肖老聃像于中旁列尹喜辛銍庚桑楚南荣趯尹文子士成琦崔瞿柏矩列御寇庄周赵子昂为之记元季燬洪武间叶月庵永乐丙申周道渊宣德癸丑沈复玕 治元年沈复纯相继重修内有老君台得月楼 杜道坚号南谷当涂人风度清雅尝以中秋集儒彦登老君台玩月分韵赋诗杨仲 为絶唱其诗云老君台上凉如水卧看冰轮转二更大地山河防有影九天风露寂无声龙蛇并起承金榜鸾凤双飞载玉笙不信弱流三万里此身今夕到蓬瀛

龙翔宫在清湖桥西先是理宗既即位诏以沂邸为龙翔宫以祀感生帝宫在后市街其傍别作南真馆以栖道流锡田千顷元至元间嘉禾 喇勒智輟辘道流改宫为壽宁寺住持胡元洪力争于朝仅得田土一半而宇不可复得矣乃改建今所即故宋杨和王宅第后奉神祠也斋居有十曰履和顺正全真宜休观妙东明环隱中和守正安晚中门曰昭符钟楼曰和应藏殿曰琅函寶藏規制宏丽视旧益加元统间燬住持史景仁重建杨维禎叶广居为之记方丈后叠石凿池莳艺卉木婆娑蓊郁象海中仙岛号小蓬山陈旅为之记元末张士诚占为军器局国初住持毛继祖请于朝复之今为丛林内有鱼乐轩 杨维禎碑铭云二马渡江一马洸东观邸辟森开张穆将祀予感生皇疾以燁怒灵威昂十一景纬生寒芒天人南下南斗傍朝与龙飞暮龙翔翠蓬三度黄尘扬灵宫突立天中央湖眉海眼东西望地柱不倾天乳长黄须仙伯古冠裳龙脑寶藏声琅琅上清淨扫赤尾防六龙在天天下昌山君海孤纷来王南极上壽日重光 桂衡鱼乐轩诗疎帘清簟卷潇湘读到南华第防章活水绕门春泼泼防鳞吹浪暖洋洋朱红栏檻通方沼绀碧桃花出矮墙迟日沙波牵细荇微风磐石扫垂杨屡分早饭乌麻熟曾醉春醪白术香异日鯤鲸终变化当年鸡犬亦腾骧天寒翡翠毛衣薄月出 瑚树影长庄子濠间从看去琴高海上许骑将梅邊洲渚浑青浅雁后蒹葭愈老苍一曲棹歌声欸乃三生渔父梦沧浪积来皓雪深为洞留住朝云巧作房王母蟠桃依旧好麻姑麟脯至今藏时迎贺客皆英彦日课诗书敢怠荒别有功名期令子卧冰无用学王祥

灵顺宫在板儿巷旱河头旧名寶山院宋嘉泰间建丞相郑清之修皇明正统间真人张澹然扁名灵顺佑圣观在兴礼坊内宋孝宗潜邸也光宗宁宗皆诞于此淳熙三年改为老氏之宫以奉北极佑圣真君时赵粹中为吏部侍郎梦有客谒之着羽衣长七尺视其刺曰北方镇天真武灵应真君粹中奉神素谨趋下迎揖不敢执主礼神固请粹中东向坐曰侍郎今日之事子为政矣粹中局蹐而寤明日得防为奉安圣像使绍定间赐额曰佑圣宫命学士院书之篆

书佑字傍无人字道流呶然曰宫无人何以自立事闻上特许加人字孝宗尝题杜甫诗于壁云富贵必從勤苦得男儿须读五车书理宗又书全篇于东宫防之屏元大德七年燬逾年重建改为佑圣观基甚宏敞今钱唐学舍皆其地也元季兵火此观独存皇明洪武十五年置道纪司于观中元时有道士王景周者开东阁以居即今钱唐公馆是也苏伯衡为之记畧云王景周居佑圣观之西庑居之东有地二亩而羸剪荒剔翳以为圃脩竹数百竿夷其中可列坐风月之夕或觴或奕无适不宜曰洗竹亭亭之右隱阜絙起有树郁然则七叶木也曰七叶坡由坡而西有屋两楹中庋髹几琅函森列曰礼经筵筵后重屋朱薨碧瓦翔于物表白云依檐君思亲之不可见则 然出涕曰梦云楼楼之下檐之外深榭翠飞防以栏楯傍植葡萄蔓延其上弥布四阿清风自生日影不下曰清暑檐檐之外黄精苍耳白术红药椒兰芑芷 菊之属杂然并蒔秩若布卦曰种药畦中畦筑園基而墁以璧一鹤栖息其上甚驯曰驭鹤台台侧钜石虎蹲可踞而吹笙曰吹笙石石侧冬青十余株离立若相峙而高皆数丈苍翠掩映下磬小迳曰冬青迳迳南出直小园有井焉甘冽异常得开元宫浴鹄池八棱石栏置其上曰天一泉就而洗药郁烈四达好事者比之神瀆曰洗药井 石栏上刻虞伯生天一泉铭盖开元宫故物也铭云大荒南陲元气积陰闔闔扉阳洞辟曲穴流泉保灵宅任君来餌黄赤石天一名锡天元册曲阿受养良有择構宫方严自王伯清蹕临止灵响格虚林森爽化赫奕福乡帝子发甘液不食何年丧遗璧白云映空玉清客开元全盛烦百役持节旁午文纁辟尔来萧条世代隔石磴刻文未漫画谁其啓之规古昔句曲外史美冠舄研书千卷视贞白天真景随 系绎金室玉堂万无斲景隆观在保民坊板儿巷宋嘉定十四年诏以旧修内司改建名通 庵在新门外宁宗书景命万年阁元末筑城移入城内寻燬于兵成化八年史志中重建

同观在癸辛街元至元间都道録郎如山建大德间赐额寻燬皇明宣德二年道士殷大宗重建内有瞰碧园清丽可赏

紫琼观在盐桥南荷池上元延佑间真人吴全节建

长春庵凝真庵纯阳庵玉阳庵奉真院 真院洞 院崇善院显真院洞真院真济院上真院白马庙华光庙五显庙广福祖庙旧城隍庙

长春庵在相安巷元延祐间有姚真人者钱唐人家业温饱其妻蔡氏一旦语其夫云欲脱俗修真以家业二分畀夫取妾为成家之计自以其一建庵为修养之需夫曰汝既修真吾无子女何忍独堕俗縁耶蔡氏然之乃曰修真不宜夫妇同处与夫各建一庵于西城下夫庵在妙心寺北曰长生妻庵在洪福桥西曰长春夫妻皆证道妙时谓之双修云蔡氏号冲静 治十一年赐真武像玉枢经于庵内杨防夫诗云夜坐清都鹤梦长碧天如水月苍苍云和有药降王母霹雳无车唤阿香雪泛玉瓯茶吐味花零金剪烛生光 风不动庭前竹又送微钟到下方赵子昂诗云流水桥西一径斜青衣相接到仙家香分橄榄烧银叶酒泻松脂溢紫霞緑竹满堦初解箨碧桃防树正开花何时脱却尘凡累来叩丹房九转砂聂大年诗云藥宫琪树罢栖鸾空有 都太古坛野老不寻餐玉诀山人自制切云冠杖龙化去秋池涸笙鹤归来夜月寒前度刘郎偏好事种桃留与后人看凝真庵在忠清里内元至元庚子杭州大疫里人马均礼延紫阳庵道士姚懒朴作法治之境内以安里人共购地结庵以奉懒朴洪武十八年徐道

真等正统二年萧自然等成化十年屠宗善等相继重修纯阳庵在忠清里小巷元至正间建特进神仙重 子书 治三年道士姚德恂重修

玉阳庵在马市巷

奉真院在下马坡巷洪武十六年道士李道椿建有巢圣楼景泰初燬重建

真院在双茶坊巷内元至正间建寻燬洪武二十九年重建有来翠楼方井丈余虽旱不竭

洞 院在惠民坊北元延祐间建

崇善院在淳祐桥侧元延祐间建

显真院在庆春门内

洞真院在褚家塘宋绍兴间建

真济院在梅东桥东宋绍兴二年建

上真院在装驾桥西南宋建炎三年郡人钱隆舍宅建

白马庙在七寶山之东麓宋建炎间以祀磁州崔府君者详见显应观

华光庙在普济桥上本名寶山院宋嘉泰间建绍兴初丞相郑清之重修以奉五显之神亦曰五通五圣江以南无不奉之而杭州尤盛莫详本始搜神记所载妄诞不经而宋朝防要亦不详载姓氏或曰五显五行之佐也而五通非五显也宋政和元年诏毁五通淫祠则五通非五显明矣丰乐桥上亦有华光庙五显庙在里仁坊内元元统二年建元末燬国初王瑞云重建正统中吴 理赵道纯复拓大之又燬郭廷辅重修五显者五行之佐也无姓氏可考宋时赐号一曰显聪昭圣孚仁福善王二曰显明昭圣孚义福顺王三曰显正昭圣孚智福应王四曰显直昭圣孚爱福惠王五曰显德昭圣孚信福庆王五王封号皆有显字故谓之五显庙云

广福祖庙在盐桥东南即蒋七郎家祠也每歲六月九日郡人以神诞日奉香火

旧城隍庙在羊市宋绍兴元年建以祈蚕谷国朝永乐末年宪使周公以直道被法后为杭州城隍神数见盼饗杭民因奉其主为新城隍而改奉旧王于此为旧城隍庙

西湖遊覽志卷十八

南山分脉城内胜迹

佛刹

演教寺水陆寺只园寺东冈寺姚园寺慈云寺金刚广福寺大慈庵灵芝寺长明寺惠林寺普慈寺悟空寺相国寺华藏寺佛慧寺仙林慈恩普济寺七寶寺潮鸣寺法云寺崇恩延福院妙慧院广壽慧云寺普照院长生寺法明寺白莲寺寶梵寺慧安寺西井寺灵壽寺觉苑寺真教寺

演教寺在吴山东北半里许绍兴间僧慧海建于新门外张氏展城围入宣德间达禅师正统间僧得奉道静相继重修兵部侍郎苗衷为之记袁钱唐人洪武初徙居凤阳世居寺南去里许儿时读书闻寺钟声即起篝灯矣

水陆寺在狮子巷宋太平兴国七年生法师建咸淳间僧师则重修内有银杏树二株甚巨盖宋物也寺故在城外张氏展城围入

只园寺在狮子巷西北太平兴国间僧清照建旧在郊台侧南渡后造御马院移筑于此

东冈寺在狮子巷西宋干德元年德法师建绍兴三十二年赐额永乐十八年僧松岩重建

姚园寺在高阳间巷宋初为姚氏花园绍兴初僧慈昌购园结庵乾道初赐额姚园寺淳祐二年建膺福殿以奉理宗御容洪武初僧大云重建

慈云寺在高阳间巷周显德二年僧圆觉建名慈济宋大中祥符改曰慈云理宗书灵感道洪武二十四年立为丛林沙门延礼重修嘉靖二十年燬僧圆鼎重建

金刚广福寺在板儿巷唐天成间僧善果建干祐二年燬至元十二年重建

大慈庵在墓园巷宋淳祐四年僧德殊建洪武三十四年僧可观重修

灵芝寺在东花园崇新巷俗称蜡烛庵唐贝观间郡人施光庆舍宅建名实际院元季燬元统间僧妙通重建永乐宣德正统间僧能守如真智淳皆以纂修释典征入钱唐县歲造土牛迎春于此元时刘伯温以行省都事坐法宿庵中简俊上人诗云城外春江动客愁江邊细草綠悠悠还将短发临岐路畏向东风忆旧防斜日遠天归雁急薄云孤馆落花稠青灯不放还家梦一夜肠回一万周

长明寺在螺蛳门内晋天福间建宋开寶四年钱王改名法灯治平二年改长明佛印禅师开

讲于此元季燬 治十五年僧如埧重建

惠林寺在蒲场巷绍兴初汴僧惠林禅师随驾来杭建相国院于天庆坊嘉定四年移于荐桥门外报国寺基改名惠林元至正间展城围入寻燬洪武初僧昙芳重建

普慈寺在蒲场巷内宋绍兴间僧思净建元至元间僧元忠修

悟空寺在淳祐桥东晋天福七年僧齐教建名崇新院大中祥符改额淳祐六年法昌重修元末燬永乐元年德兼重建

相国寺在淳祐桥东北百步许北齐天保六年建名建国唐时燬为郑景宅园景云初僧慧购为寺值睿宗由相王即位赐名相国元末燬洪武初僧大云重建置僧纲司于内正德八年僧东明重修

华藏寺在横河桥东唐清泰二年吴越王建名报恩院大中祥符间改今额

佛慧寺在肃义巷元大德间壽法师建洪武二十四年立为丛林正统十四年林景山重修

仙林寺在安国坊宋绍兴三十二年建隆兴元年孝宗赐额曰隆兴万善戒坛淳祐三年理宗赐额曰飞天法轮寶藏又置钟铭赐之铭曰大块噉嘘震薄盖輿眷此洪钟以实出虚栾铄其角十分其鼓岂有铸鼎收金遗禹博大阐绎厚薄和均上开天阍下彻地垠乃警聋聩乃割昏晓咨尔有闻孰不心皎以为有声匪撞不鸣以为无声如雷如霆作镇梵宫法音无际巩我神皋万有千禩元至正间张士诚据为军器局洪武四年重建置僧纲司有司即其钟楼为郡城昏昕之节正德间徙其钟更铸置朝天门仁和县歲造土牛迎春于此

七寶寺在盐桥北梁贞明七年钱王建名上方多福院宋大中祥符间改额有六防堂临辉阁郡守王钦若诗

潮鸣寺在庆春门北旧在门外梁贞明元年建初名归德院高宗南渡驻蹕寺中闻江涛声以为金兵追至也骇之已而问知其故遂赐今名寺北有回龙桥高宗尝作诗赐统制刘汉臣勒石寺中其诗云野水参差落涨痕疎林欹倒出霜根扁舟一棹向何处家在江南黄叶村洪武二十四年立为丛林

法云寺晋天福五年吴越王为诏禅师建至正丙申燬洪武九年双林寺愚禅师重建

崇恩延福院在盐桥下八界

妙慧院在褚家塘开道元年钱氏建南渡后以其地为御园元至正间复建今并佛惠寺

广壽慧云寺在白洋池畔宋淳熙十四年张循王之孙铤舍宅建寺绍熙元年赐额俗称张家寺有留云亭白莲池元至正间燬洪武十七年僧文副重建永乐九年永忠宣德间广睿治元年福海相继重建僧梵琦留云亭诗云人家十万绣成堆未抵南朝

一段奇象辇不来春草绿小亭云锁紫珉碑

僧德祥白莲池诗云念念西池道路賒东池今已种莲花他时若到西池上应念东池是故家

普照院俗称报师庵在盐桥北晋天福八年建洪武十四年僧正宗重修嘉靖八年燬重建

长生寺在艮山门显德四年吴越王建南渡后改为九宫坛斋宫元至元间重建

法明寺在艮山门内宋建炎初建以寓流僧今并潮鸣寺

白莲寺在仙林桥东晋开运元年吴越王建名华藏院宋治平间改妙惠院咸淳间僧祖显诵经持戒地产白莲因赐白莲妙惠寺额

寶梵寺在沙皮巷晋天福初建崇新门外名崇壽院宋淳熙二年徙建今所崇宁元年赐额寶梵洪武二十四年并入慈云永乐元年重归原所尚书夏原吉为之记

慧安寺在十三湾巷晋天福间吴越王为明律师建于草桥门外罗木营地元季燬洪武初僧得实移于钱唐保安坊东永乐乙未又移今所少保兵部尚书于谦为之记

西井寺在井亭桥西详见邳侯祠

灵壽寺在曲阜桥东元至正二十一年江浙行省左丞相达实特穆尔建本辉和尔世族故称辉和寺俗讹为义乌寺洪武二十四年改今额

觉苑寺在丰乐桥东详见三忠祠

真教寺在文锦坊南元延祐间回回大师阿里鼎所建先是宋室徙踣西域夷人安插中原者多徙驾而南元时内附者又往往编管江浙闽广之间而杭州尤伙号色目种隆準深眸不啖豕肉婚姻丧葬不与中国相通诵经持斋归于清淨推其酋长统之号曰满拉经皆番书面壁膜拜不立佛像第以法号祝贊神只而已寺基高五六尺局鑄森固罕得阑入者俗称礼拜寺

西湖遊覽志卷十九

南山分脉城外胜迹

衢巷河桥

出正阳门为庆丰桥柳翠巷海鲜巷南新桥尊胜巷梁家桥顏楼巷诸桥马仓巷槐花巷美政桥洋洋桥海月桥化仙桥进龙桥

庆丰桥之水入城为六部桥其上流为岸桥南新桥沿城而西为万松岭下岭为松林街其东为车子巷柳翠巷内有柳翠桥相 宋时妓女柳翠所建海鲜巷内有海鲜桥石长丈余其文如鱼龙蒹藻之状巧如绘画盖宋时故内物也

尊胜巷内有尊胜寺

梁家桥进九曲巷出青果团

诸桥街通上輓路

马仓巷之北宋有嘉防门

槐花巷之东为白壁营

美政桥宋有玉津园

洋洋桥有龙王庙万厯中建海月桥于桥南

进龙桥近进龙浦

出候潮门为嘉防桥济川桥上輓路期清巷萧公桥太平坊信义坊利津桥牛皮街跨浦桥浑水闸鰲团巷铁箭巷铁幢浦

嘉防桥通贴沙河之水入城贴沙河一名里沙河舟筏所经北抵艮山门者

济川桥在抽分廠前初名楞木桥相 钱氏偏据时旁堆楞木俗因呼之又谓普济桥或曰因旧有普济寺得名正德六年主事王光佐重建改今名

上輓路宋时園丘大路御辇所由也

期清巷有冯公庙

太平坊宋有便门

信义坊俗名笋团巷其傍有连公池

利津桥北为铁幢

牛皮街上有龙舌嘴

跨浦桥街一名众义巷

浑水闸下有善利院夫差庙

铁箭巷相 为钱王射潮之所刘伯温钱王箭头歌防夷遗魄拘余怒欲取吴山入江去雷霆劈地水羣飞海门扶胥没氛雾英雄一怒天可回肯使赤子随蛟鲈指挥五丁发神弩 物辟易腥风开三百年来人事改涛落沙平箭空在石梁饮羽未足夸蜀国三犀谩欺给近闻黄河水乱流青徐一半悲鱼头安得壮士斡地轴为拯斯民涂炭忧

铁幢浦相 吴越王鏐筑塘以捍江水置铁幢三以为水则幢制如杵径七八寸出土可三尺余其趾入土不知若干初置幢时塘犹未成虑潮荡幢用铁轮防其趾而以铁细贯幢榦且引细维于上下之榦然后实土筑塘故幢首出土耳宋淳祐间安抚赵与 作亭覆幢今亭夷为民居独存渚池而铁幢之首崭出可验一在旧便门东南小巷一在旧荐桥门外皆湮塞无考独在利津桥者仅存而又为民居所占若不表识久亦湮矣

出永昌门为保安巷新安巷真如巷大通桥映江楼保安巷通永昌坝

真如巷内有真如寺

大通桥傍有银杏树为舣舟渡江之所今沙涨去岸者二十里矣

映江楼宋时有亭扁曰烟云鱼鸟元至元丁丑燬至正庚寅重建扁曰瞰江正德元年太监麦秀御史车梁布政使林符等改建层楼扁曰映江吏部尚书屠濬为记楼侧为宋临安府城南厢防有左右军巡使判官掌风火盗贼推鞠及检覆抄割打量定验之事凡事之小者皆得專决焉盖古督邮司 之职也故俗称兵马司

官署

工部分司浙江驿浙江亭城南税课司

工部分司在候潮门外先是漕船木料及京师坛殿仓库器皿等每歲坐派军民出办成化七年千户汪礼奏乞于杭州荊州太平等府设關抽分商木应用以免军民之扰朝议从之始有抽分之令歲差工部主事主之二十二年差御史 治五年差太监相兼取办正德十六年專委工部至今仍之凡商贩竹木十取其一初时解银四千两递歲增之乃至一万四千余两

浙江驿在龙山闸洪武三年建

浙江亭古之樟亭也白乐天樟亭驿见杨旧诗往恨今愁应不殊题诗梁下又踟躕美君独梦见兄弟我到天明睡亦无又宿樟亭驿诗半夜樟亭驿愁人起望乡月明何处见潮水白茫茫郑谷题樟亭驿楼诗故国江山外登临返照间潮来无别浦木落见他山沙鸟晴飞远渔人夜唱闲歲穷归未得心逐片帆还孟浩然与钱唐令登樟亭驿诗百里鸣雷震闻弦暂辍弹府中聯骑出江上待潮观照日秋空迴浮天渤澥寬惊涛来似雪一座凜生寒

城南税课司在浙江亭邊吴元年设于顏楼洪武五年改建于此

祠庙

昭祝庙顺济庙顺济圣妃庙协顺庙

昭祝庙在浑水闸其神张夏字伯起宋景佑间以司封郎中为两浙漕使江潮为患故隄率用薪土常被冲击每繕修不三歲輒壞重困民力神始作石隄上自六和塔下自东青门延袤十二里人感其功为立祠隄上赐额昭祝土人称张司封庙庆厯二年贈太常少卿大观二年八月封宁江侯改封安济公绍兴十四年增灵感字三十年增顺济字每潮水啮防涛之輒应成化间江潮泛溢命工部侍郎李颺督治涛神患息遂即旧址重建

顺济庙在清水闸其神冯俊字德明钱唐人天资刚直幼孤孝母年十八梦上帝遣神易其肺腑云将有徽命既寤豁然开明初不习文艺至是书 大义骤皆通晓叩以祸福莫不前知足未尝履闕而人或见之江海上元祐中有舟渡江值大风分必死神即现形云间自言名氏叱咤之顷颠涛帖息又尝就寝竟日乃醒家人视其呕吐皆海错异物怪而问之则云适宴于龙宫大观三年十一月忽语人云上帝命司江涛事不得辞越三日不疾而终年三十有六先期旬日于清水闸所居西偏自营兆域既没灵异尤伙人即所居祠之绍兴三十年赐顺济庙额庆元庚申封灵佑公绍定间封英烈王

顺济圣妃庙在艮山门外其神林氏莆田人生而灵淑歿遂为神土人祀之白湖宋宣和五年赐庙额曰顺济绍兴间建庙于此封灵惠夫人绍兴三年改封灵惠妃庆元四年加助顺勅曰古以女神列祀典者若湘水之二妃北阪之陈寶西宫之女南少岳之夫人以至丁妇胜姑莫不庙食夫生不出闺门而死乃祀食百世此其义烈有过人者矣朕惟望舒耀魄其名月妃川只静波其名江妃尔之封爵既曰妃矣增锡美号被之轮奐崇大褒显以永厥祀

协顺庙在石冢其神陆圭昭庆军人宋熙宁间以祖泽补右爵调真州兵马都监宣和中引兵进攻方腊败之死而为神绍兴间海涛冲激江岸神檄陰兵却潮潮势遂平淳祐间江潮冲激尤甚随筑随圯神与三女扬旗空中浮石江面以显其灵岸赖以成浙西帅臣徐栗以其事闻于朝赐庙额曰协顺封神为广陵侯三女为显济通济永济夫人一主防岸一主起水一主交泽傍有小庙祀十二潮神各主一时

道院

广灵庙水府净鉴院顺济宫

广灵庙在石塘坝宋景定三年九月潮壞江塘里中耆老因立东岳温太尉庙请于朝赐广灵为额咸淳五年封正祐侯余自李将军以下九神皆锡侯爵李孚佑钱灵佑刘显佑杨顺佑康安佑张广佑岳协佑孟昭佑韦威佑

水府净鉴院在嘉防门外桐木园乃马自然修真之所龙德三年钱氏号水府院天圣四年改水府净鉴院乾道四年安抚周淙建扶桑大帝殿

顺济宫在清泰门外东里隅旧在汤镇赭山之间曰三龙王庙宋绍熙元年赐云涛观额四年旱祷而雨改赐今额嘉定二年九月锡三神侯爵曰广泽顺泽敷泽嘉定九年增封曰广泽灵应顺泽昭应敷泽嘉应永乐间江潮击之徙建今所天顺七年拓地重葺成化七年江涌塘崩守臣祷神而涛杀再飭庙貌

佛刹

尊胜寺善应总持庵净因寺浴池庵海鲜寺福田庆寿寺延圣寺普济寺资教庵潮音庵圆通庵吉祥寺真如寺正定庵普陀庵永庆寺延寿白石寺崇福寺因果寺寶界寺定香寺月塘寺

尊胜寺在正阳门外尊胜巷故宋福宁殿也元嘉木 喇勒智改殿为寺有尊圣塔俗称白塔西有望江亭内有葫芦井僧止庵过故宋宫井诗云上有千尺桐下有千尺井风吹井上桐零落井中影

善应总持庵在尊胜巷宋开寶六年钱王建于西湖南山曰总持治平二年改寶林院有可赋轩景定间迁建于便门铁箭巷改善应总持院元至元三十一年复迁建今所张孝祥可赋轩诗光明猎猎上乌巾不那西湖烂漫春借我绳牀对脩竹为君一洗软红尘

净因寺在正阳门外和肃坊元延祐己未僧斯受等建有铜佛三像铜塔一座元末燬洪武庚午僧法澜等重建 治壬子僧宗谥等嘉靖癸卯僧鸣奉明济等相继重修

浴池庵在甘泉巷元延祐间里人施仲礼舍地僧斯受建凿石为池构室临之名曰观堂嘉靖

二十六年重修

海鲜寺在海鲜巷元至正元年建洪武三十三年重修

福田庆壽寺在候潮门外普济桥宋寶祐二年徐路铃舍宅建请额曰福田以居白石皓禅师元至治间燬泰定间重修复请额加庆壽二字洪武二十四年立为丛林

延圣寺在候潮门外宋干德间吴越王建于清波门外名土宿院天圣二年超法师沿江施食以济修堤之士诏移院于今所赐额延圣嘉定年间御带陈玉节于寺侧建天妃殿崇奉海神元元统乙亥重建洪武二十四年立为丛林

普济寺在候潮门外普济桥宋太平兴国元年建有理宗元命殿御书曰祈永度宗元命殿御书曰申祐皇太后元命殿御书曰顺福有阁以奉观音大士御书曰圆通寶阁石碑具存元初以祈永殿奉五显之神元末燬国初重建

万壽寺在江口门有江阳第一山扁

资教庵在候潮门外宋大中祥符元年僧尧道夫启初庭建名火星庵宋末燬元大德间僧生禅师重建请额曰火星资教院洪武二十四年归并延圣寺潮音庵在候潮门外元延佑间僧永暹建

圆通庵在候潮门外宋绍兴间僧德厚建

吉祥寺在永昌门外宋绍兴间建于皋亭山咸淳九年移建今所洪武二十四年归并福田寺

真如寺在永昌门外真如巷宋建炎三年僧普惠建洪武十三年僧俊堂重修

正定庵在永昌门外陈铁巷元至正间建

普陀庵在永昌门外浙江塘元至正间僧立宗建永庆寺在清泰门外宋时杨节使香火寶庆二年建绍定三年燬景定四年重建元大德至正间晓大师重建

延壽白石寺在庆春门外宋建隆二年建于艮山白石村元至正间燬洪武三年重建二十四年立为丛林永乐十二年移建今所

崇福寺在艮山门外宋雍熙间建大中祥符元年改今额大观间燬绍兴间重建元末燬洪武十六年重建

因果寺在艮山门外晋开运二年钱忠懿王建名崇壽宋大中祥符元年改今额元末燬洪武

二年重建寶界寺在艮山門外梁貞明間建于城中名翠峰宋治平間改今額移建今所

定香寺在艮山門外宋干德四年建于西湖上今定香橋是也名香積院治平二年改今額寶慶間建旌德觀移建今所

月塘寺在艮山門外何□店宋淳熙間建在月塘之北嘉熙三年潮壞徙今所元至正初潮水復壞徙高原尋燬洪武間重建月塘者沙田也土脉宜 宋有周姓者善種 号周家算筭

西湖遊覽志卷二十

北山分脉城内胜迹

城闌

武林门钱塘门

武林门宋名余杭门俗称北關門入門而南有虎林山土阜陂陀高可三丈广不满百步宋杨至质记云耆旧言钱氏有国时此山复在郭外丛薄防密异虎出焉故名虎林吴音承讹转虎为武耳叶绍翁四朝闻见录乃谓虎林即灵隱山因避唐讳改为武林元非有两山一为虎林一为武林也楼攻媿为太乙宫道士赋诗云武林山出武林水灵隱后山母乃是此山亦复用此名细考其来真有以从来有龙必有珠此虽培塿千山余盖疑此山为灵隱之余脉是又指二山同为武林矣淳祐志防之以为汉志明载武林山为武林水所出决非城内之山自汉已名武林亦非避唐讳而为武盖此坡为城中胜地或者自寓武林之名于此耳门东有水门出大河西河清河之水达于运河又东宋有天宗水门小北门今塞

钱塘门宋时所筑按钱塘记云防海大塘在县南一里郡议曹华信议立此塘以防海水始开时募有能致一斛土者与钱一千来者云集因不复取皆弃去而塘成故改名钱塘张君房云杭州武林山在钱唐县西南灵隱寺在其上寺东有水曰龙源横过寺前即龙溪也冷泉亭在其上西有水曰钱源过横坑桥入钱湖钱湖一名金牛湖一名明圣湖湖有金牛遇圣明即见万松岭下西城第一门曰钱湖门次北第三门曰涌金门即金牛出见之所也第四门曰钱塘门旧县廨在焉盖自前古居人筑塘以备钱湖之水故曰钱塘据此则钱塘之名一起于江一起于湖二説两义按史记秦始皇过丹阳至钱唐则秦时已有之非始于华信明矣自汉已来江潮为患筑塘捍之今云筑塘以备钱湖之水事无稽证考之释文云唐途也钱古錢姓岂秦汉间有姓錢者居江干或筑塘以捍海遂以起名如富阳孙洲之 是也至于钱塘门名第因钱唐旧县治近此门因得名耳非取义于钱湖也

衢巷河桥

入武林门折而东过中正桥又南至观桥其街之东为广丰广积二仓桥街仁和仓街普宁坊西为同德坊兴贤坊报恩坊

中正桥俗称斜桥自此而南至正阳门为宋时御街长一万三千五百尺旧铺石板衡從三万五千三百有奇咸淳七年安抚潜説友易其阙壞者凡二万幅然后经涂九轨砥平矢直至元时两防民居稍稍侵切然绰楔无敢跨街建者皇明正德已前犹然至嘉靖元年御史何钺始为乡贡土建坊于吴山坊北自是题名楔绰并肩而立矣然杭城多火自绰楔跨街而火益炽以木则易于燎延以石则人惮崩摧莫敢向迕扑救古人旌别宅里之义恐不如是

普宁坊俗称清遠桥巷其东宋有仁和县丞防又东有太社太稷坛绍兴十二年筑以春秋二仲腊前一日祭其礼视皇只之制坛之北有灵池虽旱不竭稍北有天宗盐库酒库市舶务过天水院桥有六部架阁淳祐仓草料场天宗库贮盐酒以待宗人之颁给者

六部架阁以贮六部图籍案牒者盖汉掌故之遗也绍兴三年建

淳祐仓淳祐九年京尹赵与建以储米之槩于帅司者草料场受畿内所输稻麦荳以给骐驎院良马院与三衙诸府之马同德坊俗称灯心巷其西为祥符桥桐树园新庄桥桥左右宋有贡院别试所大理寺仁和县仁和学丰储仓军器所东太乙宫万壽观元真观晨华馆千佛阁安福寺并废桐树园国初有铁作局贡院宋时三州治贡院在钱唐门外王家桥以试本州之士漕司贡院在北關门外以待两浙寓士及有官人宗女夫等礼部贡院在新庄桥东以待进士绍兴十年始定取士之法三年一举必有手札付考官敦求贤之意自淳熙二年帝作闻喜燕诗赐进士詹骙等遂为令典踵行并刻石院中

别试所以待贡士之避亲嫌者其后申监漕选者亦试于此大理寺旧在钱唐门内绍兴二十年以其密迩景灵宫号控鞭撻之声非所以妥神也乃徙于此寺前有清明池仁和县吴越时分自钱塘置钱江县在梅家桥西宋初改仁和绍兴三年徙建于此高宗初入杭州问县名仁和喜曰此京师门名也盖太祖次陈桥驿从仁和门入以为吉兆故驻蹕之意始定矣

仁和学在县治之东有文行忠信四斋丰储仓景定初贾似道行公田法以此收其租入军器所以造御前器械绍兴初以内侍提防后改工部东太乙宫绍兴间建以祀五福太乙之神两庑绘三皇五帝日月星辰岳渎九宫贵神每歲四立日祀之四孟车驾亦幸焉虎林山在其后圃万壽观绍兴间建以大霄殿奉昊天寶庆殿奉圣祖长生殿奉长生帝后殿奉太祖以下诸帝西侧纯福殿奉元命四孟朝献毕车驾诣宫行香景定间建晨华馆于千佛阁之东命羽流主之观东有回龙桥元真观唐中宗景龙二年建遂名景龙后唐改中兴观钱武肃王病目禱而愈改为钱明宫宋雍熙二年改元真观大中祥符间改天庆观天禧间王钦若请移天庆于真圣观复名元真千佛阁安福寺今废为同仁祠

兴贤坊以元时贡院得名

报恩坊俗称观巷有报恩光孝观旧名开元宫清泰四年钱王建宋景德四年改景德观崇宁三年改崇宁万壽观赐田千亩政和三年建徽宗本命殿绍兴七年改报恩广孝院寻改光孝以崇奉香火其西宋有惠民西局御厨小营宋之惠民局有五皆贮药以待病者

观桥吴越王建题其梁曰吴越王寶正六年辛卯四月八日因建钱明观造此石桥吴越国王记观桥北有普庵院至正年建观桥之水自东而西过青莲桥祥符桥折而北合清湖之水

自观桥而南至众安桥其街之东为懷遠坊安国坊延定坊西为保和坊纯礼坊澄清坊

懷遠坊俗称军头司巷宋时有军头司在焉

安国坊与保和坊对俗称北桥巷宋有文思院吉祥寺并废文思院掌金银犀玉工巧之制防绘装钿之饰輿輦法物尺寸之度规釧镕铸镂织之法内外所领凡三千余作吉祥寺宋干德

三年睦州刺史薛温舍宅为寺治平二年改广福南渡初割其两傍地为文思院军头司而寺额改吉祥今为民居蔡端明吉祥寺赏牡丹对月诗花未全开月未圆看花对月思依然明知花月无情物若使多情更可怜苏子瞻簪牡丹诗人老簪花不自羞花应羞上老人头醉归扶路人应笑十里珠帘半上钩又花将落而陈述古期不至诗今岁东风巧剪裁含情只待使君来对花无语花应恨直恐明年便不开述古期明日至因用前韵诗仙衣不用剪刀裁国色初酣卯酒来太守问花花有语为君零落为君开又惜花诗吉祥寺中锦千堆前年赏花真盛哉道人劝我清明来腰鼓百面如春雷打彻凉州花自开沙河塘上插花回醉倒不觉吴儿哈岂知如今双鬓摧城西古寺没蒿莱有僧闭门手自栽千枝万叶巧剪裁就中一丛何所似玛瑙盘盛金缕杯而我食菜方清斋对花不饮花应猜夜来雨雹如李梅红残绿暗吁可哀跋云钱唐吉祥寺花为第一壬子清明赏防最盛金盘防篮以献坐者五十三人夜归沙河塘上观者如山尔后无复继也今年诸家园圃花亦极盛而龙兴僧房一丛亦奇但衰病牢落无以发兴耳昨日雨雹如此花之存者有防可惜也又冬至遊吉祥寺诗井底微阳回未回萧萧寒雨湿枯荻何人更似苏夫子不是花时肯独来后十日复至诗东君意浅着寒梅千朵深红未暇栽安得道人殷七七不论时节遣花开明年冬十月寺中牡丹开数朵述古作诗子瞻和云一朵妖红翠欲流春光回照雪霜羞化工只欲呈新巧不放闲花得少休又云当时只道鹤林仙解遣秋花发杜鹃谁信诗能回造化直教霜桡放春妍

延定坊旧名清宁坊其东为度生桥俗称鹅鸭桥桥畔宋有春风楼谓之北酒库

保和坊俗称砖街巷

纯礼坊与延定坊对名后洋街俗称竹竿巷

澄清坊在众安桥北堍沿河者

自纯礼坊而西其街之南为井字楼北为孩儿巷灯笼巷新营街

井字楼宋酒楼也叠构如井故名其西有白泽庙新营街之西元有江淮财赋总管府丞相巴延祠府地废为民居祠地为按察司马廨矣

自澄清坊而西转入兴庆坊为潘阆巷纪家桥

兴庆坊旧名前洋街与结 桥对

潘阆巷宋初处士潘阆所居也阆字逍遥钱唐人有诗名语见才情雅致志中巷内有三官宅

纪家桥在按察司右元时改乘驄桥北察院在焉今之嘉湖道即其址也其西为西湖书院国初改仁和学天顺间学徒而其地并北察院皆为按察分司及囚舍矣

纪家桥之南为德化坊旧称木子巷有明庆寺千顷广化院并废明庆寺唐大中二年建有法

喜堂明碧轩南宋驻辇遂勅比东京相国寺祈祷雨暘建散圣节咸在焉嘉熙四年七月理宗幸寺祈雨回銮撒盖甘雨随注平章乔行简上诗称贺上遂书明庆二字以旌之淳祐六年建法堂上复题为南山道 嘉泰三年建御书阁题曰宸奎万寿之阁有苏子瞻书观音经碑王介甫法喜堂诗浮屠之法与世殊洗涤万事求空虚寸心以此不挂物一堂收身自有余堂陰置石双嶒嶸石根立竹青扶疎一来已觉心胆豁况乃宴坐穷朝晡初忆幼时勇自许壮大看俗尤崎岖丰车肥马载豪杰少得志愿多忧虞始知进退各一理造次未可分贤愚防将筑室返耕钓相与此处吟江湖又明碧轩诗明碧轩南竹数丛别来江介防秋风道人无复人间世嗟我今为白髮翁赵忠简公明庆僧房夜坐诗月明牕竹冷横斜坐看风灯落烬花老眼病余嫌细字枯肠寒甚怯清茶囊空岂是久为客梦短其能飞到家但有流年侵髮髮萧萧蓬葆飒霜华 千顷广化院开平元年吴越王建南渡后为临安府祝圣道场僧了性善医学草书赵阅道题其堂曰垂慈以着医绩苏子瞻作草书歌以赠之歌云物生有象乃有滋梦幻无根成斯须方其梦时了非无泡影一失俯仰殊清露未晞雪已驱此灭灭尽乃真吾云如死灰实不枯逢场作戏三昧俱化身为医忘其躯草书虽学聊自娱落笔已唤周越奴苍防奋髯饮松腴剡藤玉版开雪肤防龙天飞万人呼莫作羞澁羊氏姝

自按察司而南至安福桥折而东至八字桥河南为通寶坊河北为丰财坊

丰财坊宋有左藏库先是韩蕲王有赐第二在新庄桥者献于朝为景灵宫在八字桥者献以为左藏库库有东西受财赋之入以待邦国之经费东则帑帑絀防之属西则金银线券丝纁之属统于太府寺宋时经费多糜于贍兵西蜀湖广江淮之赋 归四总领所以饷诸屯唯闽浙所输归于左藏而大军取十之七宫禁百司之禄裁三之值有浩费则天子出中帑封桩以补所阙国初以其地赐蔡指挥今半为官署民居矣又西为杨驸马府即端孝公主第也驸马名镇方建第时命巨珰董宋臣领之大拓四旁其最逼近者为太学生方大猷之居珰意其必雄据未易与语一日具礼往访之方延入坐珰未敢有请方遽云内辖相访得非以小屋奉上防乎珰愕未及对方徐曰内辖以某太学生将梗化耶便当首献即案书契与之珰以契奏理宗大喜数倍酬之方表谢曰普天之下莫非王土一毫以上悉出君恩盖上用毛诗下用苏子表语也理宗又奇之自此擢第登朝旋跻臚仕矣今其地半为按察分司

入钱唐门而东折而南为白龟池镊子井黑亭子白龟池在城下袤广四亩许池底通西湖李邕侯所凿其水自来不堪汲饮元仇仁近尝卜居池上作诗云一琴一鹤小生涯陋巷深居防歲华为爱西湖来卜隱却怜东野又移家荒城雨滑难骑马小市天明已卖花阿母抱孙闲指防疎林尽处是栖霞池旁宋有都作院

镊子井在上方寺南水口在涌金门外

黑亭子旧有水沟透城通柳洲寺

门内旧有景灵宫钱唐县钱唐学上方寺并废 景灵宫本宋韩蕲王世忠宅也绍兴十三年建以奉祖宗衣冠之防盖汉原庙之遗也宋制太庙以奉神主一歲五飨朔祭而月荐五飨宗室

诸王摄事朔祭月荐则太常寺卿代之景灵宫以奉塑像歲四孟天子躬祭次日绎祭则后妃六宫從往帝后忌辰则宰相率百官行香道士作法事天章诸阁以奉绘像时节朔望帝后生辰皆徧荐之内臣摄事钦先孝思两殿亦以奉小像上日焚香太庙之祭以俎豆景灵宫以牙盘天章诸阁以常馔用家人礼云宫内有崇禋馆命羽流主之蟠桃亭流杯堂四并堂橘园桂园景灵池以湖水灌之水口在昭庆山门左【阙】

西湖遊覽志卷二十一

北山分脉城内胜迹

官署

提刑按察司按察分司射圃贡院演武 养济院提刑按察司故宋岳武穆王宅也绍兴三十一年以王宅为太学宋亡学燬元改为肃政防访司国初改浙江提刑按察司设按察使副使僉事洪武十七年重建公廨而东近岳王祠西迫北察院基故卑隘门外居民丛障成化二年按察使戴珙等尽徙民居开道南出抵长生街建坊东曰端本又东睦亲街曰弼教西曰澄源西过长生桥抵城下白龟池上曰肃政内有一清楼梅阁其经歴司照磨所司狱司皆在司内元防访副使臧孟祥座右四箴曰净洗眼睛 缚肚皮硬坚脊梁牢立脚根凡十六字僉事董师谦为之赞云这眼睛照胆镜照见谁穷百姓所嗔谁奸贪佞看不错定定秋月明秋水莹本无尘洗更净这肚皮长忍饥众肥甘我糠粃将军腹寛十围贪以败脂流济平生事百瓮齏咬菜根事可为这脊梁铁铸成广平骨汲孺身曾强项批逆鳞肯折腰揖贵人台中评谓我倾我自我卿自卿这脚根如山立立得牢踏得实幸门里曳不入正路中拔不出持一定御众諛不退转坚固力铭赞皆赵孟頫所书刻石尚存按察分司凡九道曰杭严曰金衢曰提学曰水利曰清军在八字桥河下宋为左藏库杨驸马第曰宁绍台曰温处在总司二门东曰嘉湖曰海道在二门西以副使僉事分理之各举其职按察使不得统制也故布政司署使字而按察司不署使字者盖按察者各行其权非若藩省府县出令止从长官也故分巡之印与堂印分寸相同而因事添设之官又各有钦给闕防与印一体官吏臧否皆得举劾军民利病皆得条陈风闻言事实封上达不闕白于长官其权与御史等正统后宪纲稍易职掌浸弛弹压藩服之权全归御史而布政司防政防议又立分守之名防伍其事为按察者稍掣肘近年朝议乃令按察之长得署僚佐之考益非设官本意矣

校士馆旧为三学诸生习射之所嘉靖三十二年督学桐城阮公鹗改建校士于此

贡院宋时在观桥西新庄桥东元时在祥符桥洪武初在今府学西即仁和学基也其后人才浸盛又以直 嘉湖两府来属地狭不足以容席舍天顺三年徙观桥之东乃仁和仓旧基也院本宏敞而自嘉靖以来每遇当科之年监临者递加营构益以藻彩酷极恢丽有司承奉风防科扰百端合郡骚动欸待仪燕竞以丰厚相高名曰作兴稍不如意即士谤丛起窃意国初到今征贤敛才豪杰丕应恐不系于贡院之崇修礼文之优渥也

演武场在钱唐门内宋时景灵宫及钱唐县治故基元时改为教场周广三百一十六丈先是官军每歲二八月朔日开操五月十一日为止自宣德正统已来正军皆充漕役仅以余丁操备后复以民壮益之养济院在观桥西元时贡院基也洪武五年每县各置一所八年合建于此收养民间孤老每口月给米三斗柴三十觔冬夏布各一疋小者给三分之二

祠庙

忠佑庙显忠庙同仁祠

忠佑庙在按察司左宋绍兴十三年以岳飞故宅改为太学学中时时相惊以岳将军见孝宗朝诏复其官追諡武穆建庙学左曰忠佑淳祐六年改諡忠武已而学中复惊岳将军降为土神景定二年徙监学之请立为土神封鄂王改諡忠文庙曰忠显王之父母妻子下逮将佐皆有命秩祠后有银瓶娘子井银瓶娘子者王季女也闻王下狱哀愤骨立欲叩阙上书而逻卒婴门不能自达遂抱银瓶投井死王原吉诗云碧梧月落乌号霜寒泉幽凝金井床绮疏光流大星坠梦惊万里长城亡女郎报父收圉匍匐将身赎无所官家圣明如汉主妾心媿死缢縈女井临交衢下通海海枯衢迁井不改银瓶同沈意有在万歳千春露神采魂今归来风泠然思陵无树容啼鹃先生墓木西湖边

显忠庙在长生老人桥西以奉汉大将军霍光俗称霍使君庙相 吴王孙皓有疾梦神降于庭自称霍光求立祠于金山之咸塘以捍水患祠立而疾愈晋天福间吴越王立庙于此宋理宗时赐庙额曰显忠元延祐间杭城大火郡人于云头见旗帜有霍使君三字火顿息香火益盛

同仁祠在祥符桥畔嘉靖十七年御史周汝员等建以奉孙公燧王公守仁胡公世宁燧余姚人正德十四年以都御史巡抚江西属宁庶人反被执不屈而死乱平赠礼部尚书諡忠烈守仁余姚人宁庶人反时以都御史提督南赣汀漳军务起兵讨平之封新建伯兼南京兵部尚书世宁仁和人正德十二年为江西按察使疏举宁庶人不法事下锦衣狱谪戍辽东乱平起都御史厯官太子太保兵部尚书諡端敏

道院

开元宫寶极观天妃宫

开元宫在清湖桥西射圃之北本宋周汉国端孝公主故第也宫故在泰和坊秘书省之左唐开元中建后废宋以火德王东都有开元阳德观以奉荧惑宁宗既即位诏以嘉邸改开元宫建明离殿以立夏日祀之元以秘书省为行中书省至元二十八年大火省宫俱燬因兼宫地作省今布政司是也住持董得时遂购公主故第为宫公主亲理宗女杰构致饰冠于戚里故宫制为道院之魁翰林学士虞集为记至治初燬粹德真人王壽衍与其徒张伯雨重建揭曼硕陈旅为记有堂曰清风曼硕欧阳 为记一曰介春张仲淳为记时壽衍以高行受知于文宗故名彦多与之友丰碑伟笔照耀一时今皆仆圯其基半为射圃矣虞伯生碑铭云于皇圣世治繇清静惠宗道家受厘有祠内外相望靡不宠嘉煌煌我宫殿于东南神明之居在昔前王化家作之中其国都何因何稽曰为开元厥维祜符祜符孔明大开元疆神告不诬顾民弗省歲行六十既燬而墟除而图新爰得永宜天人合谟甲观夙成帝子攸降巍巍渠渠道贵因循不贵改作昔劬我舒乃像贵神赫如有临风驭电车大集于成在今真人克恭玺书恩言雅文真人用谦为道光华自朝旋宫率职贊祠恩用不渝锡福予龄天子不有于民是敷维千万年至于亿世邈哉永图敢述圣德刻以贞石式章道枢 陈旅碑铭云真人大作开元宫斩木遽

谷来蔽江命龟置防辰孔臧树屋吉土祠天宗重檐轆轤仪穹窿日月出入户牖中大灵何乐
家层空老君上邀兹以降仙姝翼輶从丰隆翳以赤凤骧青龙立神执兵门两旁祝融庐宇承
中央共驱毕方归海东曰惟新宫帝所惊璿宫回曲蓬渚通珠树含祥光玲珑宫成餐帝朝设
钟岳牧川后防不恭真人稽首飞绿章天子万年民乐康揭曼硕碑诗云噫嘻钱唐何王所基
由汴革命播都南陲定鼎临安协于神龟元兴龙翔大拓疆土四海八荒咸覩其主噫嘻钱唐
故宫禾黍帝子之居是为开元以栖百神逾三纪年神弗顾依将事吉蠲回风却扫冯怒荧惑
宣陰导阳去秽除慝以来清风以專静嘿革故者天鼎新者人矧我真人皇人之真亦曰多才
能事 神身为 师行仁有勇一倡百和风起水涌神宫告新曾不旋踵 楼观屹屹垣墉
俨乎天人象帝之宫风驭飏轮于焉从容荐我明馨考我钟鼓于皇万年受天之祐碑诗扬休
石以永固 邓善之题开元宫图诗云西湖春动风泠泠歛忽鼓瑟窥湘灵天君要眇降云輶椒
堂桂栋罗芳馨春城日逝崦嵫暮幽梦重门锁花雾玉箫声沈凤飞去进入秋风五陵树至人
高懷视云浮昔者金屋今丹丘白鹤来下明月楼知有王乔飞舄防仙人好幻多戏剧海变桑
田莲变碧百灵呵防融风息依旧琼台绛宇炫耀云林色
揭曼硕开元宫图诗香台遥对紫皇家陰洞 回七寶车景气未收春梦防新宫月冷诵南华
马祖常开元宫图诗江畔沙痕认夜潮湖邊山色识前朝卷衣天上吹箫女不怨宫随野火烧
黄潛题开元宫图诗谁使藏舟一夜移红楼翠幙未全非曾闻帝子乘鸾去疑有仙人化鹤归
烟迳月明瑶草歇石坛露冷碧桃稀赤栏桥畔多时立闲看杨花作雪飞

寶极观在报恩坊内旧 元庵元延祐五年道士章无为建皇明永乐间道士周思得者仁和人
操行雅洁精五雷法成祖闻其名召试称防建天将庙居之扈从北征累着功绩仁宗建玉
虚延恩殿宣宗建弥罗寶阁崇 演法殿改庙额为大德观英宗建紫极殿宠遇优渥景泰初
归老故庵甘茹淡泊其门人以法显者殆百余人其时有异人号赤脚张亦寓观中与思得友
善成化间其徒昌道亨得宠宪宗诏徙 元庵于思得墓左而改其故居为寶极观

天妃宫在孩儿巷北以祀水神洪武初建神号不见经史窃意宇宙间至尊者天有帝象焉地
为之配有后象焉其次水为大有妃象焉故崇其号曰天妃而军营漕运之所江海河汉之滨
悉崇奉之

佛刹

壽圣寺青莲寺祥符寺兴福寺淨住寺法轮寺天长淨心寺圣壽寺菩提寺妙心寺

壽圣寺在虎林山上旧名长壽在东青门外永乐十三年为潮水所侵徙建今所得废圣壽院
故址遂以名焉内有大井合抱银杏皆宋物也而残碑防碣倾仆草中磨灭不可读矣俗称祖
山寺

青莲寺在车桥北宋隆德间钱氏建祥符中改淨戒院先是宋元丰中吴处厚以皇嗣未立上
书乞立程嬰公孙杵臼庙诏封嬰为成信侯杵臼为忠智侯庙食于絳后又以韩厥存赵孤三
人皆以春秋祠于祚德庙绍兴二十年建祚德庙于院内以春秋二仲祭之至正末张氏据圣

壽青蓮二寺为府而庙亦废按春秋于鲁成公八年书晋杀赵同赵括于十年书晋景公卒相去二年而史记乃有屠防贾欲灭赵氏程婴公孙杵臼共匿赵孤十五年景公复立赵武之說以年世考之则自同括死后景公又卒厉公立八年而弑悼公立又五年矣其乖妄如是婴杵臼之事乃战国侠士刺客所为春秋时风俗恐未有此也祥符寺在祥符桥畔梁大同二年邑人鲍侃舍宅为寺旧名发心唐贞观中改众善神龙初改中兴后改龙兴宋真宗时改大中祥符其广九里子院有千佛阁诸天阁戒坛院院内有铁塔一石塔四钱王所凿九十九眼井金人南寇燬于兵南渡初斥为军器所元初仍建寺至正末燬洪武间重建其傍地尽为军民之居苏子瞻祥符寺上元观灯诗纱笼擎烛迎门入银叶烧香见客邀金鼎转丹光吐夜玉珠穿蚁闹连朝波翻焰里元相激鱼舞汤中不畏焦明日酒醒空想像清吟常逐梦魂销曾子固诗月明如昼露华浓锦帐明郎笑语同金地夜寒消美酒玉人春困倚东风红云灯火浮沧海碧水楼台浸遠空白髮蹉跎欢意少强顏犹入少年丛

兴福寺在斜桥南宋绍兴丁卯左丞薛昂以花药圃施僧慧观筑庵名曰择胜寻建佛刹请龙山废兴福院额表之国初定为丛林

淨住寺在观桥之西北报恩坊内梁武帝时建旧名慈光钱氏时改今额绍兴间以其地为贡院于是寺分为三元末燬洪武初归并兴福

法轮寺在观桥南五代长兴中龟法师建于城东汤镇额曰观音后改安国宋大中祥符间改法轮洪武间立为丛林永乐十八年潮啮殿基僧至恂改建于此

天长淨心寺在后洋巷晋天福四年钱氏建南渡后析其地为军寨咸淳元年兴复元季燬景泰间重建聂大年送僧日福聽讲还山诗云归去深居遠俗哗莫教巢燕污袈裟從今悟了三生活高倚琼台看雨花寺内有龙华寶阁宋理宗时卷帘使许禎建宋亡禎挈三子居之学佛自晦名出尘庵元延祐元年有僧讲法华经天花纷降遂名龙华其时寶阁穹壮冠絕郡城九曲法济院宋干德元年钱氏建于钱唐门外元末移建于此今并天长寺

圣壽寺即永福寺在后洋街宋嘉定元年永明建淳祐间赐额永福以奉秀王香火元至元燬洪武初善祥重建宣德十年赐额圣壽

菩提寺在潘阆巷旧在钱唐门外宋太平兴国钱惟演舍宅建建炎间燬绍兴间重建有南漪迎薰二堂元末燬寻以筑城徙寺今所永乐间寺僧守公被召修大典智淳修戒律别原修藏典约宗亦以高行被召四代入覲亦禅門之荣遇也

妙心寺在涌金門内旧在西湖行春桥南元至正间徙今所今改使馆

西湖遊覽志卷二十二

北山分脉城外胜迹

衢巷河桥

出武林门而北为崇福桥霍山坊余杭桥巷新桥巷半道红清湖三闸周公泉枯树湾夹城巷左家桥米市巷渔塘巷碧沼草营巷归锦桥江涨桥通市桥北新桥崇福桥在吴山驿前

霍山坊过新河桥路入西山桥下为新河坊口乃张士诚所开者旧有广惠庙宋康定元年建以祀广德王张渤者递代褒封二月八日倾城士女集焉周公谨云余世祀祠山张王动止必祷应如蓍龟先子需澄江次为有力者攘去先妣时留雪祷于南關之祠山有水邊消息的非遥之语先君霍山所祈亦得此籤越日临江之命下矣戊辰年铸子甫五歲病骨蒸势殆甚凡药皆弗効祷籤得蛊之上九云蛊有三头纷纷扰扰如防在血执一则了退谋之医试投逐虫之剂凡去虬蚘三其色如丹即日良愈甲寅春往桐川炷香得籤云不堪疾病反东床是歲外舅捐馆壬午五月二十八日杭城金波桥冯氏火作次日势亦张虽相去防十里而人情遑遑不自安时杨大方潘梦得皆同居相慰巫言神语皆吉因卜去就于神得五十六籤云遭人弹効失官资火欲相焚盜欲窺于是挈家湖滨是夕四鼓成焦土

余杭桥宋端平二年建东通猪圈坝其时有北郭税务

新桥巷东通陆家场

半道红相传旧时夹路栽桃花故名俗讹为半塘洪清湖上中下三闸泄城中诸河之水自东而北转达东新桥德胜坝为下塘河

周公泉又名北牖泉在下闸巷

枯树湾东通德胜桥旧名堰桥宋韩世忠掩击叛贼苗刘于此故郡人称为德胜桥

夹城巷东通递运所四达之衢市廛殷阜肩摩踵接第夹城名义不知何所取也故老皆言元有总兵杨完者与张士诚筑垒相拒此其遗基然当钱氏筑城时云自秦望山由夹城东亘江干泊钱唐湖凡七十里则夹城之名唐末五代已有之似非起于杨完者也岂以其近傍罗城若杜诗所称花萼夹城通御气之谈欤国初有为夹城八景卷者名流题咏甚多今掇其著者一曰夹城夜月王洪卜算子词孤月泛江秋露下高城静期着佳人夜不来坐转梧桐影吹彻紫鸾笙寶篆烟消鼎桂子飘香下广寒银汉双星耿聂大年临江仙词万里碧霄云散尽长天孤月流辉城陰寥濶 声稀试登高处望露湿五铢衣不见辽东华表鹤人民昔是今非惊乌三匝正南飞银河风露冷骑得防鸾归 二曰 门春涨王洪词惊雪喷高嵯雷响青天晓刚道吴胥驾海来势压沧溟小两岸走渔舟泼乱飞春鸟谁信神鱼去不留五色祥云绕聂大年词

西北關城如铁瓮夜来春涨崩奔惊涛拍岸撼昆仑桃花三汲浪何处覓仙源彷彿防夷乘白马潮头日落云昏渚只川后亦销魂琴高骑赤鲤随水到龙门 三曰半道春红王洪词宿雨涨春流晓日红千树防度寻芳载酒来自与春风遇弱水与桃源有路從教去不见西湖柳万丝满地飞风絮聂大年词记得武林门外路雨余芳草防茸杏花深巷酒旗风紫骝嘶过处随意数残红有约玉人同载酒夕阳归路西东舞衫歌扇绣帘枕昔遊成一梦试问卖花翁 四曰西山晚翠王洪词斜日照疎帘雨歇青山暮白鸟鸣边一半开杏靄和烟度楼上见平湖影隔青林雾吹防鸾箫兴未阑月照芙蓉露聂大年词一抹斜阳低遠树分明翠敛西山苍苍松桧锁禅關疎钟残磬里倦鸟亦知还谷口樵苏归路晚六桥流水潺潺行人指防有无间天风吹散尽露出豹文斑 五曰花圃啼莺聂大年词芳圃万花围绕遍软红晴防香泥金衣公子柳邊迷为怜春色好终日往来啼记得早朝花底散金河草色萋萋数声只在御河西东风回首处香雾满长堤 六曰皋亭积雪聂大年词昨日孤峰如泼翠今朝玉立防岷璫林琪树间琅玕蓬菜尘世隔弱水竟漫漫玉宇峩峩千仞表羣仙飞佩骖鸾不知何处倚阑干洞箫吹一曲鹤氅不胜寒 七曰江桥暮雨聂大年词一叶渔舟吞暮景夜来江涨平桥兼葭两防响萧萧水村烟郭外隱隱见归樵鸿鴈欲归愁翅湿谁怜万里云霄空蒙山色望中遥钟声何处寺白鸟没林腰 八曰白荡烟村聂大年词北郭秋风禾黍熟牛羊晚下平田一村桑柘起寒烟田翁邀社饮击鼓更烧钱处处鸡豚泥饮罢瓦盆浊酒如泉往来东陌与西阡谁言淳朴俗自有一山川

左家桥北宋有春融楼谓之北外库

米市巷宋时旧名也其东为寶庆桥旧名黑桥洪武初建

渔塘巷自霍山坊而下有上下二门泄清湖水由渔塘巷入西为范婆桥桥下为清水潭潭西为望佛桥西南通水磨头望佛桥西其土神曰左相公庙庙后为福昌巷巷西行为白荡夹城八景所谓白荡烟村者是也又西为古荡

碧沼在湖墅西左八郎祠前池广三亩水极清冽俗称清水潭

归锦桥俗称卖鱼桥自此而上至左家桥夹城巷皆称湖墅俗讹为湖州市

江涨桥在归锦桥北元末开河构木而渡宣德间僧觉澈改建石桥嘉靖间圯今复建

通市桥在江涨桥南宣德间僧觉澈建

北新桥在香积寺北宋绍兴间建名中兴永安桥元末圯洪武初重建

出钱唐门而西为东西马塍羊角埂

东西马塍在溜水桥北以河分界并河而东抵北關外为东马塍河之西上泥桥下泥桥至西隱桥为西马塍钱王时畜马于此至三万余匹号曰海马故以名塍或曰马姓二人东西居共

为园田之腴非也土细敏树杭城四时花卉于此出焉今名南花园北去十余里为板桥今名北花园元羽士张伯雨结庐马塍陈旅记之其略曰钱唐邑屋丛辏数十里至为重楼以居委巷若哄市人气滃郁为溽雾城西山水清旷而笙歌粉黛上下无空日夫杭东南奥区芬华之所族而幽静者之所处也城北有村曰马塍居民多业艺花土沃俗质聚近而 逖至元间句曲外史来栖焉为阁四楹佳卉丛植旁有长松数十章落落如高人湖上之山腾伏阁外盖得冲【阙】

浅橘林明日暮水

浑鱼网聚东门故侯应自许灞陵醉尉宁须怒何须学稼随老农荷锄驱犊田中去 张伯雨自咏马塍新居诗云浮家泛宅意何如玉室金堂计未疎归锦桥边停舫子散花滩上作楼居澹然到处自凿井 晏闭门方著书但得草堂费便足人间何地不樵渔张仲举题张外史马塍新居诗云窈窕丹房古涧

阿长松脩竹绕层坡桃园隐者时相遇茆洞仙人夜或过沆瀣杯寒供晓食青 笙响答空歌白云浮出池痕满知是龙 宿雨多 萨天锡宿张外史马塍新居诗云竹树忽闻干鹊噪明朝归去候新晴小楼无处着秋意暗雨空山如海声叶落牕虚闻鹤步峰回路转防人行谁知昨夜 洲客剪烛谈诗到二更羊角埂自溜水桥北柴场至乳台渡口延袤十余里介东西马塍之间其形弯曲如羊角然

西湖遊覽志卷二十三

北山分脉城外胜迹

官署

南京戶部分司江涨税课司吴山驿递运所德胜坝猪圈坝

南京戶部分司在江涨桥北掌 商税国初差御史监三闸办课程或戶部官监收船钞未有定置景泰元年差戶部主事于苏杭二府專掌之始建钞關于此六年罢主事歲委府官收钞成化四年罢钞關七年复钞關 治六年命于南京戶部差官遂为定例江涨税课司在霍山坊原在北關驻节基洪武二十五年移建于此

吴山驿在武林门外洪武七年建曰杭州驿九年改吴山驿其西有驻节防洪武二十五年建

递运所在夹城原在城内洪河桥洪武七年徙建于此

德胜坝在武林门外东洪武五年建

猪圈坝在武林门外东洪武三年建

祠庙

社稷坛郡厉坛

社稷坛在钱塘门外西北宋太乙宫故基也宋时在嘉防门外元时改钱湖门外洪武三年徙建今所郡厉坛在钱塘门外洪武三年建以祀 之无归者以清明日七月十五日十月初一日致祭

道院

石姥庙五界庙印侯庙晏公庙

石姥庙在德胜坝其神石瑰当唐长庆间江涛为患神竭家貲筑堤捍之竟死于事屡见灵异守臣上之咸通中封潮王故俗称潮王庙

五界庙在归锦桥西洪武三年建

印侯庙在观音桥西庙后有印墓

晏公庙在夹城寓崇果寺内周显德二年吴越王建旧名罗汉院宋治平中改额崇果洪武初改奉晏公相 为水神也故军营漕运之所往往立庙

佛刹

香积寺昭化寺妙行寺法云寺定光寺化度寺广教寺真如寺显教寺觉圆寺普明寺西隱寺丰乐寺永庆寺香积寺在江涨桥北宋太平兴国三年柯氏舍宅为寺旧名兴福大中祥符间赐额香积门临官河帆檣往来者日百千计秉烛犹喧一迳蛇行茂林防密隱然城市异藪也

昭化寺在德胜坝周显德间吴越王建宋大中祥符改今额永乐九年燬逾年重建

妙行寺在夹城巷宋徽宗时有僧思淨者姓喻画佛甚妙人称喻弥陀遂弃家学佛舍宅为寺以接待云水二十年间往来者三百万众故俗称接待寺方腊之乱思淨詣贼乞以一身代一城之命贼为稍戢元季燬宣德二年重建寺南为望佛桥聂大年诗妙行禅寺夹城隈谷雨干时偶独来一榻白云松子落满园黄蝶菜花开闲看物态陰晴变老被钟声旦暮催客有可人期不至步随斜日下苍苔

法云寺在草营巷晋天福五年吴越王建元至正末燬永乐丙申重建有愚防极和尚塔在寺之右防极洪武间名僧

定光寺在清湖中闸巷晋天福四年吴越王建元末燬洪武五年重建

化度寺在江涨桥梁天监间朱异舍宅为寺名众安隋改众善唐改重云再改承云宋治平二年改今额旁有崇善王庙元至元间燬至正间僧若金复建广教寺在北新桥东晋天福中吴越王建旧名倾心宋大中祥符间改今额庆元六年密印法师重修元末燬洪武四年僧智海重建

真如寺在江涨桥东宋韩蕲王舍宅为寺構重阁安奉金书大品般若经智度论于其上元至正二年燬洪武十五年重建

显教寺在武林门外旧为华严庵宋绍兴三十三年建乾道五年移请今额后徙在城金刚岭嘉熙间燬寶祐年间徙今所元末燬洪武初重建

觉圆寺在武林门外五里皇庆元年僧慈济建元末燬洪武十年重建今并昭化寺

普明寺去西湖可四里许在西马塍宋绍熙元年建庵曰普明治铁为佛嘉定十三年请额得古废寺普明之额偶与庵同遂移赐之改庵为院元末张士诚据为敌垒毀佛为军器院废正统四年僧宗浩重建天顺二年请赐旧额甬东徐恕记俗犹称铁佛寺西隱寺在西马塍乌盆桥畔宋干德元年建旧有福壽寺在望佛桥西南俗称东隱寺乌盆桥一名富春桥

丰乐寺在西马塍宋干德六年僧雪严建名歳丰禅院治平间改寶觉丰乐寺

永庆寺在西马塍清泰二年吴越王建名涌泉院宋治平三年改额泉从石罅流出折入黄山桥河味极清美高宗爱之尝取以瀹茗

西湖遊覽志卷二十四

浙江勝迹

浙江

浙江在郡城之東南登西湖諸山則大畧可瞰其源發自徽州曲折而東以入于海故名浙江亦曰浙河其潮晝夜再上諸家立說不同宋時郡志載姚寬西溪殘語及徐叔明高麗錄二篇大抵皆云潮隨日而應月依陰而附陽元時裴伯宣作浙江潮候圖說又櫟括其詞更加明爽其說曰大江而東凡水之入于海者無不通潮而浙江之潮獨為天下奇觀地勢然也浙江之口有兩山焉其南曰龔山其北曰赭山并峙于江海之防謂之海門下有沙澗跨江西東三百餘里若伏檻然潮之入于浙江也發乎浩渺之區而頓就斂束逼碍沙澗回薄激射折而趨于兩山之間拘怒不泄則奮而上躋如素蜺橫空奔雷殷地觀者胆掉涉者心悸故為東南之至險非他江之可同也原其消長之故者曰天河激涌曰地機翕張揆其晨夕之候者曰依陰而附陽曰隨日而應月地志濤經言殊防異胡可得而一哉蓋圓則之運大氣舉之方儀之靜大水承之氣有升降地有浮沈而潮汐生焉日有盈虛潮有起伏故盈于朔望虛于兩 息于朏消于朏魄而大小准焉月為陰精水之所在日為陽宗陰之所從故晝潮之期日常加子夜潮之候月必在午而晷刻定焉卯酉之月陰陽之交故潮大于余月大梁析木河汭之津也朔望之後天地之變故潮大于余日寒暑之大建丑未也一晦一明再潮再汐一朔一望再虛再盈天一地二之道也月經于上水緯于下進退消長相為生成厯數可推毫厘不爽斯天地之至信幽贊于神明而古今不易者也杭之為郡枕帶江海遠引甌閩近控吳越商賈之所輻輳舟航之所駢集則浙江為要津焉而其行止之淹速無不畢聽潮汐者或違其大小之信爽其緩急之宜則必至于傾墊底滯故不可以不之謹也某承乏茲郡屬兵革未弭之秋信使之往來師旅之進退雖期防紛紜邊陲警急必告之曰謹候潮汐毋躁進以自危然而迹累肩摩晨馳夕駑有不能人喻而戶說之者考之郡志得四時潮候圖簡明可信故為之說而刻石于浙江亭之壁間使凡行李之過此者皆得而觀之以毋蹈夫觸險躁進之害亦庶乎思患而預防之意云按桑欽水經云浙江水出三天子都北過余杭東入于海酈道元注云浙江一名浙江水出丹陽黟縣南蠻中又東北經建德州又北至新城縣東北至富陽縣又東北過錢唐縣此其說與今水道符合其云東經靈隱山下東合臨平湖又東經御兒鄉又東經槎瀆注于海其說與今不合蓋槎瀆近皋亭山而海又在其東南相去甚遠非入海處也豈地勢移易而向之斥鹵漲成平陸耶其潮晝夜再上杭人有為詩括之者曰午未未未申寅卯卯辰辰巳巳巳午午朔望一般輪此晝候也初一日午未初二日未初十六日如初一晝候則六時對沖子午丑未之 此亦其大槩耳其交澤起水大小之度則四時不同春三月初一日十六日午未大夜子正初二日十七日未初大夜子未初三日十八日未正大夜丑初初四日十九日未末大夜丑末初五日二十日申正下岸夜寅初初六日二十一日寅末漸小晚申末初七日二十二日卯初漸小晚酉初初八日二十三日卯末漸小晚酉正初九日二十四日辰初小晚酉末初十日二十五日辰末交澤晚戌正十一日二十六日巳初起水夜戌末十二日二十七日巳正漸大夜亥初三日二十八日巳末漸大夜亥正十四日二十九日午初漸大夜亥末十五日三十日午正极大夜子初秋與春同夏初一日十六日午未大夜子正初二日十七日未初大

夜子末初三日十八日未正大夜丑初初四日十九日未末大夜丑正初五日二十日申初下岸夜丑末初六日二十一日寅初小晚申正初七日二十二日寅末小晚申末初八日二十三日卯初小晚酉初初九日二十四日卯末小晚酉正初十日二十五日辰初交泽晚酉末十一日二十六日辰末起水夜戌初十二日二十七日巳初渐大夜戌末十三日二十八日巳末渐大夜亥初十四日二十九日午初渐大夜亥末十五日三十日午末大夜子初冬初一日十六日午末大夜子初初二日十七日未正大夜子末初三日十八日未末大夜丑初初四日十九日申初大夜丑末初五日二十日申正下岸夜寅初初六日二十一日寅末渐小晚申末初七日二十二日卯初小晚酉初初八日二十三日卯末小晚酉正初九日二十四日辰初小晚酉末初十日二十五日辰末交泽夜戌初十一日二十六日巳初起水夜戌末十二日二十七日巳正渐大夜戌末十三日二十八日巳末渐大夜亥初十四日二十九日午初渐大夜亥正十五日三十日午正渐大夜亥末元时吴亨壽答岩起论潮书云至元十八年秋八

月十有八日足下观潮浙江亭有诗明日书以遗予若致疑于逆流之水有可诘者朱子注骚谓潮以月加子午之时一日而再至则亦未尝无説敢即是试为足下诵所闻焉盖坎本月之体月本水之精月与水一而已矣在天为月在地为水天有陰阳太少而月为太陰地有刚柔太少而水为太柔古人以方诸取水于月其气固相感也而况夫子午之位乃陰阳之始于其所始而月加焉则陰与阳感而陰以升陰与陰遇而陰以盛水陰也当其所加之时涌而逆上从其也月一昼夜凡一加午故潮一日再生月一日退天十三度十九分度之七故潮日迟于一日所以初三之潮昼迟而入十八之夜十八之潮夜迟而入初三之昼也一月之间生明生魄潮亦再盛焉生明之潮则自前月二十六长水谓之起信歷晦朔至月三日谓之大信初四潮势渐杀谓之落信歷上至月十日谓之小信生魄之潮则自十一始长歷望至十八而盛自十九始杀歷下二十五而衰其起落大小之信亦如之天下之至信者莫如潮生落盛衰各有时刻故潮得以信言也月于一月之间渐迟而缩一日潮于两信之内渐迟而缩两潮秋月最明秋潮最盛亦其理然也又尝考之坎为月魄离为月魂震生明也兑上干望卦也巽生魄也艮下坤晦卦也生明之盛非无故而盛也坤一索而得长男故盛过兑少而往则衰矣生魄之盛亦非无故而盛也干一索而得长女故盛过艮少而往则衰矣验之于月防之于卦潮之理其为庶防乎或曰诚如是则阳之盛莫如干陰之盛莫如坤潮不于是焉大而顾大于震明巽魄何邪曰兹又先天后天之説也不本诸先天无以见造化之全体不防诸后天无以见造化之妙用先天之卦体也乾坤离坎位于四正震巽艮兑位于四维而月之周天实配之后天之卦用也退干于西北退坤于西南父母老而不用而长男代父长女代母居东南生长之方天地间万物万事咸于此乎权輿故其为气也莫盛焉而潮之大信实配之月配其体则阳为明陰为魄而乾坤当望晦之位乃陰阳之极也潮配其用则长为盛少为衰而震巽当大信之候乃陰阳之长也夫如是则其不乾坤而震巽也有由矣或又曰亦何以知其必取于卦耶曰以纳甲家起之纳甲者如生明之月昏出于庚震则纳庚生魄之月晨见于辛巽则纳辛之是也陰阳者流用之率验则月与卦相为用也审矣潮而有取于月也不亦有取于卦乎哉或又曰月之説然邪则潮之为候亦宜月半以前由微渐大月半以后由大渐微以象夫三五而盈三五而亏可也今乃于明魄之生两盛焉何哉曰明魄之盛固已如前所云然月一月一周天而一日之内则一加子一加午者也潮于月加子午之时一日再至故亦于月生明魄之日一月而再盛焉月之一潮之再若不相似而实相感召非深于理者未易

以语此或又曰子所论浙江潮也他江亦有潮其迟速不同何与曰潮之生必生于月出之海浙江之去海为近故其至也如时他江所去有远近故所至有迟速耳或又曰古今言潮者必推浙江亦谓银山雪屋有头数丈此为异尔他江之潮第如涌水复与此不同何与曰浙江去潮生处近掀天沃日之势方盛而不可遏赭山龛山横锁江口顿然敛宽就窄其势必至于冲激奔射也他江去潮生处远远则必杀故但涌水而已又何疑焉

白乐天看潮诗早潮才落晚潮来一月周流六十回不独光陰朝复暮杭州老去被潮催 杨巨源送章孝标归杭诗曾过灵隱江邊寺独宿东楼看海门潮色银河铺碧落日光金柱出红盆 罗隱江潮诗怒声汹汹势悠悠罗刹江邊地欲浮漫道往来存大信也知翻覆向平流任抛巨浸疑无地猛过西陵只有头至竟朝昏谁主宰好骑赤鲤问阳侯 苏子瞻中秋看潮五絕定知玉兔十分圆已作霜风九月寒寄语重门休上钥夜潮留向月中看万人鼓噪偃吴侬犹似浮江老阿童欲识潮头高防许越山浑在浪花中江邊身世两悠悠久与沧波共白头造物亦知人易老故教江水向西流 吴儿生长狎涛渊冒利轻生不自怜东海若知明主意应教斥卤变桑田江神河伯两醺鸡海若东来气吐霓安得夫差水犀手三千强弩射潮低 观潮南歌子词二首海上乘槎侣仙人萼绿华飞升元不用丹砂住在潮头来处渺天涯雷辊夫差国云翻海若家坐中安得弄琴牙写取余声归向水仙夸 苒苒中秋过萧萧两鬓华寓身化世一尘沙笑看潮来潮去了生涯方士三山路渔人一叶家早知身世两聾牙好伴骑鲸公子赋雄夸 又瑞鹧鸪词碧山影里小红旗依是江南踏浪儿拍手欲嘲山简醉齐声争唱浪婆词西兴渡口帆初落渔浦山头日未欹依欲送潮歌底曲樽前还唱使君诗 又江神子词凤凰山下雨初晴水风清晚霞明一朵芙蓉开过尚盈盈何处飞来双白鹭如有意慕娉婷忽闻江上弄哀箏苦含情遣谁听烟敛云收依约是湘灵欲待曲终寻问取人不见数峰青 齐祖之观潮诗何意滔天苦作威狂驱海若走冯夷因看平地波翻起知是沧浪鼎沸时初似长平万瓦震忽如圆峤六鼇移直应待得澄如练防有安流往济时 仇仁近诗一痕初见海门生顷刻长驱作怒声万马突围天鼓碎六鼇翻背雪山倾遠朝魏阙心犹在直上严滩势始平寄语吴儿休踏浪天吴防象正縱横 张光弼次贝廷琚韵诗世代消沈是此声防回东下复西倾翻腾日月迷朝夕簸荡鱼龙定死生衔石每怜精衛小投胶未见浊河清眼前波浪犹如此莫向蓬山顶上行 钱思复八月十五日同友人登楼看潮分韵得如字诗白马涛头驾素车至今犹自詫灵胥千年元气淋漓后八月长风震荡初顾兔盈虚端不爽神龙变化竟何如须防落日江明练东逝滔滔泄尾间

濒江之人好踏浪翻波名曰弄潮宋治平中郡守蔡襄作戒弄潮文斗牛之分吴越之中惟江涛之最雄乘秋风而益怒乃其俗习于此观防厥有善泅之徒竞作弄潮之戏以父母所生之遗体投鱼龙不测之深渊自为矜夸时或沈溺精魄永沦于泉下妻孥望哭于水滨生也有涯盍终于天命死而不吊重弃于人伦推予不忍之心伸尔无穷之戒所有今年观潮并依常例其军人百姓辄敢弄潮必行科罚

观潮之戏惟宋时独盛其详已载偏安佚豫志中当时有绘为图者杨防夫题之诗云八月十八睡龙死海龟夜食罗刹水须防海擘龛赭门地卷银龙薄于纸艮山移来天子宫宫前一箭随西风劫灰欲洗蛇 穴婆留折铁犹争雄望海楼头夸景好防鼇已走金银岛天吴一夜海水移马蹠沙田食沙草厓山楼船归不归七歲 啼軋道 张宪题诗云磁州夜走泥马驹卧

牛城中生绿芜炎精炯炯照吴防大筑钱唐作汴都玉殿珠楼连翠阁七宝帘栊敞云幙坐移艮岳过江南不数东京旧欢乐茂树盘盘迷绿云龙飞凤舞峰峦奔玉床下压大江小海水正入东华门木犀花开秋可数統統灵鼉震天鼓海门一线截江来雪壁银城尽飞舞吴商楚估千万艘黄龙战船头尾高岂无海道走中土长驱逐北除腥臊烟雾苍苍绕城郭屋瓦鱼鳞互防错百万骄民事醉醺坐使中原厌羊酪因循六帝不复讐西风八月凭江楼攢宫久饮白骨恨洪波不洗青衣羞邦基削尽师臣逐轶道人稀子婴哭绣胸文胫踏浪儿反首谁能报君辱庙子沙头卓大旗天吴缩颈不敢驰行人指塔话杨璉三十六宫秋草肥

捍江塘筑自吴越王盖江潮为患自唐已然白乐天刺郡时尝祷于神云滔滔大江南国之纪安波则为利降流则为害故我上帝命神司之今属潮涛大涌奔激西北水无知也如有凭焉浸淫郊壤败庐舍人坠垫溺吁天无辜居易只奉玺书兴利除害守土守水职与神同是用备物致诚躬事防祷庶俾水反归壑谷迁为陵土不蹇摧人无荡析然未闻有修筑之绩也梁开平四年八月钱武肃王始筑塘在候潮门通江门外潮水昼夜冲激版筑不就命强弩数百以射又致祷于胥山祠仍为诗一章其末句曰为报龙王及水府钱江借取筑钱城函钥置海门山既而潮水避钱唐东击西陵遂造竹络积巨石植以大木隄既成久之乃为城邑聚落凡今之平陆皆昔时江也潮水冲突不常隄防屡壞大中祥符五年郡守戚纶与两浙转运使陈尧佐申请遣使自京师部埽匠壕寨赴州易柱石之制虽免水患而众颇非其变法七年诏江淮发运使李溥同内供奉官卢守勲复依钱氏制專其事时水方大溢九年郡守马亮祷于子胥祠下明日潮为之却又涨横沙数里隄遂以成景祐中隄复壞两浙转运使张夏作隄十二里置捍江兵士五指挥采石修塘随损随治杭人德之作庙隄上今昭祝庙是也庆历初六月大风驱潮堤再壞郡守杨偕转运使田瑜协力筑堤二千二百丈丁寶臣作记绍兴十年以转运副使张洎之请招填捍江军额二十二年吏部尚书林文蔚建言乞选諳晓之士專置一司询故老究利病脉络而后兴工且言罗刹江滨旧有吴王英烈王庙烬于回禄乞灵无地乞付有司营葺从之自是百余年间屡修屡壞嘉熙戊戌秋潮由海门一月塘头日腴月削民庐僧舍圯者四十里已亥六月诏赵与懽除端明殿学士知临安任责修筑与懽奏先于傍近筑土塘为救急之术然后于内筑石塘又奏近观潮势忽睹异物非龙非鱼什什伍伍鼓鬣扬髻欲望奏告上帝或施强弩火炮以絕其妖又奏日役殿步司官兵五千五百余人并募夫工及修江司军兵三千余人贴立石仓夹植桩笆版木昼夜运土填筑自水陆寺之下江家桥之上近江港口筑坝南北长一百五十丈自团围头石塘近江筑擦水塘长六百丈自六和塔以东一带石堤添新补废四百余丈越三月毕工水复其故皇明成化八年八月九月江潮大溢塘壞特甚勅差工部侍郎李顥整筑始复其旧

月轮山六和塔开化寺

月轮山在龙山南形圆如月其高耸者为月轮峰宋时张君房为钱唐令夜宿月轮山寺僧报曰桂子下塔遽起望之纷如烟雾回旋成穗散坠如牵牛子黄白相间咀之无味

六和塔在月轮峰傍宋开寶三年智觉禅师建先是梁开平五年钱王于仁王废院掘地得大钱以为瑞应因建大钱寺设寶幢二座于寺门入宋寺废禅师乃即钱氏南果园建塔以镇江

潮高九级五十余丈撑空兀突跨陆俯川海船夜泛者以塔灯为指南焉宣和中燬于方腊之乱绍兴二十二年僧智昙募縁重建七级而止塔中有汤思退等彙写佛説二十四章李伯时石刻观音像嘉靖三年燬塔下为龙山渡鱼山渡隔防剡中诸山厯厯可数塔之北为毛湫峪宋绍兴间塔成曹勋记略云浙江介于吴越一昼一夜涛头自海而上者再疾击而逵驰虎骇而龙怒猛如山立歟如电转掠隄突防摧陷田庐为临安患久矣防中若有神物典司其事钱氏有吴越时会以万弩射潮头终不能却其势后有僧智觉禅师延壽同僧统賛宁创建斯塔用以为镇自是潮习故道居民德之宣和三年塔寺俱燬赤地无遗而潮复为患绍兴壬申天子忧之思所以制其害者在廷之臣首以复兴斯塔为请诏赐可下有司计度庀工治材守臣择可主持斯事者得僧智昙谕以诏防昙口诺心然愿以身任不烦官府乃勤渠化募而和义郡王杨存中居士董仲永首倡捐貲于是莲社乐施云臻雾集虽远在他路亦荷担而来自癸酉仲春鸠工至癸未之春五层告成是年歲晚则七级就绪巍然揭立光动山海环壁刻金刚经及塑五十三善知识备尽庄严凡所以镇静山川防持法界调伏魔境者莫不闕而存焉塔兴之初土石未及百簣而潮势已杀既成之后化为安流而濒江之民恬不惊悸此则塔之为功而智昙之植福也 白廷玉同陈大博诸公同登六和塔诗云龙山古化城浮屠峙其巔开殿生妙香金碧森贝筵应真俨若生倒飞青金莲头陀紺林丛导我丹梯縁初犹借佛日闕境儼已 回头失谁何叫啸衣相牵且复忍须防当见快意天娇儿谄先登网户相钩连炯若蚁在珠九曲随盘旋烂烂沧海开落落云气悬羣峰可俯拾背阅黄鹤騫竒观兴懦夫便欲凌飞仙絶顶按坤维始见南纪偏神京渺何许王气须停 舟车禁百蛮岛屿通人烟一为帝王州气压三大千刚风洒毛髮铎语空蝉聯红红杏花园媿乏慈恩篇 张仲举登塔诗云江上浮屠快一登望中烟火是西兴日生沧海潢流外人立青防最上层潮落逵沙羣下鴈树欹高壁独巢鷹百年等是豪华尽怕聽兴亡懶问僧

开化寺即塔院也宋隆兴二年建嘉靖十二年与塔俱火傍有金鱼池噴月泉持正泉秀江亭铁井栏刻八卦以镇水怪僧仲殊登秀江亭南柯子词云金螯蟠龙尾莲开舞凤头凉生宫殿不因秋門外莫寻尘世卷地江流霁色澄千里潮声带两州月华清泛浪花浮今夜蓬萊归梦十二琼楼 塔傍旧有真圣观寶庆二年建有真武像理宗御賛欧阳永叔小草秋声赋归鴈亭诗石刻今废

秦望山罗刹石

秦望山去城南一十二里高一百六十丈相 秦始皇东防江浒欲度防稽登山而望故名秦望后唐同光中钱氏于秦望山建上清宫有巨石二十余株自然成行名曰金洞門

罗刹石在山之东南横截江涛海舶经此多为风浪击覆唐时郡守每歲仲秋既望迎潮设祭则乐工歌舞其上李建勲诗云何年遗禹凿半里大江中白居易诗簸空石面名罗刹压捺潮头敌子胥后改名镇江石五代开平中为潮沙涨没

五云山真际院尚书胡公墓

五云山去城南二十里高数百丈周十五里五峰森列驾轶云霞盘曲而上凡七十二湾俯视南北两峰若双锥朋立长江带绕西湖鉴开帆樯扰扰烟雾间若鸥鳬出没上有天井大旱不枯宋时每歲腊前寺僧必捧雪表进黎明入城中霰犹未集盖其地特高寒云 钱思复登五云山诗普觉遗衣久不 五云故色尚苍然防嵯萝薛三千丈乔木风霜四百年龙井雨深泉独响渔村潮上月初圆寶坊金碧红尘聚何似兹山更絕緣

真际院梁时普觉禅师结庵天福中赐额真际九月遊人最盛

尚书胡公墓在排山坞公名世宁字永清仁和人仕至太子太保兵部尚书薨嘉靖十年勅葬于此

定山风水洞浮山

定山高七十五丈周七里一百步突出江中风涛至此辄抑声过此则雷吼霆击矣其西两峰壁立名曰龙门上有龙潭能兴云雨宋时春秋习水战于此有将坛存焉下有浮屿潭深聚鱼对防为渔浦谢灵运诗所谓宵济渔浦潭者是也 沈约早发定山诗夙龄爱遠壑晚莅见奇山标峰防虹外置岭白云间倾壁忽斜竖絕顶复孤圆归海流漫漫出浦水溅溅野棠开未落山樱发欲燃忘归属兰杜懷禄寄芳荃眷言采三秀徘徊望九仙 钱思复定山十咏定山晓行云前峰月吐五更初空翠沾衣积雨余溪火夜明经略约涧云秋重负籛篠篠林虎与人争鬪茅屋鸡催客趁虚不似關山行役者劳劳服贾逵牵车朱梁夜泊云长虹下饮逆流浑雪色沙寒石鬪喧晚饭钟催隣驿寺宵渔灯映并山村月明欲解江灵语风横难招贾客魂忽忆枫桥曾系缆一篷烟雨梦吴门六和观月云招提高占月轮峰楼阁清虚十二重秋忆天香飘古桂冷疑岩雪落长空池光照夜明金鲫塔影横江卧玉龙闻道广寒从此往竹房开处约飞筇五云赏雪云献瑞名山自昔闻化人台殿杂金银树灵尚吐三花秀云凝全消五色文鸟絕空江知棹泊鹿迷深径待樵分兴来更上高寒处此境应无萧使君龙门晓雨云神劖峭壁耸双扉雨挟腥风下翠微黑入太陰迷爽气白翻丛薄散朝霏螺横杂树应藏景蛟吐痴云未霁威回首他山新似沐登楼时揽女萝衣渔浦春潮云江涨夜来高防寻轻涛拍防失蹄涔迟明帆发星滩遠尽日舟横雨渡深杜若风回頽鲤上桃花浪起白鸥沈楚人艇子来何许欸乃时闻空外音风水二洞云空穴风来自吸嘘垂岩出水亦渠渠天门此际通閬海眼何年泄尾闾隱者难招应化鹤飞仙可挟更乘鱼留题太守懷苏白好事今无五马车凤凰双髻云凤来天目憩东南琼树巢空百鸟慙千仞翱翔秋馆髻两髦 髻暮栖嵐谁嘲风落乌纱帽自借山为碧玉簪仙女洗头休望岳相期防幘对虚谈浮屿藏鱼云潭色空澄岛影孤 鳞时出迓天吴浪吞泗磬秋浮玉月照骊龙夜吐珠万骑西来疑灩灩扁舟东去想陶朱没渊每笑穷渔者何处烟波覓钓徒浙江耀武云年年江上习舟师故事相 刼火池春日楼船观晋将秋风弓弩学吴儿素车白马迎旗隼紫凤 夷畏虎貔日暮元戎归细柳散花洲畔凯歌时

风水洞在杨村慈岩院侧旧名恩德洞上洞立夏清风自生立秋则止下洞流水潺潺大旱不涸洞中石子红防如丹持出即隱置于内如故

白乐天诗云云水埋藏恩德洞簪裾束缚使君身暂来不宿归州去应被山呼作俗人 苏子瞻

往富阳新城李节推先行三日留风水洞见待诗云春山礚礚鸣春禽此间不可无我吟路长漫漫傍江浦此间不可无君语金鲫池边不见君追君直过定山村路人皆言君未远骑马少年清且婉风岩水穴旧闻名只隔山溪夜不行溪桥晓溜浮梅萼知君系马岩花落出行三日尚逶迟妻孥怪骂归何时世上小儿夸疾走如君相待今安有

浮山在城南四十里苏子瞻守杭日乞开石门河状云按史记秦始皇帝三十六年东防至钱唐临浙江水波恶乃西百二十里从狭中渡始皇帝以天下之力徇其意之所欲出赭山桥海无难而独畏浙江水波恶不敢径渡以此知钱唐江天下之险无出其右者臣昔通守此邦今又忝郡寄二十年间亲见覆溺无数自温台明越往来者皆由西兴径渡不涉浮山之险时有覆舟然尚稀少自衢睦处婺宣歙饶信及福建路八州往来者皆出入龙山沿沂皆江江水滩浅必乘潮而行潮自海门东来势若雷霆而浮山峙于江中与渔浦诸山相望犬牙错入以乱潮水洄洑激射其怒自倍沙碛转移状如 神往往于渊潭中涌出陵阜十数里旦夕之间又复失去虽舟师泅人不能前知其深浅以故公私坐视覆溺无如之何臣相视地形访问父老自浙江上流地名石门并山而东凿为运河引浙江及谿谷诸水凡二十二里有奇以达于江又并江为防度潮水所向则用石所不向则用竹木凡八里有奇以达于龙山之大慈浦自大慈浦北折抵小岭下凿岭六十五丈以达于岭东之古河因古河稍加浚治东南行四里有奇以达于今龙山之运河以避浮山之险则浙民幸甚观此则浮山之险自古为然盖潮入海门分为两派东派沿捍江塘向富春西派直射浮山怒激而回谚称回头浪者是也

西湖游览志余

西湖游览志余卷一

帝王都防

杭州之名相传神禹治水防诸侯于防稽至此舍杭登陆因名禹杭至少康封庶子无余于越以主禹祀又名余杭秦置余杭县隋置杭州窃谓当神禹治水时吴越之区皆懷山襄陵之势纵有平陆非浮桥缘延不可径渡不得于此顾云舍杭登陆也說文杭者方舟也方舟者并舟也礼大夫方舟士特舟所谓方舟殆今浮桥是也盖神禹至此溪壑萦廻造杭以渡越人思之且传其制遂名禹杭耳

钱塘之名刘道真云唐元和中功曹华信议立此唐以防海水募有能致土一斛者与千钱来者云集俄云不复用矣民皆弃去而唐成故名钱唐世说又云晋时沈姓者令钱唐诡民致土筑唐而钱实不给至唐时避国号加土于唐改称钱塘然秦时置防稽郡钱唐县而史记亦云秦始皇下丹阳至钱唐临溯江上防稽则钱唐非始于晋唐时明矣考之释文唐途也钱古鑊姓岂秦汉间有姓钱者居此或筑堤捍水而遂系之以唐欤

杭地属吴属越诸家为說不同以为属吴者淳祐志引吴越春秋所载越王句践入臣于吴羣臣送至溯江临水祖道又载吴王夫差为越所败而走止秦余杭山又史记楚威王伐越尽取故吴地至溯江遂谓吴越必以溯江为分界以为属越者杜佑通典欧阳忞輿地广记皆云春秋时属越越败属吴东阳王象之本其說谓钱唐旧为越自夫差败越地始入吴虽皆知为越地而未知分界所在惟太平寰宇记引吴地记云越国西北界至御儿即樵李本嘉兴府崇德县有御儿乡有水名语水语与御通则是吴越以御儿为分界二說各有所据今考之当以后說为是春秋鲁定公十四年五月于越败吴于樵李杜预注云嘉兴县南樵李城又史记世家阖闾十九年伐越句践迎击之樵李贾逵注云樵李越地据此则樵李以南为越境杭在其中矣此杭为越地一也吴越春秋句践既臣于吴夫差赐之书增其封东至句甬西至樵李南至姑末北至平原越絕书作武原今海盐是也纵横八百余里且谓越本兴国千里吾虽封之未尽其国则是所封之地皆越故疆又越絕书越地记云语儿乡故越界本名就李即樵李吴疆越地以为战地至柴辟亭吴地记云柴辟亭到语儿就李吴侵以为战地则吴越疆界尤极分明此杭为越地二也若淳祐志所引皆有可辨者其一为越羣臣祖句践于溯江遂谓吴越以溯江为界殊不知是时句践方保栖防稽之山浙江以西皆为吴有宜其祖道止于江濱也其一谓夫差走余杭山则谓余杭在吴境内殊不知吴自有秦余杭山姑苏志云阳山又名秦余杭山在长洲西北三十里夫差栖于此死因葬焉至今号夫差墓又越絕书吴地记云秦余杭山去毗陵县五十里近太湖今余杭去长洲太湖甚遠岂可以名之偶同强合为一且越在东南吴在西北吴王不西北走苏常而反东南走余杭必无此理其一谓楚伐越尽取故吴地至溯江则溯江之西乃吴地殊不知此句自有两义所谓故吴地者言越故取于吴者也所谓至溯江者言并越原有之地而尽取之也岂可槩以为故吴地乎皇极经世以其辞不别白故于楚灭越尽取其地之下书曰东开地至溯江则是溯江以西本非吴境乃楚因越地而开者也合是二說则郡志之误可以涣然无疑矣

钱鏐字具美杭州临安人临安里中有大木鏐防时与羣儿戲木下鏐坐大石指麾羣儿为队伍号令有法羣儿皆惮之及壮无赖不喜事生业以贩盐为盗县録事钟起有子数人与鏐饮博起尝禁其诸子诸子多窃从之游豫章人有善术者望斗牛间有王气斗牛钱唐分也因游钱唐占之又临安乃之临安以相法隐市中因求其人起与术者善术者私谓起曰占君县有贵人求之市中不可得视君之相贵矣然不足当之起乃置酒悉召县中贤豪为防陰令术者徧视之皆不足当术者过起家鏐适从外来见起惧反走术者望见之大惊曰此真贵人也起笑曰此吾傍舍钱生博徒尔术者召鏐熟视之顾起曰君之贵者因此人也廼慰鏐曰子骨法非常愿自爱因与起诀曰吾求其人者非有所欲也直欲质吾术耳明日遂去起始纵其子等与鏐游时时贷其穷乏及鏐贵辟起为賓客

唐干符二年浙西裨将王郢作乱石鉴镇将董昌募乡兵讨贼表鏐偏将击郢破之是时黄巢众已数千攻掠浙东至临安鏐曰今镇兵少而贼兵多难以力御宜出奇兵邀之乃与劲卒二十人伏山谷中巢先锋度险皆单骑鏐伏弩射杀其将巢兵乱鏐引劲卒蹂之斩首数百级鏐曰此可一用尔若大众至何可敌耶乃引兵趋八百里八百里者地名也告道旁媼曰后有问者告曰临安兵屯八百里矣巢众至闻媼语不知地名皆曰向十余卒尚不可敌况八百里屯兵乎乃引兵还

中和二年越州观察使刘汉宏与杭州刺史董昌搆兵鏐击斩汉宏乃奏昌为越州观察使而自居杭州昭宗拜鏐为都团练使寻进镇海军节度使顷之董昌以罗平鸟防反越州鏐击败之乃进鏐封爵而锡之铁券曰维干宁四年歲次丁巳八月甲辰朔四日丁未皇帝若曰咨尔镇海镇东等军节度浙江东西等道观察处置营田招讨等使兼两浙盐铁制置发运等使开府仪同三司检校太尉兼中书令使持节润越等州诸军事兼润越等州刺史上柱国彭城郡王食邑五千户食实封一百户钱鏐朕闻铭邓隲之勲言垂汉典载孔悝之德事美鲁经则知褒德策勲古今一致顷者董昌僭乱为昏镜水狂谋恶贯流染齐人而尔披攘凶渠荡定江表忠以卫社稷惠以福生灵其机也氛祲清其化也疲羸泰拯吴粤于涂炭之上师无私焉保余杭于金汤之固政有经矣志獎王室绩冠侯藩着于旂常流在丹素虽钟繇刊五熟之釜窋宪勒燕然之山未足论功抑有异数是用锡其金版申以誓词长江有似帶之期泰华有如卷之日惟我念功之防永将延祚子孙使卿长袭宠荣克保富贵卿恕九死子孙三死或犯常刑有司不得加责承我信誓往惟钦哉宜付史馆颁示天下鏐如越州受命还治钱塘名所居营曰衣锦城石鉴山曰衣锦山防所戏大木曰衣锦将军

天复二年封鏐越王天祐元年改封吴王开平元年梁太祖即位封吴越王时有劝鏐拒命者鏐不纳笑曰吾不失为孙仲谋竟受命改临安为衣锦军展饬茔陇旌旂鼓吹振耀山谷童时钓弋之所尽防以华屋贩盐担簣亦裁锦韬之叹曰焉敢忘本一隣媼九十余歲矣携壶浆角黍迎鏐呼曰钱婆留宁馨长进鏐下车拜之盖鏐生时光怪满室其父欲不举是媼强留之故名钱婆留也鏐既置酒父老高防男妇八十歲以上者金尊百歲者玉尊时饮玉尊者十余人鏐执爵上壽歌曰三节还乡挂锦衣吴越一王驷马归天明明兮爱日辉百歲荏苒兮防时稀时父老闻歌多不解音律鏐觉其欢意不洽乃高揭吴音以歌曰你辈见依底欢喜别是一般滋味子长在我依心子里歌讫举座赧之叫笑振席二年册尊鏐尚父长兴三年鏐卒年八十

一諡武肃子元瓘立

武肃王起仄防开国垂统虽由天授而其才智亦有过人者在军中恒倚危枕而寝未尝贴席榻置粉盘夜有所记则画盘中或发铜丸于外以警宿直尝欲广牙城以大公府有术者告曰王若改旧为新有国止及百年如填筑西湖以建府治垂祚当十倍于此鏐曰岂有千年而天下无真主者乎有国百年吾所愿也即于治所稍增广之及忠懿归朝钱氏霸吴越者凡九十八年

元瓘字明寶善抚将士好儒学善为诗使其国相沈崧置择能院选吴中文士録用之然性奢僭治宫室天福六年大火烧宫室殆尽元瓘避之火輒随发元瓘大惧因病狂是歲卒年五十五諡文穆子佐立

佐字祐立时年十三诸将皆少佐佐初优容之诸将稍不法佐乃黜其大将国中皆畏服卒年二十諡忠献弟俶立

俶字文德宋太祖即位赐俶开吴镇越荣文耀武功臣开寶九年俶率子惟濬等入朝赐居礼贤宅劔履上殿诏书不名顷之俶辞归廷臣请留勿遣太祖不纳竟遣之曰善保汝国尽我一世足矣乃出文字一匣付俶曰到国阅之途中勿啓也俶归钱唐启阅皆廷臣请留章疏也泣下曰我何敢负官家及太宗即位俶遂纳土改封淮海国王辞国号封邓王薨諡忠懿俶性谦谨未尝忤物虽身当除国而享富贵者七十年子孙防防比登膺仕允称世家

开寶初忠懿王俶遣其臣黄夷简入见太祖谓曰归与元帅言朕已于薰风门外建离宫名礼贤宅以待李煜及元帅先朝者居之今煜崛强不朝吾已遣兵往矣元帅可暂来一见慰我延想即当遣还也忠懿王闻之遂入朝太祖大喜召宴后苑时惟太宗及秦王侍坐酒酣诏王与太宗叙兄弟齿坐太宗上俶叩头辞让继之以泣方得免俶后入朝太宗亦宴苑中安僖王惟濬侍焉泛舟宫池太宗手举御杯赐俶跪而饮之明日奉表谢其畧曰御苑深沉想人臣之不到天顔咫尺惟父子以同亲其优礼如此○忠懿王入朝太祖为置宴出内妓弹琵琶王献词曰金鳳欲飞遭掣搦情脉脉防即玉楼云雨隔太祖怜之起拊其背曰誓不杀钱王

忠懿王时有和尚行歌于市云还乡寂寂杳无踪不挂征帆水陆通踏得故乡田地稳更无南北与西东或问其說但云明年大家都去未几果有纳土之应

武肃王遣使于梁太祖太祖问曰王于国中好何物使者曰好玉带骏马太祖叹曰真英雄也选玉带一名马四赐之及忠懿王入朝进寶犀带于宋艺祖艺祖顾谓曰朕有三条带与此盖不同俶请宣示太祖咲曰汴河一条淮河一条子江一条俶大愧服二君所见一投其所嗜以羈縻其内附之心一其所宝以昭示宏遠之畧皆用世之智也

欧阳公五代史叙列国云闻诸故老谓吴越亦尝称帝改元而求其事迹不可得颇疑吴越后自讳之宋时王顺伯收临安府故碑有石屋崇化寺幢题天寶四年明庆寺幢题天寶五年九

里松观音尊胜幢题寶大二年水月寺幢题寶正元年招贤寺幢题寶正二年小明庆金牛玛瑙等九幢皆题寶正贡院桥柱题寶正六年至武肃王薨遗命去国仪用藩镇法臣事中国然则天寶寶大寶正三名皆僭号也至今寺中石塔有吴越王并年号处皆镌铲模糊盖归宋纳土时所改不识顺伯所收能尽錄否耳

吴越国治在鳳凰山下乃唐以前州治也其子城南为通越门北为双门皆金铺铁叶用以御侮宋初即其宫为州治政和二年郡守孙沔改筑双门易以木石宋高宗南渡即州治为行宫徙州治于清波门内

钱氏之建国也筑城自秦望山由夹城东亘江干薄钱唐湖霍山范浦凡七十里城门凡十曰朝天门在吴山下今镇海楼曰龙山门在六和塔西曰竹车门在望仙桥东南曰新门在炭桥东曰南土门在荐桥门外曰北土门在旧菜市门外曰盐桥门在旧盐桥西曰西關门在雷峰塔下曰北關门在夹城巷曰寶德门在艮山门外无星桥盖其时城垣南北展而东西缩唐干宁间杨行密将攻杭州携僧祖肩密来瞰城祖肩曰此腰鼓城也击之终不可得又闻鼓角声曰钱氏子孙当贵盛未可图也其营屯凡六曰白璧营在城南上隅曰寶劒营在钟公桥北曰青字营在盐桥东曰福州营在梅家桥东曰马家营在修文坊内曰大路营在褚家塘

钱氏铁券玉册国除日进之内帑宋季兵乱券沉渭水中者五十六年元至顺二年渔人获而售之钱氏之后居天台者曰世珪皇明洪武二年大封功臣取其券以为式寻还其家高季迪为之歌云妖儿初下含元殿天子仍居少阳院诸藩從此拥连城朝贡皆停事攻战岐王已去梁王来长安宫阙生蒿莱天目山前异人出金戈双举风烟开罗平恶鸟啼初起犀弩三千射潮水归来父老拜旌旂酹酒捶牛宴乡里轻裘骏马骄春风锦袍玉带真英雄诏书特赐誓始终黄金镂字旌殊功虎符龙节彤弓矢后嗣犹令赦三死尽言恩宠冠当时天府丹书未逾此摩挲旧物四百年古色满面凝苍烟天祐宰相署名在寻文 读心茫然古来保族须忠节受此几人还覆灭王家勲业至今传不在区区一方铁人生富贵知几时泰山作砺徒相期行人曾过表忠观风雨断藓埋残碑

旧传防记有云天目山垂两乳长龙飞鳳舞到钱塘海门一防巽峰起五百年间出帝王或云晋郭璞作钱氏有国时不欲其语闻之中国更其末句云异姓王苏子瞻作表忠观碑特表其事首曰天目之山苕水出焉龙飞鳳舞萃于临安盖全用防语也

西湖游览志余卷二

帝王都防

高宗徽宗第九子母曰显仁皇后韦氏宣和三年封康王靖康元年金人犯汴京以二帝北去高宗即位于应天府建炎三年二月幸杭州陞为临安府四月幸建业十月还临安定奠都之策金人犯临安出居越州次温州绍兴二年正月还临安在位三十六年禅于孝宗退居德壽宫上尊号曰光尧壽皇太上皇帝受养二十四年崩壽八十一 于防稽陵曰永思

太祖次陈桥驿从仁和门入高宗由海道过杭闻县名仁和甚喜曰此京师门名也驻蹕之意始此

高宗南幸舟泊岸执政必登舟朝谒行于沮洳则蹑芒鞋宰相吕元直顾同列戏曰草履便将为赤舄既而傍舟水深乃积稻秆以进参政范觉民曰稻稽聊以当沙堤

高宗好养鵪鶉躬自飞放有士人题诗云鵪鶉飞腾绕帝都朝收暮放费工夫何如养个南来鴈沙漠能 二帝书高宗闻之召见士人即命补官

高宗尝宴大臣见张循王俊持一扇有玉孩儿扇坠上识是十年前往四明误坠于水屡寻不获乃询于张循王对曰臣于清河坊铺家买得召问铺家云得于提篮人复遣根问回奏云于候潮门外陈宅厨娘处买得又遣问厨娘云破黄花鱼腹中得之奏闻上大悦以为失物复还之兆铺家及提篮人补校尉厨娘封孺人循王赏赐甚厚

绍兴二十六年以户部尚书韩仲通兼知临安府七月诏罢临安府歲贡御服綾上曰临安民有纳本户绢一疋被退出询之云官中以不经揽户不肯受朕令人以五千五百钱买之乃是好绢令仲通根治且曰近在輶轂尚尔外方想不胜其弊九月知临安府荣棣请对上谓大臣曰朕尝谕以约束吏奸速还商贾物货勿留民讼他如御膳之属近来未尝取办虽片纸亦不责其供用闰十月初置临安府左右厢官时城外已置南北厢官荣棣请于城内分置二员掌讼牒以京朝官为之

高宗以府治为行宫尝题中和堂诗云六龙转淮海万骑临吴津王者本无外驾言苏逵民瞻彼草木秀感此疮痍新登堂望稽山懷哉夏禹勤神功既盛大后世防其仁愿同越句践焦思先吾身艰难务遵养圣贤有屈伸高风动君子属意种蠡臣嗟乎有一岳武穆而不能用乃顾思材于异代耶

绍兴中杨存中在建康旗上画双胜连环谓之二胜环意取两宫北还之义后得美玉琢为帽环以进有一伶在旁高宗指示之曰此乃杨太尉所进二胜环伶人跪捧接谛观徐奏曰可惜二胜环放脑后高宗为之改容

沈才之以奕棋得幸高宗为御前祇应一日在禁与同 奕上谕之曰须子细才之遽曰当念兹在兹上怒云技艺之徒乃敢对联弄经语因命内侍决竹篦二十逐之

高宗在德壽宫每进膳必置匙筯两副食前多品择取欲食者以别筯取置一器中食之必尽饭则以别匙减而后食吴后尝问其故对曰不欲以残食与宫人食也

绍兴间黄公度榜第三人陈修福建解试四海想中兴之美赋第五韵隔对云葱岭金隄不日复广轮之大太山玉牒何时清封禅之尘时诸郡试卷多经御览高宗亲书此联粘之殿壁及唱名上云卿便是陈修因诵此聯凄然出涕问卿有子否对曰臣年六十三歲尚未娶乃诏出内人施氏嫁之年二十三奩具甚厚时人戏为之语曰新人若问郎年几四十年前二十三其年第五人方翥兴化人解试中兴日月可冀赋一聯云伫观僚属复光司 之仪忍死须防咸泣山东之诏亦经御览唱名特加一资

高宗渔父词云薄晚烟林淡翠防江边秋月已明辉纵遠舵适天机水底闲云片 飞又云青草开时已过船锦鳞跃处浪痕圆竹叶酒柳花蘊有意沙鸥伴我眠又云水涵防雨湛虚明小笠轻蓑未易晴明镜里縠纹生白鹭飞来空外声词致清遠虽客江湖擅名一时者不能及也

绍兴淳熙之间颇称康裕君相纵逸耽乐湖山无复新亭之泪士人林升者题一絕于旅邸云山外青山楼外楼西湖歌舞几时休暖风薰得游人醉便把杭州作汴州又湖南有白塔桥印卖朝京路经土庑往临安者必买以披阅有人题一絕云白塔桥边卖地经长亭短驿甚分明如何祇說临安路不数中原有几程观此则宋时偏安之计亦可哀矣是以论者以西湖为尤物比之西施之破吴也张志道诗云荷花桂子不胜悲江介年华忆昔时天目山来孤鳳歇海门潮去六龙移贾充悞世终无策庾信哀时尚有词莫向中原夸絕景西湖遗恨是西施

思陵妙悟八法留神古雅当干戈倨扰之际访求法书名画不遗余力清闲之余展玩摸搨不少厌怠四方献奉无虚日又于 塲购北方遗失物故绍兴内府所藏不减宣政惜乎鑒定诸人如曹勋宋觐龙大渊张俭郑藻平協刘炎黄冕魏茂实任原輩人品不高目力苦短凡经前輩品题者尽皆折去故御府所藏多无题识源委授受歲月考订邈不可求为可恨耳

高宗尝御书六经以赐国子监及以石本赐诸州庠翰墨稍倦即命吴宪后续书至今皆莫能辨

高宗既居德壽时到灵隐冷泉亭闲坐有一行者奉汤茗甚谨德壽语之曰朕观汝意度非行者也本何等人其人拜且泣曰臣本某郡守得罪监司诬劾赃废为庶人贫无以糊口来從师舅覓粥延残喘德壽惻然曰当为皇帝言之数日后 往则其人尚在问之则云未也明日孝宗恭请太上帝后幸聚景园德壽不笑不言孝宗 奏亦不答太后曰孩儿好意招老夫妇何为怒耶德壽默然良久乃曰朕老矣人不听我言孝宗益骇復從太后请其事德壽乃曰如某人者朕已言之而不效使朕媿见其人孝宗曰昨承圣训次日即以谕宰相宰相谓赃污狼籍免死已幸难以复用然此小事来日决了今日且开懷一醉可也德壽始笑而言明日孝宗

谕宰相宰相犹执前說孝宗曰昨日太上圣怒朕几无地缝可入縱大逆谋反也须放他遂尽复原官予大郡后数日德壽往其人曰臣已得恩命專待陛下之来谢恩而去

德壽生日每歲进奉有常数一日忽减数项德壽大怒孝宗皇惧召宰相虞允文语之允文曰臣请见而解之孝宗曰朕立待卿回奏允文到宫上谒德壽盛气顷之曰朕老而不死为人所厌允文曰皇帝圣孝本不欲如此罪在小臣谓陛下圣壽无疆生民膏血有限减生民有限之膏血益陛下无疆之圣壽德壽大喜酌以御醕一杯因以金酒器赐之允文回奏孝宗孝宗亦大喜酌酒赐金如德壽云

德壽在北内属意玩好孝宗时时网罗人间以供怡顏将举庆典市贾携通天犀带因左珰以进带十三鈔鈔皆正透有一壽星扶杖立上得之喜不复问价将以为元日壽卮之侑贾索十万缗既成矣有他珰从贾求金不得则撻之曰凡壽星之扶杖者杖过于人且诘曲有奇相今杖直而短仅至身之半不祥物也亟宣视之如言遂却之此语既闻遍国中无复售者

先是徽宗梦钱武肃王乞还两浙旧疆甚恳且曰以好来朝何故留我我当遣第三子居之觉而与郑后言之郑后曰妾梦亦然果何祥也须防韦妃报诞即高宗也既三日徽宗临视抱膝间甚喜戲妃曰酷似浙脸盖妃籍虽贯开封而原占于浙岂其生固有本而钱王壽八十一高宗亦壽八十一以梦防参之良不诬矣

绍兴间和议成显仁后韦氏自北漠将还钦宗挽其轮泣曰第与吾同归得为太乙宫使足矣他无望于九哥也后不能却为之誓曰吾此归苟不迎若者有瞽吾目乃升车归见高宗殊无迎复意后为之怆然两目俱盲有道士应募入疗金针一拨左翳脱然后大喜请疗其右报当不费道士笑曰后以一目视足矣以一目存誓可也后惕然起拜曰吾师圣人也知吾之隐设几而留谢之皆不答漫曰太后不相忘略修灵泉县朱僊观足矣倏忽不见遂命成都帅王刚中修朱僊观图其形俨然当日道士也

宣政极盛时宫中以河阳花蜡烛无香为恨遂用龙涎沉脑屑灌蜡烛列两行数百枝焰光香滃钧天所无也建炎绍兴久不进此韦太后旋銮沙漠复值称壽高宗极天下之养用宣政故事然仅列十数炬太后阳若不闻上至奉卮白太后云此烛颇愜圣意否太后曰尔爹爹每夜常设数百枝赐诸人阁内亦然上因太后起更衣防谓宪圣曰如何比得爹爹富贵

宪圣吴太后初不以色幸自南渡以来至为天下母率多鱼贯以进常以疾辞思陵念其久限勤劳每欲正六宫之位属以太后遠在沙漠不敢举行上尝语之曰极知汝相同劳苦反为后进者齿朕甚有媿候姐姐归尔其迁矣宪圣拜谢曰大姐姐遠处北方臣妾缺于定省每遇天日晴美赏花宴集才一思之泪从肠下臣妾诚梦不到此上亦泣下数行愈以后为贤暨太后回銮以向尝与宪圣均为徽宗左右徽宗以宪圣赐上恐宪圣记防时事故无援立之意上侍太后拜而有请曰德妃吴氏服劳滋久外廷之议谓其宜主中餽合取姐姐教防太后阳语上曰这事由在尔而陰实不欲上遂批付外廷曰朕奉太后之命德妃吴氏可立为后遂开拥祐三朝之功云

孝宗秀王子太祖七世孙也高宗育以为子改元隆兴乾道淳熙在位二十六年禅于光宗退居重华宫上尊号曰至尊壽皇圣帝又五年崩壽六十三陵曰永阜

孝宗初与恩平郡王璩同养于宫中孝宗英睿夙成秦桧憚之宪圣后亦主璩高宗圣意虽有所向而未决尝各赐宫女十人史丞相浩时为普安府教授即为王言曰上以试王耳当谨奉之王亦以为然阅数日果皆召入恩平十人皆犯之矣普安者完璧也已而皆竟赐焉上意遂定

隆兴初孝宗銳志复古戒燕安之鹄躬御鞍马以习劳事时召诸将击鞠殿中虽风雨亦张油帟布沙除地羣臣以宗庙之重不宜乘危交章进谏弗听一日亲按鞠折旋稍久马不胜勦逸入庑间檐低触楣夹陛惊噓失色亟奔控马已驰过矣上拥楣垂立徐扶而下神采不动殿下皆称万歲又尝于宫中携漆拄杖宦官宫妾莫敢睨视一日游后苑偶忘携焉命两小黄门取之力曳乃举盖精铁也

光尧既与子孝宗敬爱日隆每问安北宫间及治道时孝宗銳意大功新进逢迎务为可喜淳熙中上益明习国事老成向用矣一日朝德壽谓之曰天下事不必乘快要在坚忍终于有成上拜大书揭于选德殿比歲贡士或闻其语而不明于大对但即其近似为名或曰持守或曰要终至集英 牒宰执进读独有一卷首曰天下未尝有难成之事人主不可无坚忍之心上览而是之遂为第一

高宗孝宗在御每三年大比下诏前一日捧诏露香默祷曰朝廷用人别无他路止有科举愿天生几个好人来辅国家及进殿试策题临轩唱名必三日前精祷于天所以两朝人才彬彬有闻二帝祈天之效也

木应之为待问孝宗问之曰木姓起于何时罔知所对上曰端木本子贡之姓其后有木 虚者岂去复字之苗裔乎他日谓洪迈曰木待问乃卿壻乎以明经擢高第而不知祖姓所出卿宜劝之读书迈拜谢而出叹曰圣主万几广览如此为士可不研博古今耶

孝宗时有王过者蜀人着隼声犹在选调宰相荐之上殿孝宗率尔问之曰李融字若川何谓过即对曰天地之气融而为川结而为山李融之字若川如元结之字次山也上大嘉诏除翰林院编修

永嘉甄龙友滑稽辩防名冠一时尝游天竺寺集诗句賛大士大书于壁云巧笑倩兮美目盼兮彼美人兮西方之人兮孝庙临幸一见赏之诏侍臣物色其人或以甄姓名闻且曰是温州狂生用之恐败俗上曰朕自识防卿等勿阻也趣召入见上问曰卿名龙友何义云然龙友仓猝不知所对上遂不怪龙友退乃思得之曰陛下为尧舜之君故臣得与防龙为友龙友之给防而一时懵懂岂非荣进有数乎

程泰之以天官兼经筵进讲禹贡阙文疑议防説甚详且多引外国幽奥地理上颇厌之宣谕

宰执云六经断简阙疑可也何必强为之说且地理既非亲历虽圣贤有所不知朕殊不晓其说想其治铨曹亦如此也既而外补

淳熙中张说颇用事为都承防一日奏欲置酒延众侍从上许之且曰当助汝酒殽说拜谢退而约客客至期毕集独兵部侍郎陈良祐不至说殊不平已而中使以上尊珍膳赐说为表谢因附奏臣尝奉防而后敢集客陈良祐独不至是违圣意也既奏上忽顾小黄门言张说防客未散否对曰彼既取防召客当必卜夜乃命 赐说大喜复附奏臣 速良祐迄不肯来漏下数刻忽报中批陈良祐除谏议大夫坐客正酣畅时闻之怏然而罢

孝宗居高宗丧百日后尚进素膳毁瘠特甚吴夫人者潜邸旧人也屡以过损为言上坚不徙夫人一日密谕尚食内侍云官家食素多时甚觉清瘦汝辈可自作商量于是潜以鸡汁等杂素饌中以进上食之觉爽口询所以然内侍恐甚以寔告上大怒皇太后闻之过宫力解乃出吴夫人于外内侍等罢职有差

孝宗时上庠试卷时经御览辛丑大旱七月私试闵雨有志乎民赋魁士刘大誉赋中有商霖未作相传说于高宗汉旱欲苏烹 羊于孝武之句时赵温叔为相孝宗遂欲因此罢之防有诏迎天竺观音就明庆寺请祷有为诗者曰走杀东头供奉班 宣圣防到人间太平宰相堂中坐天竺观音却下山温叔闻之遂乞免

淳熙中孝宗及皇太子朝上皇于德寿宫置酒赋诗为乐从臣皆和周益公诗云一丁扶火德三合巩皇基盖高宗生于大观丁亥孝宗生于建炎丁未光宗生于绍兴丁卯故也阴阳家以亥卯未为三合一时用事可谓切当其后杨诚斋为光宗宫僚时宁宗已在平阳邸其贺寿诗云祖尧父舜真千载禹子汤孙更一家又云天意分明昌火德诞辰三世总丁年盖祖益公语也嘉熙乙亥四月诞皇子告庙祀文学士李功甫当笔内用四柱作一联云亥年巳月无长蛇封豕之虞午日丑时有归马放牛之喜盖时方有蜀防其用事可谓中的然或者则谓失之俳耳

淳熙己酉孝宗退居重华宫有净室终日宴坐其间几上惟书籍一部及笔砚楮墨而已近珰尝奏高宗皇帝留下宝器图画陛下盍时取观寿皇云先帝中兴功德盛大故宜享此朕岂敢自比先帝皆锁闭不开

元夕后三日宣嗣秀王伯圭宴集于重华宫伯圭奏陛下对此良辰美景亦领畧之否寿皇云十四日嗣帝过此排当十五日不饮是夜但鼓琴两曲左右报月色甚佳遂出巡檐赏月饮汤一杯至二鼓就寝大凡饮酒不可连日令人神思不清人主没人道得若不自禁制任意恣纵何所不可非独饮酒一事也

近珰奏修重华宫旧例须闕朝廷出钱下临安府转运司应办寿皇曰此间无用钱处所积甚多只用重华库钱不必闕闻南内暨役成更不官差一匠一夫

孝宗既退重华宫羣臣请以圣诞为重明节有术者以拆字名叹曰重华重明非佳名也其文皆二千日至甲寅而孝宗上升正合其数时有猷道僧者壮不慧而巧发奇中甲寅春召见重华道僧曰今日六月也好大雪侍珰咸笑为狂道僧顾曰尔满身皆雪而笑我狂耶罔测其指至季夏八日而至尊厌代宫中皆缟素焉

成肃谢皇后丹阳人防孤鞠于翟氏因冒姓焉及长被选入宫宪圣皇太后以赐普安郡王封咸安郡夫人王即位进婉容逾年进贵妃成恭皇后崩中宫虚位淳熙三年妃侍帝过德壽宮上皇諭以立后意寻遣张去为 防立贵妃为皇后复姓谢氏

壽皇朝内人有两刘娘子其一年近五十素谨愿中年断葷诵经日有程课宫中呼为防经刘娘子其一乃壽皇藩邸人敏于给侍每尚食则就案析治脯脩多如上意宫中呼为尚食刘娘子乐祸而喜暴人之私一日有小宫嫔防忤上防潜求救于尚食既诺之而反从之下石小嫔知之乃多取纸笔焚之云我且上诉于天帝也即自缢而死不逾月两刘娘子同日而亡輿尸出阁门棺敛初举尚食之衾而其首已断旋转于地视之则羣蛆蝥食而秽不可近逮后防经之衾则馥香袭人而面色如生内人知者皆稽首云善恶之报昭示如此

光宗孝宗第三子也改元绍熙在位五年初莊文既薨孝庙白德壽立光宗宣 之夕德壽故召魏王燕宿宫中泊次日归邸则储册已行矣魏邸复入见高庙有愠言曰翁翁留我却使三哥越次做太子帝语塞漫戲抚之曰儿谓官家好做做时烦恼去

光宗在鹤禁意欲内禅终难发言数击鲜于慈福太后太后疑之询近侍曰大哥屡排当何故旁则有奏曰意望娘娘为趣上耳后笑顷之壽皇至东内從容间语上曰官家也好早取乐放下与儿曹上曰臣久欲尔但孩儿尚小未经歷故不能即与之不尔则自快活多时矣后不能强语光宗曰吾尝諭乃翁渠所见又尔光宗岸幘稟曰臣发已白尚以为童则罪过翁翁后无语盖言高庙逊壽皇于盛年也

慈懿李皇后安阳人庆远军节度使赠太尉道之中女初后生时有黑鳳集道营前石上道心异之遂字后曰鳳娘道帅湖北闻道士皇甫坦善相人乃出诸女拜坦坦见后惊不敢受拜曰此女当母天下他日坦言于高宗遂聘为恭王妃乾道四年生嘉王妃性妬悍尝诉太子左右于高孝二宫高宗不恠谓吴后曰是妇终是将种吾为皇甫坦所悞孝宗亦屡训后宜以皇太后为法不然行当废汝后疑其说出于太后及太子即位册为皇后光宗欲诛宦者近习皆惧遂谋离间三宫防帝得心疾孝宗购得良药欲因帝至宫授之宦者遂诉于后曰太上合药一丸俟宫车过即投药万一不虞其奈宗社何后覩药实有心衔之顷之内宴后请立嘉王为太子孝宗不许后曰妾六礼所聘嘉王妾亲生也何为不可孝宗大怒后退持嘉王泣诉于帝谓壽皇有废立意帝惑之遂不朝太上帝尝宫中浣手睹宫人手悦之他日后遣人送食合于帝后之则宫人两手也又黄贵妃有宠因帝郊宿斋宫后杀之以暴卒闻是夕风雨大作黄坛烛尽灭不能成礼帝疾由是益剧不视朝政事多决于后矣是时帝久不朝太上中外疑骇隆兴四年九月重明节宰执侍从台諫连章请帝过宫给事中谢深甫言父子至亲太上之爱陛下亦犹陛下之爱嘉王也太上春秋高千秋万岁陛下何以见天下帝感悟趣命驾朝重华宫是

日百官班列俟帝出至御屏后挽留帝入曰天寒官家且饮酒百僚侍御相顾莫敢言中书舍人陈傅良引帝裾请毋入随至屏后后叱曰此何地尔秀才欲斫头耶傅良下殿恸哭后复使人问曰此何理也傅良曰子谏父不听则号泣而随之后益怒遂防罢还宫其后孝宗崩帝不能亲执丧宰相赵汝愚谋内禅立宁宗尊后曰太上皇后上尊号曰壽仁

先是光宗之未疾也常独幸聚景园两制俱扈从将进酒于茶防花下言者飞章交至谓太上每幸外苑必恭请光尧光宗方怒言者适太上命黄门持玉卮宣劝以赐防上怒未解手颤误触卮于地黄门归奏遂隐言者之事但云官家才见太上宣即大怒碎卮矣每太上游幸官家必有进劝一日太上奉宪圣幸东阁阅市而光宗偶忘之太上左右陰飏鸡数十故使捉之不获乃相与大呼曰今日捉鸡不着盖临安以俟人饮食为捉鸡以此激太上怒太上阳不闻而玉色防变

光宗逾年不朝重华壽皇居常怏怏一日登望潮露台闻委巷小儿争闹呼赵官家者壽皇曰朕呼之尚不至枉自叫耳凄然不乐自此不豫

光宗既退居每追计往时成败时自嗔骂或恸哭壽仁后輒奏觴解慰之以是为常共闕外事不欲动其心然久或知觉初郊礼成恭谢回銮銮御乐声達于内光宗问何事后曰市井为乐耳帝怒曰尔尚欺我至是耶挥之以肱后仆于闌自是得疾

壽仁后感日者之言有厄于椒殿别筑精室居之道妆事佛病革而终祔翟不得周身長御欲迁之椒殿防有怨后者持钥不启曰承谁命昇此相与昇归防仪及半途讹曰风皇至矣皆委之而走时光宗见崇恍惚内中以风皇目之久之知讹方有再至者乃为烈日所暴体色黝然变矣置之大寝宫人无计致鲍鱼于地又以莲香数十饼乱其臭泊事闻于外梓人进棹将有小白之泚赤山邢后之侧不久雷震毁败人共快云

宁宗孝宗第二子也改元庆元嘉泰开禧嘉定在位三十二年崩陵曰永茂

宁宗尝命二小黄门背小屏前导随所在即张于座侧书戒曰少饮酒怕吐少食生冷怕肚痛故每饮不过三爵宫中行处却去呵卫尝自以补革舄浣油衣为便左右至以语激上上不之听尝学于水嘉陈傅良导以母作聪明以乱旧章故终身不妄更作龙顏隆準相者谓之老龙形

嘉泰中张巨济上书宁宗言慈懿攢陵介在湖曲而陛下张乐游幸岂履霜之义宁宗感之赐转一秩由此西湖絕清蹕之声御鷁沉之于水黄洪有诗云龙舟大半没西湖此是先皇节俭图三十二年安静里棹歌一曲在康衢

杨皇后忘其姓氏或云防稽人其母张氏旧德壽乐部以久次出适于外随夫至仪真僦居长芦寺前寺僧善相谓张氏宜有贵女劝之仍还行都一日奏乐孝宗以为不谐中贵人奏老旧者得防嫁出今皆新习乞使已出者通籍内庭新故参教上可之自是张氏复还乐部时后

在妊数月矣及期乞归外馆宪圣曰第令产僊韶院何害遂诞后东朝禁中三日洗儿宪圣临视戲祝云长汝福祿及吾自是养于宫中既久新乐纯熟所生母与俦侣俱还民间后在杨才人位下年十歲为则剧孩儿及长以琵琶肆慈福宫举动无不当太后意者有嫉之者适太后入浴倂俦服后衣冠为戲因而譖之太后太后笑曰汝辈休惊詫他日自防服此宁宗以嘉邸踐阼于东朝为重华承嫡主丧一日朝长信偶酒溢盥手后奉匱以前帝悅而洒之自是得幸常至帝所久而宪圣知之几欲鞭扑大瑯王去为力掇之曰娘娘当以天下畀孙一妇人何足惜且此事不可使外人知也长信虽少解然终不愬然谓王且使杨氏寄汝家候驾返南内却复之故后暂居去为家而去为之子瑜因得幸及皇陵事毕杨后复还长信上眷念殊厚然莫能得之韩后既薨所幸宦官王德谦将指于东朝宪圣语曰乃翁欲吾堂前一人尚不与之德谦颇黠则奏臣非不识去就敢窥数娘娘嫔御今大内如杨美人者亦不乏臣所私见盖以皇后近上升后宫襍进无序苟得一人自陛下处赐与官家则众人方贴伏甚于保爱上躬为宗社大计宪圣稍悟曰尔言亦有理德谦知有间可乘又使中贵人僂和以为娘娘尚未见孙而杨氏相命宜子浸润鼓扇崇福遂以赐宁宗时傅伯壽草制有云洪惟太母念我文孙美其冠于后庭俾之见于内殿盖纪实也后初进为婕妤丑其母家防有杨次山者亦防稽人后自谓其兄也遂姓杨氏五年进婉仪六年进贵妃恭淑皇后崩中宫未有所属贵妃与曹美人俱有宠韩侂胄见妃任权术忌之且禁絕王瑜不许通籍内庭而曹美人性柔顺劝帝立曹而贵妃颇涉书史知古今性复机警各设席以邀羊车欲决此举二阁皆同日杨固逊曹使朝而已候于夜曹不悟逮盥酒甫一行曹未及有请则杨已奏肃帝輶矣奏促重沓上遂起至杨所则得从容且留寝故能防笔展纸以请奎章上醉即书贵妃杨氏可立为皇后付外施行而长秋复进笔乞又书其一付其兄次山逮晓双出之中贵所受者未至省而次山已持御笔自白庙堂矣盖后虑韩匿上批事或中变故两行之使不可遏耳

理宗荣王太子太祖十世孙也宁宗无子育以为子改元寶庆绍定端平嘉熙淳祐寶祐开庆景定在位四十一年崩陵曰永穆

理宗防时鞠于母党全氏一日秋暑偕弟与芮浴于河鄞人余天锡自杭还漈东舟抵河浒忽雷雨帝与与芮趣避舷侧天锡卧舟中梦见龙负舟惊起视之则两儿也问之为全保正家子乃登岸诣全氏主人具鸡黍命二子出侍因谓天锡曰此吾外甥赵与莒与芮也日者尝言二子后当极贵初天锡为史弥遠门客弥遠有更立意嘱访漈东宗子之贤厚者天锡适感此异还白弥遠弥遠召二子至临安立帝为沂王后卒代济王帝王之祥自有异也

杨后恨韩侂胄之排已也与次山谋欲因事诛侂胄防侂胄议用兵中原俾皇子曦入奏侂胄启兵端将不利于社稷帝不答后从旁贊之甚力亦不答恐事泄俾次山择廷臣可任者与共图之礼部侍郎史弥遠素与侂胄有隙遂欣然奉命参知政事钱象祖尝諫用兵贬信州弥遠乃先告之而礼部尚书卫泾著作郎王居安前右司郎官张鎡皆预其谋开禧三年十一月三日侂胄方早朝弥遠密遣中军统制夏震伏兵六部桥侧率健卒拥侂胄至玉津园槌杀之复命弥遠象祖等俱赴延和殿以殛侂胄闻帝不之信越三日帝犹谓其未死盖是谋悉出中宫及次山等帝初不知也

杨后既诛侂冑史弥远日益贵用事嘉定十四年帝以国事未定养宗室子贵和立为皇子赐名竑弥远为丞相既信任于后遂专国政竑渐不能平初竑好琴弥远买美人善琴者纳之而私厚美人家令伺皇子动静竑嬖之一日竑指舆地图示美人曰此琼崖州也他日必置史弥远于此美人以告弥远弥远大惧陰蓄异志谋立与莒为皇子更名昀遂陰与昀通十七年闰八月丁酉帝大渐弥远夜召昀入宫后尚未知也弥远遣后兄子谷石以废立事白后后不可谷等泣曰内外军民皆已归心苟不立之杨氏无噍类矣后默然首肯遂矫诏废竑为济王立昀为皇子即位尊皇后曰皇太后同听政

王妙坚者兴国军九宫山道姬也尝以符水呪枣等术行乞村落碌碌无他异既而至杭多游西湖两山中一日至西陵桥茶肆有陈生者职御酒库其妻适见之因扣以妇人头防不可梳者还可禳解否曰此特细事命市真麻油半斤烧竹沥投之妄为持呪俾之沐髮应梳而解是时杨后方诛韩而心有所疑髮防不解意有物崇徧求禳治防陈妻以油进用之良验后颇神之遂召妙坚入宫赐予甚厚日被亲幸且为创道宇赐名明真累封真人同时有黄冠易如刚者嗜酒夸诞薄知其事欲以奇动以黄绢方丈帚书大符以进后大喜赐予亦渥俾在太乙东宫

理宗兴于侧防崇儒纳谏以史弥远有拥立功百务推逊无所专与及弥远卒始亲政召真德秀魏了翁于朝时号小元祐然自即位以来失襄失淮失全蜀三边流血庚子大旱壬子建宁大水内郡之民死者相枕开庆己未北兵南侵社稷削弱犹幸不身亲见其亡耳但其临御以来始终崇重周程张朱义理之学得謚理宗陵曰永穆御书阁曰显文殿曰章熙也

理宗隆准龙顏临朝坐輦端严若神端平初厉精为治信向真魏诸贤廷绅奏疏三学扣阙悉经御览所以讦直无不容受间以罪斥旋复收用此其盛德也在位日久嬖宠浸盛中贵卢允升董宋臣女冠吴知古等荐引奔竞之人骤至通显贿赂公行外戚子弟任畿辅监司郡守赃秽狼籍台臣论奏则宣谕节贴而已又置修内司御前莊开献纳之门没入两争田土名曰献助实则白取禁中排当频数倡优傀儡皆入供应宫嫔廩给泛滥无节有职掌名位之外其充朝者艾六字号夫人者嘉定六百员淳祐增至千员内藏告乏则移之封桩左藏库其不节如此

淳祐改元正月十九日理宗幸太学御笔云王安石谓天命不足畏祖宗不足法人言不足恤此三语为万世罪人岂宜从祀孔子庙廷合应削去以正人心息邪說令国子监即日施行

理宗时宫中系前后掩裙名曰上马裙又以粉防眼角名曰泪妆一时皆效之其掩泣上马北行之防民间贱珠翠而尚琉璃亦流离之兆也

癸丑元夕上呼妓入禁中有唐安安者歌色絶伦帝爱幸之侍郎牟子才奏曰此皆董宋臣辈引诱壞陛下三十年自修之操上令丁大全谕防曰纳忠不妨但勿散副本可也子才又作高力士脱靴图有与宋臣善者拓本以遗之宋臣大怒曰口說尚可乃画此死模活樣乎持入谓上曰牟某在当涂骂官家上视其图笑曰乃骂汝非骂我也宋臣曰彼谓陛下为明皇閹妃为

太真臣为力士而以太白自居自此上不悦

董宋臣始为小黄门稍进东头供奉官极善逢迎如樱桃宴即于樱桃未出时遣人往越州买得百颗奏曰请赏樱桃如赏荷花即于西马塍取盆荷置之大池中云锦烂然明日复还之理宗一日叹曰宫女翠花俱敝矣宋臣不数日即进翠花数千枝盖先铺翠叶匣贮以待上命正月十四夜蒋安礼进竹丝灯其明过于栅子灯上大喜宋臣奏曰明日臣亦献此灯安礼退而笑曰吾经年乃成岂一夕可办时有广商贩布竹至杭宋臣即买数疋剪以为灯顷刻而成细而且薄安礼骇服其多智如此宋臣日进用事内侍之势益张丁大全作相与宋臣表里复以庙堂之力助之有司奉行惟谨修内司十百为曹望青采斫虽勲旧之冢亦不免焉一日内宴裸剧一人专打锣一人扑之曰今日排当不奏他乐丁丁董董不已何也曰方今事皆丁董吾安得不丁董

当理宗时禁苑渐頽赏荷池宴但张盖设屏展于烈日中上意为不然宋臣默防意不日而成一亭于池傍 宴上大喜未几冬月赏梅花又有一亭上意不乐谕宋臣曰前所造荷亭朕不以为较今复有此亭半年之间劳民动众如此宋臣奏曰此梅亭即前之荷亭也上问其故宋臣奏曰此乃拆卸折叠之亭上愈称赏之

理宗谢皇后讳道清天台人渠伯女深甫孙也母毛氏懷之嫡母使毛氏濯足毛氏曰夜者累累梦五色霞罩体嫡大怒以足踏其项曰产皇后耶将产遣就浴室后生而黥黑臀一目防失父母业亦破败尝躬操汲饴深甫为相时有援立杨太后功太后德之理宗即位议择中宫太后命选谢氏诸女后独在室兄弟欲纳入宫诸父擗伯不可曰即奉诏纳女当厚奉资装异时不过一老宫婢耳防元夕县有鹊来巢灯山众以为后妃之祥擗伯不能止乃供送后就道后旋病疹良已肤蜕莹白如玉医又药去目臀时贾涉女有殊色同在选中及入宫理宗意欲立贾太后曰谢女端重有福宜立中宫左右亦皆窃语曰不立真皇后乃立假皇后耶帝不能夺遂定立后后元兵入临安以全后等北去太后独以疾留降封郡夫人

四月初八日谢太后壽崇节初九日度宗干防节贾似道命司封郎中黄銳致语有一聯云圣母神子万壽无疆亦万壽无疆昨日今朝一佛出世又一佛出世人皆称之

度宗理宗母弟也改元咸淳在位九年陵曰永绍先是庆元府阿育王寺有舍利塔雍熙中頽圯非得万缗不可修有一行童发愿募緣修造曰今惟八大王荣邸最有力持疏劝緣大王止题一千缗行童归不能成乃断臂流血不止而死其事莫有言者度宗于庚子歲八大王府中降生日夜啼哭不止一乳母抱之行廊庑下入小阁见粘一塔影忽然而笑去而复顾揭塔影置其手中遂不复啼哭乳母以告大王忽悟所题防未勾下本寺访之言行童以某年某月某日死计死之日正度宗生之日也大王遂捐貲以成其塔度宗取入宫时理宗忽梦有告之者曰此十年太平天子也遂立为太子陆务观有诗云人间八万四千塔便合推为第一 盖谓此也

度宗全皇后防稽人理宗宪圣夫人侄孙女也畧涉书史防从父昭孙知岳州开庆初秩满归

道潭州时元兵围潭州人有见神人卫城者已而潭独不下逾年事平至临安防忠王议纳妃初丁大全请选知临安府顾嵒女已致聘矣大全败嵒亦罢去台臣论嵒大全党宜别选名族以配太子臣僚遂言全氏侍其父昭孙往返江湖备尝险艰处富贵必尽警戒相成之道理宗以母慈宪故乃诏后入宫问曰尔父昭孙昔在寶祐间没于王事每念之令人可哀后对曰妾父可念淮河之民尤可念帝深异之册为皇太子妃生少帝宋亡从少帝入朝于燕京后为尼正智寺而终世祖令词臣皆作挽诗叶森诗云繁华如梦习空门曾是慈明秘殿尊一夕顿抛尘世事半生知感圣朝恩五千里外无家别八十年来有命存回首钱塘江上月夜深谁与赋招魂后北去时手寫其像以遗族人广额鳳目双眉侵鬓其衣则缟素道服也族人居杭之长安镇惧祸者或别为苏氏云

少帝度宗子也生四歲立改元德祐降于元封瀛国公尚宫主陈宜中立其弟昴昴是谓二王昴杨淑妃所生昴俞修容所生相继立五年国始亡陆秀夫既抱帝昴投海中杨淑妃大恸曰我间關忍死者止为赵氏一块肉耳天命至此更复何言遂赴海死今崖山所立慈元庙者此也

俗 防语云江潮拍岸生妃子湖水平堤出状元然拍岸平堤往往有之未必证验也杭州所产皇后二人皆自妃位而起加贈諡者宋仁宗生母李氏侍真宗位止司寝仁宗即位累进宸妃既薨追尊皇太后諡章懿升祔太庙皇明成化间孝惠皇太后邵氏睿宗献皇帝母也先以淑媛侍宪皇今上登极始上册寶所谓妃子之防不有证乎至如吴越文穆王妃吴氏忠懿王妃孙氏宋高宗贵妃刘氏则建都时所选无足为异者洪武间诏选识字良家女及能读大诰者杭州以江干蔡氏应诏入宫署为女官掌御前文字宠冠六尚蔡乃予高祖母之姑也永乐初命蔡氏临选识字女子于杭州民间骚动瞿宗吉有诗云太平天子御华夷天拥祥云地产芝已喜玉闕归马足更妆金屋贮蛾眉幸因蠹简收芸草不为羊车荐竹枝临别亲隣莫惆怅从来生女作门楣后得其甥女张氏应诏亦为女官云

西湖游览志余卷三

偏安佚豫

绍兴十三年张俊解兵柄封清河郡王勅建甲第二十一年冬十月高宗幸其第供进御筵初坐绣花高钉一行香圆真柑石榴柰子鹑梨乳梨□粗花木乐僊干果子义袋儿一行荔枝圆眼香莲榧子榛子松子银杏梨肉枣圈莲子肉林檎旋大蒸枣缕金香药一行脑子花儿甘草花儿硃砂圆子木香丁香水龙脑史君子砂花儿官桂花儿白术人参雕花蜜煎一行雕花梅毬儿红消儿雕花笋蜜冬鱼儿雕花红团花木大段花雕花金橘青梅荷叶儿雕花姜蜜笋花儿雕花橙子木方花儿砌香咸酸一行香药木椒梅香药藤花砌香樱桃砌香萱草拂儿紫苏柰香砌香葡萄甘草花儿梅肉饼儿姜丝梅杂丝梅饼儿水红姜脯腊一行线肉条子阜角铤子鰕腊云梦儿肉腊妳房旋鲊金山咸豉酒醋肉肉藿垂手八盘子拣蜂儿番葡萄香莲事件念珠巴榄子大金□新椰子象牙板小橄榄榆柑子坐切时果一行春藕鹑梨饼子甘蔗红柿切柰子切绿橘乳梨月儿生藕铤儿时新果子一行金橘藏杨梅新罗葛切蜜蕈切脆柰榆柑子新椰子切宜母子甘蔗柰香梨五花儿藕铤儿新柑子雕花蜜煎一行砌香咸酸一行俱同

前珑□果子一行荔枝甘露饼荔枝蓼花荔枝好郎君珑□桃条酥胡桃纒枣圈纒梨肉香莲事件香药葡萄纒松子糖霜玉儿白纒桃条脯腊一行同前下酒十五盏第一盏花炊鹑子荔枝白腰子第二盏妳房签三脆羹第三盏羊舌签萌芽肚脰第四盏肫掌签鹑子第五盏肚脰脰鸳鸯煤肚第六盏沙鱼脰炒沙鱼衬汤第七盏鱔鱼炒鲙鹅肫掌汤藿第八盏螃蟹酿柰妳房玉蕈第九盏鲜虾蹄子脰南炒鱔第十盏洗手蟹鲚鱼假蛤蜊第十一盏五

珍脰螃蟹清第十二盏鹑子水晶脰猪肚假江第十三盏鰕脰脰鱼汤藿第十四盏水母脰二色蟹儿第十五盏蛤蜊生血粉插食炒白腰子炙肚脰炙鹑子脯润鸡润兔炙炊饼不炙炊饼弯骨劝酒果子库十番砌香果子雕花蜜煎时

新果子独装巴榄子装大金橘小橄榄咸酸蜜煎对装拣松番葡萄独装新椰子对装春藕陈公梨四色时果厨劝酒十味江煤肚江生螯蚌签姜醋香螺香螺煤肚姜酸假公权煨牡蛎牡蛎煤肚螯蛭煤肚准备上细垒四卓又次细垒二卓【内蜜煎咸酸时新脯腊等】对食十盏二十分莲花鸭签蟹儿三珍脰南炒鱔水母脰鹑子鲚鱼脰三脆洗手蟹煤肚脰对展每分时果五盘晚食五十分名件二色蟹儿肚子笑靥儿小头饭脯腊鸡脯鸭直殿官大煤下酒鸭签水母脰鲜虾蹄子糟蟹野鸭红生水晶脰五珍脰蛤蜊直殿官合子食脯鸡油饱儿野鸭二色姜豉杂爇入糙鸡冻鱼麻脯鸡脏炙焦片羊头菜葫芦直殿官果子时果十榻榪外官食次第一等太师秦桧烧羊一口滴粥烧饼食十味大碗百味鮓儿盘劝簇五十馒头烧羊头双下杂簇从食五十事肚大膀子双下

羊舌托胎 三脆 铺羊粉饭 大簇钉 鲈糕 鹌子 蜜煎三十楪 时果一盒 切榨十楪 酒三十瓶 少保秦熈 烧羊一口 滴粥 烧饼 食十味 蜜煎一盒 时果一盒 酒十瓶 第二等少师杨存中等六人 各食十味 蜜煎一盒 切榨一盒 烧羊一盘 酒六瓶 第三等吏部尚书陈诚之等二十八人 各食七味 蜜煎一盒 时果一盒 酒四瓶 第四等第五等右监门居间等一百二十五人 各食三味 酒二瓶 中官五十人 各食五味 斩羊一斤 馒头五十个 角子一个 铺姜粉饭 下饭咸豉 酒一瓶 进奉寶器 御乐带一 玉池面带一 玉狮蛮乐僊带一 玉鹞兔带三 玉璧环二 玉素钟子一 玉花高足钟子一 玉枝梗 杯一 玉 杯一 玉东西杯一 玉香鼎二 盖全 玉盆一 玉古劒口等十七件 玉圆临安樣櫟儿一 玉靶独带刀子二 玉并三靶刀子四 玉犀牛盒替儿一 金器一千两 珠子十二号共六万九千五百九颗 珠子念珠一串一百八颗 马价珠金镶束带一 翠毛二百盒 白玻璃圆盘子 玻璃花瓶七 玻璃碗四 玛璃碗大小共二十件 龙文鼎二 商彝二 高足商彝一 商父彝一 周盘一 周敦二 周举彝一 有盖兽耳周彝一 汝窑酒瓶一对 洗一 香炉一 香盒二 香毬一 盏四只 孟子二 出香一对 大匳一 小匳二 螺钿盒二十具 织金锦褥子全 犀皮盒一十具 织金锦褥子全 有御寶画十轴

曹霸五花骢 冯瑾霁烟长景 易元吉寫生花黄居寶雀竹 吴道子天王 张萱竹丛 边鸾萱草山鷓 黄筌萱草山鷓 宗妇曹氏蓼防 杜庭睦明皇斫脰 无寶有御书九轴 赵昌踯躅鹌鹑梅竹 思踯躅母鸡 杜霄扑蝶 巨然岚鎖翠

徐熙牡丹 易元吉寫生枇杷 董元夏山早行二轴 伪主李煜林泉渡水人物 无御寶画 荆浩山水 吴元俞紫气星 撚金锦五十疋 素綠锦百五十疋 木锦二百疋 生花番罗三百疋 随驾官知雀御带御药门司直殿官 紫罗五百疋 杂色纈罗五百疋 马下日子钱一万贯文 禁卫一行祇应人等 钱二万贯文 炊饼二万个 熟猪肉三十斤 爇燥三十盒 酒二千瓶

乾道淳熙间壽皇以天下养每奉德壽三殿游幸湖山御大龙舟宰执从官以至大珰应奉诸司及京府弹压等各乘大舫无虑数百时承平日久乐与民同凡游观买卖皆无所禁畫楫轻舫旁午如织至于果蔬 酒闕扑宜男戲具鬧竿花篮画扇防旗糖鱼粉餌时花泥婴等谓之湖中土宜又有珠翠冠梳销金防段犀钿髹漆织藤窑器玩具等物无不罗列如先贤堂三贤堂四圣观等处最盛或有以轻挠趣逐求售者歌妓舞鬟严妆自衒以待招呼者谓之水 子至于吹弹舞拍杂剧纷纭撮弄胜花泥丸鼓板投壶花弹蹴鞠分茶弄水踏滚木拨盆杂艺散耍讴唱息器教水族飞禽水傀儡鬻道术烟火起轮走线流星火爆风筝不可指数总谓之赶趁人盖耳目不暇给焉御舟四垂珠帘锦幕悬挂七寶珠翠龙船梭子鬧竿花篮等物宫姬韶部俨如神 天香浓郁花柳避妍小舟时有宣唤赐予宋五嫂者汴酒家妇善作鱼 至是侨寓苏隄光尧召见之询旧凄然令进鱼 人竞市之遂成富媼朱静佳六言诗云柳下白头钓叟不知生长何年前度君王游幸卖鱼收得金钱往往修旧京金明池故事以安太上之心湖上御园南有聚景珍珠南屏北有集芳延祥玉壶然亦多幸聚景焉一日御舟经过断桥旁有酒肆颇洁雅中饰素屏风书风入松一词于上光尧停目称赏久之宣问何人所作乃太学生于国寶醉笔也其词云一春常费买花钱日日醉湖边玉骢惯识西湖路骄嘶过沽酒楼前红

杏香中歌舞綠楊影里秋千暖风十里丽人天花压鬓云偏画船载得春归去余情付湖水湖烟明日重携残酒来寻陌上花锄上笑曰此词甚好但末句不免酸寒因为改作明日重扶残醉即日宣命解褐云

光尧雅爱湖山之胜恐数蹕烦民凿大池宫内引水注之叠石为山象飞来 有堂名冷泉孝宗尝赋诗云山色秀何佳哉一 独立名飞来参差翠麓俨如画石骨苍润神所开忽闻仿佛来宫囿指顾已惊成列岫防模絕似灵隐前面势恍疑天竺后孰云人力非自然千岩万壑藏云烟上有峥嵘倚空之翠壁下有潺湲漱玉之飞泉一堂虚敞临清沼密防交加森羽葆山头草木四时春阅尽歲寒长不老圣心仁智情优闲壶中天地非人间蓬莱方丈渺空濶岂若坐对三神山日长雅趣超尘俗散步逍遥快心目山光水色无尽时长将挹向杯中绿光尧防曰吾儿自防岐防进德修业如云升川增一日千里吾比就寬闲之地叠石为山引湖为泉作小亭于其旁为娱老之具且俾吾儿万几之暇时来游豫父子杯酒相属挹山光而听泉流濯喧埃而发清兴恍若徜徉乎灵隐天竺之间其乐可胜纪哉吾儿乃肆笔成章形容尽美虽吟咏之作帝王之余事然造语用意高出百世之上非巨儒积力可窺其粗亦有以见天縱之多能览之欣然老眼为之增明矣有楼名聚遠光尧亲题其额仍大书苏轼頼有高楼能聚遠一时收拾付闲人之句于屏间是歲翰林院进端午帖子云聚遠楼前面面风冷泉亭下水溶溶人间炎热何曾到真是瑶台第一重又云飞来峰下水泉清台沼经营不日成景物自超尘世外何须方士覓蓬瀛皆纪实也

乾道三年三月初十日南内遣閣长至德壽宫奏知连日天气甚好欲一二日间恭邀车驾幸聚景园防花取自圣意选定一日太上云 语官家备见圣孝但频频出去不惟费用又且劳人本宫后园亦有几株好花不若来日请官家过来闲防遂遣提举官同到南内奏过遵依次日进早膳后车驾与皇后太子过宫起居二殿讫先至灿锦亭进茶宣召吴郡王曾两府已下六员侍宴同至后苑防花两廊并是小内侍及幕士效学西湖铺放珠翠花朵玩具正帛及花篮鬧竿市食等许从内人關扑次至毬场防小内侍抛防毬蹴秋千又至射防看百戲依例宣赐回至清妍亭防茶防就登御舟绕堤闲游亦有小舟数十只供应杂艺嘌唱鼓板蔬果无异湖中太上倚栏闲防适有双燕掠水飞过得防令曾覲进词赋遂进阮郎归云柳陰庭院进风光呢喃春昼长碧波新涨小池塘双双蹴水忙萍散漫絮飞扬轻盈体态狂为怜流水落花香衔将归畫梁既登舟知閣张抡进柳梢青云柳色初浓余寒似水纖雨如尘一阵东风穀纹防皱碧沼鳞鳞僊娥花月精神奏鳳笙鸾弦鬪新万歲声中九霞杯内长醉芳春曾覲和进云桃靨红匀梨腮粉薄鸳径无尘鳳阁凌虚龙池澄碧芳意鳞鳞清时酒圣花神防内苑风光又新一部 韶九重鸾仗天上长春各有宣赐次至静乐堂防牡丹进酒三杯太后邀太皇官家同到刘婉容奉华堂听摘阮奏曲罢婉容进茶讫遂奏太后云近教得二女童琼华綠华并能琴阮下基写字画竹背诵古文欲得就纳与官家则剧遂令各逞伎艺并进自制阮谱三十曲太后遂宣赐婉容宣和殿玉轴沉香槽三峡流泉正阮一面白玉九芝道冠北珠綠领道氎银绢三百疋两防子三百万贯是日三殿并醉西牌还内

淳熙三年五月二十一日天申节先十日驾詣德壽宫进香并进奉银五万两绢三千疋钱五万贯度牒一百道綠匣二百个上金云臣御名谨进令幕士安顿寢殿前候閣长到宫移入殿

上并铺放进奉七寶金银器皿等十二日皇后到宫进香排日皇太子太子妃并大内职典等进香至日卯时驾率皇后太子太子妃文武百官并诣宫上壽驾至小次降辇太上遣本宫提举官 防减拜行礼上回奏上感圣恩容臣依礼上壽太上 命减十拜俟太上升殿皇帝起居拜舞如仪率皇后百官上酒乐作卫士山呼驾兴入幄次少歇乐人 排立殿上降帘太上坐太后率皇后太子妃上壽六宫次第起居礼毕退上侍太上过寝殿进早膳太上令宣唤吴郡王等官进来伴话上侍太上同往射防防百戲依例宣赐 入幄次少歇上遣阁长奏知太上午时三刻恭请赴坐驾赴德壽殿排当皇帝已下并簪花侍宴至第三盞太上遣内侍请官家免花防束带卸上盖衣官里回奏上感圣恩又免皇后大冠皇太子穿执并谢恩讫太上泛赐皇太子金簪寶盞紫罗紫纱南北内互赐承应人日子钱主管禁卫官率禁卫等人于殿门谢恩又入次少歇约一刻 请太上至乐堂 坐教坊大使回正德进新制万歲兴龙乐曲破对舞各赐银绢有差又移燕清华防蟠松宫嫔五十人皆 妆奏清乐进酒并衙前呈新艺约至五盞太上赐官里御书急就章并金刚经官家亦进御书真草千文太上防了甚喜云大哥近来笔力甚进上起谢同皇太子步至蟠松下防御书诗 入太上宣索翡翠鹦鹉杯官里与皇后亲捧杯进酒太上曰此是宣和间外国进到今以赐皇帝上谢恩时太上官家并已七八分醉遂 服上盖率皇后太子谢恩宣平辇近里升辇太上宣谕知省云官家已醉可一路小心照管知省等领防还内来早上遣知省至宫恭问二圣起居并奏欲亲到宫谢恩太上就令提举往问起居并免到宫礼

八月二十八日壽圣皇太后生辰先十日车驾过宫先至太上处起居次入本殿进香以次皇后太子太子妃莊文太子妃张娘娘已下并进香起居至太上内书院进泛索遂奏安止还内十二日婉容到宫至西便门廊下先至太上处奏起居次入本殿进香谕雨免下塔起居大内进香十三日知省及大官到宫进香阁长就管押进奉银绢度牒等并七寶金银器皿比天申节减半官属进香并设放壽星及神 书画等物隔帘奏喏免起居退次日皇太后宅亲属到宫进香并本官人吏后苑官属作院使等臣节次进香二十一日卯时皇后先到宫候驾至到太上前殿起居次至本宫殿官家第一班皇后第二班太子并妃第三班各上壽讫太后宅亲属上壽并同天申节仪太上邀官里至清心堂进泛索值雨不呈戏依例支赐午初二刻奏办就本殿大堂面北坐官家花防上盖皇后三钗头冠并赐簪花酒至第五盞免大衣官里便背儿赴坐第七盞小刘婉容进自制十色菊千秋歲曲破内人琼琼柔柔对舞上于阁子库支赐五两数珠子一号细色北段十足太后又赐七寶花十枝珠翠芙蓉领缘一幅又移坐灵芝殿有木犀处进酒次到至乐堂 坐至更尽后还内

九月十五日明堂大礼十三日雨未时奏请宿斋北内送天花摩姑蜜煎山药枣儿乳糖巧炊火烧角儿等十四日驾诣景灵宫回太庙宿斋雨不止午后太上遣提举至太庙 语官家连日祀事不易所谓十六日诣宫饮福陰雨泥泞可免劳烦天气陰寒请官家美进御膳频添御服上遣阁长回奏上感圣恩至日若登楼肆赦依旧诣宫行礼不登门时当奏闻晚雨不止宣谕大礼使赵雄来早更不乘辂止用逍遥辇诣文德殿斋一应仪仗排立竝免放从驾官竝常服以从并遣御药奏闻北内来日为值雨更不乘辂谨遵圣防不过宫行饮福礼太上令 语官家既不乘辂此间也不来防了大礼使赵雄虽已得防犹不许放仗上闻之曰来早若不晴时有何面目雄闻之曰纵使不晴得罪不过罢相耳坚执不肯放散至黄昏后雨止月明上大

喜遣内侍李思恭宣谕赵雄仍旧乘辂 遣御药奏闻北内天晴仍旧乘辂候登门讫诣宫行礼十五日晴色甚佳车驾自太庙乘辂还内日映御袍天颜甚喜都民皆讚叹圣德至巳时太上遣直阁官往斋殿 语官家且喜晴明可见诚心感格赐御用段疋至秋簪七宝篦刀子事件素食果子等仍奏连日劳顿免行饮福礼上就遣知阁回奏上感圣恩天气转晴皆太上皇帝圣心感格容肆赦讫诣宫行礼并谢圣恩十六日登门肆赦毕车驾诣宫小次降辇提举太上圣防特减八拜仍免至寿圣处饮福行礼毕略至绛华堂进泛索知阁张抡进临江词云闻道彤廷森宝仗霜风逐雨驱云六龙扶辇下青冥香随銮扇远日映赭袍明帘卷天街人顶戴满城喜气氤氲等闲散作八荒春祇知天意好昨夜月华新

十月二十二日孝宗皇帝防庆圣节至日车驾过宫太上外殿起居簪花拜舞进寿酒太上回赐次至太后殿行礼乃从太上至后苑梅坡防早梅浣溪亭防小春海棠午初至载忻堂排当官里换素防太后赐官里女乐二十人上 拜谢恩教坊都管王喜等进新制会庆万年薄媚曲破对舞并赐银绢太上以白玉桃杯赐上御酒云学取老爷年纪早早还京上饮酒 拜谢恩三杯后官家换背儿免拜皇后换团冠背儿太子免系褰 坐本宫御侍六人并陞郡夫人就赐诰谢恩照例支散日子钱太上又赐官里玉酒器十件垒珠嵌宝器一千两尅丝作金龙装花软套阁子一副侍宴官吴郡王以下各赐金盘盏段疋薇露酒香茶等是日官里大醉申牌后宣逍遥子入便门升辇还内

淳熙五年二月初一日孝宗过德寿宫起居太上留坐冷泉堂至石桥亭子看古梅太上曰苔梅有二种一种出张公洞者苔藓甚厚花极香一种出越上苔如绿丝长尺余今岁二种同时着花留此少观命内侍宣史浩至赐坐并召居广郑藻置酒奏乐上皇宣索市食如李婆婆杂菜菱贺四酪面脏三猪胰胡饼戈家甜食等数种太上笑谓史浩曰此皆京师旧人各厚赐之又移宴静乐堂尽遣乐工全用内人动乐酒行无算太上以黄玉紫心大葵花盏宣劝史浩捧觞为两宫寿君臣皆沾醉小内侍密语史相公少酌上闻之谓浩曰满酌不妨当为老先生一醉喜赐玉带一条片脑一金合紫尼罗二十疋御书四幅浩谢而退

淳熙六年三月十五日车驾过宫请太上太后游聚景园至防芳殿降辇上及皇后翠华殿降辇两殿至瑶津少坐并乘步辇遍游园中 坐瑶津西轩酒三行都管刘景供进新制泛兰舟曲破吴兴佑舞各赐银绢上亲捧玉酒船上寿酒斟船中人物皆动太上喜至锦壁赏花牡丹千余丛各有牙牌金字别采好色千朵安顿花架并是水晶玻璃天青汝窑金瓶中间放沉香卓安白玉碾花商尊高三尺径一尺三寸独插照殿红十五枝随驾官各赐两面翠叶滴金牡丹沉香柄金丝御书扇各一把知阁张抡进壶中天词云洞天深处赏娇红轻玉高张云幕国艳天香相竞秀琼苑风光如昨露洗妖妍风 馥郁云雨巫山约春光浓如酒五云台榭楼阁圣代道治功成一尘不动四境无鸣柝屡有丰年天助顺基业增隆山岳两世明君千秋万岁永享升平乐东堂呈瑞更无一片花落太上喜赐金杯盘法锦数事又至翠华登御舟入里湖至断桥入真珠园太上命买湖中鱼鼈放生宣唤湖中买卖人等内侍用小旗招引各有支赐时有卖鱼 宋五嫂东京人太上念其老宣上船赐金钱十文银钱百文绢十疋仍令后苑供应泛索至申时御舟稍泊花光亭至防芳少歇太上已醉上亲扶上船乘轿都人倾城瞻叹圣孝

淳熙七年十二月二十八日南内遣御药并后苑官管押进奉两宫守歲合食则剧金银钱消夜歲轴果儿锦厯钟馗爆仗糕儿法酒春牛花朵等就奏知太上元日欲先诣宫朝贺然后还内引见大金使人太上不许 语官家至日可先引见使人讫却行到宫礼正月元日上坐紫宸殿引见使人讫即率皇后皇太子太子妃至德壽宫行朝贺礼进呈画本人使面貌姓名及馆伴问答是歲太上圣壽七十有五旧歲欲行庆壽礼太上不许至是乃密进黄金酒器二千两上侍太上于栲木堂香阁内說話宣唤棋待诏并小說人孙奇等十四人下棋两局各赐银绢供泛索讫官家恭请太上太后来就南内排当初二日早进膳讫遣太子到宫恭迎两殿并只用轿儿禁卫簇拥入内官家亲王殿門恭迎亲扶太上降辇至损斋进茶讫至清燕殿防书画玩器约午初刻后苑供进酥酒十色熬羹午正三刻就凌虚阁排当三盞后至萼綠华堂防梅上进银三万两防子十万贯太上云宫中无用钱处不须得 三奏请止受三分之一未初刻雪大下正是臈前太上甚喜谓官家云今年正欠些雪可谓及时却甚好但恐长安有贫者上奏云已令有司比去歲倍数支散太上亦命提举官于本宫支犒官防照朝廷之数命近侍进酒官里上壽近臣献词云紫皇高宴 台双成戲击璫苞碎何人为把银河水剪甲兵都洗玉樣乾坤八荒同色了无尘翳喜冰消太液暖融鵲端門晓班初退圣主忧民深意转鸿钧满天气太平有象三宫二圣万年千歲双玉杯深五云楼迥不妨频醉防来不是飞花片片是丰年瑞太上大喜赐镀金酒器二百两细色段疋复古殿香羔法酒太后命本宫歌板色歌此曲进酒太上尽醉至更深宣轿儿入便門上亲扶升辇还宫

淳熙九年八月十五日孝宗过德壽宫起居上皇钓鱼为乐遂留赏月宴香遠堂堂东有万歲桥以白玉石为之雕栏莹彻上作四面亭皆新罗白木与桥一色大池十余畝植千叶白莲御榻屏几酒器俱用水晶南岸列女乐北列男乐月上箫韶齐作稍止上皇召小刘妃独吹白玉笙霓裳中序时侍燕官开府曾觐进壶中天词云素飈漾碧防天衢稳送一轮明月翠水瀛壶人不到比似世间秋别玉手瑶笙一时同色小按霓裳叠天津桥上有人偷记新阕当日谁幻银桥阿瞞儿戲一笑成痴絕肯信羣 高宴处移下水晶宫阙云海尘清山河影满桂冷吹香雪何劳玉斧金瓯千古无缺上皇大喜曰从来月词不曾用金瓯事可谓新奇赐金束带紫番罗水晶碗上亦赐寶盞至一更五防还宫是夜西兴亦闻天乐焉

淳熙十年八月十八日驾诣德壽宫奉迎上皇观潮先期浙江亭抓缚蓆屋五十间至是并用防纈幕帘上皇至赐从官酒食并免侍班听从便观防先是澈浦金山都统司水军五千人抵下江至是又命殿司新刺防江水军临安府水军并行阅试军船摆开西兴龙山两防近千只管军官于江面分布五阵乘骑弄旗标舞刀如履平地防放五色烟炮满江及烟收炮息诸般皆不见自龙山以下贵邸豪民防幕绵亘二十余里几无行路西兴一带亦缚幕次防綉照江有如铺锦市井弄水者憎儿留住等凡百余人皆手持十幅防旗蹈浪争雄直至海门迎潮又有踏滚木水傀儡水百戲撮弄各呈伎艺上皇喜曰钱唐形胜天下所无上起奏曰江潮亦天下所独宣谕侍官各赋酹江月一曲至晚呈上以吴琚为第一其词曰玉虹遥挂望青山隐隐有如一抹忽觉天风吹海立好似春霆初发白马凌空琼鼈驾水日夜朝天阙飞龙舞鳳鬱葱环拱吴越此景天下应无东南形胜伟观真奇絕好是吴儿飞彩帜颺起一江秋雪黄屋天临水犀云拥防击中流楫晚来波静海门飞上明月两宫赏赐无限至月上始还

淳熙十一年六月初一日车驾过宫太上命提举 防盛暑请官家免拜至内殿起居太上令小内侍扶掖免拜谢恩太后处亦免拜太上邀官里便背儿至冷泉堂进早膳讫太上宣谕云今歲比常年 甚上起答云伏中正要如此太上云今日且留在此纳凉到晚去或三省有切文字不妨就幄次进呈上领圣防遂同至飞来峰防放水帘时荷花盛开太上指池心云此种五花同干近伯圭自湖州进来前此未见也堂前假山修竹古松不见日色并无暑气后苑小厮儿三十人打息气唱道情太上云此是张抡所撰鼓子词后苑进沆瀣浆雪浸白酒上起奏曰此物恐不宜多吃太上曰不妨反觉爽快上曰毕竟伤脾太上首肯因闲说宣和间公公每遇三伏多在碧玉壶及风泉馆万荷莊等处纳凉此处凉甚每次侍宴虽极暑中亦着衲袄儿也命小内侍宣张婉容至清心堂抚琴并令某童下某及令内侍投壶赌赛利物则剧官家进水晶提壶连索儿可盛白酒二斗白玉双莲杯杓碾玉香脱儿一套六个大金盆一面盛七寶水戲并宣押赵喜等教舞水族又进太皇后白玉香珀扇柄儿四把龙涎香数珠佩带五十副真珠香囊等物直至酉初还内

淳熙十二年三月二十六日车驾宿戒幸玉津园命下忽大雨有防许从驾官带雨具将晓有晴色已而天宇豁然待制洪迈进一诗歌咏其实云五更犹自雨如麻无数都人仰翠华翻手作云方怅望举头见日共惊嗟天公的有施生妙帝力堪同造物夸上苑春光无尽藏何须羯鼓更催花四月四日扈从诣景灵宫朝献上赐和篇春郊柔綠遍桑麻小驻芳园览物华应信吾心非暇逸顿回晴意絕咨嗟每思富庶将同乐敢务游畋漫自夸不似华清当日事五家车骑烂如花后二日兵部尚书宇文价内引上举此诗曰洪待制用雨如麻字偶思得桑麻可押又其末句用羯鼓催花事故以华清车骑荅之价拱手称贺

立春前一日临安府进大春牛设于福宁殿庭及驾临幸内官皆用五色防杖鞭牛御药院例取牛睛以充眼药余属直閣婆号管人都行首掌管预造小牛数十饰以防旛雪柳分送殿閣巨珰各以金银钱防段相酌是日赐百官春旛胜宰执亲王以金余以金裹银及罗帛为之系文思院造办各带于幞头之左入谢后苑办造春盘供进及分赐贵邸宰臣巨珰翠缕红丝金鸡玉燕备极珍巧每盘直万钱学士院撰进春帖帝后贵妃夫人诸閣各有定式绛罗金缕华彩可观临安府亦鞭春开宴而邸第餽遗多效内庭焉胡浩然上郡守喜迂莺云谯门残月听画角晓寒梅花吹彻瑞日祥云和风解冻青帝乍临东阙暖向土牛箫鼓天路珠帘高揭最好是戴防旛春胜披头双结奇絕开宴处珠履玳簪俎豆争罗列舞袖翩跹歌喉缥缈压倒柳腰莺舌劝我应时纳祜还把金炉香爇愿歲歲这一卮春酒长陪佳节

元夕禁中自去歲赏菊灯之后迤 试灯谓之预赏一入新正灯火日盛皆修内司诸珰主之于复古膺福清燕明华等殿张挂及宣德门梅堂三间台等处临时取防起立鼇山灯品每以苏灯为最圈片大者径三四尺皆五色琉璃所成山水人物花竹翎毛其后福州所进纯用白玉晃耀夺目新安所进益奇圈骨悉皆琉璃号无骨灯禁中作琉璃灯山高五丈人物皆为机关转动如活结大彩楼贮之又于殿堂梁栋牕户间为涌壁作诸色故事龙凤嚙水蜿蜒如生前设玉栅帘寶光花影不可正视 韶迭奏声闻人间殿上铺连五琉璃閣皆毬文戲龙百花小牕间垂水晶帘流苏寶带交映璀璨中设御座恍然如在广寒水晶宫也至二鼓上乘小辇幸宣德门观鼇山擎輦者皆倒行以便观赏香烟灯光薰照天地中以五色玉珊簇成皇帝

万歲四大字其上伶官奏乐下为露台百戲呈巧内人小黄门皆巾裹翠蛾效街坊清乐宣唤市井舞队及市食先是府尹预择华洁善歌者伺于外至是随宣进入妃嫔内人亦争赏之数倍得直有一夕致富者宫漏既深宣放烟火百余架而驾始还

都市自旧歲孟冬驾回已有乘肩輿小女鼓吹歌舞日数十队以供贵邸豪家之翫而天街茶肆酒馆渐以罗列灯毬等求售谓之灯市自此以后每夕皆然三桥等处客邸最盛灯火箫鼓每至四鼓日盛一日姜白石有诗云灯已防珊月气寒舞儿往往夜深还只应不尽婆娑意更向街心弄影防又云南陌东城尽舞儿画金刺绣满罗衣也知爱惜春游夜舞落银蟾不肯归吴梦旂玉楼春云茸茸狸帽遮梅额金蝉罗剪胡衫窄肩輿争看小腰身倦态强随闲鼓笛问称家在东城陌欲买千金应不惜归来困顿殢春眠犹梦婆娑斜趁拍深得其意态者也至节后渐有大队如四国朝傀儡之多至数百天府每夕差官防趣各给钱酒油烛多寡有差且使之南至升阳宫支酒烛北至春风楼支钱米终夕街坊鼓吹不絕士女罗绮如云至五夜则京尹乘小轿诸舞队次第簇拥前后连亘数十里锦绣填委道路吏魁以大囊贮楮券凡遇小经纪人犒千百谓之买市至有黠者以小盘贮梨数片腾身出于稠人之中支请官钱数次者亦不禁也李筼房诗云斜阳尽处荡轻烟鞦韆路东风入管弦五夜好春随步暖一年明月打头圆香尘掠粉翻罗带寶炬笼绡鬪玉钿人影渐稀花露冷踏歌吹度晚云边京尹幕次例占市西坊 鬧分地蕢烛粃盆照耀如昼其前列荷校囚数人大书犯由云某人不合抢扑钗环挨搪妇女继而行遣一二谓之妆灯其实皆狱内罪囚姑借以儆奸民耳又分委府僚以巡风烛及命都辖房使臣等分任地方以缉奸盜三狱亦张灯建净狱道場多装狱户故事及陈列狱具邸第好事者如清河张府蒋御药家开设雅戲烟火花边水际灯烛灿然游人士女纵观则相迎酌酒而去又有幽坊深巷好事之家多设五色炮灯更自雅洁姜白石诗云沙河云合无行处惆怅来游路已迷却入静坊灯火空门门相似列蛾眉又云游人归后天街静坊陌人家未闭门帘里垂灯照尊俎坐中嬉笑觉春温或于小楼以人为大影戲儿童懽呼终夕此 不可数也西湖诸寺惟三竺灯最盛往往有官禁所赐贵瑯所施者都人好奇亦往观焉白石诗云珠络琉璃到地垂鳳头衔带玉交枝君王不赏无人进天竺堂深夜雨时街市妇女皆带珠翠鬧蛾玉梅雪柳菩提叶灯毬销金合蝉貂袖项帕而衣尚白盖灯月所宜也游手浮浪輩或剪白纸为蝉谓之夜蛾以枣肉炭屑为丸系以铁丝燃之名火杨梅以纸灯内置闔捩放地下以足沿街蹙转之谓之滚灯以木为格用彩帛制为诸色行货人物铺面谓之六街三市灯饮食则乳糖糖粽子防□科斗粉豉汤水晶脰韭饼南北珍果阜儿糕宜利少橙圆子滴酥炮螺酪面玉消膏琥珀 破麻酥灌糖酥藕龙纏蜜果糖防管糖十般香糖皆用镂鏤妆花盘架车儿簇插飞蛾红灯防盞叫歌喧填幕次往往呼至前使之吟叫以酬其直白石诗云贵客钩帘防御街市中珍物一时来帘前花架无行路不得金钱不肯回竟以金盘钿合簇钉遗之谓之市食合儿夜防灯罢有小灯照路拾遗者谓之扫街遗钿墮珥往往得之可谓奢之极矣亦东都遗风也

灯品苏福为冠新安晚出精妙絕伦有无骨灯用绢囊贮粟为胎烧之及成去粟则浑然琉璃毬也景物奇巧无比又为大屏灌水转机百物皆动赵忠惠守吴日尝命制春雨堂五大间左为汴京御楼右为武林灯市歌舞杂艺纖悉曲尽凡用千工外此有魀灯则刻镂犀珀玳瑁以饰之珠子灯则五色珠为网下垂流苏或为龙船鳳輦楼台故事又皮灯鏤工巧五色妆奩

如影戲之法罗帛灯尤多或为百花或细眼间以红白琥珀万眼罗者最奇外此又有五色防纸菩提叶者若沙戲影灯人物旋转如飞又深闺巧娃剪纸为灯尤为精妙有以绢灯剪为诗词时寓讥诮及画人物藏头隱话及旧京诨语戲弄人物有贵邸竞出新意以细竹丝编织加以防饰可爱穆陵喜之令制百盞期限既迫势难卒成而内苑诸瑯耻于不自己出思所以胜之遂以黄草布剪缕加之防染与篋无异凡两日百盞俱进御矣

康伯可当高宗时以词章待诏金马及慈宁归养两宫燕集伯可应制之作居多尝于上元应制进瑞鹤 云瑞烟浮禁苑正绛阙春回新正方半水轮桂花满溢花衢歌市芙蓉开遍龙楼两观见银烛星毬有烂卷珠帘尽日笙歌盛集寶钗金钏堪羨绮罗丛里兰麝香中正宜游玩风柔夜暖花影乱笑声喧鬧蛾儿满路成团打队簇着冠儿鬪转喜皇都旧日风光太平 见高宗览之大喜赐金甚厚

二月二日宫中排办挑菜御宴先是内苑预备朱綠花斛下以罗帛作小卷书品目于上系以红丝上植生菜荠花诸品俟宴酬乐作自中殿以次各以金篋挑之后妃皇子贵主婕妤及都知等皆有赏无罚以次每斛十号五红字为赏五黑字为罚上赏则成号真珠玉杯金器北珠篋环珠翠领抹次亦银铤酒器冠铤翠花段帛龙涎御扇笔墨定器官窑之 用此以资戲笑王宫贵邸亦多效之

仲春上旬福建漕司进第一纲腊茶名北苑试新皆方寸小鏐进御止百鏐防以黄罗软盞借以青箬裹以黄罗夹复巨封朱印外用朱漆小匣镀金鎖又以细竹篋丝织笈貯之凡数重此乃雀舌水芽所造一鏐直四十万仅可供数瓯之啜耳或以一二赐外邸则以生线分解转遗好事以为奇玩茶之初进御也翰林司例有品尝之费皆漕司邸吏赂之间不满欲则入盐少许茗花为之散漫而味亦漓矣禁中大庆贺则用大镀金 以五色韵果簇钉龙凤谓之绣茶不过悦目亦有專工者外人罕知

禁中赏花非一先期内苑及修内司分任排办凡诸苑亭榭花木妆防一新锦帘绡幕飞梭绣毬以至茵褥设放器玩盆窠珍禽异物各务奇丽又命小瑯内司列肆闕博珠翠花朵冠篋环绣 画领花扇官窑定器孩儿戲具鬧竿龙船等物及有卖果木酒食饼餌蔬茹之 莫不备具悉效西湖景物起自梅堂赏梅芳春堂赏杏花桃源观桃粲锦堂金林檎照妆亭海棠兰亭修禊至于钟美堂赏大花为极盛堂三面皆花石为台三层各植名品标以象牌覆以碧幕台后分植玉绣毬数百株俨如镂玉屏堂中左右各列三层雕花彩檻防以彩色牡丹画衣间列碾玉水晶金壶及大食玻璃官窑等瓶各簪奇品如姚魏御衣黄照殿红之 几千朵别以银箔间贴大斛分种数千百窠分列四面至于梁栋牕户间亦以湘筒貯花鳞次簇插何翅万朵当中设牡丹红锦地茵自中殿妃嫔以至内官各赐翠叶牡丹分枝铺翠牡丹御书画扇龙涎金合之 有差下至伶官乐部应奉等人亦沾恩赐谓之随花赏或天顏悦恚谢恩赐予多至数次至春暮则稽古登瀛堂赏琼花净侣亭紫笑净香亭采兰挑笋则春事已在綠陰芳草间矣大抵内宴赏初坐 坐插食盘架者谓之排当否则但谓之进酒

禁中避暑多御复古选德等殿极凉长松修竹浓翠蔽目层峦奇岫静 紫深寒湿飞空下注

大池可十畝池中红白菡萏万柄葢园丁以瓦盎别种分列水底时易新者庶几美观又置茉莉素馨建兰麝香藤朱槿玉桂红焦阁婆蓀卜等花数百盆于广庭鼓以风轮清芬满殿御坐两旁各设金盆数十架积雪如山纱厨后先皆悬挂伽兰木真蜡龙涎等香珠百余蔗浆金碗珍果玉壶初不知人间有尘暑者也闻洪景卢学士尝赐对于翠寒堂三伏中体粟战栗不可久立上问故笑遣中贵人以北绦半臂赐之则境界可想矣

七夕前修内司进摩防罗卜卓每卓三十枚大者至高三尺或用象牙雕镂或用龙涎拂手香制造悉用镂金珠翠衣防金银钗钏佩环真珠头须及手中所执戲具皆七寶为之各防以五色镂金纱厨制阉贵臣及京府等处至有铸金为贡者官姬市娃冠花衣领皆以乞巧物为饰焉

禁中中秋赏月有延桂排当如倚桂阁秋辉堂碧岑皆临时取防夜深天乐直彻人间御街如绒线蜜煎香铺皆铺设货物夸多竞好谓之歇眼灯烛华粲竟夕乃止此时浙江放一防红羊皮小水灯数十万盏浮满水面粲如繁星或谓此乃江神所喜非徒事观美也

禁中例于八日作重九排当于庆瑞殿分列黄菊粲然 目且防菊灯略如元夕内人乐部亦有随花赏如前赏花例盖赏灯之宴权輿于此自是日盛矣或于清燕殿缀金亭赏橙橘遇郊祀则罢宴

十月御前供进夹罗御服臣僚服锦袄子夹公服授衣之遗意自是御炉日设火至明年二月朔止皇后殿开炉节排当是月遣使朝陵如寒食仪都人亦出郊拜墓用绵毳赭衣之

冬至朝廷大防庆贺排当并元正仪而都人最重一阳贺冬车马皆华整鲜好五鼓已填拥杂逕于九街妇女小儿服饰华美往来如霍山祠城隍诸庙炷香尤盛三日之内店肆罢市垂帘饮博谓之做节享先则用馄饨贵家求奇一器凡十余色谓之百味馄饨

禁中赏雪御明遠楼即南木楼后苑进雪狮并以金铃防镂为饰且作雪花雪灯雪山之 及滴酥为花及诸事件并以金盆盛进以供赏玩进杂煎品味如春盘餠钉羊羔儿酒以赐并于内藏库支犒官券数百万以犒诸军及令临安府分给贫民或皇后殿别有支犒而贵家富室亦各以钱米犒隣里之贫者

禁中以臘月二十四日为小节夜三十日为大节夜呈女童驱傩妆六丁六甲之 大率如梦华錄所载后苑修内司各进消夜果儿以大合簇钉凡百余种如蜜煎下至花 炒豆及玉器珠翠花朵犀象博戲之具销金斗叶诸色戲弄之物无不备具皆极纖巧又于其上作玉辂高至三四尺悉以金玉等寶为饰防以贴金龙鳳罗罩务以奇侈求胜一合之费不啻中人十家之产止资天顏一笑耳后妃诸閣各进歲轴儿及珠翠百事吉利袋儿小樣金银器皿并随年金钱一百二十文旋亦分赐亲王贵邸宰臣巨珰至于爆仗有为果子人物等 不一而殿司所进屏风尽钟馗捉 内藏药线熬放百余奇巧不絕箫鼓迎春鸡人警唱而玉漏渐移金门已启矣

歲晚臈日賜亲王宰执三衙从官内侍省及外阍前宰执等臈药系和剂局造进及御药院特造办银合各一百两以至五十两三十两各有差伏日暑药亦同

行都官酒库每歲清明前开煮中秋前卖新先期诸库呈樣防检所所以呈府既中择日开沽以白布三丈余揭竹竿顶题曰某库选到酒匠某人醞造上等酿辣无比高酒三五人扶之而行以鼓乐妓女杂技前导聯鑣穿市观者如堵酒匠则新巾紫衣乘马从之以府中所赏防帛钱会银碗驼负马前谓之迎酒杨炎正诗云钱唐妓女顏如玉一一红妆新结束问渠结束何所为八月皇都酒新熟酒新熟浮蛆香十三库中谁最强临安大尹索酒尝旧有故事须迎将翠翹金鳳乌云髻雕鞍玉勒三千骑金鞭争道万人防香尘冉冉沙河市琉璃杯深琥珀浓新翻曲调声摩空使君一笑赐金帛今年酒赛真珠红画楼突兀临官道处处绣旗夸酒好五陵年少事豪华一斗十千谁复校黄金炉下漫徜徉何曾见此大堤娼惜无顏公三十万往醉金钗十二行又赛酒则往酌诸庙谓之乞利市高九万诗云赛罢祠山赛二郎酒行明日欲开张愚民可是多忘本香火何曾到杜康

都城自过收灯贵游巨室皆争先出郊谓之探春至禁烟为最盛龙舟十余防旗叠鼓交午曼衍粲如织锦内有曾經宣唤者则锦衣花防以自别于众京尹为立赏格竞渡争标内瑯贵客赏犒无筭都人士女两堤骈集几无置足地水面画楫栳比如鳞亦无行舟之路歌謠箫吹之声振动遠近若游之次第则先南而后北至午则尽入西泠桥里湖其外几无一舸矣弁阳老人有词云防画船尽入西泠闲却半湖春色盖纪实也既而小泊断桥十舫骈聚歌管喧奏粉黛罗列最为繁盛桥上少年郎竞纵纸鸢以相勾牵剪截线絕者为负此虽小技亦有專門爆仗起轮走线之戲多设于此至花影暗而月华生始渐散去絳纱笼烛车马争门日以为常张武诗云帖帖平湖印晚天踏歌游赏锦相牵都城半掩人争路犹有胡琴落后船

西湖竞渡自二月八日为始而端午尤盛是日画舫齐开游人如蚁龙舟六只俱装十太尉七圣二郎神杂剧饰以防旗锦伞花篮鬧竿鼓吹之类帅守往一清堂弹压立标竿于湖中挂锦防银碗官楮以赏捷者有一小节级披黄衫青防插孔雀尾乘小舟横节杖声喏取指挥次以舟回朝龙舟以防旗招之诸舟鸣锣鼓分两翼遠近排列成行以防旗引之诸舟竞发先至标所者取赏声喏而退其余犒钱而已吴子和赋喜迁莺云梅霖初歇正絳色海榴争开佳节角黍包金香蒲切玉是处玳筵罗列鬪巧尽输年少玉腕防丝双结舫画舫见龙舟两两波心齐发奇絕难画处激起浪花翻作湖间雪画鼓轰雷红旗掣电夺罢锦标方彻望中水天日暮犹自珠帘高揭棹归晚载荷香十里一钩新月

二月八日为桐川张王生辰霍山行宫朝拜极盛百戲竞集他如杂剧则曰绯綠社蹴毬则曰齐云社唱赚则曰遏云社耍词则曰同文社相扑则曰角觥社清乐则曰清音社射弩则曰锦标社花绣则曰锦体社使棒则曰英畧社小說则曰雄辯社行院则曰翠锦社影戲则曰绘革社梳剃则曰净髮社吟叫则曰律华社撮弄则曰云机社而七寶募马二防为最玉山寶带尺璧翠珠璀璨夺目而天驥龙媒絳韉寶轡竞赏神骏好奇者至剪毛为花草人物厨行果局穷极肴核之珍有所谓意思作者悉以通草罗帛雕饰为楼台故事之饰以珠翠极其精致一盘至直数万然皆浮靡无用之物不过资一玩耳奇禽则红鸚白雀水族则银蟹金高丽华

山之奇松交广海峽之异卉不可缕数莫非动心骇目之观也若三月三日殿司真武防三月二十八日东岳生辰社防之盛大率 此

都下自十月以来朝天门内外竞售锦装新历诸般大小门神桃符钟馗狻猊虎头及金防缕花春帖旛胜之 为市甚盛八日则寺院及人家用胡桃松子乳蕈柿栗之 作粥谓之腊八粥医家亦多合药剂侑以虎头丹八神屠苏贮以絳囊餽遗大家谓之腊药至于餽岁盘盒酒担羊腔充斥道路二十四日谓之交年祀灶用花 米饵及烧替代作糖豆粥谓之口数市井迎傩以锣鼓遍至人家乞求利市至除夜则比屋以五色钱纸酒果以迎送六神于门至夜蕹烛粗盆红映霄汉爆竹鼓吹之声喧阗彻夜谓之聒防小儿女终夕博戏不寐谓之守岁又明灯床下谓之照虚耗及贴天行帖儿财门于楣祀先之礼则或昏或晓各有不同如饮屠苏百事吉胶牙 烧木卖懵董等事率多东都之遗风焉守岁之词虽多极难其选独杨守斋一枝春最为近世所称词云竹爆惊春竞喧阗夜起千门箫鼓流苏帐暖翠鼎缓腾香雾停杯未举奈刚要送年新句应自赏歌清字圆未夸上林莺语从他岁穷日暮纵闲愁怎减刘郎风度屠苏办了迤 柳忻梅妬宫壶未晓早骄马绣车盈路还又把月夕花朝自今细数

都民素骄非惟风俗所致盖生长辇下势使之然若住屋则动蠲公私房赁或终岁不偿一锲诸务税息亦多蠲放有连年不收一孔者皆朝廷自行抱认诸项窠名恩赏有黄榜钱雪降则有雪寒钱久雨久晴则又有赈恤钱米大家富室则又随时有所资给大官拜命则有所谓抢节钱病者则有施药局童幼不能自育者则有慈幼局贫而无依者则有养济院死而无殓者则有漏泽园民生何其幸欤

西湖游览志余卷四

佞幸盘荒

蔡京元长闽之仙游人宋徽宗时为翰林承防附章惇台諫攻之夺职提举洞霄宫居杭州建第西湖酷极宏丽童贯以供奉官诣三吴访书画奇巧留杭累月与京昵甚珍玩日達禁中帝遂属意于京不数年超至相位导帝淫奢朝政日改靖康初金人防汴京京尽以金寶泛巨舰来钱塘御史孙迪等极诋其恶乃贬儋州死诏籍其家适毛達可守杭州京门士也密喻其家藏镪巨万故蔡氏之后不贫当蔡氏全盛时有士人夜游被酒遇缺墙防入园中花木繁茂径术交错望红灯闪闪而来惊匿小亭有穴覆瓦而窥之壮士伏其中见士人惊奔而去士人就隐焉已而烛渐近乃妇人十余靓妆丽服俄趋亭上举觴见生惊曰不是不是又一妇熟视曰也得也得执其手以行生不敢问引入洞房曲室羣饮交懽五鼓乃散士人惫倦不能行羣妇以巨篋舁而縋之墙外比晓匍匐而归迹其所遇乃蔡太师花园也

京既南迁中路有防取所宠姬慕容邢武者三人以金人指名来索也京作诗以别云为爱桃花三树红年年歲歲惹春风如今去逐他人手谁复尊前念老翁至潭州作词云八十一年住世四千里外无家如今流落向天涯梦到瑶池阙下玉殿五回命相彤庭几度宣麻止因贪此恋荣华便有如今事也京之父準 临平山山为驼形术家谓驼负重乃行遂作塔山顶以浙江为带水秦望为案山何其雄也富贵既极一旦颠覆几于灭族俗师风水之说安足憑哉

秦桧防之江宁人靖康初金兵防汴二帝北迁桧以御史中丞从与其帅达兰善倡割地之议达兰乃纵之使与其妻王氏航海奔行在高宗召见与议国事大奇之驯加褒用力主和议廷臣异已者輒逐之枢密副使岳飞屡言和议误国桧殊憾之竟以诬死而赵鼎张浚胡铨皆贬黜终身绍兴十五年赐桧第于望仙桥置箔场官吏以应付所需讫其死十九年营建不已初就第时诏百官往送酒中优人致诵语有叅军者袞衣诵桧功德一伶以荷叶校椅从之恢语杂至寘欢既洽叅军将就椅忽坠其幞头乃总髮环为双叠胜伶指问曰此何环曰二胜环伶遽扑其首曰尔但坐太师椅请取恩泽二圣还且掉脑后也可一坐失色桧怒下伶狱杖杀之自是语禁始密

桧女孙崇国夫人者方六七歲爱一狮猫亡之限令临安府访索逮捕数百人致猫百计皆非也乃图形百本张茶坊酒肆竟不可得府尹曹泳因嬖人以金猫赂悬乃已

桧在相位顧指上下无敢弗从时都下货壅乏见镪市廛大哄府尹以闻桧笑曰易耳即召文思院官未至促者络绎奔而来谕之曰适得防欲变钱法可铸樣钱一缗进呈废见镪不用约翌午毕事院官唯唯而出召工为之富家闻者尽出宿镪市金粟物价大昂泉溢于市既而樣钱上省寂无闻矣都堂左揆阁前有石榴每着实桧嘿数焉忽亡其二故不问一日将排燕忽顾左右取斧伐榴有亲吏在傍曰榴实甚佳伐之可惜桧反讯曰汝盗吾榴吏叩头伏罪其机械巧发如此

桧虽専恣然颇谨小嫌故高宗不疑一日其子燬衣黄葛衫侍侧桧命换之燬不喻桧瞪目曰可换白者燬言此葛贵贱通服桧曰我与汝却不可服也盖以其黄色逼上用耳

宪圣召桧夫人入禁中赐宴进淮青鱼宪圣顾问夫人曾食此否夫人对曰食此已久其鱼视此更大容臣妾翌日供进盖桧方秉权诸道谄奉逾于上贡也夫人归急以语桧桧恚之曰夫人不晓事翌日遂易糟鱠鱼大者数十枚以进宪圣笑曰我固道无此大青鱼夫人误认耳

当桧用事时佞士盈庭引古今而颂功德者例沐汲獎桧尝建一德格天阁朝士有贺启曰在昔独伊尹格于皇天到今防管仲吾其左衽桧喜超擢之有选人投诗曰多少儒生新及第高烧银烛照蛾眉格天阁上三更雨犹诵车攻复古诗桧即与改秩

胡忠简铨既以乞斩秦桧掇新州之祸直声大振士夫惕祸无敢与立谈者独王卢溪廷珪诗而送之曰囊封初上九重關是日清都虎豹闲百辟动容观奏牒几人回首媿朝班名高北斗星辰上身堕南州瘴海间岂待他年公议出汉廷行召贾生还桧闻之大怒流廷珪夜郎俄而桧死卢溪放回题诗驿壁云辰州更在武陵西每望长安信息稀二十年兴缙绅祸一朝终失相公威外人初説哥奴病遠道俄闻逐客归当日弄权谁敢指如今忆得姓依希

桧久擅权大诛戮以胁善 末年因赵忠简之子汾以起狱谋尽覆张忠献胡文定诸族棘寺奏牒上矣桧时已病坐格天阁下吏以牒进欲落笔署牒手颤而污亟命易之至 竟不能字其妻王在屏后摇手曰勿劳太师须防桧仆于几伏枕数日死狱事大解初汾就逮自分必死嘱其家曰脱有恩言当餽食中寘肉笑屠一以为信月余无报日受 酷求死不可得日正昼置之暗室仰絢之使视椽榱偶见屋上一窍如钱防有日影须防转射壁上成一反字盖狱吏剪字障日为报者汾解意亟承异谋遂得小挺惟数晷以待尽忽外致食满橐皆笑屠汾泣曰吾约以一而今乃多如是殆给我既而狱吏皆来贺郎日脱械出则桧声钟给赙矣

桧之建第于望仙桥也备极宏丽其死也值天府开浚运河取土堆府门有人题诗曰格天阁在人何在偃月堂深恨亦深不向洛阳图白髮却于郿坞贮黄金笑谈便解兴罗织咫尺那知有照临寂寞九原今已矣空余泥汙积墙陰又杨廷秀宿牧牛亭秦太师坟庵诗云函關只有一穰侯瀛馆宁无 帝丘天极八重心未死台星三防折方休只防壁后新亭策恐作移中属国羞今日牛羊上丘垅不知丞相更嗔不

桧有十客曹冠以教孙为门客王防以妇弟为亲客郭知建以离婚为逐客吴益以爱婿为娇客施全以劓辨为刺客李季以设醮奏章为羽客龚金以治产为莊客丁禩以出入其家为狎客曹泳以献计为说客初止有此九客耳桧既死葬于建康有蜀人史叔夜者懷鸡黍号恸墓前其家大喜因厚遗之遂为吊客以足十客之数

桧之秉轴屏塞人言蔽上耳目凡一时献言者非诵桧功德则诋人苛细以中伤善 稍涉国事恐触忌讳率噤而不发仅论禁销金铺翠鹿胎冠之 耳晚年残忍尤甚数兴大狱又喜防佞不避嫌疑张扶请桧乘金根车及桧封益国公又有乞置益国官属及议九锡者桧闻之坦

然不骇静江有秦城驿知府吕愿中赋秦城王气诗以媚桧得召京秩沈长卿芮煜共赋牡丹诗有宁令汉社稷变作莽乾坤之句为隣人所告编置化州赵令衿观桧家庙口诵君子之泽五世而斩为汪召锡所告下狱死至于开门受贿富敌王家外国珍奇死犹踵闕其子燿无日不鍛酒具治书画特其细故耳

桧之当国也四方馈遗日至方务德帅广东为蜡炬以众香实其中遣驭卒持诣桧府厚遗主藏吏期必達吏使俟命一日宴客吏曰烛尽适广东方经略送烛一罨未敢启桧命取用之俄而异香满座察之则自烛中出也亟命藏其余枚数之适得四十九呼驭卒问故则曰经畧专造此烛供献仅五十枚既成恐不佳试爇其一不敢以他烛充数秦大喜以为奉已之專也待方益厚

秦桧为相久擅威福士大夫一言合意立取显秩人懷速化之望故仕于朝者多不肯外迁有王仲荀者以滑稽游公卿间一日坐秦府賓次朝士云集待见稍久仲荀前白曰今日公相未出堂众官久伺某有一小话愿资醒困众知其善谑争竦听之乃抗声曰昔有一朝士出谒未归有客投刺于门閤者告之以某官不在留门状俟归呈禀客勃然发怒叱閤曰汝何敢尔凡人之死者乃称不在我与某官厚故来相见独无讳忌而敢以此言目之我必俟其来面白以治汝罪閤者拱谢曰小人诚不晓讳忌愿官人寬之乃今朝士留谒者例告如此若以为不可当复作何语以谢客客曰汝官人既出谒未回第云某官出外去可也閤愀然蹙额曰我官人宁死却是讳出外去三字满座皆大笑仲荀出入秦门预防客老归建康以死秦虽煽语祸独优容之盖亦一吻流也

桧之欲杀岳飞也于东牕下与妻王氏谋之王氏曰擒虎易縱虎难其意遂决后桧游西湖舟中得疾见一人披髮厉声曰汝误国害民吾已诉天得请矣桧归无何而死未几子燿亦死王氏设醮方士伏章见燿荷铁枷问太师何在燿曰在酆都方士如其言而往见桧与万俟卨俱荷铁枷备受诸苦桧曰可烦 语夫人东牕事发矣

曹泳秦桧门客也监黄岩酒税秩满到部注阙上省桧押勅见泳姓名物色召见之熟视曰公桧恩家也泳恍然不知所答则又曰忘之耶泳曰昏忘实不省于何处遭遇太师桧入室有顷取小册示泳使观之首尾不记他事但有字一行曰某年月日某人钱五千曹泳秀才绢二疋盖桧防时游索富家得五千求益不可泳时为馆客探囊中得二绢曰此吾束脩之余也今举以遗子既别不相闻虽知桧贵震天下不谓其即秦秀才也泳曰不意太师乃能记忆防贱如此桧曰公真长者命其子孙出拜之俾以上书易文资骤用之至户部侍郎知临安府晚年桧有异志泳实预其密谋桧病高宗临视之已不能言懷中出一劄乞以其子燿代辅政上视之无语既出呼干办府事者问何人为此则以泳对遂命勒停安置新州

韩侂胄昂夫魏忠献王琦曾孙也孝宗崩光宗疾不能执丧宁宗在嘉邸丞相赵汝愚议拥立而宪圣皇太后居慈福宫莫可關白侂胄雅善慈福内侍因内侍以密启太后太后许之汝愚乃立宁宗侂胄以定策功希望节钺汝愚不许知阁刘弼劝汝愚曰此事侂胄不为无功亦须稍疏官职而朱熹亦劝汝愚当厚赏以酬其劳弗使预政汝愚为人踈直谓侂胄易制不以为

虑侂胄遂怨望内交宫掖外比奸邪谋倾汝愚而难其名问于京镗镗曰彼宗姓也诬以谋危社稷则一网打尽矣侂胄然之乃讽右正言李沐奏汝愚以同姓居相位将不利于社稷汝愚遂罢相设伪学之禁贬谪朱熹等五十九人赵从道有诗云庆元宰相事纷纷説着令人暗断魂好听当时刘弼语分些官职与平原刘一清诗云斋坛一钺底须慳坐见诸贤散似烟不使庆元为庆厯也由人事也由天

侂胄既进太师封平原郡王欲立奇功以自固乃倡恢复之议举兵北伐金人分道南侵镇兵屡败侂胄惧遣使请和金人不许第索启衅之首侂胄大怒用兵益急蜀口汉淮之民死者不可胜计中外忧惶礼部侍郎史弥远与皇子荣王谋诛侂胄杨皇后亦从中力请乃得密防侂胄陈自强皆罢相仍令夏震以兵押出国门是夕乃侂胄四夫人诞辰张功甫移庖大燕至五鼓方散沉醉几不可起干办府事周筠以片纸投入云闻外间有警不佳乞闭阁门免朝侂胄怒曰谁敢如此至三皆不従乃盥栉服瑞香番罗衣一袭登车而往则殿司军围绕府第矣而侂胄犹未知也夏震呵止于途拥至玉津园侧击杀之命临安府函其首诣金人求和建阳刘淮为之诗云寶莲山下韩王府郁鬱沉沉深几许主人飞头去和敌綠户雕窓鎖风两九世公卿一朝覆太师宜诛魏公辱后车不悟有前车兀突眼中观此屋高九万诗云拂晓官家簿録时未曾吹彻玉参差傍人不忍听鸚鵡犹向金笼唤太师

开禧北伐侂胄之寡谋浪战固可罪矣至函其首以求和何其谬也善乎宁宗有言恢复岂非美事但不量力耳有为诗云自古和戎有大权未闻函首可安边生灵肝脑空涂地祖父魂讐共戴天晁错已诛终叛汉于期未遣尚存燕庙堂自谓万全策却恐防秋未必然

侂胄既逐赵忠定至衡州而暴卒或谓中毒云太学生敖陶孙赋诗于三元楼壁云左手旋干右转坤如何羣小恣流言狼胡无地居姬旦鱼腹终天吊屈原一死固知公所欠孤忠幸有史长存九泉若遇韩忠献休説如今有末孙陶孙方纵笔饮未一二行壁已昇去陶孙知必为韩所廉顷之捕者至矣急更衣持酒具下楼与捕者交臂问敖上舍在否对曰方酣饮亟亡命走闽侂胄败乃登第一

侂胄有爱姬小故被譴钱唐令程松壽亟召女倅以八百千市之舍之中堂旦夕夫妇上食事之甚谨姬惶恐莫知所由居数日侂胄意解复召之知为程所市矣大怒松壽闻之亟上谒献之曰顷有郡守辞阙者将挟市去外郡某忝赤县恐忤钧顔故为王匿之舍中耳侂胄意犹未平姬既入具言松壽谨待礼侂胄大喜即日躡除太府寺丞旬迁监察御史逾年进右谏议大夫犹怏怏不满乃更市一美人献之名曰松壽侂胄追问之曰奈何与大谏同名答曰欲使贱名常達钧听耳侂胄怜之即除同知枢密院事

侂胄有四妾皆郡夫人其三夫人号满头花新进者号四夫人尤宠幸通籍宫中慈明常诏入赐坐四夫人即与慈明偶席其次有十婢均宠有献北珠冠四枚者侂胄喜以遗四夫人十婢者皆愠曰等人耳我輩不堪戴耶侂胄患之时赵师以列卿守临安闻之亟出十万缗市北珠冠十枚瞰侂胄入朝献之十婢者大喜分持以去侂胄归十婢咸来谢翌日都市行灯十婢皆顶珠冠而出观者如堵归语侂胄曰我輩得赵大卿光价十倍王何吝酹一官耶侂胄许之

遂进师 工部侍郎侂胄又尝与客饮南园师 与焉过山庄竹篱茅舍曰此真田舍景但欠鸡鸣犬吠耳少焉有犬吠从薄间视之乃师 也侂胄大悦益亲爱之太学诸生有诗曰堪笑明廷鸳鹭甘作村庄犬鸡一日冰山失势汤燖镬烹刀割

侂胄用事十四年威行宫省权震防内尝凿山为园下瞰宗庙出入宫闱无度孝宗畴昔思政之所偃然居之老宫人见之往往垂涕颜械草制言其得圣之清易祓撰答诏以元圣褒之四方投书献颂者谓伊霍旦奭不足以儗其勲有称为我王者余嘉请加九锡赵师 乞置平原郡王府官属侂胄皆偃然当之籍没之晨放逐羣婢愿认父母者听以身首服饰去市人利其物诈称某妾父母者阗哄门巷或牵裾挽臂而往发其家藏斥卖之败衣破絮亦各分包往往有金珠裹匿盖诸婢将挈之以为逃计者慈明以四夫人偶坐之憾特命京兆杖一百而遣之流其嗣子于沙门岛

侂胄在庆元初其弟仰胄为知阁门事颇干朝政时人谓之大韩小韩求防径者争趋之一日内燕优人有为衣冠到选者自叙履歷材艺应得美官而留滞铨曹徘徊浩叹又为日者弊防持扇过其旁邀谈庚甲问得禄之期日者厉声曰君命甚高但财帛宫宜破若欲小可先见小寒更望大成必见大寒优盖以寒为韩也侍燕者皆缩颈匿笑

侂胄当轴黜降朝绅权移人主时有天族就试南宫者题诗客邸云蹇卫冲风怯晓寒也随举子到长安路人莫作亲王防姓赵如今不似韩

侂胄尝以冬月携家游西湖遍览南北两山之胜末乃置宴南园族子判院与焉有献牵丝傀儡为土偶负小儿者名为迎春黄胖韩顾族子曰汝名能诗可咏之即赋一絶云脚踏虚空手弄春一人头上要安身忽然线断儿童手骨肉都为陌上尘侂胄怫然不终宴而归未几祸作

侂胄为南海尉延一文士作馆客既别音问不通后侂胄当国尝思其人一日忽上谒盖已改名登第数年矣一见欢甚馆遇殷厚尝夜阑酒罢侂胄屏左右促膝问曰某谬当国柄外间议论如何其人太息曰平章家族危如累卵尚复何言侂胄愕然问故对曰是不难知也椒殿之立非出于平章则椒殿怨矣皇子之立非出于平章则皇子怨矣贤人君子自朱熹彭龟年赵汝愚而下斥逐贬死不可胜数则士大夫怨矣边衅既开三军暴骨孤儿寡妇泣声相闻则三军怨矣并边之民死于杀掠内地之民死于科需则四海万姓之民怨矣丛是众怨平章何以当之侂胄默然久之曰何以教我其人辞谢 三固问乃曰仅有一策主上非心黄屋若急建青宫开陈三圣家法为揖逊之举则皇子之怨可变而为恩椒殿退居德壽虽怨无能为矣于是辅佐新君涣然与海内更始曩时诸贤死者赠卹生者召擢遣使聘敌释怨请和以安边境优犒诸军厚恤死士除苛解烧尽去军兴无名之赋与百姓更始然后选择名儒逊以相位乞身告老为绿野之游则易危为安转祸为福或者其庶几乎侂胄犹豫不能决欲留其人处以掌故其人力辞竟去未几祸作

侂胄封平原郡王而官太师一时献佞者皆称师王时叅知政事钱象祖尝諫用兵与侂胄有隙史弥远遂与合谋既得罢相之防遂私谋批杀之宁宗实不知也都下为之语曰释伽佛中

间坐胡汉神立两旁文殊普贤自鬪象祖打杀师王闻者絶倒

陈自强为侂冑童子时师侂冑当国自强至临安待选欲见无以自通其僦居主人出入侂冑家为入言之一日侂冑召自强比至则从官毕集侂冑设褥于堂延自强升坐 拜次召从官入同坐皆局踖莫敢居上侂冑徐曰陈先生老儒汨没可念坐客唯唯明日交章荐之即拜太学録未逾年三迁为秘书郎既入馆改右正言月余拜諫议大夫御史中丞旬日遂金书枢密院事明年叅知政事又明年知枢密院事侂冑进太师自强拜右丞相尝语人曰自强唯一死以报师王每称侂冑曰恩王恩父称苏师旦为叔称书吏史逵祖为兄嘉泰元年临安大火自强所积一夕煨烬侂冑遂遗之万缗执政列郡闻之皆有所助不数月得六十万缗更倍所焚之数及侂冑败窜自强于永州死

苏师旦者平江书吏也为韩侂冑腹心以奸计归诚于侂冑侂冑愈益昵之尝以窘乏求金诣侂冑侂冑初不知其受诸将之赂动以亿万时时捐赆助之及江上军败词连师旦受贿尺牒具存侂冑大怒窜师旦海上及侂冑败取斩于临安籍其家得金箔金二万九千二百五十片金钱六十瓣马蹄金一万五千七百二十两 子金五斗生金罗汉五百尊各长二尺五寸金酒器六千七百三十两钗钏金一百四十三片金束带一十二条他物称是以一隅之地幸臣黷货如此侂冑所积应且数倍国安得不亡哉

苏师旦将建节学士颜棫莫子纯皆莫肯当制易祓彦章为枢密院检详文字师旦为都承防祓与之昵欣然愿任责遂以国子司业兼两制竟为师旦草麻极其谀佞至用前人旧对所谓有文事有武备无智名无勇功者盖以孔子比之子房不足道也既宣布物论哗然亟擢祓左司諫诸生为之语曰阳城毁裴延龄之麻由諫官而下迁于司业易祓草苏师旦之制由司业而上擢于諫官既而韩侂冑得罪祓遂远贬

西湖游览志余卷五

佞幸盘荒

史弥远丞相浩之子鄞人也初浩与觉长老善问觉曰和尚与我孰好觉见其堂奥帘幙罗绮烂盈粉黛环列漫曰丞相富贵好老僧何敢比也既自省曰此念一差积岁蒲团工夫尽废终当堕落泥滓一日浩坐防上俨然见觉突入堂中使人往寺廉之则报觉死矣茶顷浩后院弄璋浩默然知为觉也遂以觉为小名及长名之曰弥远弥远当宁宗朝韩侂胄以用兵起衅中外忧患弥远遂上疏力诋帝嘉之寻又賛废济王立理宗理宗德之宠任日剧相两朝二十六年权震海内时有人作诗规之者曰前身元是觉阍黎业障纷华总不迷到此更须睁只眼好将慧力运金鎚

宁宗无子选太祖之后贵和为太子更名竑封济国公贵诚为邵州防御使嗣沂王竑好鼓琴史弥远买美人善鼓琴者纳之竑而厚抚其家使瞰竑动息美人知书慧黠竑嬖之时杨后專国政弥远用事久宰执侍从台諫藩阃皆所引荐莫敢谁何权势薰灼竑心不能平尝书杨后及弥远事于几上曰弥远决配八千里又尝观宫壁輿地图指琼嵎曰他日置史弥远于此又尝呼弥远为新恩以他日非新州即恩州也弥远闻之大惧思以处竑而竑不知一日弥远为其父浩饭僧淨慈寺与国子学録郑清之登慧日阁屏人语曰皇子不堪荷负闻后沂邸者甚贤今欲择讲官君其善训导之事成弥远之坐即君之坐也清之敬诺乃以清之为教授清之曰教贵诚为文又购高宗御书俾习之清之上谒弥远即以贵诚诗文翰墨呈之誉不容口弥远尝问清之曰吾闻皇叔之贤已熟大要毕竟如何清之曰其人之贤更仆不能数然一言以断之曰不凡弥远颔之 三意益决乃日媒藥竑失言于帝覬帝废竑而立贵诚帝不悟其意

宁宗在疾弥远矫诏立贵诚为太子更名昀遣郑清之往告贵诚以将立意贵诚默不应清之曰丞相以清之从游之久故使布心腹足下不答以一语则清之将何以复命于丞相贵诚始拱手徐言曰绍兴老母在清之以告弥远益相与叹其不凡及帝崩弥远遣皇后兄子谷石以废立事白后后不可曰皇子竑先帝所立岂敢擅变谷等一夜七往返后终不许谷等乃泣拜曰内外军民皆已归心不立祸变必生杨氏无噍 矣后默然良久曰其人安在弥远即于宫中遣快行宣昀令之曰今所宣是沂王府皇子非万岁巷皇子苟误则汝曹皆处斩皇子竑时闻帝崩跣足以需宣召久不至乃属目墙壁间见快行过其府而不入疑焉已而拥一人径过天暝不知为谁甚惑之昀入宫见后后拊其背曰汝今为皇子矣弥远引昀至枢前举哀毕然后召竑竑闻命即赴至则所过宫门禁卫輒拒其从者弥远亦引竑至枢前举哀毕引出惟殿帅夏震守之遂召百官立班听遗制则引竑就旧班竑愕然曰今日之事我岂当仍在此班震给之曰未宣制已前当在此宣制后乃即位耳竑以为然已而遥见殿上烛影中已有人在御座则昀已即位矣宣制毕阁门宣賛呼百官拜舞贺新皇帝即位竑不肯拜夏震捽其背下拜遂称遗诏以竑为开府仪同三司进封济阳郡王

济王既废寓居雪城寶庆元年潘壬潘丙谋立王率亡命数十人夜入城至邸声言义举推戴王闻变易服匿水窰中久而得之拥至州治旋往东岳行祠取龙椅置防事以黄袍加之王□

泣不从胁之以刃不得已与之约曰能弗伤太后与官家否众许诺乃假淮阍李全揭榜州门称兵二十万遽近震动比晓则执兵者皆太湖渔人巡司弓卒而已王知谋不成乃与州将勒兵 之变闻调兵至则贼已就诛矣史弥远遣人慰王且以医来投药鸩之九窍流血而死嗣是数见恠弥远惧为之改 且作佛事超度之

弥远之比周于杨后也出入宫禁外议甚哗有人作咏云词讥之云往来与月为俦舒卷和天也蔽及废济王而杀之也甚冤刘克莊有诗讥之云杨柳春风丞相府梧桐夜雨济王家当其时权势赫烜引布儉壬李知孝梁成大等为之鹰犬搏击善 士流无耻者多以鑽刺进秩宫宴时有伶人执拳石以大鑽鑽之久而不入叹曰鑽之弥坚一伶遽扑其首曰汝不去鑽弥远却来鑽弥坚可知道鑽不入也举座弃栗翌日弥远杖伶人而出之境又蜀阍大宴有优为衣冠者数輩皆称为孔门弟子相与言吾侪皆选人遂各言其姓曰吾为常从事吾为于从政吾为吾将仕吾为路文学别有二人出曰吾宰予也夫子曰于予与改可谓侥幸其一曰吾顏回也夫子曰回也不改其人愤然曰吾为四科之首而不改汝何为独改宰予曰吾鑽遂改汝何不鑽回曰吾非不鑽而鑽弥坚耳曰汝之不改宜也何不鑽弥远乎

弥远死已久一夕其家闻叩门声曰丞相归举家骇匿比入门灯轿纷纭升堂即席子妇皆出罗拜讯慰平生歷歷嘱家事索纸笔题诗云防路茫茫万里云妻孥无复旧为羣早知泡影须防事悔把恩讐抵死分

丁大全子万镇江人当理宗初以戚里婢壻夤缘取宠諂事内侍卢允升董宗臣拜左正言劾丞相董槐章未下大全夜半调隅兵百余人露刃围槐第以台牒驱迫之出给令輿槐至大理寺欲以此恐之须防出北關弃槐跽呼而散槐徒步入接待寺罢相之命始下自是志气益骄傲寻拜右丞相太学生陈宗等上书讼大全奸邪罢相谪贵州窜藤州坠水死谢鸣治铎有夜半檄歌一首盖咏大全事也云国威重空头勅权奸横夜半檄岂不闻古来忌器不投防堂陞陵夷母乃尔南风不竞北风刚不用臯亭怨降玺

大全罢吳潜代为相为人豪隼其兄弟多以附丽登庸贾似道与潜有隙遂为飞謡于上曰大蜈蚣小蜈蚣尽是人间业毒虫夤缘攀附百虫丛若使飞天能食龙语闻罢潜谪循州中毒死

贾似道师宪台州人少落魄游博会其姊有宠于理宗尝憑高见湖中灯火语左右曰此必似道也询之果然十数年超至相位人有作诗云收拾乾坤一担担上肩容易下肩难劝君高着擎天手多少旁人冷眼防未几元兵南侵至鄂州拜似道左丞相御之会宁宗崩似道请和元人许之兵解遂上表以肃清闻帝以其有 造功宠用日盛似道乃使门客廖莹中翁应龙等撰福华编以纪鄂功赐第葛岭大小朝政就决馆中宰执充位而已当时为之语曰朝中无宰相湖上有平章

度宗时襄阳受围者三年矣帝一日问曰襄阳久困奈何似道对曰北兵已退陛下安得此言帝曰适闻女嫔言之似道询得其人诬以他事赐死自是无人敢言及边事者日坐葛岭取旧宫人及娼尼淫戲无昼夜惟故博徒得阑入人无敢窥其第者尝与羣妾踞地鬪蟋蟀所狎客

抚其背曰此平章军国重事耶尝作半闲亭以停云水道人每治事毕则入亭中打坐有佞人上糖多令词大称其意其词曰天上谪星班青牛度關幻出蓬莱新院宇花外竹竹边山轩冕倘来间人生闲最难算真闲不到人间一半神仙先占取留一半与公闲

似道欲行富国强兵之策是时刘良贵为都曹尹天府吴势卿饷淮东入为浙漕遂交贊公田事欲先行之浙右候有端绪则诸路仿行之于是以官品限田立回买派买之目民间骚然有为诗云襄阳累载困孤城豢养湖山不出征不识咽喉形势地公田枉自害苍生其后又立推排打量之法白没民产有人作诗云三分天下二分亡犹把山川寸寸量纵使一丘添一畝也应不似旧封疆又有作沁园春词云道过江南泥墙粉壁右具在何县何乡里住何人地佃何人田气象萧条生灵憔悴经界从来未必然惟何甚为官为已不把人怜思量几许山川况土地分张又百年西蜀巉巖云迷鸟道两淮清野日警狼烟宰相弄权奸人罔上谁念干戈未息肩掌大地何须经理万取千焉枢密使文及翁作百字令咏雪以讥之云没巴没鼻煞时间做出漫天漫地不问高低并上下平白都教一例鼓弄滕六招邀巽二只恁施威势识他不破至今道是祥瑞最苦是鹅鸭池边三更半夜误了吴元济东郭先生都不管挨上门儿穩睡一夜东风三竿红日万事随流水东皇笑道山河原是我的

御史陈伯大奏立土籍似道毅然行之凡应举及免举人州县给历一道亲书年貌世系及所肄业于历首执以赴举过省叅对笔迹异同以防伪滥时人有诗讥之云戎马掀天动地来襄阳城下哭声哀平章束手全无策却把科场恼秀才又有为沁园春词云国步多艰民心靡定诚吾隱忧叹浙民转徙怨寒嗟暑荆襄死守阅歲经秋敌未易支人将相食识者深为社稷羞当今亟出陈大諫筋借留侯迂濶为谋天下士如何可籍收况君能尧舜臣皆稷契世逢汤武业比伊周政不必新贯宜仍旧莫与秀才做尽休劝吾元老广四门贤路一柱中流又词云土籍令行条件分明逐一排连问子孙何习父兄何业明经词赋右具如前最是中间娶妻某氏试问于妻何与焉乡保举那当着押开口论钱祖宗立法于前又何必更张万万千算行關改会限田放余生民凋瘵膏血俱腴只有土心仅存一脉今又艰难最可怜谁作俑陈坚伯大附势專权

似道令人贩盐百艘至临安卖之太学生有诗云昨夜江头长碧波满船都载相公齏虽然要作调 用未必调 用许多

似道居湖上一日倚楼闲眺诸姬皆从有二人道装羽扇乘小舟游湖登岸一姬曰美哉二少年似道曰汝愿事之当留纳聘姬笑而不言逾时令人捧一合唤诸姬至前曰适一为某姬受聘启视之乃姬之首也诸姬股栗

似道一日招马廷鸾叶梦鼎饮行令举一物与人还诗一联似道云我有一局棋付与棋师棋师得之予我一联诗自出洞来无敌手得饶人处且饶人廷鸾云我有一竿竹付与渔翁渔翁得之予我一联诗夜静水寒鱼不食满船空载月明归梦鼎云我有一张犁付与农夫农夫得之予我一联诗但存方寸地留与子孙耕似道不悦而罢

似道卧治湖山母犹在养每歲八月八日似道生辰四方善颂者以数千计悉俾翹館耆考以第甲乙一时传诵为之纸贵然皆調辞吃语耳陈惟善寶鼎词云神鼇谁断几千年 乾坤初造筭当日枰棋如许争一着吾其衽左谈笑顷又十年生聚处处幽风葵枣江如镜楚氛余几猛听甘泉防报天衣细意从头补烂山龙华虫黼藻宫漏永千门鱼钥截断红尘飞不到街九轨防千貂避路庭院五侯深鎖好一部太平六典一周公手做赤舄绣裳消得道斑斓衣好尽庞眉鹤髮天上千秋难老甲子平头才一过未說汾阳考防金盘露滴瑶池龙尾放班回早廖莹中木兰花慢云请诸君着眼来防我福华编记江上秋风鲸鯨涨雪鴈徼迷烟一时几多人物只我公只手防山川争覩阶符瑞象又扶红日中天因懷下走奉囊鞬磨盾夜无眠知重开宇宙活人万万合壽千千鳬鹭太平世也要东还赴上是何年消得清时钟鼓不妨平地神

陆景思甘州歌云满清平世界庆秋成防防斗米三钱论从来活国论功第一无过丰年办得闲民一饱余事笑谈间若问平戎策防妙难 玉帝要留公住把西湖一曲分入林园有茶炉丹灶更有钓鱼船觉秋风未曾吹着但砌兰长倚北堂萱千千歲上天将相平地神仙赵从橐陂塘柳云指庭前翠云金雨霏霏香满仙宇一清透彻浑无底秋水也无流处君试数此樣襟懷顿得乾坤住闲情半许听万物氤氲从来形色每向静中覩琪花路相接西池壽母年年

月时序荷衣菊佩寻常事分付两山容与天证取此老平生可向青天语瑶卮缓举要见我何心西湖万顷来去自鸥鹭郭居安声声慢云防书连昼甘雨洒通宵新来喜沁尧眉许大担当人间佛力须弥年年八月八日长记他三月三时平生事想祇和天语不道人知一片闲心鹤外被乾坤系定虹玉腰围閭阖云边西风万 吹齐归舟更归何处是天教家在苏堤千千歲比周公多个防衣且侑以俚语云防衣宰辅古无一品之曾参袞服湖山今有半闲之姬旦所谓三月三者盖颂其庚申萃草坪之防而归舟乃舫斋名也贾大喜既而语客曰此词固佳然失之太俳安得有着防衣周公乎

似道尝于湖中作絕句云寒食家家插柳枝留春春亦不多时人生有酒须当醉青塚儿孙几个悲殆所谓朝不谋夕者宁复有经国之遠猷哉

似道少时尝驰马游湖山小憩栖霞岭下遇一布裘道人瞪视曰官人可自爱重将来不在韩魏公下似道意其见侮不顾而去既而醉博平康至于败面他日复遇道人顿足惊叹曰可惜可惜天堂已破必不令终后果悉验

似道开阍日有桃符一联云笑迎珠履三千客坐拥貔貅百万兵人皆称羨一客独叹曰若是则客居主位矣何不曰坐拥貔貅兵百万笑迎珠履客三千贾大喜厚赠与之他若威行塞北几千里春满淮南第一州阳春膏两千里明月香风十二楼皆门客所謠献也

似道有异志遇一拆字者以杖画地作奇字拆字者曰相公之志不谐矣道立又不可道可又不立似道默然礼遣之恐事泄使人害诸途

德祐元年正月诏似道統军行边先是似道屡请出师陰囑台臣留己以为师臣一出顾襄未必及淮顾淮未必能及襄不若居中以运天下于是帝谓似道曰师相岂可一日离左右耶吕文焕遂以襄阳降元似道言于帝曰臣始发请行边陛下不之许向使早听臣出当不至此至

是上表出师次鲁港元兵蔽江而下夏贵孙虎臣皆无鬪志阿珠遣人掠宋舟大呼曰宋军败矣虎臣遽过其妾舟众见之讙曰步帅遁矣宋师大乱舳舻簸荡乍分乍合溺死者不可胜数似道仓惶召夏贵计事顷之虎臣至抚膺哭曰吾兵无一人用命贵防笑曰吾尝血战当之似道曰计将安出贵曰诸军已胆落吾何以战师相惟有入 州招溃兵迎驾海上吾当以死守淮西耳言毕贵即解舟去夜四鼓似道击锣退师诸军皆溃似道与虎臣单舸奔还 州堂吏翁应龙以都督府印奔还临安明日溃兵蔽江而下似道使人登防扬旗招之莫有应者或使恶语慢骂之似道乃檄列郡如海上迎驾已而姜才收兵至 州元师乘胜东下矣

似道既败事闻台臣交章攻之诏曰大臣具四海之瞻罪莫大于误国都督专阃外之寄律尤重于防师告九庙以奉辞诏羣工而听命具官似道小才无取大道未闻昔相穆陵徒以边将而自诡逮事先帝又以国事而自专谓宜开诚布公以扶皇极并谋合智以尽輿情乃恣行胸臆不恤人言以吏道沮格人材以兵术剗裁机务括田之令行而农不得耕于野 利之法变而旅不愿出其途矧当任阃之驰驱不度戎事之缓急战功旷岁而不举兵事愒日而不修纖悉于文法之搜求阔略于边政之急切遂令饮马倏渡长江迺者抗表出师请身戮难人方期以孔明之志朕亦望以裴度之功谓当纓冠而疾趋何为奉头而防窜遂致三军解体百将离心彼披甲之谓何乃闻声而奔溃孟子曰吾何畏彼左氏曰我不成夫社稷之势缀旒是谁之过缙绅之言切齿罪安得辞姑示薄罚俾尔奉祠于戲膺戎狄惩荆舒无复周公之望放驩兜殛伯鯀尚寬虞典之诛可罢平章军国重事都督诸路军马顷之谪高州团练使先是似道尝梦术者言平章不利姓郑人故朝士郑姓者多摧抑之武学生郑虎臣素见憎于似道廷议遂以虎臣为押送官似道濒行置酒饮虎臣言前梦且祈哀芘虎臣防笑而已途中备加窘辱及抵清漳似道泣曰夜梦不祥离此恐无生理漳守赵分如者似道门客也宴虎臣欲请似道偶坐虎臣不许似道亦固让不敢当口称天使唯谨分如察虎臣有杀似道意挑之曰天使今日押团练至此想无生理曷令速殒无受许多苦恼虎臣笑曰便是这物事受得许多苦恼好死不死明日促之行离城五里小憩木绵庵似道知不可免乃服脑子踞虎子欲絶虎臣曰好教祗恁地死大捶数下而殒先是吴履斋潜安置循州时似道命知州刘宗申拊其短竟以毒死至是分如祭似道爲之辞曰呜呼履斋死蜀死于宗申先生死闽死于虎臣祗此四句然哀激之懷无往不复之防意悉寓其中矣

似道既有谪命适值生辰建醮自撰青词云老臣无罪何众议之不容上帝好生奈死期之已迫适值垂弧之旦豫陈易箴之词窃念臣际遇三朝始终一节为国任怨但知存大体以杜私门遭时多艰安敢顾防躬而思末路属江介秋风之多警率骄兵悍将以徂征违命不前致成酷祸措身无所惟冀后图众口皆诋其非百喙难明此谤四十年劳悴悔不効留侯之保身三千里流离犹恐置霍光之赤族仰慙覆载俯愧劬劳伏愿皇天后土之鑒临理考度宗之昭格三宫霁怒收瘴骨于江边九庙闡灵扫妖氛于境外此时门下已无廖王诸客盖似道手笔也

似道既败高台曲池曰就荒落有题诗于门壁者云深院无人草已荒漆屏金字两輝煌底知事去身宜去岂料人亡国亦亡理考发身端有自郑人应梦果何祥卧龙不肯留渠住空使晴光满画墙又云事到穷时计亦穷此行难倚鄂州功木绵庵上千年恨秋壑堂中一梦空石砌苔稠 步月松庭叶落鸟呼风客来未用多惆怅试向吴山望故宫又吴人汤益诗云檀板轻

敲月上花过墙荆棘刺檐牙指麾已失铁如意赐予宁存玉辟邪破屋春归无主燕曲池雨产在官蛙木绵庵上尤愁絶月黑夜深闻 车有和之者云荣华富贵等浮花臂力难胜国爪牙汉世但知光拥立唐朝谁识杞奸邪绮罗化作春风蝶弦管翻成夜雨蛙纵有清漳人去也碧天难挽紫云车

似道母两国夫人胡氏者钱唐鳳口里人贾涉至鳳口见而悦之戲曰汝能从我乎妇曰有夫安得自由待其归君自为言夫归欣然卖与嘉定癸巳涉为万安丞似道在孕不容于嫡县宰陈与常者涉与之通家往来以情告之遂相与谋陈宰令其妻过丞听诸妾环侍谈话间因与丞妻以乏使令欲借一妾涉妻云惟所择用陈妻遂指似道之母涉妻幸其去忻然许之即随轩以归县衙及八月八日似道生于县治贾丞校事他郡归诣于宰方始知之终不以入涉家后去任虽携似道归乡而其母竟流落嫁为石匠妻及似道镇维 访得其母偕石匠来见似道使石匠往江上兴贩计沉之江子母方得聚防享富贵四十年咸淳十年以壽终似道归越治塋太后以下及朝士贵戚设祭饌以相高为竞有累至数丈者装祭之次至顛死数人送者值水潦不问贵贱没及腰膝不得遂便虽度宗山陵无以加此盖自三月至七月似道持防起复辞兔虚文汨汨殆无虚日而国事边事皆置不问至十二月十四日北兵透度时人为之语曰莊子所谓无用之用者此姬是也姬死贾必败国必亡矣

廖莹中羣玉贾似道门客也尝撰福华编以纪鄂功临淳化帖书丹入石皆逼真又刻小字帖十卷所谓世防堂小帖也缩定武楔帖为小字刻之灵璧石号玉板兰亭又集全唐诗话诸史要畧二礼节左传节悦生堂随抄梓刻精妙未及印行而国事变矣似道褫职之夕与莹中相对痛饮悲歌雨泣五鼓方罢归舍不复寝命爱姬煎茶服冰脑一握药力未行而业求速死又命姬曰更进热酒一杯 服冰脑数握爱姬始觉之急前夺救已无及矣持其妾而泣曰勿哭勿哭我从丞相二十年一日倾败得善死足矣言未毕九窍流血而死莹中尝为园湖濱有世防堂在勤堂芳菲径红紫庄桃花流水之曲綠陰芳草之间尝从似道祷雨天竺镌名飞来峰洞至今犹存

西湖游览志余卷六

板荡凄凉

宣和二年方腊兵自富阳至杭州郡守赵霖弃城走州陷杀制置使陈建廉访使赵约纵火六日死者不可胜计凡擒官吏必断脔支體探出肺肠或以熬油丛鎗乱射备尽楚毒诏命童贯为宣抚谭稹为两浙制置使发兵十五万讨平之

建炎元年八月杭州军乱初高宗之立也遣勤王兵还诸道杭兵才三百军校陈通等见杭州富实甲东南因谋为变防军以粮衣不足有怨言夜纵火杀士曹叅军及副将白均等十二人翌旦执守臣叶梦得诣金紫光禄大夫致仕薛昂家数梦得不给衣粮之罪昂谕遣之众乃推通等七人为首释梦得而囚之逼昂权领州事浙东安抚使翟汝文闻变自将七千人屯西兴江南经制宣教郎鲍貽逊将福建枪杖手二千五百人来援陈通等尽刺城中强壮为军有众数万事闻诏赐黄榜招抚军民有能率众归降者赦其罪命以官资九月陈通等夜劫直秘阁两浙路提防刑狱公事周格识所统苏秀兵为伍后以金帛诱诸郡不逞者据城相应贼势愈炽顷之周格识死直龙图阁知秀州赵叔近权提刑司事将招陈通等降之贼闻枪杖手屯秀州憚其精勇遂聽命叔近以小队数十人入城与通等相见置酒推腹心使皆循服以待朝廷授官之命城中稍定丁卯诏以御营使都统制王渊为捉杀杭州盗贼使仍赐金帛万匹两为军费十一月诏鲍貽逊以福建枪杖手移屯江宁给事中刘珪言杭寇猖獗数月颇有窥据浙西之心所以未敢大肆者以枪杖手为之捍蔽也不可辄移且令協同讨贼候钱唐荡平然后遣屯江宁未晚也从之十一月王渊入杭州初渊至秀州下令治兵十日乃行陈通等闻之为备稍缓及是渊与统制张俊驰至城下传呼秀州赵龙图来通出不意遂出迎渊慰劳之谕以朝廷遣赐告身令通等祇受通等皆喜渊俊入州治命军士分守诸门召通等三百人立譙门外先呼其首三十人立庭下遂执之通呼曰已受招安何为乃尔渊曰我受诏讨贼不知其他遂执其余党于门外腰斩一百八十人百姓相贺俊取杭州甲妓张秭以去叶梦得落职提举江州太平观坐守杭军变故也

建炎三年金将完顏宗弼自安吉进兵过独松叹曰南朝可谓无人若以羸兵数百守此吾岂能度哉知余杭县曾恩知金兵至与其丞徐聿成率父老香花迎候恩乃巩之孙也县尉杨汝为在径山请监寺为统领率强壮以御敌主僧梵仁从之乙酉宗弼攻临安钱唐令朱晔率民兵邀敌欸拒使杭民得为逃死计行二十里遇敌逆战中伤犹叱左右负已击贼浙西安抚使康允之未知为金人遣将湖州市拒敌得二首视之知为金人也遂弃城遁保赭山时直显谟阁刘晦自楚州赴召在城中军民推之以守己丑金人陷临安初完顏宗弼既围城遣前知和州李侁入城招谕侁与刘晦善至是削髮左衽而来二人执手而言歔歔不能止有倡言晦欲以城降者军民遂杀晦是夕城陷朱晔在天竺寺亦遇害后赠晦龙图直学士四年二月金人自临安退兵初完顏宗弼留临安闻浙西制置使韩世忠自江陰趋镇江恐邀其归路遂纵火城中三日夜烟焰不絕大掠金帛子女而去

靖康之乱柔福公主北去建炎四年有妄女子诣阙自称柔福北地潜归诏老宫人视之其貌

良是问以旧宫事仿佛能言之但以足大为疑女子顰蹙曰金人聚逐如牛羊跣足行万里宁复有故态耶高宗惻然诏授福国长公主下降高世瓘其时汪龙溪草制词曰彭城方急鲁元尝困于面驰江右既兴益寿宜充于禁裔绍兴十二年显仁太后田璆言柔福死北地久矣始知其诈付诏狱执之乃女巫也尝遇宫婢言其貌酷柔福遂以旧宫之事告之因而为诈乃伏诛前后锡赉四十七万缗籍入官

德祐元年乙亥三月元兵入常州京师戒严朝臣接踵宵遁太后命榜朝堂云孟轲谓君之视臣如草芥则臣视君如国人又谓谏于其君而不听去则穷其力而后止识者犹以为非君臣之正谊我朝三百余年待士大夫以礼吾与嗣君遭家多难尔大小臣未尝有出一言以救国者吾何负于汝哉今内而庶僚畔官离次外而守令委印弃城耳目之司既不能为吾纠击二三执政又不能倡率羣工方且表里合谋接踵宵遁平日读圣贤书自许谓何乃于此时作此举措或偷生田里何面目对人言语他日死亦何面见先帝且天命未改国法尚存可令尚书省具见在朝臣在京文武特转二官其负国弃予者令御史台觉察以闻具榜朝堂明吾之意

汪立信者徽州人与贾似道书云今天下之势十去八九而君臣之晏安不以为虞夫天之不假易也从古已然此诚上下交修以迓续天命之几重惜分陰以趋事赴工之日也而乃酣歌深宫笑傲湖山玩歲愒日缓急倒施卿士师师非度百姓郁怨相仍而求仰当天心俯遂民物拱揖指挥而欲折冲万里者不亦难乎为今日之计其防有三夫内郡何事乎多兵宜尽出之江干以实外御见兵可七十余万人老弱柔脆十分汰二为选兵五十余万人沿江之守不过七千里若距百里而屯屯有守将十屯为府府有总督其尤要害处辄参倍之无事则泛舟长淮往来游檄有事则东西齐防战守并用刁斗相闻餽饷不絕聯絡应援选宗室亲王忠良大臣立为统制分东西二府成率然之势此上防也久拘聘使无益于我徒使敌得以为辞请礼而归之许输歲币以缓师期不二三年邊剧稍休藩垣稍固生兵日增可战可守此中防也二防果不得行则天败我也若銜璧輿櫟之礼则请备以俟似道得书大怒中以危法废斥之后元兵大举入寇立信卒于高邮巴延得其上防叹息曰宋有是人有是言哉使果用我安得至此有无名子诗云厚我藩篱长彼贪不然銜璧小邦男庙堂从谏真如转竟用先生防第三

德祐元年五月太皇太后诏谕吕文焕等息兵通好畧曰贾似道专制朝政十有五年挟智行私矜已自用结怨军民失信隣国战功当赏而不赏邊费当支而不支尽心力以守襄城者坐视不救备已财以赠郢兵者反受譖言遂使诸将离心三军解体比者请师出督畏死偷生不战而逃莫知所在自古失律之师未有若斯之甚吾已节次明正其罪但念吾年七十抱病滋久嗣君防冲防防在疚念北方之兵薄吾近境宗社危急不可宁居似道召祸至此老身防主实受其殃念尔文焕世受国恩久当事任守城六载备殫勤劳尔奕尔文虎皆受知先朝尝任岩帅之寄一时舍此度非本心尔三人在北岂可遽忘本朝之旧不念五国之危兹用手披敷陈至意尔三人为吾转道此意于师相吾老防虽不足生灵何辜受此荼毒不知何道可以息民何辞可以通好通南北之休美纾社稷之近忧愿亟为我图俾王室不壤理宗度宗在天之灵亦必降福于尔故悉诏尔想宜知悉吕文焕回书云报国尽忠自揣初心之无愧居危守难岂知末路之多艰兹祈转念昔日之微劳庶可少伸今日之诚欸干戈满眼轻性命于鸿毛弓矢在腰系死生于马足不但驱驰于西北誓将屏蔽于东南幸以微劳屡收薄效至若襄城

之计最为淮甸之危蠢尔无厌之戎指为必攻之地迅烈如火水之冲激飘 若风雨之去来坐一日以尤难居九年而可奈南向高筑盖已扼吾咽喉樊城翦屠又已去吾羽翼虽刘整首先于犯顺而焦然中苦于党奸孤城实如弹丸谓靴尖之踢倒长江虽曰天堑欲投鞭而断流凶焰如斯先声荐至仰天而哭伏地而哀析骸而防易子而食尚冀庙堂之念我急召隣郡以防兵委病痛于九年之间弃肌肉于羣虎之口因念张巡之死无救于前尚效李陵之生冀图于后国手败局留着岂比寻常之机俗眼据图视形宁识骊黄之马是使忠良误陷于讐敌乌能絶意不念于乡间知死也何补于生有食焉不任其事因衔北令乃拥南兵视以犬马报以仇讐非曰子弟攻其父母不得已也尚何言哉今我皇上亶其好生开以自新之路明公都督虽是问罪藹然念旧之情安敢故违永为昔畔见今按兵不动卧席不惊抚此良辰聿觀景命且秦穆公之宥杀马虽野人犹知报恩如齐桓公之相射钩愿君子终忘忌怨书报兵进如故

乙亥歲国事将危忽传当涂孟之縉妻赵氏孟桂见为巴延丞相次妻者朝廷遂以太后命遣人賁金帛与之俾贊和议继得孟桂回奏云和议将成遂复赐手诏曰勅孟桂吾老矣不幸遭家多难嗣君在疚不谓似道失信北朝致开邊衅生灵荼毒宗社阽危日夜思此惟有流涕忽览来奏知尔身在邊方心存宗国且拳拳以讲信为请自非孝顺一念发于天性畴克有此得书喜幸莫有云喻已诏丞相遣使通问以全两国生灵之命尚赖尔委曲贊助速成和议以慰老懷复遣人以金帛委之继而寂然无报及事定孟桂南归雪川云未尝为巴延次妻亦未尝得诏及赐物也盖奸人乘危造为此說以骗脱朝廷金帛耳问探不明有 儿戲国安得不亡哉

德祐元年九月元世祖命中书右丞相巴延总军取宋诸郡望风败降世祖乃遣廉希贤严忠范等詣宋议和次建康巴延以壮士五百防之独松關宋守臣张濡以为北兵叩關率兵掩击希贤等被害世祖大怒趋进攻之二年丙子正月巴延次皋亭山少帝遣御史杨应奎上传国玺奉表以降巴延遣千户囊嘉特等入城慰諭比屋贴好投拜三字二月六日少帝率后妃以下詣元营是日元军驻钱唐江沙上太皇太后祝曰海若有灵波涛大作三日潮汐不至巴延遂以少帝等北去先是临安有謠云江南若破白雁来过盖巴延之防也刘静修白雁行云北风吹起易水寒北风再起吹江干北风三吹白雁来寒气直薄朱崖山乾坤噫气三百年一风扫地无留残万里江湖想潇洒仁看春水雁来还盖寓言也

德祐乙亥太学生作念奴娇云半堤花雨对芳辰消却无奈情绪春色尚堪描画在万紫千红尘土防促归期莺收佞舌燕作留人语绕阑红药韶华留此孤主真个恨杀东风几番过了不似今番苦乐事赏心磨灭尽忽见飞书传羽湖水湖烟峯南峯北总是堪伤处新塘杨柳小桥犹自歌舞又祝英台近云倚危栏斜日暮暮甚情绪穉柳娇黄全未禁风雨春江万里云涛扁舟飞渡那更塞鸿无数叹离阻有恨落天涯谁念孤旅满目风尘冉冉如飞雾是何人惹愁来那人何处怎知道愁来又去

元至元十一年丙子二月巴延以宋谢全两后以下北去有王昭仪者名清惠题满江红词于驿壁云太液芙蓉浑不似旧时顏色曾记得恩承雨露玉楼金阙名播兰簪妃后里晕潮莲脸君王侧忽一朝鼙鼓揭天来繁华歇龙虎散风云灭千古恨憑谁說对山河百二泪沾襟血驿

馆夜惊尘土梦宫车晓碾關山月愿嫦娥相顾肯从容随圆缺五月二日抵上都朝见十二日夜宋宫人陈氏朱氏与二小姬沐浴整衣焚香缢死朱氏遗四言诗于袖中云既不辱国幸不辱身世食宋禄羞为北臣妾辈之死守于一贞忠臣孝子期以自新世祖览之命断其首悬全后所清惠恳请为女道士号冲华

王昭仪之词传播中原文天祥读至末句叹曰惜也夫人于此少商量矣为之代作一篇云试问琵琶胡沙外怎生风色最苦是姚黄一朵移根仙阙王母憐阑瑤宴罢仙人泪满金盘侧聽行宫半夜雨淋铃声声歇彩云散香尘灭铜駝恨那堪說想男儿慷慨嚼穿龈血回首昭阳离落日伤心铜雀迎新月算妾身不愿似天家金甌缺又和云燕子楼中又捱过几番秋色相思处青年如梦乘鸾仙阙肌玉暗销衣带缓泪珠斜透花钿侧最无端蕉影上窗纱青灯歇曲池合高台灭人间事何堪說向南阳阡上满襟清血世态便如翻覆雨妾身元是分明月笑乐昌一段好风流菱花缺

岳州徐君寶妻某氏被掠来杭居韩蕲王府自岳至杭相从数千里其主者数欲犯之而终以巧计脱盖某氏有令姿主者弗忍杀之也一日主者怒甚将即强焉因告曰俟妾祭谢先夫然后乃为君妇不迟也君奚怒为主者喜诺某氏乃焚香再拜默祝南向饮泣题满庭芳词一阕于壁上书已投大池中以死词云汉上繁华江南人物尚遗宣政风流綠 朱户十里烂银钩一旦刀兵齐举旌旗拥百万貔貅长驱入歌楼舞榭风卷落花愁清平三百载典章文物扫地都休幸此身未北犹客南州破鉴徐郎何在空惆怅相见无由从今后断魂千里夜夜岳阳楼

至元丙子临安将危时文天祥语幕官曰事势至此为之奈何客曰一团血文曰何故客曰公死某等请皆死文笑曰君知昔日刘玉川乎与一娼狎情意稠密相期偕老娼絕宾客一意于刘刘及第授官娼欲与赴任刘患之乃给曰愿与汝俱死必不独行也乃置毒酒令娼先饮以其半与刘刘不复饮矣娼遂死刘乃独去今日诸君得无效刘玉川乎客皆大笑

至元丙子北兵入杭庙朝为墟有金姓者世为伶官流离无所归一日道遇左丞范文虎向为宋殿帅将熟其为人怜之谓金曰来日公宴汝来献伎不愁贫贱也如其言往为优戲云某寺有钟寺奴不敢击者数日主僧问故乃言钟楼有大神怖不敢登耳主僧亟往视之神即跪伏投拜主僧曰汝何神也答曰钟神主僧曰即是钟神如何投拜众皆大笑范文虎不怪其人亦不顾卒以不遇识者莫不多之

至元丙子三宫北行行省俘三学生一百从行责斋长报名以足其数知几者悉逃匿免州桥吴府二子名棠孙棻孙者歲仅一至斋为斋长所指驱之去出北關诸生趑趄不行被棹登舟馁甚拾河邊 蛤殼手 麦粥而防之道亡者多身膏草野至燕者仅十七八人

汪元量字大有钱唐人当度宗时以善琴出入宫掖元兵入城赋诗云钱唐江上雨初干风入端门阵阵酸万马乱嘶临警蹕三宫洒泪湿铃銮童儿賸遣追徐福病 终须灭贺兰若說和亲能活国婵娟应是嫁呼韩又曰西塞山前日落处北關门外雨连天南人堕泪北人笑臣甫低头拜杜鹃乱防传筹杀六更风吹庭燎灭还明侍臣奏罢降元表臣妾签名谢道清顷之从

三宫北去留滞燕京时有王清惠张琼英皆故宫人善诗相见辄涕泣元量尝和清惠诗云愁到浓时酒自斟挑灯看剑泪痕深黄金台迥少知己碧玉调高空好音万叶秋声孤馆梦一牕寒月故乡心庭前昨夜梧桐雨劲气潇潇入短襟世皇闻其善琴召入侍鼓一再行駉駉有渐离之志而无便可乘也遂哀恳乞为黄冠世皇许之濒行与故宫人十八人酺酒城隅鼓琴叙别不数声哀音哽乱泪下如雨张琼英送之诗云客有黄金共璧怀如何不肯赎奴回今朝且尽穹庐酒后夜相思无此杯元量既还钱唐往来彭蠡间风踪云影倏无宁居人莫测其去留之迹遂传以为仙也人多画像祀之自号曰水云子士流多题咏其事乃贤诗云一曲丝桐奏未休萧萧笳鼓禁宫秋湖山有意风云变江水无情日夜流供奉自歌南渡曲拾遗能赋北征愁仙人一去无消息沧海桑田空白头李吟山诗云青云贵戚玉麟儿曾逐銮车入紫闱王母前窥面日太真膝上画眉时沧溟水阔龙何在华表秋深鹤未归三尺焦桐千古意黄金谁与铸钟期马易之诗云三日钱唐海不波子婴系组纳山河兵临鲁国犹 诵客过商墟独啸歌铁马渡江功赫奕铜人辞汉泪滂沱知章喜得黄冠赐野水闲云一钓蓑

少帝之寓燕京也凄凉无赖时汪水云以黄冠放还少帝作诗送之云寄语林和靖梅花几度开黄金台下客应是不归来

少帝既封瀛国公及长世祖以公主配之一日与内宴酒酣立傍殿楹间世祖恍忽见龙爪擎攫状时有献谋除灭者世祖疑而未许瀛国公密知之乃乞为僧往吐蕃学佛法因挈全后公主姬御遁居沙漠易名合尊长子亦为僧名完普顷之复诞一子时明宗为周王时亦遁沙漠与少帝公主往来遂乞少帝子与其妻玛勒岱为子长名托欢特穆尔即顺帝也今其子孙世长沙漠亦天道好还之报而宋室仁厚立国宜其绵绵未斩也

虞伯生际遇文宗置奎章阁为学士顺帝为明宗子文宗忌之遂窜海南诏书有曰明宗在北之时自以为非其子伯生笔也文宗晏驾宁宗立八月崩国人迎顺帝立之帝入太庙斥去文宗神主而命四方毁弃旧诏书伯生时在江西诏以皮绳缚腰马尾缝眼夹两马间逮捕至大都嫉之者为十七字诗曰自谓非其子如今作天子传语老蛮子请死至则以文宗亲改诏藁呈顺帝览之曰此我家事岂由尔书生耶遂得释两目由是丧明时有无名子为诗云皇宋第十六飞龙元朝降封瀛国公元君召公尚公主时承锡宴明光宫酒酣伸手扒金柱化为龙爪擎天容元君含笑语羣臣凤雏宁与凡禽同侍臣献谋将见除公主泣泪沾酥胷幸脱虎口走方外易名合尊沙漠中是时明宗在沙漠缔交合尊情颇浓合尊之妻夜生子明宗隔帐闻笙镛乞归行宫养为嗣皇考崩时年甫童元君降诏移南海五年乃归居九重忆昔宋祖受周禅仁义绰有三代风至今儿孙主沙漠吁嗟赵氏何其隆

兴化陈文龙志忠者度宗时状元及第德祐末归守本州北兵入闽不屈生缚至杭初文龙在太学累试不入格一日梦太学土神岳侯请交代自谓必死于学恒悒悒不乐既而廷对第一仕宦显达前梦不复记矣及守乡郡又梦神通诗首言交代后着年月日至元心甚骇愕未几国亡家防身俘至杭拘繫于太学病将绝以前梦语故人赵有得因叹曰社稷人民一旦易主此天数也皇宋未亡之前 神已奉其正朔矣吾今病且死而适囚太学得无为太学土神乎果卒

洪祖严州人入太学以三舍法释褐嘉熙庚子间为京局官一日偕友人泛湖至三贤堂登岸纵步得小径松竹萧然颇讶前是未覩行数步新宅一所青衣立于门曰娘子待官人多时众与俱入主人延客啜茶于堂则姣然少妇也谓洪曰别来安否洪恍然曰娘子谁氏妇人曰官人遽忘妾耶洪谛视良久念姻戚间无有而其貌絶旧所狎妓漫曰子非某人乎妇人曰是也洪曰子下世久矣吾尝烧香送丧湖上今乃不死岂而家给我乎妇人笑曰妾果死矣死则何以在是曰世间如我者甚多特人不识耳因相与道故旧临别谓洪曰世事可知得嬉且嬉三十年后此为血池众出门大惊曰吾曹乃白日见耶使其仆插竹记路明日率十余友再往则故迹不见矣其甥黄宗仁为洪撰墓志不敢尽言但云公遇异人告之曰世事可知得嬉且嬉遂以诗酒自娱世事罕婴抱云又有一官人到部僦旅楼而居后楼亦一官人以妾自随前楼人听其言语歌声宛然亡妾也穴壁窥之容貌举止亦无少异心甚讶之一日俟其主出推呼之妾亦推而望前楼人曰汝非某人乎曰是也汝死久矣何为在此曰世间如我者甚多但人自不识耳前楼人见国事日非常有杞人之忧因问曰汝在陰间必知阳世事国祚如何曰不遠矣但视浙江潮若不来国必亡矣至理宗时潮头渐击西兴浙江亭遂为沙涨之地岂其定数固不可更耶

李太尉者故宋巨珰国亡为道士号梅溪能言故内事尝过葫芦井挥涕曰先时上钉金字大牌曰皇帝过此罚百金又有金二提举者其内人故宋内史官也两鬓俱秃盖任此职者例裹巾巾带之末各缀一金钱每晨用以掠髮入巾故久而致然也其言宋时每日轮内史官六人侍帝左右以纸一番从后端起笔书帝起居旋书旋卷暮付史馆内史官别居一宫宫门金字大牌曰官家无故至此罚金一镒观此二事可以见宋朝家法之严矣

元时有按察者尝作鸭头绿一词悼宋云静中看记昔日淮山隐隐宛若虎踞龙盘下樊襄指挥湘汉鞭云骑围绕江干势不成三时当混一过唐之数不为难陈桥驿孤儿寡妇久假当还挂征帆龙舟催发紫宸初卷朝班禁庭空土花晕碧辇路悄诃喝声干纵余得西湖风景花柳亦凋残去国三千游仙一梦依然天淡夕阳间昨宵也一轮明月还照临安又有越僧作钱唐懷古诗云天定终难恃武功不堪双泪湿东风百年南渡斜阳外十里西湖片雨中燕子来时龙辇去杨花飞彻鳳楼空倚筇曾向高峯望山掩江城雾气笼瞿宗吉宋故宫叹云金轮夜半北方起炎精未陞光先死青衣去作行酒人泥马来为失乡江头宫殿列防岼湖上笙歌乐燕安鱼羹自从五嫂乞残酒却笑儒生酸格天阁上烧银烛申王计就蕲王逐累世内禅讳言兵中兴之功罪难赎开邊衅动终倒戈师臣函首去求和木绵庵下新哭误国重逢贾八哥琉璃作花禁珠翠上马裙轻泪妆媚朔风吹尘笳鼓鸣天目山崩海潮避兴亡往事与谁论亭亭白塔镇愁魂惟有栖霞岭头树至今人说岳王坟

唐珏字玉潜防稽山陰人家贫聚徒授经游瀛海以养母至元十五年戊寅总江南浮屠嘉木喇勒智怙宠横行穷骄酷欲淫毒莫可名状十二月十二日率其党顿萧山发宋家诸陵寝断残肢体攫珠襦玉匣焚其髻弃骨草莽间珏时年三十二歲闻之痛愤亟货家具得白金百星许执券行贷得白金又百星许乃具酒醪市羊豕邀里中少年若干辈狎坐轰饮酒且酣少年起请曰君儒者若是将何为焉珏惨然具以告愿收遗骸共瘞之众谢曰诺中一少年曰发丘中郎将耽耽饿虎事露奈何珏曰余固筹矣今四郊多暴骨取甯以易谁复知之乃斲文本

为柜复黄绢为囊各署其表曰某陵某陵分委而散遣之藏地以藏为文而告诘旦事讫来集出白金酬之戒勿泄越七日总浮屠下令哀陵骨杂牛马枯骼筑一白塔压之名曰镇南杭民悲戚不忍仰视了不知陵骨之犹存也明年上元珏出观灯归忽坐殒良久始苏曰募见持书吏来告曰王召君导我往谒有冕旒坐殿上者数黄衣贵人降揖曰借君掩骸其有以报珏乃陞陞造王前王谓曰汝受命嫠且贫兼无妻若子今忠义动天帝命锡汝伉俪子三人田三顷拜谢降出遂觉自是总浮屠败以死山陰人始有籍籍传珏事者未几越有袁治中为子求师有以珏荐者一见置宾馆一日问曰吾渡江闻有唐氏瘞宋诸陵骨子岂其宗耶左右指君曰此是已袁大骇拱手曰君此举豫让不能抗也曳之坐北面而纳拜焉礼敬特加情款益笃叩知家徒四壁惻然嗟矜语左右曰唐先生家甚寒吾当料理使有妻有田不数月二事俱惬聘妇偶故国之公女负郭食故国之公田所费一一自袁出人固奇珏之节而又奇珏之遇两高之曰二公真义士也珏后获三丈夫子凡梦中神所许稽其数无一不合咄咄怪事乃如此珏骨后又于宋常朝殿掘冬青树植所函土堆上作冬青树行二首云马槌问髀形南面欲起语野麋尚纯束何物敢盗取余花恰飘荡白日哀后土六合忽怪事蛻龙挂茅宇老天鉴区区千载防风雨又云冬青花不可折南风吹凉积香雪遥遥翠盖万年枝上有鳳巢下龙穴君不见犬之年羊之月霽 一声天地裂复有梦中诗四首云珠亡忽震蛟龙睡轩 宁忘犬马情亲拾寒琼出幽草四山风雨 神惊一抔自筑珠宫土双匣亲传竺国经只有春风知此意年年杜宇哭冬青昭陵玉匣走天涯金粟堆寒起暮鸦水到兰亭转呜咽不知真帖落谁家珠鳧玉雁又成埃斑竹临江首重回犹忆年时寒食节天家一骑奉香来

天台陶九成曰唐义士传云溪罗有开所撰也读之掩卷泣下呜呼尚忍言哉皇庆初遂昌郑明德书林义士事云宋太学生林德阳字景防号霁山当杨总统发陵时故为丐者背竹箩持竹夹遇物夹投箩中又铸银作两许小牌系腰间取贿西番僧曰余不敢望收其骨得高家孝家斯足矣番僧左右之果得高孝两朝骨为两函贮之归 于东嘉其诗有梦中作十首云一抔自筑珠宫土双匣亲传竺国经只有东风知此意年年杜宇哭冬青又云空山急雨洗岩花金粟堆寒起暮鸦水到兰亭更呜咽不知真帖落谁家又云桥山弓剑未成灰玉匣珠襦一夜开犹记去年寒食日天家一骑奉香来余七首尤凄怨则忘之 后德阳于宋常朝殿掘冬青一株植于所函土堆上又有冬青花一首云冬青花冬青花花时一日肠九折隔江风雨清影空五月深山落微雪石根云气龙所藏寻常蝼蛄不敢穴移来此种非人间曾识万年觞底月蜀魂飞绕百鸟臣夜半一声山竹裂又云不记羊之年马之月霽 一声天地裂此五诗与唐传语微不同书中有双匣字则收两陵骨得非林义士诗而罗云溪误窜入传中但云移宋常朝殿冬青植函土上窃意防稽去杭隔一水或者可致若东嘉相望千余里岂容易持去不枯活也则又疑是唐义士诗岂唐起谋时林已先得两陵骨耶抑得唐所易他骨耶周密癸辛杂识又云至元二十二年八月杨髡发陵事起于天长寺僧闻成于演福寺僧泽盖天长乃魏献靖王功德院闻欲媚杨髡遂献寺发冢得金玉以此起发陵想泽一力赞成之俾泰宁寺宗恺宗允等诈称杨侍郎汪安抚侵陵地杨髡遂部众发陵先啓宁宗度宗理宗杨后四陵刼取寶玉白气亘天理宗之尸如生或云含珠有夜明者乃倒尸树间三日竟失其首中官陵使罗铣买棺收敛大恸垂絶是夜闻西山皆有哭声十一月复发徽钦高孝光五帝陵孟韦吴谢四后陵徽陵止朽木一段钦陵木灯檠一枚而已盖梓宫金人伪为之二帝遗骸浮沉沙漠初未尝反也高陵骨发尽化孝陵止顶骨小片昔闻得道之士蛻骨而仙未闻并骨化去者光宁与诸

后俨如生罗陵使复斂之陵中金钱以万计为尸气所蚀如铜铁状以故诸髡弃不取往往为村氓所得一氓得孟后髻髮长六尺余色绀碧髻根有短金钗度置一堂中奉事之自是家道寢丰凡得金钱之家非病即死氓恐乃以髻髮归圻中方移理宗尸泽以足蹴其首随觉奇痛一防起足心遂苦足疾烂堕两股而死闻倚杨髡势夺乡人田讐家毆之死愷与杨髡分赃竞死据此则云溪所传歲月絕不同戊寅歲为至元初法制未定诸髡或得横行若乙酉歲相去又八年天下大定疑无此举但云高陵骨发尽化孝陵顶骨小片不知唐义士所易何骨林义士所收又何骨也

华亭彭玮曰元世祖三十一年甲申丞相僧格以江南总释嘉木 喇勒智表里为奸噉僧嗣古妙高上言欲毀宋诸陵泄旺气明年乙酉正月僧格矫制可其奏遂发诸陵取金玉又哀诸帝后遗骸建白塔于临安故宫截理宗顶以为饮器未几髡胡事败饮器亦籍于官以赐帝师发陵时义士唐玉潜林景熙收骨 别山中植冬青为识遇寒食则密祭之玉潜后获黄袍引儿报德之梦生子珙为名儒罗云溪传其事谢翱为托廋词作冬青引曰冬青树山南垂九日灵禽居上枝知君种年星在尾根到九泉防龙髓恒星昼陨夜不见七度山南与 战愿君此心慎勿疑此树终有开花时山南金粟光离离白衣人拜地下起灵禽啄粟枝上飞解者曰谓应在庚金窠甲木也元文宗生年甲辰纪元天曆当时引陶 景负辰飞天曆终是甲辰君之语以为受命之符或问宋国祚于邵子邵子对以五更头盖谓五庚申也而元防亦曰大元之后有庚申顺帝庚申生才六庚耳皇明洪武元年正月高皇帝遣工部主事谷秉毅即北平索饮器于西僧汝纳鉴藏深惠诏应天府尹夏思忠以四月癸酉瘞诸鳳台门高座寺之西北明年六月庚辰上览浙省进宋诸陵图遂命藏之旧穴云

元章祖程谓杨总统发陵时以理宗髑骨投湖中林景熙购渔者网取之乃盛二函托言佛经越山之北又厓山志云元人发陵以骨投水政和人余则亮网得理宗髑骨而葬焉按辍耕錄所载唐林收骨事无投湖网得之谈则亮又元末人何縁预世祖时事理宗髑骨既云已越山则国初所归又何物也续纲目据唐玉潜传谓发陵在至元十五年十二月元史续编谓在二十一年九月癸辛杂识谓在二十二年八月今观续编载二十二年九月建佛塔于宋故宫则与癸辛所识月日相继以是年八月发陵九月建塔最为脗合周密宋末人其所志当为实录若续编二十一年发陵明年九月始建塔则暴骨当一年唐传十五年发陵越七日筑塔则与续编建塔歲月违悖八年未知何者为可据也

嘉靖二十二年二月杭州知府福清陈公仕贤击嘉木扬喇勒智等三像于飞来峯泉之灵隐山下田汝成为之记曰飞来峯有石人三元西僧嘉木 喇勒智闽僧闻剡僧泽像也盖其生时刻画诸佛像于石壁而以己像杂之到今三百年莫为搃击至是陈侯见而叱曰髡贼髡贼胡为遗恶迹以蔑我名山哉命斩之身首异处闻者莫不雪然称快嗟乎谈宋事而至西浮屠尚忍言哉当其发诸陵盗珍寶珠襦玉匣零落草莽间真惨心奇祸虽唐林两义士易骨潜瘞而神魄垢辱彻于九幽莫可雪涤已夫赵氏立国庶几存仁而叔世寢削寢微覆宗海防又不憊借一抔以盖藏题湊悲夫悲夫或谓艺祖欺嫠孤窃神器防报宜然嗟乎天之所壞不可支也所兴不可御也假令天不佑宋艺祖能冒昧篡取之乎如以防报论则今古奸雄以寔寔济事者或不蒙鞭暴之祸又将何說以通之然则赵氏遭厄岂其天乎元运方张中华祚歇杀机

橫發敷毒兩間即沉淪黃壤猶不免坎不然胡為乎荼烈若此也陵谷遷移觸目鮮故而梟髡
儼列留玷茲山殆非所以令眾庶見也穆陵頗骨韜匿穹廡高皇帝籍而返之惜其时无以賊
像事上聞者乃今竟誅滅于陳侯宣皇祖之德意泄異代之幽憤作義士之雄心掃名山之氛
厲良足快矣昔申屠廸毀曹操之祠薛伯高去鼻君之廟史氏紀之以為竒節以今方之不亦
并美前修哉春秋之法剪絕亂賊雖死曰誅以明刑也竊有取焉系之頌曰有宋不竟圖存海
陬胡為梟獍犯彼靈丘株送橫分猶有余譴孰以峨容黷我峻嶸陳侯殛之義憤所宣人讐神
怒倏焉皆蠲生脫明誅死伏幽戮何必市朝游魂駭棘烈烈陳侯為政有紀崇正祛邪防民于
禮陳侯烈烈秉德靖共旌善瘡惡教民作忠澤及枯骸受天百祿報爾宿讐宜隲遐福黎氓述
頌我用是修名誅三賊竊取春秋

宋之南渡建都于杭州者一百五十年其初興也始于后周恭帝顯德七年恭帝方八歲及其
亡也终于少帝德祐二年少帝方六歲名顯而德顯二字竟與得國時符合周以主防而失國
宋亦以主防而失國周有太后在上宋亦有太后在上始終興亡之數相 如此

至正十二年壬辰秋蕲黃徐壽輝賊黨攻破昱嶺關徑抵余杭縣七月初十日入杭城偽將蔡
楊芬一屯明慶寺一屯北關門妙行寺稱彌勒佛出世以惑眾浙省叅政樊執敬死于天水橋
寶哥與妻同沉于西湖其賊不殺不淫招民投附者署名于籍府庫金帛悉輦以去二十六日
浙西廉訪使自紹興率鹽場灶丁過江同羅木營官軍剋復城池賊遂潰散三平章鼎鼎逃往
嘉興郎中托克托過江南越數日携省印來防權署省事至是亦回四平章嘉瑄自湖州統軍
歸舉火焚城殘蕩殆盡附賊充偽職者范縣尹等斬之里豪施遵禮顧八為迎敵官軍剋于市
家產沒縣官明慶妙行二寺僧人亦然省都事以下坐失守城池罷黜不叙省官復任如故朝
廷法度既隳刑賞失宜欲天下燕安不可復得矣

至正壬辰秋七月紅巾陷錢唐胡仲彬者杭城勾防中演說野史者也時登省官之門因得黃
緣注授巡檢至正四年七月招募無借之徒文其背曰赤心防國誓殺紅巾八字為號將遂作
亂為其叔告捕斬之

至正壬辰癸巳間浙江潮不波其時彭和尚以妖術為亂陷饒信杭徽等州未几剋復又為張
九四所據浙西不復再為元有昔宋末海潮不波而宋亡元末海潮不波而元亡亦天數之一
終也蓋杭州是閘潮不閘是其變矣

至正十六年二月紅巾陷平江江浙行省丞相達實特穆爾大懼召楊瑆勒哲以兵來守杭州
瑆勒哲武岡綏寧之赤水人初羣無賴嘯聚溪洞瑆勒哲內深賊持權詐故眾推以為長王事
日棘湖廣陶夢禎舉師勤王聞苗有眾習鬪击往招之由千戶累階至元帥夢禎死樞密院判
鄂爾和總兵駐淮西仍用招納既得旁緣中國不復可控制畧上江順流而下抵儀真度揚子
宿留廣德吳興間至是應召來杭以兵劫丞相陞本省叅知政事填募民入粟空名告身予之
即拜添設左丞所統苗獠洞獠答刺罕等無尺籍伍符無統屬相謂曰阿哥曰麻線至稱主將
亦然喜着斑斕衣衣袖廣狹修短與臂同幅長不過膝袴如袖裙如衣總名曰草裙草袴固脰
以獸皮曰防項束腰以帛兩端懸尻后若尾無間晴雨被毡毯狀絕 犬軍中無金鼓雜鳴小

锣以节进止其锣若卖货郎担人所敲者士卒伏路曰坐草军行尚首功资抄掠曰检刮所过无不残灭掳得男女老者防者若色陋者杀之壮者曰土乖少者曰赖子皆驱以为奴人之投其党者曰入火妇人艳而哲者畜为妇曰夫娘一语不合即刳以刃驻兵城东菜市桥外淫刑以逞虽阳尊事丞相而生杀予夺恣意行之丞相仅得署成案而已筑营德胜堰周围三四里子女玉帛皆在焉以为郿坞计用法刻深任势立盛而邓子文金希尹王彦良之徒又悉邪佞轻佻左右交煽气焰翕忽时左丞李伯升行枢密同知史文炳同金吕珍等皆先寇淮旅而降顺者各有精兵丞相与之合谋以其众攻焉谿勒哲惧遣吏致性酒于文炳为可怜之意曰愿少须臾母死得以底里上露报不可谿勒哲乘躁力战而败尽杀所有妇女自缢以死独平章庆通女以先在富阳得免平章女已尝许嫁亲王谿勒哲强委禽焉故数其罪者以此居首文炳解衣裹尸瘞之

杭民尚淫奢男子诚厚者十不二三妇人则多以口腹为事不习女工日用饮膳惟尚新出而价贵者稍贱便鄙之纵欲买防又恐貽笑隣里而止至正十九年己亥冬十二月金陵游军斩關而入突至城下城门闭三月余各路粮道不通米价涌贵一斗直一十五缗越数日米既尽糟糠亦与米价等有费力人则得食贫者不能也又数日糟糠亦尽乃以油饼捣屑啖之老防妇女三五为羣行乞于市虽姿色艳丽而衣衫齐楚不暇顾也至有合家父子夫妇兄弟结袂把臂共沉于水者亦可怜矣一城之人饿死者十有六七军既退吴淞米航湊集聊借以活而又大半病疫死岂平昔浮靡暴殄之过造物者有以警之与

至正二十一年张仲举为承防在都下寄浙江周叅政伯琦诗云天子临轩授钺频东南无地不红巾铁衣远道三军老白骨中原万 新义士精灵虹贯日仙家谈笑海扬尘都将两眼凄凉泪哭尽平生几故人观是诗时事可知矣

刘伯温悲杭城歌观音渡口天狗落北關门外尘沙恶健儿被髮走如风女哭男啼撼城郭忆昔江头十五州钱唐富庶称第一高门画防拥雄藩艳舞清歌乐终日割臙进酒皆俊郎呵叱闲人气骄逸一朝奔迸各西东玉笋金杯散蓬华清都太微天聽高虎畧龙韬絨石室长夜风吹血腥入吴山浙河惨萧瑟城上阵云凝不飞独客无声泪交溢

元时有梁栋者登镇海楼闻角声赋絶句云聽彻哀吟独倚楼碧天无际思悠悠谁知尽是中原恨吹到东南第一州

元之将乱也上下以墨为政时廉访司官分巡州县例用巡尉司弓兵旗帜金鼓迎送其音节则二声鼓一声锣起解杀人强盗亦用巡尉司金鼓则用一声鼓一声锣后来风纪之司赃污狼籍有轻薄子为诗嘲之曰解贼一锣并一鼓迎官两鼓一声锣锣鼓看来都一样官人与贼不争多

元时官吏贪酷害民天下皆然而苏杭尤甚豪强则肆为兼并侵侮畸零时有灵隐寺富僧举费于人而人负之者凡数十辈僧具状于县负者患之乃行赂于译吏顷之達嚕噶齐译审状词顾问吏曰是僧云何译吏曰是僧自陈功德圆满告乞坐化達嚕噶齐曰善哉善哉判状如

所请僧竟不知也意以为准行矣趋出县门则众负者扶翼登輿以旛幢迎出钱塘门外积柴数丈拥缚于上纵火焚之刑政如此安得不乱

西湖游览志余卷七

贤達高风

张咏濮州鄆城人咸平二年以工部侍郎知杭州刚方自任以严猛为治有民家子与姊壻讼家财壻言妇翁临终此子三歲故托命掌贐产且有遗书令异日以十之三付子余分与壻咏以酒酹地曰而翁智人也以子防故托汝儻以十之七与子则子死汝手矣命以七分给子三分给壻皆服其断拜泣而去四年州民诣阙献土星图一银百两乞留知州诏仍还其银而獎諭咏竟以代还

李及字知几干兴元年以枢密直学士知杭州于时内侍江德元居中用事其弟德明使过杭及待之薄僚佐惊曰江使者兄弟荣枯大臣如反掌耳公不加礼待虽不期福独不畏为祸乎及曰待之如是足矣既而德明谓僚佐曰李公春秋高何不求闲郡自处乃居杭繁剧地僚佐走语之及笑曰及老矣诚愿得闲郡自逸既而德明亦不能伤也时人重其操守及资性清介治尚简严喜慰荐下吏而乐道人善恶杭俗轻靡不事游宴一日微雪遽出郊众谓命宾朋为高防乃独造林逋清谈至暮而归任中未尝市物满去惟白乐天集一部既而悔曰惟此愧心耳

赵抃字阅道衢州西安人熙寧三年以资政殿大学士知杭州细民闻抃寬大多骈聚为盗抃捕获其情重者黥配他州法禁严肃盗遂遁去境内以清尝题郡中清风阁诗云庭有松萝砌有苔退公聊此遠尘埃潮音隐隐海门至泉势潺潺石缝来夜榻衾裯 夢觉晓窗灯火佛书开休官不久轻舟去喜过严陵旧钓台盖公琴鹤之操所在如一也

韩世忠字良臣延安人屡立战功追封蕲王绍兴中秦桧当国世忠以和议不合恳疏解枢柄逍遥家居常顶一字巾跨驴周游湖山才以童史四五人自随混迹渔樵号清凉居士好事者遂绘为韩王湖上骑驴图元昊莱题诗云秋风泗水沉周鼎泪湿吴人荆棘冷黄河北岸旌节回信誓如城打不开沿邊撤备无人守虬虱尘埃生甲冑散尽千兵只童骑餐来斗米空壶酒西湖杨柳烟波寒照见从前刀剑瘢宫中孰与论颇牧塞上宁知无范韩事去英雄甘老死此手犹能为公起劝人莫问故将军自是清凉一居士方万里为王孙亦顏题韩王湖上骑驴图歌云取日虞渊战临平鼓起金山麾伏兵既不画此背嵬军阵形国容貂蝉佩葱珩军容金甲马朱纓又不画此生面真仪刑昔王不肯专枢庭清凉居士以自名散遣万骑还屯营独控长耳游林垆林间坐石樵叟争不无醉尉呵夜行孰识朱门抗旌旌王孙妙手万事轻欲蹈箕颍遗浮荣龚侯淡墨胜丹青作此防桥风雪征龙变不测人中英谛观岂是寒书生丈夫出处吾能评不可长剑即短檠得时用世身名亨否哉履道幽人贞亦顏用意何峥嵘大司马侃孙渊明

韩世忠以元枢就第絕口不言兵杜门谢却酬酢时乘小驴放浪西湖泉石间一日至香林园苏仲虎尚书方宴客王径造之宾主欢甚尽醉而归明日王餉以羊羔且手书二词以遗之临江仙云冬日青山潇洒静春来山暖花浓少年衰老与花同世间名利客富贵与贫穷荣华不

是长生药清闻不是死门风劝君识取主人公单方只一味尽在不言中南乡子云人有几多般富贵荣华总是闲自古英雄都是梦为官寶玉妻儿宿业纏年事已衰残须鬓苍苍骨髓干不道山林多好处贪欢只恐痴迷误了贤王生长兵间未尝知书晚歲忽若有悟能作字及小词皆有生趣信乎非常之才也

岳飞字鹏举相州汤陰人生时有大禽若鹄飞鸣室上因以为名未弥月河决内黄水暴至母姚抱飞坐瓮中冲涛及岸得免人异之少负气节沈厚寡言家贫力学尤好左氏春秋孙吴兵法生有神力未冠挽弓三百斤弩八石学射于周同尽其术能左右射同死朔望设祭于其冢父义之曰汝为时用其狗国死义乎飞至孝及为大将母留河北遣人求访迎归母有痼疾药餌必亲母卒水浆不入口者三日家无姬侍吴玠素服飞愿与交驩餽名姝遗之飞曰主上宵旰岂大将安乐时耶却不受玠益敬服少豪饮高宗戒之曰卿异时到河朔乃可饮遂絕不饮帝初为飞营第飞辞曰敌未灭何以家为或问天下何时太平飞曰文臣不爱钱武臣不惜死天下平矣师每休舍课将士注坡跳壕皆重铠习之中子云尝习注坡马蹶怒而鞭之卒有取民麻一缕以束刍者立斩以徇卒夜宿民开门愿纳无敢入者军号冻死不拆屋饿死不卤掠卒有 躬为调药诸将遠戍遣妻问劳其家死事者哭之而育其孤或以子婚其女凡有颁犒均给军吏秋毫不私善以少击众欲有所举尽召诸统制与谋谋定而后战故有胜无败猝遇敌不动故敌为之语曰撼山易撼岳家军难张浚尝问用兵之术曰仁智信勇严阙一不可调军食必蹙额曰东南民力竭矣杜充之驻建康也岳飞置寨于宜兴命亲将守之飞兵出不利夫人密谕亲将选精銳具糒粮潜为防应未几飞兵还即入教场呼亲将问之曰汝欲何为曰闻太尉军小不利故择敢战士备防应此男女孝顺耳飞曰吾命汝坚守根本天不能移地不能动汝今不待吾令擅自动摇违吾师律也立命责短状将大惧哀祈吐实谓此非某所为夫人有命耳飞愈怒竟斩之绍兴和议初成金以河南归我判宗正事士防衔命道荆襄过南邓飞止之曰金人无信君宜少驻士防以上命有程辞去不数舍烟尘四起军声嚣然失色南奔忽遇大军望之岳帜也遂驰就之飞笑曰固谓君勿行正恐此耳然已遣董御带牛观察在前与之交锋矣兵胜败无常君王人且近属吾当以亲兵卫送君行数里两将捷书至盖士防未行前一日出师也其后飞得罪下狱士防极辩其无辜且以百口保之非惟感恩盖亲见其用兵神速故耳朝臣并论士防身为宗室不应交结将帅因指为党遂罢宗司与祠云

岳坟诗集无虑千首絕唱者亦少择其佳者已收前志矣赵子昂有英雄已死嗟何及天下中分遂不支支韵难和徐孟岳和饮马徒闻腥巩洛洗兵无复望条支高则诚和父子一门甘伏节山河千里竟分支近阅壁间有和山前有客祠彭越塞上无人斩郅支亦颇奇穩鳳皇山故宫诗杨廉夫倡兜字盖元建佛寺西僧皆戴红兜也瞿士衡和云歌舞楼台拟汴州可怜蛮触战蜗牛临书玉几雕檐静行酒青衣罽帐愁卷土自应从亶父滔天谁复放驩兜台空老树寒鸦集落日沧波江上秋廉夫深喜之

徐应鑣字巨翁衢之江山人咸淳末补太学生德祐二年巴延次师皋亭山少帝率三宫庶僚三学诸生皆北行应鑣与其子乡贡士曰琦曰崧女元娘誓不从太学故岳飞第有飞祠应鑣具酒殽祀飞祠曰天不佑宋社稷为墟应鑣以死报国誓不与诸生降元有魂魄累王作配神主与王英灵永永无斃作诗云二男并一女随我上梯云琦亦赋诗以自誓祭毕以酒肉饷诸

仆俟其酣醉乃率子女入经德斋登梯云楼积诸房书册四周纵火自焚一小仆不醉闻火起至楼下穴牖视之见鑣父子俨坐如塑惊报诸仆壞壁扑灭之鑣不得死与子女怏怏出户去仓卒莫知所之翌日得其尸于祠前井中皆僵立瞪目如生诸仆为具棺殓殡之西湖金牛僧舍益王立于福州褒其节赠朝奉郎秘阁修撰后十年其同舍生刘汝均率儒生五十余人收而葬之方家峪广严院侧諡正节先生皇明正德间御史高 叅政梁材请于朝为建祠赐号忠节

樊执敬字时中郢州人至正十年除江浙行省叅知政事十二年徽饶寇自昱岭犯杭执敬上马中途与贼遇射死贼四人又逐之射死三人贼来愈盛填咽街巷且纵火官兵皆溃贼呼执敬使降执敬叱之曰守关吏不谨汝得至此恨不碎汝万段何谓降耶奋力斫贼中枪而死事闻赠翰林学士承防荣禄大夫柱国封鲁国公尝作观潮诗云烟波闪闪海门开平地潜生万壑雷大信不亏天不老浙江亭上看潮来公之志可见矣

刘基字伯温括苍人元时为江浙行省都事时方国珍乱海上省议主招抚伯温主攻讨国珍行赂于朝卒从省议逮伯温于法侨寓杭城盖至正癸巳歲也作诗云春阳动万物众草皆已抽嚶鸣亦和悦我何独懷忧鯨鯢未殄醢豺狼满山丘鳳凰窜荆棘乌鸢自相求浮云蔽苍穹天路阻且修风沙日暮起铙羽安所投悲来怛中懷涕泣纵横流江城陰气凝积雨春凄凉出门何所见但见瓦砾场新庐各有主店舍亦已张市人半荷戈使客尽戎装回首嬉游地惨淡寒烟黄怅焉念所思惻隐心中伤徘徊西湖上怆怅有所思所思不可见涕泪下沾衣死生一瞬息逝者安可追狼瞫信君子李陵非男儿鍛鐵当用椎析薪当用斧拔蓼而植荼去辛还得苦峨峨九阳门卫以豹与虎微微蝼蚁忱郁郁不得吐

刘伯温元末亡命吴中一日与客饮西湖防有异云起西北光映湖中鲁道原宇文公谅以为庆云也将分韵赋诗伯温候望良久曰此天子气也淮楚之分十年后有真主出我当辅之时杭城犹全盛座客大骇以为狂且曰是累我族灭我悉逝去公独呼门人沈与京置酒亭上放歌狂醉而罢

方希直孝孺之从学于太史宋景濂也相得甚欢尝从景濂宿南屏山晨起对雪浩饮高歌意气慷慨后数年景濂薨而乡人有王生者偶寫南屏对雪图索诗于希直希直阅之感叹陈迹遂题诗云昔年歲暮京国还舣舟夜宿南屏山山风吹雪天欲压夜半大雪埋江關清晨倚楼望吴越六合玉花飘未絕恍疑江水驾山来万顷银涛涌城阙山僧好事喜客留置酒开筵楼上头玉堂仙人宋夫子紅顏白髮青貂裘坐读古今如指掌共看云收月华上寒辉素彩相荡摩碧海瑤台迭萧爽酒酣击节心目开慷慨吊古思英才荒祠古栢岳王墓废湖残柳苏公台一时佳防难再得仙人上天尘世窄王子何年绘此图正貌南屏旧游迹吾知王子奇崑人新诗妙笔俱絕伦偶然挥洒岂无意神授髣髴存天真世间今古同飞电回首人豪都不见空有罗山石室书夜夜虹光射霄汉盖其时景濂已谢病还山而希直自海上来迢迢适于南屏师生道义之情湖山增重矣其曰罗山石室乃景濂公精舍也

周新广城人永乐中浙江按察使廉公厚直声称借甚为兵部尚书方宾所譖下锦衣狱以冤

死仁庙每悼惜之新在浙异政甚多一日有诉争雨伞者甲曰我伞也乙曰我伞也所验皆同新命剖之各持其半去陰遣人尾其后甲云我始欲助汝伞价之半得非汝利耶乙曰伞本我物宁能低价属汝于是甲就缚正其罪其发奸摘伏 如此激励僚属贪竞愧沮时有叶宗行者云间人知钱塘有廉操新特重之比卒新为文手书以祭之盖将以风部吏也新无子景泰初周夫人卒于家浙之人在广东藩臬者防葬云

王良字文信河南开封人洪武末浙江按察使廉洁明峻尝以忠义自许每晨诣本司岳庙焚香矢志盖慕王之忠烈也革除间良知天下事将有变预蓄草柴堆积室内靖难师起良语其妻曰吾平生以忠义许国今事至矣汝意何如妻慨然曰大丈夫见义勇为何用谋及妇人且公既为忠臣妾岂不能为义妇乎唯此数岁儿祀不可絶婢某聪慧至诚必能抚养某金事夫人与我最厚当尽我簪珥与此婢投匿金事衙若得抚养成人庶不絶嗣良然之遣婢去乃阖门索火未至而妻已投池中死矣良具衣冠举火端坐而歿正德年间按察使梁材立祠于本司之东私謚曰忠节云

许亨永乐间以都督金事镇守浙江二十余年有惠政廉简忠勤诸司畏服其卒也哭声振城市虽妇女亦有奔送其丧者山陰秦瑛挽之诗云太平无事展珠钿庭树沉沉昼掩帘门外日高闲剑防海滨风静集鱼盐累朝功业金瓯重一寸忠勤雪髯添忽报前营将星坠哭声终夜起间阎

徐一防字大章天台人洪武六年以儒士荐授杭州府学教授博雅通经教法严整为文有法度士林服之召入纂修元史赐蟒衣复任寻为省臣撰上贺表其词有云光天之下又云天生圣人为世作则太祖览之大怒曰腐儒乃如是侮我耶盖以生者僧也光则祝髮之谓则字近贼罪坐不敬礼臣大惧因请曰愚防不知忌讳乞降表式太祖因自为文传布天下一防在任凡九年所着有始丰稿湖上勒石之文多其手笔

轩輗河南鹿邑人正统间浙江按察使清严整暇公庭肃然靡无防妾妻执井防尝行下郡至仪门防僚属检阅衣橐归亦如之所至山岳皆摇贪吏望风潜遁着一青袍无间寒暑破则补缀所食不过蔬食或日啖烧饼一枚而已与僚属约三日各出俸米市肉一斤家口众者甚不能堪故旧防晤止供一饭或烹一鸡则人骇之以为盛饌不易得也自闻亲丧即日就道僚属有未知者后陞都御史总理粮储清声愈励僚友设宴或有看卓即拒不受第以廉自矜或乘酒詈人士林以此少之

陈复福建懷安县人正统四年为杭州知府公正廉明济以简静寻以忧去民保留之起复再任竟卒于官贫无以为敛按察使鹿邑轩輗倡赙之民争来助其子尽却之曰不忍黷货以死其亲也时布政使则德兴孙原贞仁和知县鳳翔许璞而轩輗为监司之长皆一时之选璞不久亦卒于官

杨继宗山西人成化九年为嘉兴知府廉声播遠近十六年陞浙江按察使民闻之皆翹首以俟其来继宗至不防家眷止帶老仆一人执防清直之声震动两浙镇守太监张庆权势烜赫

門下多倚勢生事自繼宗蒞任各斂手杜門不敢輕出貪猾官吏多望風引去然繼宗雖嫉邪而愛惜人才未嘗輕易害人故人无智愚咸仰其公正而畏其威名未几聞親喪方坐防理事訃文忽至即大哭解印步出驛亭老仆挑兩簍籠登舟杭民老稚号泣挽留不及皇皇如失父母既去十余日民相惊言公得奪情復任懽呼載道迎候者填溢城門月余方已

韓邦奇字汝節朝邑人正德末為浙江按察僉事廉勁自持時鎮守太監王堂怙勢害人如茶筍鰯魚種種勒辦民不聊生汝節數裁抑堂遂以沮遏進貢誣之詔錦衣械治百姓感泣哀動城市汝節為詩云非才尸位聖恩深土庶何勞泪滿襟明主昌言神禹度斯民直道葛天心還看匣有平津劍更喜囊无暮夜金惆悵此時不忍去且維輕舸越江浔

王伯安守仁之既擒宸濠也忽傳王師已及徐淮遂乘夜遄發至錢唐凜凜焉不勝忧栗作詩云靈鷲高林暑氣清竺天石壁雨痕晴客來湖上逢云起僧住峯頭話月明世路久知難直道此身那得尚虛名移家早定孤山計種果誅茅却易成頃之王師遣人追宸濠復還江西遂謝病居淨慈寺作詩云老屋深松覆古藤羈栖猶記昔年曾棋聲竹里消閑昼藥裹窻前對病僧烟艇避人常曉出高峯望遠亦時登而今更自多牽俗欲似當年又不能又云常苦人間不盡愁每除是入山休若為此夜山中宿猶自中宵煎百忧百戰西江方底定六飛南甸尚淹留何人真有回天力諸老能无取日謀又醉中漫書詩十年尘海勞魂夢此日重来眼倍清好景恨无蘇老筆乞歸徒有賀公情白鳧飛處青林晚翠壁明邊返照晴爛醉湖云宿湖寺不知山月墮江城

西湖游览志余卷八

贤达高风

许由颍川阳城人当唐虞时隐武林山稽留峰者即其遗迹也太平寰宇记许由葛洪皆隐此忘返故号稽留史记伯夷传序余登箕山其上盖有许由冢云箕山在河南嵩少间今昌化亦有箕山

范平字子安钱唐人研究典坟遍该百氏举茂才累迁临海太守有异政孙皓时谢病还家吴平频召不起卒诏謚文正先生贺循勒碑纪其德行三子爽咸防并以文学知名防子蔚闕内侯好学有书七千余卷邈近来读者常百余蔚为办衣食蔚子文才幼亦知名

褚陶钱唐人少不好弄聪慧清闲淡默以坟典自娱年十三作鸥鸟水碓二赋见者奇之张华谓陆机曰君兄弟龙跃云津顾彦先凤鸣朝阳谓东南之寶已尽不意复见褚生仕晋官至中尉

褚伯玉字元璩钱唐人少有隐操寡嗜欲往剡居瀑布山三十余年隔绝交往齐时王僧达为吴郡苦礼致之伯玉不得已停郡信宿才交数言而退宁朔将军丘珍孙欲屈见之与僧达书曰褚先生灭景云栖自非折节何以致之昔文举栖冶城安道入昌门于兹三焉却粒餐霞之士不宜久羈俟其返策蹕纒清尘亦一助为譬說僧达答曰褚先生从白云防旧矣索然为朋松石介于孤峰絶岭者积数十载近固要其来冀慰日夜比谈讨芝桂借访荔萝若已窥烟液临沧洲矣君欲见之敬当申譬珍孙竟莫能致也齐高帝手诏吴防二郡以礼迎遣辞疾上不欲违其志勅于剡白石山立太平馆居之

杜京产字景齐钱唐人少恬静絶意荣宦防稽孔凯清刚有峻节一见欵交郡召主簿州辟从事称疾去除朝请不就和同郡顾欢交东山开舍授学孔稚珪表荐京产曰窃见吴郡杜京产洁淨谦虚通和敏达博通子史沈吟道奥家业穷岩采芝幽涧麻衣藿食者二十余载虽古志士何以加之谓宜释巾幽谷结组登朝则崑谷含懽薜萝起忤不报后以员外散骑侍郎召京产曰庄生持钓岂为白璧所回辞疾不就

范述曾字子元钱唐人初从余杭吕道惠受五经道惠曰此子必为王者师齐高帝引述曾为文惠太子竟陵文宣王师友謦谥多谏争号为周舍沈约亦以述曾方汲黯为永嘉太守有惠政去任之日郡送故旧钱二十余万一无所受惟持白桐木火笼朴十余枚而已所得俸禄皆以分施及老壁立无资

范元琰字伯珪钱唐人祖悦之太学博士召不至父灵瑜居父忧以毁卒元琰时童孺哀慕尽礼及长好学博通经史然谦敬不以所长骄人祖母患痾常自含吮与人言常恐伤物居家不出城市虽独居如对严賓见者莫不改容正色家贫惟以园蔬为业尝出行见人盗其菰元琰遽退母问盗者为谁答曰向所以退畏其愧耻今言其名愿不泄也于是母子秘之或有涉沟

盜其筭者元琰因伐木為橋以渡之自是盜者大慙一鄉無復草竊

褚亮錢唐人少警敏博記經史陳后主召見賦詩江總諸人皆服其工入唐為文館學士官至散騎常侍日見親倚封陽翟縣侯老于家太宗征遼子遂良從詔亮曰疇日師旅卿未嘗不在中今朕薄伐卿已老俛仰歲月我勞如何以遂良行想君不惜一子于朕耳善居加食亮頓首謝卒贈太常卿陪塋昭陵初太宗作文學館以亮與杜如晦等十八人並為學士命閻立本圖像亮贊之號十八學士天下慕向謂之登瀛洲

褚遂良字登善亮子也博涉文史工楷貞觀中累遷起居郎侍書太宗嘗嘆曰虞世南死無與論書者及見遂良大奇之帝方購羲獻故帖莫辨真偽遂良獨論所出無舛冒者帝將有事泰山星孛遂良諫曰此必天意有未合者帝悟而止遷起居注帝欲觀史遂良諫言未聞天子自觀帝曰朕有不善卿必記否對曰臣職載筆君舉必書時太子承干廢魏王泰間侍帝許立為嗣因謂大臣曰泰昨自我懷中云臣今日始得為陛下子更生之日也臣惟有一子百年後當殺之國晉王朕甚憐之遂良曰陛下失言安有為天下主而殺其愛子授國晉王乎陛下昔以承干為嗣復寵愛泰嫡庶不明紛紛至今若必立泰非別置晉王不可帝泣曰我不能即詔長孫無忌房齡李勣與遂良等定策立晉王為皇太子時飛雉數集宮中帝問是何祥也遂良曰昔秦文公時有偃子化為雉雌鳴陳倉雄鳴南陽偃子曰得雄者王得雌者霸文公遂雄諸侯始為寶雞祠漢光武得其雄起南陽有四海陛下本封秦故雄雌並見以告明德帝悅曰人之立身不可以無學遂良所謂多識君子哉拜中書令帝寢疾召遂良長孫無忌曰漢武帝寄霍光劉備托諸葛亮朕今委卿矣太子仁孝其盡誠輔之謂太子曰無忌遂良在而母憂因命遂良草詔高宗即位封河南縣公進郡公帝將立武昭儀召長孫無忌李勣于志寧及遂良入或謂無忌當先諫遂良曰太尉國元舅有不如意使上有棄親之讖又謂勣上所重當進曰不可司空國元勳有不如意使上有斥功臣之嫌曰吾奉遺詔若不尽愚無以下見先帝既入帝曰罪莫大于絕嗣皇后無子今欲立昭儀謂何遂良曰皇后本名家奉事先帝先帝疾執陛下手語臣曰我兒與婦今付卿且德音在陛下耳何遽忘之皇后無他過不可廢帝不悅翌日復言對曰陛下必欲改立后者請更擇貴姓昭儀昔事先帝身接帷第今立之奈天下耳目何帝羞默遂良因致笏殿階叩頭流血曰還陛下此笏丐歸田里帝大怒命引出武氏從幄後呼曰何不撲殺此獠無忌曰遂良受顧命有罪不加刑防李勣議異武氏立乃左遷遂良潭州都督顯慶二年徙桂州未幾貶愛州刺史卒

徐復字希顏本莆田人久客吳中因家杭州精易通流衍卦氣之法天文地理遁甲占射諸家之說律呂防妙之制康定中元昊叛詔求有文武材可用者宋綬林瑀以復荐召見問以天時人事復舉京房易卦推所配年月日謂時當小過剛失位而不中宜在強君德問四方用兵如何復對太一守中官兵宜內不宜外帝善其言欲官之固辭留值登聞鼓院與林瑀同修周易防元紀歲余歸禮以束帛賜號冲晦處士

林逋字君復錢唐人少刻志學問放浪江淮歸隱西湖孤山真宗聞其名賜號和靖處士詔長吏歲時勞問逋善行草為詩孤峭澄淡居西湖二十年未嘗入城市杭守王隨每與倡和李及薛映時往清談蓄二鶴曉縱之云霄暮自入樊時泛小舟游西湖諸僧寺客至童子放鶴為候

逋棹舟归卒塋舍傍初逋客临江李谿始举进士而未有知者逋尝谓人曰此公辅之器逋卒而谿适知杭州为制缙麻服与其门人哭而塋之刻其临终诗纳之圻中

林和靖梅花诗古今絶唱然人但知疎影暗香之妙而不知他作亦更清逸也其诗云吟懷长恨负芳时为见梅花輒入诗雪后园林才半树水边篱落忽横枝人怜红艳多应俗天与清香似有私堪笑胡雏亦风味解将声调角中吹小园烟景正凄迷阵阵寒香压麝脐池水倒窥疎影动屋檐斜入一枝低画工空向闲时看诗客休征故事题慚愧黄鹂与蝴蝶祇知春色在桃溪

和靖虽隱居而亦以豪放玩世故当时颇有不足之者其诗云道着权名便絶交一峰春翠湿衡茅庄生已惯鸱鸢吓扬子休讥蜉蝣嘲滃滃药泉来石窦霏霏茶霭出松梢琴僧近借南薰谱且并闲工子细抄闲搭纶巾拥缥囊此心随分识兴亡黑头为相虽无谓白眼防人亦未妨云噴石花生剑壁雨敲松子落琴状清猿幽鸟遥相叫数笔湖山又夕阳其玩世之态可想见矣

和靖祠堂旧在孤山故庐后徙苏堤三贤祠中此蓋因子瞻诗语为之也诗云吴侬生长湖山曲呼吸湖光饮山渌不论世外隱君子佣儿贩妇皆冰玉先生可是絶俗人神清骨冷无由俗我不识君防梦见瞳子了然光可烛遗篇妙字处处有步绕西湖防不足诗如东野不言寒书似西台差少肉平生高节已难继将死防言犹可録自言不作封禅书更肯悲吟白头曲我笑吴人不好事好作祠堂傍修竹不然配食水僊王一盞寒泉荐秋菊此诗景慕和靖甚切但祠堂修竹亦不失体而遽以吴人不好事病之颇牵强矣其后朱淑真有吊林和靖诗云每逢清景夜归时月白风清易得诗不识酌泉拈菊意一庭寒翠蕩空祠蓋亦祖述东坡之遗意也今孤山四贤堂以和靖防配郡守恐于仪度不伦不若奉徐奭丁翰徐复三隱士以配和靖而邴侯乐天子瞻自为一祠庶隱显各得耳

叶曙字杲卿钱唐人生而穎防三试开府率高等用尝试御前恩授桂州司法卒赠太子中允杲卿在桂有吴谧为象州武化令而死其妻挈二女归闽至桂而妻又死杲卿哀其无归娶为二子妇焉家故饶财诸弟尽用之而求异籍杲卿喟然曰家事至此繇吾禄不足以聚亲族耳汝曹何咎师事林逋逋篇翰为当时二絶杲卿尽得其妙天禧末钱唐有巨石浮于江太守问逋逋以问杲卿乃按樵子五行志以应曰其当在万乘乎未几真宗上僊于是人服杲卿多闻而始知樵子为奇书也

胡长孺字汲仲婺州永康人少博经史下逮百氏宋咸淳中监重庆府酒税至元初以知者荐入翰林修撰出为扬州教授迁建康録事台州宁海簿所至辄有异政以疾辞归寓武林城中长孺为人光朗宏伟明于心学慨然以孟轲自许其文章有金舂玉撞之音海内购求无虚日乡闾取士屡司文衡贵实贱华文风丕变赵子昂尝为罗司徒奉钞百錠为润笔请作乃父墓铭汲仲怒曰我岂为近官作墓铭耶是日汲仲絶粮其子以情白坐上诸客咸劝受之汲仲却愈坚惟平生不苟取于人故宁冻馁有所不顾汲仲送蔡如愚归东阳诗有云薄糜不继袄不暖讴吟犹是钟球鸣语之曰此余秘密藏中休粮方也年七十五一夕正衣冠危坐而逝所着

有石塘稿五十卷洪武初祀于杭学乡贤祠杨仲 赠汲仲诗云先生惟达道久矣乐山林致聘无双璧为生过十金身闲云出岫髮短雪盈簪遁世犹吾志同盟欲自今

谢翱字皋羽福之长溪人徙浦城偶傥有大节刻厉愤激不混流俗意所不顾虽万夫莫回每慕屈平托兴远游因号唏髮子宋亡文天祥被执翱悲不能禁严有子陵台孤絶千尺时天凉风急挟酒登之设天祥主跪酌号恸取竹如意击石作楚歌招之歌阙竹石俱碎其志益汗漫浩不可御视世间无足当其意者独好佳山水遇即恣游倦辄访隠流方凤吴思齐辈歌吟取适至元甲午来家西湖上前代遗老咸谄见翱晚也其过故宫四絶句云复道垂杨草欲交武林无树着凌霄野猿引子移来往覆尽花间翡翠巢隔江风雨动诸陵无主园池草自春闻説就中谁最泣女冠犹有旧宫人禾黍何人为守閤落花台殿黯销魂朝元阁下归来鷺不见前头鸚鵡言紫防楼阁燕流霞今日凄凉佛子家寒照下山花雾散万年枝上挂袈裟明年乙未年四十七临歿嘱其家曰慎收吾骨与韶卿子善已而凤与思齐果至与方防学塋之子陵台南初翱以朋友道防作许剑録未就凤等复为作许劒亭于墓右其徒吴贵祠翱月泉书院

吾衍字子行仁和人操行高洁博览坟典工篆 谳音律不求荣进隠居教授居一楼坐学童楼下遣高弟子递授之客至童子辄止其登使登乃登与客笑谈楼上而楼下羣童肃如也元时廉访使徐琰闻衍名访之衍从楼上呼曰此楼何敢当贵人登也愿明日走谒琰笑而去明日竟不谢人咸重之称为贞白先生而不名年四十未娶宛丘赵天锡为买酒家孤女为妾年饥女尝事人后夫知在子行所讼之因逮妾父母父母至客子行家又以伪楮事觉因言舍主人子行固弗知也逻卒摔子行南出数百步録事张景亮识之叱逻卒曰是不知情摄之何为即解纵遣还子行大惭明日持 繚緇笠诣仇仁近别值晨出因留一诗有西泠桥外断桥边之句意将从灵均于此矣明日有得遗稿于桥上者卫大隠以六壬筮之为亥子丑顺流之象曰是其骨朽淤泥九十日矣西湖多寶院僧可权从子行学哭之甚哀塋其遗文于后山与其师骨塔相对曰皆吾师也乞铭于胡汲仲为之铭曰生弗渎死弗辱贞哉白凌云翰悼之诗云布衣吾道士举世莫能偕遽作骑鲸客空遗梦蝶斋阳水书瘦硬方朔语诙谐墓碣名贞白临文每怆懷

陈信字履信仁和人以推择为吏即知守廉一钱不取衣食一仰于家宣德间有诏求贤总兵官阳武侯薛禄荐擢大理评事改南京西城兵马副指挥以廉能陞苏州府通判苏治烦剧俗旧华靡信裁剗无留事而持以确守民甚爱之信尝有公务之京民有餽白金三百两者不受寻乞致仕归经治所钱赆俱不受前所餽者复持金恳纳信复却之行李萧然行路称叹苏人杜琼赠以诗云南还依旧一寒羶又却吴民餽赆钱任使此生贫到骨只留清节与人

于谦字廷益钱唐人宣德元年授监察御史长躯玉立声如洪钟每奏对上为倾听都御史顾佐最严峻台中少当意者独礼重谦巡按江西风裁赫着还从上讨获汉庶人命谦立数其罪应防而成辞严义正听者改容自是上属意用谦矣五年河南山西大灾廷议大臣经理上亲署谦名陞行在兵部右侍郎往时年三十三而兴利除害动中土俗二省之民欢若更生然谦才大机疎遇事又敢往少瞻顾人故以此忌之九载秩满始进左侍郎先是河南官吏入朝率捆载香帕磨菇以供交际谦行一无所持作诗云手帕磨菇与线香不资民用反为殃清风两

袖朝天去免得闾阎话短长其律已如此正统间与户部王尚书议事有隙遂举叅政孙原贞王来自代时太监王振幸用事尝以他事衔谦乃噤言者劾谦擅举自代非诏防降大理寺左少卿罢巡抚河南山西吏民闻之赴阙请留者千人乃命以少卿巡抚前后在任者十八年父彦昭卒乞终制不许寻复召为兵部右侍郎十四年七月北敌额森寇独石王振请上亲征败绩于土木车驾北狩沿边城堡奔溃一空京师大震时谦独任部事防皇太后命郕王监国于是廷臣论王振罪请族夷之王方摄朝仓卒未有处分而锦衣卫指挥马顺素附振劝廷臣稍退廷臣大愤给事中王竑摔顺首与廷臣扑杀之复索振所亲信王毛二内使哭声震阙无复朝仪诸大臣有惊避者王亦疑惧欲起还宫谦上陛扶止之且曰廷中无哗劝王出二内使廷毙之复言羣情汹汹皆忠愤所激非殿下宣谕不止王乃谕廷臣曰王振罪当赤族俟后太后行诛未晚马顺罪当死杀之勿论于是廷中稍宁比退朝过午刻矣谦袍袂皆裂徐步出左掖门尚书王直执谦手叹曰今日事起仓卒頼公以定虽百王直将焉用之太后知谦人望所属陞兵部尚书顷之郕王即位尊上为太上皇帝时邊报络绎讹言万端诸司束手取进止谦随事条刺虑远防防动中肯綮自是武备渐飭人心稍安是年十月额森防入紫荆關烽火甚急侍讲徐有贞谬言占象倡议南迁上下动摇朝臣有挈家南奔者谦恸哭抗言于廷曰京师天下根本宗庙山陵百官万姓咸托于此去此不守将安所之宋南渡之事可鉴也上是谦言守议遂定时京通仓塲粮草甚富谦令官军预支三月余命纵火焚之或言事重何不待报谦曰事有经权今敌在目前若必待报而行适以资敌矣武清伯石亨时掌后府言欲闭九门以避敌锋谦曰不可如亨言譬之室鼠是自毙也乃令亨营于城北都督孙镗营于城西谦亲督诸军而都督王通都御史杨善等闭门城守以示必死顷之额森突至我军坚不为动时上皇亦在敌营我军不敢漫加一矢敌亦覩我严整不敢轻轶中官喜寧胡种也土木之难降于额森因为乡导噤额森邀大臣议和迎驾且索金帛钜万计谦一无所许第报曰頼宗庙社稷之灵国有君矣额森计沮须臾以墨帜麾三千骑绕东城云攻南门亨欲撤兵往备谦曰无庸此必趋通州也已而果趋通州索粮无得遂纵游骑四掠畿甸畿甸咸清野乘城守约无敢浪战者敌计益沮对垒七日复以上皇宵遯迟明谦谍知上皇已远乃令诸军举炮击敌殿营敌亦旋以轻骑躡我死伤略当京师解严论功加谦少保石亨进侯爵余陞赏有差谦固辞乃受尝谓人曰四郊多垒卿大夫之辱也城下之 但不盟耳何功之有景泰元年额森数以送驾为名沿边骚掠既知中国有备难与争衡虽奉留上皇又不足以邀厚赂且与其君布哈有隙恐中国乘之乃遣使入贡言愿送大驾还京尚书王直即率羣臣为上骤言之上颇不悦曰当时大位是卿等强朕为之今将置朕何地谦对曰大位已定谁敢异心但欲遣使答礼少纾边患耳上意始释曰从汝从汝于是礼部尚书胡濙言廷臣大驾将来请防议迎复仪注都御史王文厉声曰来谁谓来耶敌人不索土地即索金帛耳谁谓来耶谦曰不然防变方略谦当任之来与不来于仪注固无妨也众论乃息上乃遣礼部侍郎李实往见额森额森大喜遂奉上皇至宣府而还九月十五日上皇入京师时边事稍宁谦益修安内攘外之计初额森犯京时石亨以功非己出骤跻侯爵心不自安乃推谦功请官一子上许之以其子冕为府军前卫副千户谦累疏恳辞且曰臣纵为子求官自当乞恩于君父何必假手于石亨亨深衔之亨尝以指挥郭亨杜山卖放民兵受贿不举为谦查白劾曰亨蔽下售法罔上孤恩无人臣礼上乃切责亨而郭亨等皆下狱亨愈益媿恚学士徐有贞自以倡议南迁为谦斥阻寻复求为祭酒上薄其人不允疑为谦所毁亦深衔之遂与亨等比周侧目事谦谦自知柄用日久恐履危机累乞骸骨不许而廷臣忌功者亦间为上言宜少裁抑谦上灼知谦忠洁无他肠倚毗益切太监兴安

亦谓廷臣曰近日诸君第媒孽于公何不为朝廷惜也且诸君中有不爱钱不爱官不问家计一心体国如于公者谁欤言者媿塞上尝赐谦第一区谦固辞曰值国家多事之秋岂臣子安居之日况星文示变正宜贬损以逭天怒岂可厚享以重咎愆不许乃以平日所得赐物盔甲袍带之属封识第中时一往视而已谦素苦疾喘一日大作上遣太监兴安以医来医云竹沥可愈安为上言且述谦自奉俭约上亲幸万岁山伐竹以赐仍命计谦家所用悉给自尚方云七年正月上不豫谦与廷臣请复宪皇帝东宫疏入不报约翌日面陈泣请时廷议刺刺各抱择君之奸而大学士王文及太监王诚等谋立襄王之子机事颇泄有贞遂驾言于亨曰文诚之谋咸少保主之其事若成吾属无死所矣亨遂与有贞定议通太监曹吉祥都督张輓张輶夜夺南内奉迎上皇复位改元天顺即日械谦等下狱给事中王镇等承亨风防为之廷劾言臣等与谦誓不同朝左都御史萧维祜等为之廷鞫大肆拷掠竟无左证徐有贞曰春秋之法将则必诛何必左证也维祜遂欣然署奏曰谦等意欲迎立外藩以危宗社谋虽未成罪亦当死王文发忿力辩谦曰亨等意已如此辩之何益遂诬服奏上上持之有贞进曰若不置谦等于死则今日之事为无名上意乃决谦等俱就刑东市谦笑曰景泰时天下八十万精兵皆吾调发不于此时反乃今一厓秀才反耶是日阴霾四塞朝野冤之为之语曰鹭鸶水上走何处寻鱼赚吉祥麾下达官多尔者枕谦尸而哭之酌以壶浆吉祥挞之明日复往哭如初遂与都督陈逵收其尸瘞之亨为上言籍谦家自上赐物外无他储妻子安置口外未几兵部尚书陈汝言以赂败上御便殿以所籍财物陈大内庑下召亨等入视变色曰景泰间于谦任久且专歿无余物何汝言未几得贿无算耶亨俛首久之越数日上击毬内苑恭顺侯吴瑾抚宁伯朱永等侍石亨张輓张輶自外来上遥见亨等连以毬杖戳地曰好个于谦如此者数声亨等皆流汗浹背朱永出语人曰观今日上意石总兵辈将无所逃矣一日边报甚急集羣臣廷议未定吴瑾进曰于谦若在边患何忧上为之默然初谦遇害太后惊悼谓上曰于谦于国甚有功何忍至此上益悟其冤二年徐有贞以罪逮三年石亨曹吉祥等谋反伏诛八年宪皇帝即位诏释谦家属戍边者家产悉还之遣行人马晞祭谦墓曰当国家之多难保社稷以无虞惟公道而自持为权奸之所嫉在先帝已知其枉而朕心实怜其忠诵者莫不称快云治元年诏曰少保于谦有社稷功可赠特进光禄大夫柱国太傅谥肃愍立祠墓所曰旌功有司春秋致祭而河南父老亦诣阙伏诉少保巡抚时功德愿立祠如杭祠不报乃归即公旧廨祀公伏腊忌岁咸致奠也谦子冕仕至应天府尹子孙世袭副千户

子外王父潘翁尝以掾史给事少保公也翁云景防间北伐南征军务旁午公常一日而平章者数端皆凜凜闕国休戚入则面陈出则手疏夜分乃罢事有不如意輒抚膺忿曰一腔血竟洒何地聆于斯言亦良苦矣又云少保公敏达端毅不以机械疑人总兵石亨杨俊郭登范广卫颢王祜张輶任礼杨洪毛忠顾兴祖皆颢颢僚案一不称防即请勅切责或曰明正典刑王来以公荐起叅政至都御史守贵州一为李匡所纠即请罢斥虽景皇帝寛宏不问而包藏反噬者众矣又云少保公当国时往往宿朝房不归私第属景皇帝大渐石亨等谋拥南内府尹公知其谋奔扣告变少保公呵曰小子何知国家大事自有天命汝第去顷之南内出矣少保公神色不变徐徐整朝服入就班行得防被逮又云少保公之既杀也其夫人梦公谓曰吾被刑魄虽殊而魂不乱独双目失明吾借汝目光将见形于皇帝次日夫人忽丧明已而奉天门灾英庙临视见少保公于火光中隱隱闪闪也时夫人方贬次出海關复梦少保公曰吾已见形于皇帝矣还汝目光未几有诏独贷其夫人又云少保公家属自戍所有还也养子康将以

公柩归塋徙倚东市见鬻尽者取视之则公与夫人像也问之云出自卢太监家盖卢永天顺初亦以奸党籍没寻皆宥还而内帑误以公像给永所噫事亦奇矣将无少保之忠天固闵之犹得庙貌人间哉

于肃愍公高风大节不在词华而其断简残篇得于煨烬之余往往脍炙人口如剩喜门庭无贺客絶胜厨 有悬鱼谢客只容风入户卷 时放燕归梁亦知厚禄慙司马且守清斋学太常萧澁行囊君莫笑独留长剑倚青天金鞍玉勒寻芳者肯信吾庐别有春即此可以知其孤介絶俗之操如香蕪雕盘留睡鸭灯辉青 散栖鸦风穿疎牖银灯暗月转高城玉漏迟防幘耻为寒士语调羹不用腐儒酸即此可以知其经略閎典之才如天外冥鸿何缥缈雪中孤鹤太清癯醉来扫地卧花影闲处倚牕防药方渭水西风吹鹤髮严滩孤月照羊裘即此可以知闲雅恬淡之思其他忠直之气槩与古今如咏苏武则曰富贵傥来君莫问丹心报国是男儿送人致仕则曰解组还乡未白头身安意适更何求题十八学士图则曰都将治世安民策散作裁冰剪雪词喜高金宪病起则曰一团清气难随俗百瓮黄齏足养廉此皆直写胸襟不当以风云月露比拟也

胡世寧字永清仁和人黑面巉顏电眸狮鼻见者咤之 治壬子举乡试第二巡按御史檄计偕银百两世寧曰彭侍郎以灾伤故减半吾不敢盈取竟却其半举进士授德安府推官防明有闻一日患剧疾召医视之曰还有神光世寧力疾赋诗有万死神光还自在再生事业敢能为之句世寧虽执法然持论常正大时有郑分巡者勇于革 州县官被讼者皆得罪去世寧曰某知明公为民禁贪之心甚切然亦须使民畏官今官皆畏民恐非治体也闻者韙之陞南京刑部郎中广西太平知府以忧归服阙赴选至沧州值流贼入城避之问门者曰州有粮乎曰有有水乎曰有有薪乎曰苦无薪世寧曰比屋皆薪也即见知州张琦劝其急修城守琦曰马总制恶修城世寧曰总制失职耳纵贼入城则殃民误国琦从之世寧苦乏兵器适浙江有部军器舟至世寧曰天幸也请州纳之次日贼至攻西门世寧令军民商旅登陴拒守授以甲仗军容甚盛贼见气阻适肇庆指挥聂璫寓城中率其徒持弓弩从埤垵射贼无不死者贼乃退改除寶庆府陞江西副使值王浩八凌十一等为乱王师久驻无功世寧与叅将桂勇书曰江西之贼无处无之仆以为既招者不杀再叛者不招而稍有犯法者令其党执之重惩不恕不过数月而事定矣其如上下异议招之既定则又欲诬罪以杀之杀之不得则又欲曲法以招之祸患何时已耶盖军务贼情人本难测故千里之间 闻各异一日之内机变顿殊故料敌情者多以为少少以为多司军务者功以为罪罪以为功听人言者真以为伪伪以为真潜婪婪莫之能辨士夫稍懷廉耻者则又以矜已抑人为愧而终身受罪莫之能辯其亦可慨也已时寧庶人反形已着人莫敢言世寧愤激上疏言南昌府城延烧万室基地所便悉归王府债负所责遍及闾阎三司官多受钤束问刑吏举奉成案近者买办行于外府骚扰徧于穷乡臣下恐有隐祸多懷二心礼乐政令渐不出自朝廷地方之事益有可虑者寧王自因刘瑾得卫兵以来威势日盛而上下官司奉承太过乞推才望服人公忠体国大臣兼提督巡抚假以重权得便宜行事久困穷民宜妙选循良曲加安集更乞戒谕寧王益崇谦德遠避嫌疑率由祖训止治其国内官僚而三司以下政务不须干预严戢下人恪守禁例申勅镇巡以下凡遇王府委事必须奏准方行庶几小民有再生之望庶人闻之大怒行赂于朝而诬奏妄言离间掌院石玠者竟掇世寧疏中语以为自非圣朝素崇亲睦寧王世守忠贞寧不遂致离间王

奏甚有不安于心者实由世寧激之不为无罪乞差官勘究上令巡按御史逮世寧来京鞫之初世寧既上疏得报擢福建按察使乃去任抵家庶人使健卒百数人分道篡世寧不得乃奏闻风遁回激上怒命官校逮世寧庶人既得防益令健卒至浙必繫世寧江西困辱以俟官校世寧曰吾至江西死且不自乃间道归命京师下诏狱囚系一年廷臣申救谪戍辽东寧庶人败起为四川巡抚迁兵部左侍郎防礼部尚书席书纂辑大礼书成亦陞世寧俸级世寧辞以为国家常赋有限经费无穷正德年间冒功滥赏天下大壞皇上痛革此辈天下始安今未五年冒滥渐开然皆武臣军匠也臣佐兵部义当执奏不意文职冒赏乃自臣始臣闻太仓积粟不及富势一家之产天下空廩贫军乏粮往歲大同甘肃军变皆由于此所宜人人悉事事撙节以裕国储贍军饷惜民穷而备急用也如臣陞俸一级每月多支米一十三石可养穷遠战士一十三人一年则多支一百五十六石所谓不通长算者是也寻陞左都御史改兵部尚书世寧上疏曰六卿之职吏部为重户部为难而兵部则兼重且难其用人峙粮又资二部今天下生民困苦盗贼繁兴边境空虚夷狄难御在江北则米价极贵军士饥疲戎寇杂进奸谋叵测内变方忧议者乃欲出境千里图复哈密此甘肃之危日甚孰敢为陛下言者在西南则松潘南路久絕东路仅通每歲粮运石费数金戍卒生还十唯三四今闻歲歉粒米难致此蜀川之危日甚孰敢为陛下言者其尤可虑者万一中原西蜀民穷盜起抚剿乏人糗粮无备所系安危甚大此圣祖垂训切以为忧辅臣杨一清奏欲臣等各举济险应变之才折冲御侮之略者以需缓急迄无一荐者蓋此匪徒取其才力胜任而又必其忠诚为国即有其人又恐羣臣兴谗大臣信谤此所以再生顾忌莫敢明 其他土夷之变边境之虚骄卒之悍皆巡抚不得久任專制故皆推托不理虽有一二任事者奏上该曹亦不与议决故今内外大小臣皆以持循保守为贤而坐视养乱有一忠力干济者身家不免矣此将尽驱天下之人阉然无忠义之气一朝有事非细故也今以自来兵部尚书言之则臣乡里所闻曰方賓曰于谦耳目所及曰刘大夏曰彭泽忠诚为国者仅此而皆不得保全其得保全者皆依阿防蔽坐视养乱者也臣性愚昧偏滯不能迁改随时故尝自誓以为可杀而不可使灭有功可杀而不可使纵有罪至于依阿误国而防蔽欺君之事不能为此臣才性不堪如此不敢贪位以误陛下也再辞不允乃就职未几引疾归卒于家赠少保諡端敏

张珣后更张翱字羽翱仁人生而穎异博涉经史精推步占候宣德间潘中丞蕃将往南粤视师雅闻翱有兵略除室自迎之翱感知已强与行一日坐帐中见片云隱隱起离震间谓潘曰事济矣有顷烈风南来此捷音也已而果然防潘欲疏荐翱翱曰所以共事行间者报知己也岂慕名爵来耶竟逃去易名晦迹以终其身尝赋诗云有意欲尝千日酒无心去傍五侯烟盖其志也年八十有二无疾终子孙奕叶多以文学政事表见当世云

西湖游览志余卷九

贤达高风

丁兰故居在艮山门外三十六里名丁桥兰事母至孝母死刻木为像事之如生有丁母塚在桐扣山之东

蔡汝揆居艮山门外太平乡华林里父霖为朝奉大夫通判瑞州庶母沈氏卒汝揆尚防父霖用浮屠法火之汝揆以父廕入仕每伤无松楸之地言辄涕泣乃刻木为母像具衣衾棺槨塋之更置贍坟田创庵命僧守之乡人呼为木娘墓

孝女冯氏钱唐人唐穆宗时女少孤无兄弟母女相依及长养母不嫁母多病且危思肉食女割股以进后母死哀毁骨立既塋庐于墓下日夕悲号茹蔬刺血写经舍宅为寺求荐防母长庆三年事闻诏赐粟帛赐寺额曰报恩名其乡曰孝女南乡有孝女墓在寺后古城头

朱氏杭州人元黄仲起妻至正十六年张士诚兵寇杭驱掠欲犯之朱与女皆自缢继而妾冯氏与仲起弟妇蔡氏乳母汤氏亦皆自杀一门五烈古今罕有也纳者杭城东辉和尔氏之女奴也年十九勤敏谨愿主卒官他郡达纳奉主妇日谨主妇亦委以腹心至正壬辰秋七月初十日寇防杭劫官民府库至辉和尔氏家无所得乃反接主妇柱下以刀砺颈上诸侍婢皆散走达纳独以身蔽主妇请代死且告曰将军所利者财岂利杀人哉家之寶货皆我所藏主母固弗知若免主母我当悉与将军寇喜即解主妇缚乃探金银珠玉币帛等物置堂上寇争取之又欲犯达纳身达纳持刀欲自屠曰我主二千石我誓不奴他姓主况汝贼乎寇惊异舍而去达纳泣拜主妇曰弃主货全主命权也妾受命主钥失货而全身非义也请从此死乃自杀

李氏登州黄县人邹确母性贞慧而知礼足迹未尝出户限其良曰世闻用门功任管军百户戍居钱唐钱唐有湖山之胜方春时邦人士女竞事游衍为乐子确与其昆弟谋曰盍亦奉吾母为乐乎乃治游具请于母母曰尔为我子乃独不能以礼事我吾闻妇人昼不防庭而可远适湖山事逸乐耶确等慙惧而退李氏有女嫁为同邑周仲寘妻调頼之瑞金簿非辜就逮女仰天叹曰吾夫死必矣吾出门安适遂投舍后池水死谈者咸谓得之母训云至正间世闻分守海寧有惠政及张氏防浙西屏居硖防元亡不食死

陈孝女者钱唐人也父业儒尝受勇爵漫防江淮间居胭脂岭下乙亥兵火挈家永嘉山中悉为盗所掠仅留孝女十歲攜之丐食以归故居荡不复存因寄五里塘旧仆家闻殊胜寺设粥供日攜女子就寺丐食凡数月僧扣所以颇怜之俾留禅寮供榜疏职时孙元帅下李知事者东平人也颇知书亦寓寺傍暇日至寺必从容与僧谈欲谋一士为友僧以陈为荐一见投合如久要馆谷加厚其女亦得其家欢心居数月当仲春女子忽谓其父云吾母墓在故居侧数年不至矣闻主人禁烟将为湖山游能乘此机一往拜扫否父以告李欣然与俱既至墓所拜奠罢李偕攜酒饮傍舍女悲泣不已勉之还则泣告曰比闻李氏将北归吾父子必将从之父老子防南北万里何日可再至吾母墓下此所以痛也言与泪俱下父亦感痛而女蹕蹕呼号

声振林木久而仆地视之腸断死矣李义之因与墓隣斂而祔于母冢之傍云

翁氏姊者钱唐人年四十不嫁至正间寇防钱唐与弟忠一家四人誓结袂死于河姊曰河之死者秽矣吾独寻干净水死忠等赴河姊赴城陰古井死杨廉夫吊之诗云翁氏当乱离投河誓翁媪生为同林鸟死作结缕草翁氏姊投袂起长河杀贼血污水我胡为河里死莫邪古井古城陰下有斗水琉璃深井中投妾身莫耶夜作蛟龙吟

曹处女者钱唐人名雪字玉霰年十三善琴十五工词翰母歿力穷塋其母年五十不嫁自誓云死作处女冢至正间钱唐丧乱处女闭户三日饿而死杨廉夫吊之诗云曹处女白雪霰母惜白雪抱玉真珠擎十三善瑶琴不作濮上声十五防彤管不作花草情叮咛媒与妁必嫁公与卿英英马上郎貂帽绣衣裳官家捉处女愿作处女郎昨日交处女币今日催处女妆贮以黄金屋荐以白玉牀大珠连理带七寶合欢囊大珠五十万七寶百万镮黄羊尾如扇文鸡若鳳皇置酒结高宴长跪起行觴处女誓慈母有死不下堂慈母莫之斂志节如秋霜嗟嗟曹处女处女节独苦事母终母丧母坟成负土白髮五十秋五十终处女誓作处女坟南山华表柱荒城兵火交三日不开户生作独月娥死作黔娄女我作处女辞用激城中三嫁妇

西湖游览志余卷十

才情雅致

白乐天之守杭州也放浪湖山耽昵声妓新词艳曲布浹郡中其湖上春行诗孤山寺北贾亭西水面初平云脚低几处早莺争暖谷谁家新莺啄春泥乱花渐欲迷人眼浅草犹能没马蹄最爱湖东行不足绿杨阴里白沙堤春题湖上诗湖上春来似画图乱峰围绕水平铺松排山面千重翠月照波心一粒珠碧毬绿头抽早麦青罗裙带展新蒲未能抛得杭州去一半勾留是此湖余杭形胜诗余杭形胜四方无州傍青山县枕湖绕郭荷花三十里拂城松树一千株梦儿亭古一名谢教妓楼新道姓苏独有使君年太老风流不称白髭须湖上招客送春泛舟诗欲送残春招酒伴客中谁最有风情两瓶若下新求得一曲霓裳初教成排比管弦行翠袖指麾舫舫防红旗慢牵好向湖心去恰似菱花镜里行

元白之在当岿声华略等乐天守杭州而防之除浙东观察使比壤而居诗筒往来殆无虚日嘲獎杂陈亦一时盛事也防之以州宅夸乐天诗州城回绕拂云堆镜水稽山满眼来四面常时对屏障一家终日在楼台星河倡向檐前落鼓角惊从地底回我是玉皇香案吏谪居犹得住蓬莱乐天答之诗贺上人回得报书大夸州宅似僊居厌防冯翊风沙久喜见兰亭烟景初日出旌旗生气色月明楼阁在空虚知君暗数江南郡除却余杭尽不如防之重夸州宅诗僊都难画亦难书暂合登临不合居绕郭烟岚新雨后满山楼阁上灯初人声晚动千门辟湖色宵涵万象虚为问西川罗刹岸涛头冲突近何如乐天答之诗君问西州城下事醉中叠纸为君书嵌空石面标罗刹压捺潮头敌子胥神曾鞭犹不动波涛虽打欲何如谁知太守心相似抵滞坚顽两有余又答防之诗可怜风景浙东西先数余杭次防稽禹庙未胜天竺寺钱潮不羡若耶溪摆尘野鹤春毛暖拍水沙鸥湿翅低更对雪楼君爱否红栏碧甃防银泥又以西湖夸防之诗上马复呼賓湖邊景气新管弦三数事骑从十余人立换登山屐行携漉酒巾逢花看当妓遇草坐为茵西日笼黄柳东风荡白苹小桥装鴈齿轻浪蹙鱼鳞画舫牵徐转银船酌慢巡野情遗世累醉态任天真彼此年将老平生分亲皇天从所欲遠地得为隣云树分三驿烟波限一津翻嗟寸步隔却厌尺书频浙右称雄镇山陰委重臣贵垂长紫绶荣驾大朱轮出动鎗刀队归生道路尘鴈惊弓易散鸥怕鼓难驯百吏瞻相面千夫奉拥身自然闲兴少应负镜湖春

乐天之既去杭州也不胜回恋之思其诗云除官去未闲半月恣幽讨朝来霞外寺暮宿波上岛新水少于松平湖半连草跻攀有次第赏玩无昏早有时骑马醉兀然冥天造穷通与死生其奈吾懷抱江山信为美齿髮行将老在郡诚未厌归乡去亦好留别郡斋诗吟山歌水嘲风月便是三年官满时春为醉眠多闭閣秋因晴望暂褰帷更无一事移风俗唯化州民解咏诗留别天竺灵隱两寺诗在郡六百日入山十二回宿因月桂落醉为海榴开黄纸除书到青宫诏命催僧徒多怅望賓从亦徘徊寺暗烟埋竹林香雨落梅别桥怜白石辞洞恋青苔渐出松间路犹飞马上杯谁教冷泉水送我下山来留别西湖诗征途行色惨风祖帐离声咽管翠黛不须留五马皇恩只许住三年绿藤阴下铺歌席红藕花中泊妓舫处处回头尽堪恋就中难别是湖邊杭州廻舫诗自别钱唐山水后不多饮酒懒吟诗欲将此意憑廻棹与报西湖

风月知九日思杭州旧游寄周判官及诸客诗忽忆郡南山顶上昔时同醉是今辰笙歌委曲声延耳金翠动摇光照身风景不随宫相去欢娱应逐使君新江山賓客皆如旧唯是当筵换主人送姚杭州赴任因思旧游诗与君细說杭州事为我留心莫等闲闾里固宜勤抚恤楼台亦要数跻攀笙歌缥缈虚空里风月依稀梦想间且喜诗人重管领遥飞一盞贺江山其二

钱唐路几千想君到后事依然静逢竺寺 偷橘闲防苏家女采莲故妓数人憑问讯新诗两首倩流 舍人虽健无多兴老校当时八九年答客问杭州诗为我踟蹰停酒盞与君约略說杭州山名天竺堆青黛湖号钱唐防綠油大屋檐多装鴈齿小航船亦画龙头所嗟水路无三百官系何因得再游

杭州华丽虽盛于唐时然其题咏自白舍人张处士之外亦不多见独杜荀鶴方 英温飞卿诸诗颇得风物之胜杜荀鶴钱唐寄姚中丞诗岂谓无心求上第难居帝里为家贫江南江北闲为客潮去潮来老却人两岸雨收莺语柳一楼风满角吹春花前不独垂乡泪曾是朱门寄食身方 英旅次钱唐诗此处是乡国堪为朝夕吟云藏吴相庙树引越山禽潮落海人散钟迟秋寺深我来无旧识谁见寂寥心诗中四句不书题目一吟可知其为钱唐也温飞卿钱唐诗钱唐岸上春如织淼淼寒潮带晴色淮南游客马连嘶碧草迷人归不得风飘客意如吹 纖指殷勤伤鴈 一曲堂堂红烛筵金鯨防酒如飞泉

白乐天为杭州刺史令访牡丹独开元寺僧惠澄近自京师得之植于庭时春景方深惠澄设油幕覆其上徐凝自富春来未识乐天先题诗曰此花南地知难种惭愧僧闲用意栽海鷺解怜频睥睨胡蜂未识更徘徊虚生芍药徒劳妬羞杀玫瑰不敢开唯有数苞红萼在含芳只待舍人来乐天到寺看花乃命凝同醉而归时张祜榜舟而至二生各希首荐乐天曰二君论文若廉白之鬪鼠穴胜负在于一战也遂试长劒倚天外赋余霞散成绮诗试乞解送凝为元祐次之祐曰祐甘露寺诗有月光先到山河势尽来金山寺诗有树影中流见钟声两岸闻虽綦母潜云塔影挂青汉钟声和白云此句未为佳也凝曰美则美矣争如老夫庐山瀑布诗今古长如白练飞一条界破青山色凝遂擅場祐叹曰荣辱纷纷亦何常也遂行歌而迈凝亦鼓枻而归

杭州元宵之盛自唐已然白乐天诗云歲熟人心乐朝遊复夜遊春风来海上明月在江头灯火家家市笙歌处处楼无妨思帝里不合厌杭州

唐大中十二年令狐綯荐李遠为杭州宣宗曰闻李遠有诗曰长日惟消一局棋岂可使治郡哉对曰诗人之言不足泥也李遠廉察有闻雅宜治郡后遠治郡有声固宰相之知人而亦宣宗之言有以警之也

宋庆厯间范文正公仲淹知杭州有惠政尝作西湖絕句云长忆西湖胜鉴湖春波千顷绿如铺吾皇不让明皇美可赐踈狂贺老无公诗不多见观此其山水襟懷亦不浅也

陈文惠公述古守杭州喜江南梅度支至二首淡薄交情老更浓为君弹瑟送金钟苧罗香径无人到姑射 姿在处逢鸾鹤品流慙晚达烟霞门户忆先容公余莫放西湖景步步苍苔岸

岸松其二公望当年最得君画图城郭喜同羣门前碧浪家家海楼上青山寺寺云松下玉琴邀鹤听溪邊苔石共僧分情多景好知难尽且倒金尊任半醺杭州繁盛自前宋时已然此诗钱唐景物已略尽矣又题林和靖水亭诗云城外逋翁宅开亭野水寒冷光浮荇叶静影浸渔竿吠犬时迎客饥禽忽上防疎篱僧舍近嘉树鹤庭寬拂砌烟丝裊侵牕笋防攢小桥横落日幽径转层峦好景吟何极清欢尽亦难怜君留我意重叠取琴弹

嘉祐二年梅公仪摯以龙图阁直学士出守杭州仁宗赐之诗云地有湖山美东南第一州剖符宜政化持橐辍才流暂出论思列遥分旰食忧循良勤抚俗来暮听欢讴摯既履任名其堂曰有美欧阳永叔为之记蔡君谟为之书士夫题咏者甚多苏子瞻倅杭尝令从史尽錄其诗不着姓字默定高下以贾耘老为首其诗云自刊宸画入云端神物应须防翠岵吴越不藏千里色斗牛常占一天寒四檐望尽回头懒万像搜来下笔难谁信静中疎拙意略无踪迹到波澜

梅公仪之守杭州也欧阳永叔赠之诗云万室东南富且繁羨君风力有余闲渔樵人乐江湖外谈笑诗成尊俎间日暖梨花催送酒天寒桂子落空山邮筒不絕如飞翼莫惜新篇屡往还

苏子瞻守杭守颍皆有西湖故颍川谢表云入参两禁每玷北扉之荣出典二州辄作西湖之长秦少章诗云十里薰风菡萏初我公所至有西湖欲将公事湖中了见說官闲事亦无后谪惠州亦有西湖杨万里诗云三处西湖一色秋钱唐汝颍及罗浮东坡元是西湖长不到罗浮便得休

子瞻守杭日春时每遇休暇必约客湖上早食于山水佳处饭毕每客一舟令队长一人各领数妓任其所适晡后鸣锣集之复防望湖楼或竹阁极欢而罢至一二鼓夜市犹未散列烛以归城中士女夹道云集而观之故其诗云游舫已收吴榜穩舞衫初试越罗新又云映山黄帽螭头舫夹道青烟雀尾炉诚熙世乐事也

子瞻两任杭州似有宿缘而放浪湖山耽昵声色乐天之后一人而已其与赵德麟钱饮湖上对月诗老守惜春意主人留客情官余闲日月湖上好清明新火发茶乳温风散粥酒防红杏闇日落大堤平清夜除灯坐孤舟擘岸撑速君幘未坠对此月犹横同曹子方雪中游湖诗词源灩灩波头展清唱一声岩谷满未容雪积句先高岂独湖开心自遠云山已作歌眉浅山下碧流清似眼尊前侑酒只新诗何异书鱼餐蠹简和蔡準游湖诗夏潦涨湖深更幽西风落木芙蓉秋飞雪暗香云拂地新蒲出水柳映洲湖上四时防不足惟有人生飘若浮解顔一笑岂易得主人有酒君应留君不见钱塘游宦客暮决狱朝推囚不有人唤何时休懷西湖寄晁美叔诗西湖天下景游者无愚贤浅深随所得谁能识其全嗟我本强直早为世所捐独專山水乐付与宁非天三百六十寺幽寻送穷年所至得其妙心知口难至今清夜梦耳目余芳鲜君持使者节风采烁云烟清流与碧巘安肯为君妍胡不屏骑从暂借僧榻眠读我壁间诗清凉洗烦煎策杖无道路直造意所便应逢古渔父苇间自夤缘问道若有得买鱼勿论钱湖上三絕句诗朝晞迎客艳重冈晚雨留人入醉乡此意尽佳人不识一杯当属水僊王湖光防灩晴偏好山色空蒙雨亦奇若把西湖比西子淡妆浓抹总相宜毕竟西湖六月中风光不与

四时同接天莲叶无穷碧映日荷花别样红

有美堂在鳳山之顶左江右湖举陈目下子瞻九日泛湖而鲁少卿防客堂上妓乐殷作子瞻从湖中望之戲以诗云指防云间数防红笙歌正拥紫髯翁谁知爱酒龙山客却在渔舟一叶中又云西阁珠帘卷落晖水沈烟断佩声防遥知通德凄凉甚拥髻无言怨未归通德乃赵飞燕女史后为伶 妾鲁公使事已完不回朝家有美妾故子瞻讥之一日子瞻防客堂上妓乐殷作周长官邠同数僧泛湖戲以诗子瞻因和二首霭霭君诗似岭云从来不许醉红裙不知野屐穿山翠惟见轻桡破浪纹颇忆呼卢袁彦道难邀骂坐灌将军晚风落日元无主不惜清凉与子分又云载酒无人过子云掩闥昼卧客书裙歌喉不共听珠贯醉面何因作缬纹僧侣且陪香火社诗坛欲敛鸛鹅军凭君遍绕湖邊寺涨绿晴来已十分

子瞻之去郡也有懷钱唐寄陈述古诗从来直道不辜身得向西湖两过春沂上已成曾防服泮宫初采鲁侯芹休惊歲歲年年貌且对朝朝暮暮人细雨晴时一百六画船鼙鼓莫违民其二草长江南莺乱飞年来事事与心违花开后院还空落鷺入华堂恠未归世上功名何日是尊前防检几人非去年柳絮飞时节记得金笼放雪衣其三浮玉山头日日风涌金门外已春融一年鱼鸟浑相识三月莺花付与公剩防新翻眉倒晕未应泣别脸消红何人识得相思字寄与江邊北向鸿蓋宋时杭人四月八日放鵒为太守祈壽故有金笼放雪衣之句又西湖懷旧行香子调携手江村梅雪飘裙情何限处处销魂故人不见旧曲重闻向望湖楼孤山寺涌金门寻常处题诗千首綉罗衫与拂红尘别来相忆知是何人有湖中月江邊柳陇头云

熙宁初议行新法子瞻力言不便及出判杭州遂以诗语贾祸其诗云老翁七十自腰鎌慚愧春山笋蕨甜岂是闻韶解忘味迺来三月食无盐以其讥盐法太急而民皆淡食也又云杖藜裹饭去忽忽过眼青钱转手空赢得儿童好音语一年强半在城中讥青苗法行乡村小民不得安堵 亩也又云吴儿生长狎涛渊冒利忘生不自怜东海若知明主意应教斥卤变桑田讥主上好兴水利犹以斥卤变桑田终无成日也子瞻得罪固出无辜而露才取忌亦当自引

杭州巨美得白苏而益章考其治绩怡情往往酷似乐天诗云闾里固宜勤抚恤楼台亦要数跻攀子瞻亦云细雨晴时一百六画桡鼙鼓莫违民乐天诗云笙歌委曲声延耳金翠动摇光照身子瞻亦云剩看新翻眉倒晕未应泣别脸消红乐天诗云故妓数人凭问讯新诗两首倩流传子瞻亦云休惊歲歲年年貌且对朝朝暮暮人乐天取天竺奇石受代携归诗云三年为刺史饮水复食檠唯向天竺山取得两片石此直抵千金无乃伤清白子瞻亦云在郡依前六百日山中不记几回来还将天竺一峰去欲把云根到处栽盖子瞻景慕惟在乐天故摹擬之词比比歌咏如云出处依稀似乐天敢将衰朽较前贤又云但遣先生披鸛氅不须更画乐天真殆有梦寐羹墙之想矣

前辈任杭州而去者往往思之虽其山水清佳亦其民风淳懦易感也白乐天则云自别钱唐山水后不多饮酒懒吟诗又云所嗟水路无三百官系无由得再游又云 钱唐路几千想君到后事依然又云江南忆最忆是杭州山寺月中寻桂子郡亭枕上防潮头何日更重游子瞻则云寄谢西湖旧风月故应时许梦中游又云居杭积五歲自忆本杭人故山归无家欲买

西湖隣又云前生我已到杭州到处长如到旧游更欲洞霄为隱吏一庵闲地且相留二公之恋恋于旧游蓋必有以取之尔

王平甫以杭州夸王胜之诗游览须知此地佳纷纷人物敌京华林峦腊雪千家水城郭春风二月花彩舫笙歌吹落日画楼灯烛映残霞如君援笔宜摹寫付与尘埃北客夸又西湖春日诗争得才如杜牧之试来湖上辄题诗春烟寺院敲茶鼓夕照楼台卓酒旗浓吐杂芳薰巘嶂湿飞双翠破涟漪人间幸有蓑兼笠且上渔舟作钓师王介甫送张仲容赴杭州孙公沔辟诗万屋相夸漆与丹笑歌长在绮纨间防船春戲城邊水画烛秋寻寺外山忆我屡随游客入喜君今趣辟书还遥知曼倩威行久赤壁应从到日闲二公之诗峭响俊丽真兄弟也

梅圣俞西湖泛舟诗水消湖已綠 鴨头舡学吴儿刺吟希楚老新对山怜去鸟隔树识游人谁念沧江上风柔采白苹同诸韩及孙曼叔游西湖二律晚日城头落轻鞍果下凉野蜂衔水沫舟子剥菱黄小老识秋气径幽闻草香幅巾聊自检不作楚人狂又云烁电未成雨凉风先入衣青天忽开影红日尚余晖蛺蝶作团起蜻蜓相对飞谑嘲不觉夕跨马月中归三诗皆不载宛陵集

范石湖成大防客湖上诗西湖水泮綠生鳞料峭春风欲中人花片不经寒食雨柳丝还帶涌金春江山契阔诗情在京洛追随客梦新唤取歌声作愁思为君吹水引杯频杨诚斋廷秀诗苏公堤遠柳生烟和靖园深竹映闕船入芰荷香处去人从云水窟中还似寒如暖清和在欲雨翻晴顷刻间能为蓬萊老仙伯一杯痛饮吸湖山二公之诗皎然晚宋风格也

宋时帅防王洵者咏西湖十景诗苏堤春晓云孤山落月趁疎钟画舫参差柳岸风莺梦初醒人未起金鸦飞上五云东断桥残雪云望湖亭上半青山跨水修梁影亦寒待泮痕邊分草綠鶴惊碎玉啄防干雷峰夕照云塔影初收日色昏隔墙人语近甘园南山游遍分归路半入钱唐半暗門麴院风荷云避暑人归自冷泉埠头云锦晚风天爱渠香阵随人遠行过高桥方买船平湖秋月云万顷寒光一夕铺水轮行处片云无鷺峰遙度西风冷桂子纷纷防玉壶柳浪闻莺云如簧巧啭最高枝苑柳青归万缕丝玉輦不来春又老声声诉与落花知花港观鱼云断汲惟余旧姓 倚阑投餌說当年沙鷗防见园兴废近日游人又玉泉南屏晚钟云涑水崖碑半綠苔春游谁向此山来晚烟深处蒲牢响僧自城中应供回三潭印月云塔邊分占宿湖船寶鑑开奩水接天横笛叫云何处起波心惊觉老龙眠两峰挿云云浮图对立晓崔嵬积翠浮空霁靄迷试向凤凰山上望南高天近北烟低

孙何帅钱唐柳耆卿作望海潮词贈之云东南形胜三吴都防钱唐自古繁华烟柳画桥风帘翠幙参差十万人家云树绕隄沙怒涛卷霜雪天堑无涯市列珠玑户盈罗綺竞豪奢重湖叠巘清佳有三秋桂子十里荷花羌管弄晴菱歌泛夜嬉嬉釣叟莲娃千骑拥高牙乘醉听歌鼓吟赏烟霞异日图将好景归去凤池夸此词流播金主亮闻之矍然起投鞭渡江之想命画工潜入临安图西湖揭软屏间貌已像策马吴山之巔题其上曰万里车书尽防同江南岂有別疆封提兵百万西湖上立马吴山第一峰其时有谢处厚者咏其事云谁把杭州曲子讴荷花十里桂三秋那知卉木无情物牵动长江万里愁庐陵罗景纶云耆卿此词乃金亮送死媒也

未足深怅至于荷艳桂香妆防湖山清丽使士大夫留连歌舞忘顾中原是则可恨耳因和处厚诗云投鞭枉是为清讴牛渚依然一片秋却恨荷花留玉辇竟忘烟柳汴宫愁

庐陵刘改之过以诗鸣江西厄于韦布放浪吴楚客食诸侯嘉泰间来临安时辛稼轩弃疾帅越闻其名遣介招之适以事不及行作书归辂者因效辛体沁园春一词并緘往下笔便逼真其词云斗酒彘肩醉渡浙江岂不快哉被香山居士约林和靖与苏公等驾勒吾回坡谓西湖正如西子浓抹淡妆临照防诸人者都掉头不顾只管 杯白云天竺去来图画里峥嵘楼观开看纵横一涧东西水绕两山南北高下云堆逋曰不然暗香疎影只可孤山先探梅蓬莱阁访稼轩未晚且此徘徊弃疾得之大喜致餽数百千竟邀之去馆燕弥月赍赠累累改之竟荡于酒不问也常自以此辞语相台岳珂掀然有得色珂曰词语固佳恨无刀圭药疗君白日症耳一座为之轩渠

辛弃疾游湖酌江月词西风吹雨战新荷声乱明珠苍璧谁把香奁收寶镜云锦周遭红碧飞鸟翻空游鱼吹浪惯听笙歌席座中豪气防君一饮千石遥想处士风流鹤随人去已作飞僊客茅舍竹篱今在否松竹已非畴昔欲防当年望湖楼下水与云宽窄醉中休问断肠桃叶消息刘改之游湖贺新郎词睡觉啼莺晓醉西湖两峰日日买花簪帽去尽酒徒无人问惟有玉山自倒任拍手儿童争笑一骑乘风翩然去避鱼龙不见波声悄歌韵远唤苏小神仙路近蓬莱岛紫云深处参差禁树烟花绕人世红尘西嶂日百计不如归好付乐事与他年少费尽柳金梨雪句问沉香亭北何时召心未惬鬓先老二公词格相肖宜其真主投欢也

辛幼安尝作晚春词云更能消几番风雨匆匆春又归去惜花长恨花开早何况乱红无数春且住见說道天涯芳草迷归路怨春不语算只有殷勤画檐蛛网尽日惹飞絮长门事准拟佳期又误蛾眉曾有人妬千金纵买相如赋脉脉此情难诉君莫舞君不见玉环飞燕皆尘土闲愁最苦休去倚危栏斜阳正在烟柳断肠处此词斜阳烟柳之句怨刺颇深比之天际轻云者殊无蕴借壽皇见之怫然不悦然亦不罪也

宋建炎中驾驻维扬康伯可上中兴十策名振一时后秦桧当国伯可乃附防求进擢为台郎值慈寧归养两宫燕乐伯可專应制为歌词防艳粉饰声名扫地而世但以比柳耆卿辈矣桧死伯可亦贬五羊桧生日伯可壽以喜迁莺词云腊残春早正帘幙防寒楼台清晓寶运当千佳辰余五嵩岳诞生元老帝遣阜安宗社人仰雍容廊庙尽总道是文章孔孟勲庸周召师表方春遇鱼水君臣须信从年少玉带金鱼朱顏綠鬢占断世间荣耀篆刻鼎彝将遍整顿乾坤都了愿歲歲见柳梢青浅梅英红小又尝与桧对局格天阁下桧戲曰此卒渡河是尔将军之疥癬伯可徐应曰今皇御极视公宰相如腹心桧大喜撤棋酣饮终日而罢

康伯可尝与右瑯狎适睿思殿有徽祖御画特为卓絕上时持玩以起羹墙之悲瑯下直窃携至家而伯可适来留之饮因出示之伯可给瑯入取殼核輒书一絕于上曰玉辇宸遊事已空尚余奎藻绘春风年年花鸟无穷恨尽在苍梧夕照中瑯见之大骇然无可奈何明日伺间叩头请死上大怒亟取视之天威顿霁但一恸而已

康伯可西湖长相思词云南高峰北高峰一片湖光烟霭中春来愁杀依郎意浓妾意浓油壁车轻郎马骢相逢九里松林和靖惜别长相思词云吴山青越山青两岸青山相送迎谁知离别情君泪盈妾泪盈罗带同心结未成江头潮已平和靖隐士也而亦为华艳之词失其体矣

吴郡王益者宪圣太后弟也德壽特亲爱之入宫每用家人礼宪圣常持盈满之戒每告之曰凡有宴召非得吾言不可擅入一日王竹冠练衣芒鞋筇杖独携一童纵行三竺灵隱山中濯足冷泉盘石上游人望之俨如神僊遂为逻者奏闻次日德壽以小诗召之曰趣此一轩风月好橘香酒熟待君来令小珰持赐王遂亟往光尧迎笑曰昨者冷泉之游乐乎王恍然顿首谢光尧曰朕宫中亦有此景卿欲见之否蓋叠石引泉象飞来香林之胜架堂其上冷泉亭中揭一画乃图王野服濯足于盘石上且御制一赞云富贵不骄戚畹称贤扫除膏粱放旷林泉沧浪濯足风度潇然国之元舅人中神仙于是尽醉而罢因举图以赐之

吴郡王及平原郡王皆豪贵以奢侈相高争华竞靡有石崇王恺之风吴府后翠堂七楹全以石青为饰故得名專为诸姬教习声伎之所一时伶官乐师皆梨园国工也吹弹舞拍各有总之者号为部头每遇节序生辰则旬日外依月律按试名曰小排当虽中禁教坊所无也只笙一部已是二十余人自十月旦至二月终日给焙笙炭五十觔用锦熏笼借笙于上复以四和香熏之蓋笙簧必用高丽铜为之醃以綠臈簧暖则字正而声清越故必用焙而后陆天随诗云妾思冷如簧时时望君暖乐府亦有簧暖笙清之语举此一事余可想见也

张鎡功甫号约斋忠烈王诸孙能诗一时名士大夫莫不交游其园池声妓服玩之丽甲天下尝于南湖园作驾霄亭于四古松间以巨铁絙悬之空中而羈之松身当风月清夜与客梯登之飘摇云表真有挟飞仙遡紫清之意王简卿侍郎尝题其牡丹防云众賓既集坐一虚堂寂无所有俄问左右云香已发未答云已发命卷帘则异香自内出郁然满座羣妓以酒殽丝竹次第而至别有名妓数十辈皆衣白首飾衣领皆綉牡丹首戴照殿红一妓执板奏歌侑觴歌罢乐作乃退复垂帘谈论自如良久香起卷帘如前别数十妓易服与花而出大抵簪白花则衣紫紫花则衣鹅黄黄花则衣红如是十杯衣与花凡十易所讴者皆前辈牡丹名词酒竟歌者乐者无虑百数十人列行送客烛光香雾歌吹杂作客皆恍然如仙游也功甫于诛韩 胄有力赏不满意又欲以故智去弥遠事泄谪象台而殂

张功甫为梅园于湖上作堂其间曰玉照堂其自叙云梅花为天下神奇而诗人尤所酷好淳熙歲乙巳予得曹氏荒圃于南湖之濱有古梅数十株辍地十亩移种成列增取西湖北山别圃红梅合三百余本筑堂数间以临之又夹以两室东植千叶绀梅西植红梅各一二十章前为轩楹如堂之数花时住宿其中莹洁辉映夜如对月因名曰玉照复开涧环绕小舟往来未始半月舍去自是客有游桂隱者必求观焉顷者太保周益公秉钧子尝造东阁坐定首顾予曰一棹径穿花十里满城无此好风光蓋予旧诗尾句众客相与歆艳于是游玉照者又必求观焉值春凝寒又能留花过孟月始盛名人才士题咏层委亦可谓不负此花矣但花艳并秀非天时清美不宜又标韵孤特若三闾首阳二子寧槁山泽终不肯頽首屏气受世俗湔拂间有身亲貌悅而此心落落不相领防甚至于污防附近畧不自揆者花虽眷客然我辈胸中空洞几为花呼叫称冤不特三叹而足也因审其性情思所以为獎防之策凡数月乃得之今疏

花宜称憎嫉荣宠屈辱四事总五十八条揭之堂上使来者有所警省且世人徒知梅花之贵而不能爱敬之使以予之言 布流诵亦将有媿色云花宜称凡二十六条为澹阴为晓日为薄寒为细雨为轻烟为佳月为夕阳为防雪为晚霞为珍禽为孤鹤为清溪为小桥为竹边为松下为明 为疎篱为苍厓为绿苔为铜瓶为纸帐为林间吹笛为膝上横琴为石枰下棋为扫雪 茶为美人淡妆簪戴花憎嫉凡十四条为狂风为连雨为烈日为苦寒为丑妇为俗子为老鸦为恶诗为谈时事为论差除为花径喝道为对花张绯幙为赏花动鼓板为作诗用调羹驿使事花荣宠凡六条为烟尘不染为铃索防持为除地镜净落瓣不溜为主人旦夕留盼为诗人阁笔评量为妙妓淡妆雅歌花屈辱凡十二条为主人不好事为主人慳鄙为种富家园内为与龋婢命名为蟠结作屏为赏花命猥妓为庸僧牕下种为酒食店内插瓶为树下有狗屎为枝上晒衣裳为青纸屏粉画为生猥巷秽沟边

张功甫赏心乐事并序云余扫轨林间不知衰老节物千变花鸟泉石领防无余每适意时相羊小园殆觉风景与人为一间引客携觴或幅巾曳杖啸歌往来澹然忘归因排比十有二月燕游次序名之曰四并集授小庵主人以备遗忘非有故当力行之然为具真率毋至劳费及暴殄沉湎则天之所以与我者为无负无防昔贤有云不为俗情所染方能说法度人盖光明藏中孰非游戯若心常清静离诸取着于有差别境中而能常入无差别定则淫坊酒肆徧历道场鼓乐音声皆谈般若倘情知物隔境逐源移如鸟黏藕动伤躯体又乌知所谓说法度人者哉圣朝中兴七十余载故家流风沦落几尽有闻前辈典刑识南湖之清狂者必长哦曰人生不满百常懷千载忧昼短苦夜长何不秉烛遊一旦相逢不为生客嘉泰元年歲辛酉十有二月约斋居士书 正月歲节家宴 立春日春盘 人日煎饼防 玉照堂赏梅天街观灯 诸馆赏灯 丛奎阁山茶 湖山寻梅揽月桥防新柳 安闲堂扫雪 二月现乐堂瑞

香 社日社饭 玉照堂西缙梅 南湖挑菜 玉照堂东红梅 餐霞轩櫻桃花 杏花庄杏花 羣僊绘幅前楼打毬 南湖泛舟 绮互亭千叶茶花马塍防花 三月生朝家宴 曲水流觴 花院

月丹 花院桃柳 寒食郊游 苍寒堂西绯碧桃满霜亭北棣棠 碧宇观笋 芳草亭观草 鬪

春堂牡丹芍药 宜雨亭千叶海棠 艳香馆林檎花院紫牡丹 宜雨亭北黄蔷薇 现乐堂大花花院赏羹酒 瀛洲胜处山茶 经寮鬪茶 羣

僊绘楼芍药 四月初八日亦庵早斋 南湖放生食糕糜 芳草亭鬪草 芙蓉池新荷 蕊珠洞茶 满霜亭菊花 玉照堂青梅 艳香馆长春花安闲堂紫笑 羣僊绘幅楼前珉瑰 餐霞轩櫻

桃 诗禅堂盘子山丹花 南湖杂花 鸥渚亭五色鸚粟花 五月清夏堂观鱼 听莺亭摘瓜 安闲堂解粽 重午节泛蒲 烟波观碧芦 夏至日鶯鹯 绮互亭大笑花 南湖萱花 水北书院采苹 鸥渚亭五色蜀葵 清夏堂杨梅 丛奎阁前榴花 艳香馆密林檎 摘星轩枇杷 六月现乐堂南白酒 楼下避暑 苍寒堂后碧莲 碧宇竹林避暑 芙蓉池赏荷花 约斋夏菊 清夏堂新荔枝 霞川食桃 七月丛奎阁前乞巧 餐霞轩五色凤僊花 立秋日秋叶

玉照堂玉簪 西湖荷花 南湖观鱼 应 斋东葡卜 霞川水荳珍林剥枣 八月湖山寻桂
现乐堂秋花 杜日糕防 众妙峰山木犀 霞川野菊 绮互亭千叶水犀 浙江观潮
羣僊绘幅楼观月 桂隱攀桂杏花庄鸡冠黄葵 九月重九登城把萸 把菊

亭采菊 苏堤防芙蓉 珍林尝时果 景泉轩金橘 芙蓉池三色拒霜 杏花庄葛新酒
十月现乐堂暖炉 满霜亭蜜橘 烟波观买市 赏小春花 杏花庄挑荠 诗禅堂试香
十一月摘星轩枇杷花 冬至节馄饨 味空亭臈梅 苍寒堂南天竺 花院水僊
羣僊绘幅楼前观雪 十二月绮互亭檀香臈梅 天街阅市 南湖赏雪 安闲堂试灯 湖山探梅
花院兰花 瀛壖胜处观雪二十四夜 果食 玉照堂防早梅 除夜守歲

赵孟坚字子固号彝斋宋诸王孙也修雅博识善笔札工诗文酷嗜法书多藏三代以来金石名迹遇其防意时虽倾囊易之不靳也又善作梅竹往往得逊禅石室之妙于山水为尤奇时人珍之襟度潇爽有六朝诸贤风气时比之米南宫而子固亦自以为不歉也东西薄遊必挟所有以自随一舟横陈仅留一席为偃息地随意左右取之抚摩吟讽至忘寢食所至识不识望之而知为米家书画船也尝客行都防菖蒲节周公谨偕一时好事者邀子固各携所藏买舟湖上相与评赏饮酣子固脱帽以酒晞髮箕踞歌离骚傍若无人薄暮入西泠桥掠孤山舣櫂茂树间指林麓最幽处瞪目絶叫曰此真洪谷子董北苑得意笔也隣舟数十皆惊骇絶叹以为真谪僊人异时有萧千岩者得旧藏襖叙后归之俞壽翁家子固复从壽翁善价得之喜甚乘舟夜泛而归至雪之弁山风作舟覆行李渰溺无余子固方被湿衣立浅水中手持襖帖示人曰兰亭在此余不足介意因题八言于卷首云性命可轻至寶是保盖其酷嗜雅尚出于天性如此

山陰陆放翁务观之出也韩平原实招致之所作南园阅古泉二记时虽称颂而有防劝之忠焉故平原败而犹得免祸其题武林诗皇輿久驻武林宫汴洛当时未易同广陌有风尘不起长江如练水常通楼台飞舞祥烟外鼓吹喧呼明月中六十年间几来往都人谁解记衰翁临安春霁诗世味年来薄似纱谁怜骑马客京华小楼昨夜听春雨深巷今朝卖杏花矮纸斜行闲作草晴牕细乳戲分茶布衣莫动风尘叹犹及清明可到家

韩无咎元吉雨中闻吕伯恭至湖上诗云莫嫌鞭马踏春泥茶鼎诗囊偶共携山色云深看更好湖光烟接望还迷连天花絮飞将尽夹道蒲荷长欲齐官事得闲须洗眼蓬壶只在帝城西伯恭乃元吉之壻也

林外字岂尘泉南人词翰潇爽谈论不羈饮酒无筭在上庠暇日独游西湖幽寂处坐小旗亭饮焉外丰姿都雅角巾鹤氅飘飘若神仙置虎皮钱篋数枚藏腰间每出一命酒家倾之视钱计酒直酒且尽复倾一篋迨暮凡饮数斗不醉而篋中之钱若循环无穷肆中人惊异将去索笔题壁间云药炉丹灶旧生涯白云深处是吾家江城恋酒不归去老却碧桃无限花明日都下喧 某肆有神僊至饮云

番阳张彦实其兄楚材为秘书监约彦实观梅西湖彦实作诗云天上新驂寶辂回看花仍趣

雪霰开折归忍负金蕉叶笑插新临玉镜台女堞未须翻角调锦囊先喜助诗材少蓬自是调羹手叶底应寻好句来时楚材再婚故及玉镜台事秦桧当国见其诗喜之遂擢左史

张郎中子野居钱唐以乐府驰名人谓之张三中谓心中事眼中泪意中人也公曰何不目我为张三影谓云破月来花弄影浮萍断处见山影隔墙送过秋千影苏子瞻倅杭时子野年八十五矣尚闻买妾子瞻赠之诗曰锦里先生自笑狂莫欺九尺鬓眉苍诗人老去莺莺在公子归来燕燕忙柱下相君犹有齿江南刺史已无肠平生谬作安昌客畧遣彭宣到后堂

赵师秀之旅寓杭州也有终焉之志其孤山寒食诗云三月芳菲在水边旅人消困亦随缘晴舒蝶羽初匀粉雨压杨花未放绵有句自题闲处壁无钱难上贵时船最怜隐者高眠地日日春风是管 又冷泉夜坐诗众境碧沈沈前峰月正临楼钟晴听响池水夜观深清浄非人世处空见佛心却寻来处宿风起古松林赵紫芝恋恋西湖以终其生钱唐诗人大率如此当升平时防人富贵以一身混其中亦不为大无聊也其卒也刘克庄挽之诗云夺到斯人处词林亦可悲世间空有集天下便无诗尽出香分妓惟留砚付儿伤心湖上塚谁塋复谁碑

刘后村潜夫赠高九万并寄孙季蕃诗二首诸人凋落尽高叟亦中年行世有千首买山无一钱紫髯长拂地白眼冷防天古道防如线吾侪各勉旃其二菊圃説花翁飘零向浙中无书上皇帝有句恼天公世事年年异诗人个个穷筑台并下榻今岂乏英雄三人老于花酒情懷颇同时有诗禁故作词为多

孙花翁季蕃送女冠还俗诗脱却霞绡上醺衣女童髻髻緑杨垂重调螺黛为眉浅再试弓鞋举步迟紫府烟花莺唤醒丹房云雨鹤通知帘低红杏春风暖清夢应曾见旧师段吉甫天祐送妓入道诗歌舞当年第一流洗妆今日别青楼便从南岳夫人去肯为苏州刺史留琳馆月明箫凤下 牕花老镜鸾收却怜愁絶浔阳妇嫁得商人已白头事相反而语皆工吉甫元时浙江儒学提举也妓名李当当故教坊絶色者

西湖游览志余卷十一

才情雅致

梁贡父曾燕京人大德初为杭州总管尝作西湖送春木兰花慢词云问花花不语为谁落为谁开算春色三分半随流水半入尘埃人生能几欢笑但相逢樽酒莫相推千古幕天席地一春翠绕珠围彩云回首暗高台烟树 吟懷 一醉留春留春不住醉里春归西楼半帘斜日怪衔春燕子却飞来一枕青楼好夢又教风雨惊回此词格调俊雅不让宋人也

苏尔约苏哈雅者阿尔哈雅之孙也其父名袞格根【原作贯只哥】遂以贯为氏号酸斋年十二三膂力絶人使健儿驱三恶马疾驰持槊立而待马至腾上之越二而跨三运槊生风观者辟易或挽彊射生逐猛兽上下峻阪如飞诸将咸服其趫捷稍长折节读书日五行下吐辞为文不蹈故常意防皆出人意表仁宗时为翰林学士称疾还江南卖药钱唐市中结庐龙华山诡姓名易服色人无识者偶过果山泝见□父织芦花为被欲易之以防□父疑其为人阳曰君欲吾被当更赋诗遂援笔赋云采得芦花不涴尘翠簑聊复借为防西风刮夢秋无际夜月生香雪满身毛骨已随天地老声名不让古今贫青绫莫为鸳鸯妬欸乃声中别有春竟持被去人间喧 芦花被诗其依隱玩世多 此酸斋有二妾名洞花幽草酸斋临终有辞世诗云洞花幽草结良縁被我瞞他四十年今日不留生死相海天秋月一般圆

贯酸斋隱居钱唐一日郡中数衣冠士人游虎跑泉饮间赋诗以泉字为韵中一人但哦泉泉泉久不能就忽一叟曳杖而至问其故应声曰泉泉泉乱迸珍珠个个圆玉斧斫开顽石髓金钩搭出老龙涎众惊问曰公非贯酸斋乎曰然然然遂邀同饮尽醉而去

邓善之文原其先绵州人父漳徙钱唐遂为钱唐人至元中为杭州路儒学正以春秋立教累官翰林侍讲学士辞官还钱唐卢亘作诗十首送之其一云北门古深严论思寄筹度自非鸿才士训诂何由作夫君出巴蜀文采动京洛十年掌丝纶摘藻 景铄荆璞抱瑾瑜龙渊淬锋铍肯献上林赋寧居天禄阁即今观浙江眷恋晞金雀黄图郁紫氛絳节生碧落依然难为情清霜养飞藿其二春秋严笔削凜若执 钺君独抱遗经结髮饱剗剗明剖是非心防探义理窟下视羣儿愚争端王正月竭来奋直笔浩然心思竭王功与帝德昭昭日月揭胡为厌词林南欲观溟渤荣华若浮烟汗简青不灭其三词林富声华几人得精悍悠悠三百年篇翰孰承續夫君清庙器裸荐盛圭瓚五就惜繁纓九旂载云防依依风向翔忽忽月新满冷然时雨情短章不可断其四风雨妬芳华稂莠深嘉谷天地岂不仁盛德稟命独明廷萃羣英四门延穆穆既卜渭水钓又起傅岩筑声华何岌岌众辐辏一轂銓坡俨清韵硕人歌在轴愿言往从之星驾命宜夙岂知彼 鸟戢翼辞云屋幸无素丝悲庶免穷途哭其五离离天星高皓皓云月光候鴈过楚泽蟋蟀鸣中堂天时谅难测徒然多感伤念子去意远沉忧结 肠忆昔初奉欢露白春兰芳清尊罢新制妙趣深濠梁飞景急西匿川流浩汤汤 髮淒歲晚水脱天雨霜蔓草岂容惜松柏在高冈其六翰林子元子武库森戈矛英声迈千古逸韵横九州与君契金兰投分何绸缪清和谢夷惠典刑追韩欧坐令人文焕允塞昭王猷念君独遠迈寥落行人愁木瘦楚山晓风静寒江流何当驾飞车却忆昆仑丘尘埃满腥腐朝暮同蜉蝣其七旻谷上寒日

影射扶桑枝瞬息及中天流光迅难持人生百年内昂昂何所施孤鸿东南征浮云西北驰可怜万感身防合须防期安得弄明月皎皎遠忧疑折花芙蓉浦荡桨江潢涯伏防以卒歲身名良不隳其八防云苍鳞穹闾阖不可叫徒令虎豹關日月近辉耀蒙蒙八表尘隱隱万彙窈泯然一归途伊谁执其要栖栖圣者徒礼乐懷防眇闭门忍朝饥风雨深蓬蓼今年江海去光景短螢燭禾黍满故墟间巷余返照挥 送飞鸿古今入长嘯其九昔我适吴防日夕承欢顏高堂乐起舞防服何嫋嫋东海汹波涛西湖翠烟鬟北归余十年謬迹通朝班家祸一朝集音容何可攀悲号苍穹迴往事思日艰命穷时亦迫志弱体自孱安得騰化术从君超人寰执手不忍诀临风涕空 其十我思君勿思君归我当忆十年胶在漆一旦各异域吴江激防波震泽起溟色鵷鵬隔天地鴈鷺杂南北念我平生友怆恨摧胸臆独防燕山云歲暮日初昃永言长风翔情寄南鸿翼

虞伯生寄浙江提举邓善之诗山雨不来喧静夜汀云犹为防晴朝一群青雀墙花老几个黄鹂苑树遥何有深心期管乐独无高步接松乔未能迳去成飘忽且可相从慰寂寥戴表元送砥平石归天竺兼柬邓善之诗闻說西湖也自怜君行况是早春天六桥水暖初杨柳三竺山深未杜鹃旧壁苔生寻旧刻新岩茶熟试新泉城中诸友须相覓西蜀遗儒草太

陈众仲旅莆田人元統初为江浙儒学副提举萨天锡赠诗云江南少识陈众仲阙下才名北斗齐直阁每从花底见挥毫曾向御前题观鱼小海凤新浴立马上林莺乱啼今日西湖堤上路独骑欵段踏春泥众仲在任雅好湖山意有所属便乘兴独往流连竟夕得佳句则欣跃而归后为应奉翰林有元夕懷钱唐诗云武帝亲祠太乙神流光涵旭动星辰竹宫典礼犹存汉轺道山河已易秦香迳至今啼水客露盘无复泣金人红灯几防东风里犹是元宵一度春

虞伯生集临川人少不偶浪游钱唐一日偕杨仲 范德机访防炼师于湖西求召僊 炼师置箕悬笔书符作法有顷箕动笔运书曰某当境神也炼师叱曰吾不召汝复书曰欲乞虞公撰一保文申达上帝以求陞耳众劝伯生许之翌日文成焚之湖濱逾旬再诣炼师祷召神复降曰某已获授城隍谨候谒谢公必贵显幸毋自怠既而伯生由校官至奎章阁侍书学士封仁壽郡公始信神言之不妄也

伯生尝与欧阳原功陈众仲歌宋高宗所改于国寶沁园春词寻腔再度心旷神怡遂援笔书之复作一絕继其后云重扶残醉西湖上不见春风见画船头白故人无在者断桥杨柳舞青烟又与张伯雨善寓开元宫盘桓累月题其来鹤亭云羣真终夜降华阳曾聽僊音近玉床语罢是谁留别鹤待君寥廓共驰翔又云亭前春雨长苍苔海鹤长鸣一日来从此琴心三叠里月明时见影徘徊

杨仲 载其先浦城人后家钱唐与虞伯生揭曼硕范德机齐名时称虞杨范揭云洪武初祀于杭学乡贤祠仲 诗以宗阳宫玩月为絕唱然他作如风雨五更鸡乱叫江湖千里鴈相呼挟书万里朝明主仗剑三年别故乡牕间夜雨消银烛城上春云压防旗空桑說法黄龙聽贝叶翻经白马防沉雄典实行輩推之又湖上书所见诗采莲女郎莲花腮藕丝衣裳剪裁瞥然一见唱歌去荷叶满湖风雨来

黄潛贈仲 诗别离惊夜雨蹉跎媿后尘祗今才有数多尔术能神玉唾春风湿烟霄碧树新
谬慚推吏事吾敢望平津杜清碧寄仲 诗老来自爱黄叔度少日真期鲁仲连高卧独无田
二顷曳裾谁有客三千沧波 浮鸥鸟白日翩翩换歳年却忆江东杨少尹剧谈终夜不成眠

赵子昂孟頫宋秦王德芳之后也居湖州仕元为浙江儒学提举翰林院学士世宗尝问叶李
留梦炎优劣子昂对曰梦炎臣之父执有大臣器帝曰汝以梦炎贤于李耶梦炎在宋为状元
位至丞相当贾似道误国罔上梦炎依阿取容李布衣乃伏阙上书是贤于梦炎也汝以梦炎
父友不敢斥言其非可赋诗讥之子昂所赋诗有往事已非那可説且将忠直报皇元之语议
者谓子昂适所以自讥也其西湖絶句诗云春风柳絮不能飞雨足蒲芽緑更肥正恐前呵惊
白鹭独骑款段绕湖归流连光景异于 离之感矣

鲜于伯机枢渔阳郡人为浙江行省都事因居杭州风流文雅与吴兴赵子昂相伯仲迁太常
簿子昂尝貌其神虞伯生賛之曰敛风沙裘剑之豪为湖山图史之乐翰墨秣米薛而有余风
流拟晋宋而无忤是以吴兴公运画沙之锥刻希世之玉使千载之下眼识二妙于遐邇伯机
有鹤死非命瘞之西湖士夫多有诗悼之梁曾诗云翠栢屏前竹防曲几见毵毵雪衣舞平生
风云万里心零落湖山一丘土世间万事不可虞奇祸何由也到渠不见嵇康遭杀戮令人空
叹养生书张伯雨诗羽衣冻损雪斓斒碧落遊魂杳不还和靖船归笼尚闭浮丘经在壽能慳
长身巾裹 黄内旧迹苔封紫翠间拟撰瘞铭修故事寄书先寄九华山

伯机尝蓄一蛮狮水滴莹如碧玉须髮眉眼肤理衣折种种精致蛮脑为窍置吸子乃汉物也
把玩未尝释手一日于断桥水阁倚防偶堕吸子湖中百计求之不得悵快慨叹形神凋枯既
他往逾三年复来断桥俯瞰湖波适霜降水落泥渍星朗曩时吸子俨然可掬便解衣泅取如
获至寶易号曰神人狮子一时能诗者歌咏其事

张仲举翥其先晋寧人父为杭州钞库副使因家焉翥少时豪放不羈好蹴鞠喜音乐父忧之
一旦翻然易业闭户读书从仇仁近遠以诗文名海内累官至翰林学士承防所着有蜕庵集
东西马塍春行柬平湜伯客诗清明时节每多陰杨柳人家花满林泼火乍收连日雨赏春长
负百年心鳬翁一一塘蒲暖雉子斑斑陇麦深为报能诗平处士剩携芳酒共幽寻天竺访项
可立不遇诗葛洪川畔千年寺路绕长松一涧分潭影青移行处岫岚光白散望中云猿公吟
树应思侶鹿女衔花不乱羣常羨山僧专胜槩水声林下百无闻清明雨晴游包山龙华寺过
慈云岭诗当年玉辇此经行古寺犹题扈从名龙凤防空山气歇马羊劫换海波平野桃着雨
春红落岭路霾云湿翠生日暮人归烟树黑饥飈啼雨上宫城春日泛湖诗春来浑不到湖边
偶逐东风上画船花气暖熏黄鸟防水光晴展白鸥天緑樽兴剧频呼酒银管声高正轂弦我
比放翁应更放防花不独海棠癡招韩伯清泛湖诗南园携手赏芳红唤取能歌盛小丛 与
春风留杏萼明朝开向曲声中段桥春水緑初柔更有群鳬来上游好借鸕夷盛酒去玉箫吹
上画船头自悼诗十二楼空月自明一圆一阙总關情每从画里瞻琼在复向诗中记受生魂
不归来歌楚些梦还惊觉厌秋声遥知别鹤离鸾思只在芙蓉海上城梦中常苦不分明天上
人间各有情桃叶柳枝无限思灵芝瑞露可怜生蕙兰漫织迴文锦鸚鵡犹 响板声欲得近

音何处问风烟遮断武林城

张仲举至正初为集庆路学训导御史下学防视廩膳隣斋出对云豸冠防僎是日适用驴肉仲举戲续云驴肉作 盖御史河南人也闻之大怒欲逮捕之乘夜逃 州时扬方全盛众闻其名争延致之仲举肢体昂藏行则偏竦一肩韩介玉为诗嘲之云垂柳陰陰翠拂檐倚防红防玉纖纖先生掉臂长街上十里朱楼尽下帘一座大笑时有相士在座或曰仲举病鹤形也相士曰不然此雨淋鹤形也雨霁则冲霄矣后入大都致位通显仲举长于诗其近体长短句工文不如诗而每以文自负常语人曰吾于文已化矣盖未尝搆思也他日翰林学士实喇卜示以所为文请易置数字苦思者移时终不就实喇卜曰先生于文已化矣何思之苦也仲举大笑蓋仲举善謔引笑故戲之如此

杨廉夫维桢初居吴山铁冶岭故号铁厓既得铁笛更号铁笛雅好声妓名彻都下叶居仲寄之诗云闻道西湖载酒还飞琼弱翠拥归鞍可无私梦登金马剩有春声到玉銮异国顿消乡井念小堂新作画图看野人未纳彭宣履独向清溪把钓竿晚居淞江有四妾竹枝柳枝桃花杏花皆善歌舞有嘲之者云竹枝柳枝桃杏花吹弹歌舞拨琵琶可怜一个杨夫子化作江南散乐家

杨廉夫湖上嬉春体五首其一今朝立春好天气况是太平朝野时走向南隣覓酒伴还从西墅买花枝陶令久辞彭泽县山公只爱习家池宜春帖子题赠尔日日春游日日宜其二西子湖头春色浓望湖楼下水连空柳条千树僧眼碧桃花一枝人面红天气浑如曲江节野客却似杜陵翁得钱酤酒勿复较如此好懷谁与同其三何处被春恼不彻好春最好是湖边不须东家借骑马自可西津买蹋船鷺子绕林红叶乱鳬雏冲浪碧花圆段家桥头猩色酒重防春衣沾十千其四入山十里清凉国三百楼台迤 开岳王坟前吊南渡隱君寺里话西来接果黄猿呼一个探花白鹿走千回风流文采湖山主苏白应须属有才其五长城小姬殊可怜红丝新上琵琶弦可人坐上三珠树美酒沙头双玉船小洞桃花落香雪大堤杨柳扫晴烟明朝纱防青藜杖更访东林十八僊秋日班恕斋招饮湖上诗七月六日流火骄故人重有濠梁招洗车快借双星雨打鼓如迎八月潮下马题诗岳王寺解貂沽酒段家桥西湖顔面晚更好水晶宫中吹玉箫

廉夫尝访瞿士衡以鞋杯行酒命其侄孙宗吉咏之宗吉作沁园春以呈廉夫大喜即命侍妓歌以侑觞词云一搦娇春弓樣新裁莲步未移笑书生量窄爱渠尽小主人情重酌我休迟醞酿朝云斟量暮雨能使麴生风味奇何须去向花尘留迹月地偷期风流到处偏宜便豪吸雄吞不用辞任凌波南浦惟夸罗袜赏花上苑祇劝金卮罗帕高擎银瓶低注絶胜翠裙深掩时华筵散奈此心先醉此恨谁知

廉夫西湖竹枝词苏小门前花满株苏公隄上女当垆南官北使须到此江南西湖天下无鹿头湖船唱赧郎船头不宿野鸳鸯为郎歌舞为郎死不惜真珠成斗量家住西湖新妇矶劝郎不唱缕金衣琵琶元是韩朋木弹出鸳鸯一处飞湖口楼船湖日陰湖中断桥湖水深楼船无柁是郎意断桥有柱是侬心病春日可如何起向西牕理琵琶见説枯槽能卜命柳洲街口

问来婆小小渡船如缺 船中少妇竹枝歌歌声唱入箜篌调不遣狂夫横渡河劝郎莫上南高峰劝依莫上北高峰南高峰云北峰雨云雨相催愁杀依石新妇下水连空飞来峰前山万重不辞妾作望夫石望郎或似飞来峰望郎一朝又一朝信郎信似浙江潮浙江潮信有时失臂上守宫无日消

杨仲 和词西子湖边杨柳花随风飘泊到天涯青春遇着归来燕衔入当年王谢家一种腰肢分外妍双眉画作月娟娟春风吹破襄王梦行雨行云若个边宋诚夫和词旧时家住黑桥街二十余年不往来凭仗使君一问讯杨梅银杏防回开萨天锡和词湖上美人弹玉笋小莺飞度绿 橹沈郎虽病多情在倦倚屏山不厌听郑明德和词岳王坟西是妾家望郎不见见栖鷗孤山若有奢华日不种梅花种杏花张伯雨和词光尧内禅罢言兵几番御舟湖上行东京隣舍宋大嫂就船犹得进羹羹贡泰父和词葛岭东家是相门当年甲第入青云楼船车入里湖去可曾望见岳王坟字文子贞和词苏小门前骑马过相逢白髮老宫娥自言记得前朝事只說当年贾八哥贾治安和词郎身轻似江上蓬昨日南风今北风妾身重似七寶塔南高峰对北高峰郑庆父和词北高峰头依望夫望见西子下姑苏脂塘水腥吴作沼莫将西子比西湖黄子久和词水僊祠前湖水深岳王坟上有猿吟湖船女子唱歌去月落沧波无处寻唐子华和词门前杨柳乱吹花第一桥头第一家马上郎君休挟舞柳枝深处有慈鸦陈子平和词楼下摊钱还上楼花前夜醉晓扶头不知命犯何星宿一日猖狂百日愁杨谨思和词大船捶鼓银酒缸小船吹笛红绣牕鸳鸯触櫂忽惊散荷花深处又成双燕子来春鴈来秋曾见钱王衣锦游英雄漫說八百里只管东西十四州狮子峰头插将旗鳳凰山下草离离三宫去后宫门闭恰似钱王纳土时朱仲文和词南北高峰作镜台十里湖光如镜开行人有心都照见劝郎肝胆莫相猜欧阳彦珍和词第一桥边第一家 皮船子送琵琶妾身自是良家女不是当年苏小家倪元镇和词愁水愁风人不归昨夜水没钓鱼矶踏尽莲根终无藕着多柳絮不成衣桐树原栽金井西月明照见影离离不比苏公堤畔柳乌鸦飞过鵲鸕栖高敬臣和词第四桥头第一湾防鱼直上玉泉山大鱼已逐龙飞去留得当时旧赐环于彦成和词杨柳树头双鵲鸕雨来逐妇晴来呼鸳鸯到死不相背双飞日日在西湖丁复和词上塘杨柳下塘陰阿依爱人不爱金塘水西来东入海水深不似阿依深钱思复和词阿姊住近段家桥山妬蛾眉柳妬腰东山井头黑云起早回家去怕风潮郑九成和词妾家西湖住横塘门前杨柳万条长憑郎醉后莫折断留待重来系马缰风篁岭头西日晖青龙港口新月防放船过去还早在待取一道夜歌归冯士卿和词与郎情重为郎容南北相防只两峰请看双投桥下水新开两朵玉芙蓉顾进道和词杨白花开风满天花开成絮不成绵不如落向西湖水化作浮萍个个圆郎子别时秋月明說道归时春水生晓起门前聽过马马嘶都是别人行马本道和词吴姬轧轧小车红争来陌上看春风不敢高声唱歌去恐惊丞相在船中百花楼头闻马嘶郎从花里鬪金鸡朝朝倦起朱帘望不是郎归不下梯宋无逸和词十三女郎不出门父娘墓在葛山根同携女伴踏青去不上道傍苏小坟韦德圭和词湖中艇子风徐徐秋水荡漾金芙蕖钓鱼不是贪双鲤为恐腹中藏素书张翔南和词南高北高峰顶齐钱塘江水隔湖西不得潮头到湖口郎船今夜泊西溪张希顔和词孤山脚下路三义孤山墓上好梅花不似马塍桃李树随春俱送到人家朱伯常和词小姑疑郎去不归为郎打瓦复鑽 青山尚有飞来日不信人无相见时完兰石和词花满苏堤酒满壶画船日日醉西湖阿依最苦两离别不唱黄莺唱鷓鴣堤边三月柳陰陰湖上春光似海深游人来往多如蚁半是南音半北音徐延徽和词西湖春草

碧薦绵上有青蚨母子全夜 守宫和血色尽将涂上五铢钱尽說西湖好莫愁不知天上有
牵牛牘 万斛胭脂水防向银河一色秋沈自诚和词依住西湖日日愁郎船只在浙江头憑
谁移得吴山去湖水江波一处流

西湖竹枝词杨铁厓倡之和之者数百家大率咏湖山之胜人物之美而情寓于中比比一律
惟李介石守道词云春晖堂上挽郎衣别郎问郎何日归黄金台高倚回首南高峯顶白云飞
吴复见心词云官河绕湖湖绕城河水不如湖水清不用千金酬一笑郎恩才重妾身轻用意
稍别

元时钱唐士女曹妙清字比玉号雪斋张妙净字惠莲号自然道人皆工诗章曹又善鼓琴行
草皆有法度事母孝谨三十不嫁而风操可尚张晓音律情逸而才飘晚居姑苏之春夢楼皆
一时之淑媛也与杨廉夫为文字友曹尝和其竹枝词云美人絕似董娇饶家住南山第一桥
不肯随人过湖去月明夜夜自吹箫张词云忆把明珠买妾时妾起梳头郎画眉郎今何处妾
独在怕见花间双蝶飞观此二人之风致可想矣廉夫又尝答妙清絕句云红牙管笔紫狸毫
雪水初融玉带袍写得薛涛萱草帖西湖纸价顿能高玉带袍者曹氏名砚其云萱草帖者状
其孝也

廉夫尝以竹枝词索和于昆山郭義仲義仲以吴中柳枝答之因赋诗云吴中柳枝伤春瘦湖
中竹枝湘水秋說与钱唐苏小小柳枝愁是竹枝愁

张光弼昱庐陵人至正时为行省左司员外卜私宅于壽安坊今之花市是也天台徐大章为
之记曰杭郡民庐比栉如栉而壽安坊当閶闔四达之冲又最嚣处也浙省左司员外郎张君
光弼之居在焉屋数楹甚湫隘门垣外嚣尘哄如也或曰小人射利惟赢之为务乃不恶嚣耳
员外君日乘高车从丞相论决政事降登乎华堂粉署之间今卜私第不于爽垲是择其何故
哉君漠然不以为意方自署其楹间曰晏居且谓一防曰 称晏子之居近市虽湫隘弗易也
吾居甚 之愿自附焉子幸为我记之吾于是知君之所以市居者矣夫踐歷华要宅高旷而
处深靓以适其身固所宜也然地位峻絕不与人事接则耳目不能无蔽是故晏子之居市也
物之贵贱无不察而知之方齐景公繁于刑以踊贵屨贱而景公省于刑今君之居壽安也大
官贵人布衣韦带之士由兹坊而东西者必叩门上谒君则摄衣出迎引賓上座与肆议论下
至闾阎之老工商技艺之流或有陈說亦必曲为之尽天下之事当无有不悉施诸有政将不
止于一事之讽而已晏子相齐三君食不重肉妾不衣帛名显诸侯数百载之下太史公闻其
风采犹欲为之执鞭独念当是时公弃其民而政在陈氏晏子于区区贵贱之事则务陈之而
于国之大计则有未尝数数然者他日乃与隣国之大夫加窃叹焉何也张君刚简亮達故左
丞杨公提兵镇江浙时用材畧参谋其军府事声望赫然既而退处西湖之上簞衣粝饭看书
赋诗以自佚其有用之身较其风裁不知自视晏子何如也乃今江浙之地未全归于版图丞
相用便宜命表授君为从事廓清之略克复之勲亦惟一二左右是頼无或如晏子之举其细
而遗其大也光弼罢官自号一笑居士又号可闲老人其时居室已 友人凌彦冲为疏募緣
以辑之疏云昌黎寄玉川子首称洛城破屋之数间东坡题綠筠轩终比 州纏腰之十万一
笑居士诗名优于张借生计劣于陶潛囊无一钱之留家徒四壁之立若非慷慨而多助安得

轮奐之一新即欲取杜工部草堂費何時可辦倘葺得楊關西槐市塾今歲無憂苟物物之可與則處處之咸宜但不至於虛文便謂之實惠此崢嶸事在特達心疏 交游皆助之其居始就當時 為盛事

光弼嘗作歌風台詩云世間快意寧有此亭長還鄉作大子沛公不樂復何為諸母父兄知旧事酒酣起舞和兒歌眼中盡是漢山河韓彭誅夷黥布戮且喜壯士今無多縱酒極歡留十日慷慨傷懷淚沾臆萬乘旌旗不自尊魂魄猶在故鄉憶由來樂極易生哀泗水東流不再回萬歲千秋誰不念古之帝王安在哉莓苔石刻今如許幾度西風防陵雨漢家社稷四百年荒台猶是開基處一日乘酣朗唱于瞿宗吉以界紙击卓鏗然若金石也笑曰吾死埋骨西湖題曰詩人張員外墓足矣

張光弼西湖十律詩其一樓外湖光白 茫樓中少婦試新妝行年將近半百歲大醉豈能千萬場翠織舞裙飛蛺蝶白描歌扇睡鴛鴦垂楊滿院無人到芍藥花開日正長其二且觀神女為行雨莫問郎官應列星芳草到門無俗駕好山終日在湖亭白鷗共戲荷葉小黃鳥亂啼楊柳青肯信曲欄干外立晚涼吹得酒都醒其三畫船湖上載春行日日花香扇底生蘇小樓前看洗馬水僊祠下坐聞鶯碧桃紅杏渾相識紫燕黃蜂俱有情惆悵繁華成逝水盡歸江海作潮聲其四倩得名姬唱慢歌梁塵直欲下輕波西風八月芰荷老落日滿湖鳬鴈多到手莫辭雙盞飲轉頭又是一年過光陰只在槐柯上奈此浮生樂事何其五百鎰黃金一笑輕少年買得是狂名樽中酒釀湖波綠席上人 鳳語清蛺蝶畫羅宮樣扇 瑚小柱教坊箏南朝旧俗怜輕薄每到花時別有情其六湖上新泥雪漸融門前沟水暗相通裙欺萱草輕盈綠粉學櫻桃淺淡紅暮雨欲來銀燭上春寒猶在酒尊空青綾被薄不成夢又是一番花信風其七樓前芳樹碧盈盈付與幽禽自在鳴堤上馬駝紅粉過湖中人載酒船行日長鶯子語偏好風暖楊花體更輕何恨才情被花惱獨教書記得狂名其八此日誰人肯在家傾城滿意事繁華時非上已不為節春到牡丹才是花霧髻云鬟湖上女畫輪綉轂道傍車兒童盡唱銅鞮曲未覺人間日易斜其九外湖里湖花正開風情滿意看花來白銀大盃貯名酒翠羽小姬歌落梅身外功名真土苴古來賢聖盡塵埃韶光如此不一醉百歲好懷能幾回其十玉局當年為寫真西施宜笑復宜顰朝云暮雨空前夢桃葉柳枝如故人露電光陰千仞外灸龍波浪一番新傷心最是逋僊宅半畝殘梅共晚春

張光弼初居楊完者左丞幕下頗有功業之思故其詩云免胄日趨丞相府解鞍夜宿五侯家玉杯行酒听春雨銀燭照天生晚霞世亂且從軍旅事功成須挿御筵花漢王未可輕韓信尚要生擒李左車又云西樓柳風吹晚香石榴裙映黃金觴纖歌不防白日速防雨欲度行云涼笑看席上賦鸚鵡醉听門前嘶驊驢早晚平吳王事畢羽書飛捷入朝堂及張氏擅權光弼憤焉遂不事事以詩酒自娛其詩云一陣東風一陣寒芭蕉長過石防干兵消幾度曹騰醉看得春風到牡丹蓋言時事也

元時法禁寬假士夫得以沈昵盤游故其詩多脂粉綺羅之態楊廉夫詩云二月皇都花滿城美人多病苦多情一雙孔雀行瑤圃十二飛鴻上錦箏酒掬真珠 玉掌羹分甘露倒銀罍不堪容易少年老爭遣狂夫作后生又云天街如水夜初涼照室銅盤璧月光別院三千紅芍藥

洞房七十紫鸳鸯绣靴蹴鞠勾骊样罗帕垂弯女直妆愿汝康强好眠食百年欢乐未渠央又云公子银瓶分汗酒佳人金胜剪春花又云金埒近收青海骏锦笼初教雪衣娘又云小洞桃花落香雪大堤杨柳舞晴烟又如张光弼诗云玉瓶注酒双鬟绿银甲调箏十指寒又云新妆满面犹看镜残梦關心懒下楼一时富贵繁华可想见矣

萨都拉天锡风流俊逸不亚铁崖尝有西湖絕句六首涌金门外上湖船狂客风流忆往年十八女儿摇艇子隔船笑掷买花钱少年豪饮醉忘归不觉湖船旋旋移水面夜凉银烛小越娘低唱月生眉紫骝骄踏落花泥二月江城雨过时拂晓市河春水满小船多半载吴姬惜春曾向湖船宿酒渴吴姬夜破橙暮聽郎君呼小字转头含笑背银灯待得郎君半醉时笑将纨扇索题诗小红帘卷春波绿渡水杨花落砚池垂柳陰陰苏小家满湖飞燕趁杨花繁华一去风流减今日横堤几树鸦又次韵王侍郎游湖诗绮席新凉舞袖偏赏心输与使君專螺杯注酒摇红浪防扇题诗染绿烟一镜湖光开晓日万家花气涨晴天涌金门外春如画舫笙歌步步僊

奉化戴帅初表元宋太学生也入元不仕其湖上赠歌者一絕有故国之思焉诗云牡丹红紫艷阳天檀板朱丝锦色笺头白江南一尊酒无人知是李龟年又陈刚中湖上感旧诗属意畧同诗云昔日朱楼拥翠钿女墙犹在草芊芊东风第六桥边柳不见黄鹂见杜鹃

黄晋卿潜义乌人至正初为浙江儒学提举工文章獎引后进不喜华冶有西湖舟中诗云黄尘乌防媿平生对客犹称旧姓名此事正堪三太息祇今忍负四难并放舟乍落空蒙境送酒元无窈窕声金谷兰亭嗟已矣不妨时暂濯吾缨又送凌吉叟杭州教授诗浙水西入州维杭实名都古来万人海逐逐无贤愚况兹百年后淳朴古不如翩翩谁家儿白马骄路隅春风樊楼醉一笑百斛珠亦有朱门客齐讴间吴歛綃绮散烟雾缤纷被僮奴可怜彼蚩蚩久为红尘驱頽俗如波澜孰障羣流趋又如败屋壁风雨须人扶博士非冗官岂即无良图当令歌舞場化作弦诵区行矣循所务辞章信其余春风 别衣晴沙秀寒芦何以赠子行白云不可呼聊持狂者言用比貂襜褕

刘师鲁汶鄆王琦六世孙也元时占籍钱唐以文章淑后进黄文献公潛贈之诗云邂逅神交十载余清风落月几愁予何言此日同倾盖胜读平生未见书天上玉堂容可到山中金匱得长虚故多余事宜商略可待秋风怨索居其时有刘声之濩亦与齐名洪武初俱祀于乡贤祠

贡友初者贡师泰尚书族子也宣城人至正间师泰为浙江行省叅政遂侨寓钱唐友初自上都还钱唐也师泰贈之诗云嗣宗诸侄仲容贤客路飘零雪满颠曾为颂椒留子美却思戏蜡爱僧防十年湖海三杯酒百里溪山一钓船何日兵戈得休息敬亭春雨共归田友初诗才清丽但纖秣乏骨其湖上春归诗涌金门外柳如金三日不来成绿陰折得长条入城去教人知道已春深吴山游女诗十八姑儿浅淡妆春衣初试柳芽黄三三五五东风里去上吴山答愿香独送戴伯贞还广西一律云桂江烟水接潇湘逐客南归路道长卷里漫多新制作篋中犹是旧衣裳逢人尽說官如水老我相防鬓已霜此去莫教音问断鴈飞今喜过衡阳叙事委曲而感慨系之出诸作之上

张行中挽贡友初诗百年心事复谁知过海人 俊逸诗懒听朝鸡全晚节惯骑官马說当时
文章自叹无遗防水玉还防有故枝一代风流俱已矣晓星残月不胜悲黄金台上草芊芊掉
臂东风四十年对客半开青白眼写懷漫赋短长篇玉堂春梦烟云外茅屋秋风浙水边惆怅
清魂招不返空歌楚些泪潸然

邓林南海人初名观善以南昌教授擢吏部验封主事成祖改名林后坐法谪戍保安遇赦晚
居杭州诗文为一代所推重尝于保安留别傅存斋诗云两鬓西风吹断蓬杖藜扶病看秋容
菊花浑似诗人瘦山色不如归兴浓紫塞一杯桑落酒彤庭五夜未央钟燕鸿岐路东西去此
后相思意万重又春夕旅懷云万里东风故国情十年几度鳳凰城衡阳鴈尽春三月巫峡猿
啼夜二更席上狂言因酒得镜中华发为愁生静观富贵如云转拂防归来任俗争五月十三
日入杭诗遊遍江湖未到杭不知人世有天堂六桥花柳丹青兴九陌楼台锦绣妆北米南柴
夸物产朝歌暮宴乐时康逐臣何幸防寬防到此浑忘是异乡僦屋里仁坊诗谪居何处好逍
遥仁里深深遠市器夜色满帘湖上月秋声到枕海门潮上林鷁侶空相忆南浦鷗羣苦见招
覆载无私天地濶暫容闲散在渔樵游南屏不偶诗兰佩荷裳竹箴冠清癯无奈朔风寒饭堂
钟罢来何晚雪夜舟回兴已防俗状尘容劳意马天光云影动情澜石头有路终须到共聽吾
师說六观

钟狂客禧南海人甚有诗名成化中淮南督理漕运总兵官平江伯陈公銳取归幕下过杭友
人招游西湖寄之诗钟和曰湖光山色最宜秋君不来招也去游已办蜀川千丈锦为谁今日
尽纒头万顷西湖水贴天芙蓉杨柳乱秋烟湖邊为问山多少每个峰头住一年信乎狂客也

杨温甫孟瑛四川豐都人 治十六年知杭州府时西湖民间防占者十九温甫建议于御史
车梁金事高江銳情濬复而浮言胥动温甫廼为文諭民曰先贤为民深 利本特濬西湖之
浸用溉上塘之田多歷歲年渐成湮废比者乡贤侍郎何公生长是邦习知成事着为三說辯
析百端伏防当道俯念地方力图濬复予又职司水土敢憚劬劳重惟湖上之园池尽是豪家
之封殖一旦开毀百口怨咨民既伤心我亦动念但今民产本昔官湖民侵于官以肥家固已
干纪官取于民以复旧岂为厉民又惟上塘万顷之田宿仰西湖千亩之水水尽湮塞田渐荒
芜利归于数十家害贻于千万井况古人留利物之泽岂今日启生事之端幸相导以平心勿
相摇于异說有以占产自首者原情免罪奏请除粮查得铜钱局及崇兴崇善禅智等废寺田
以亩计者数千地以顷计者盈百动连阡陌间附城闡膏沃可耕标换如数况在昔湖田皆捏
报之税于今清籍有新增之粮新增者至九百而有奇捏报者几八百而不足稍加查派不费
更张决不累民无患亏赋予性知执法心在利民非势力之可移惟 神之是质凡我父老率
尔乡闾蚤为迁移无肆顽梗观于斯文公之任怨亦剧矣乃以正德二年二月二日兴工六月
十日歇役八月十九日续工九月十二日讫事日用夫八千人银二万八千七百余两

聂大年号东轩临川人举明经为仁和县学训 陞教諭襟懷坦率有清才文章流丽诗复俊
逸而洒翰得李北海遗意诱育士子务尽恩义荐入翰林修辽金宋三史卒常作西湖十景诗
苏堤春晓云树烟花雾绕堤沙楼阁朦胧一半遮三竺钟声催落月六桥柳色带栖鸦綠牕睡
觉闻啼鸟绮阁妆残唤卖花遥望酒旗何处是炊烟起处有人家柳浪闻莺云雨后翻空一派

青苏公堤畔系渔舸只藏莺鸟春声滑不起鱼龙夜气醒游子爱闻停玉勒佳人倦听倚银屏待看三月歌喉老又见浮波絮作萍花港观灸云湖上春来水拍空桃花浪暖柳阴浓防翻荇带防千尺乱跃萍星翠几重洲渚此时多避鹭风云何日去为龙个中纵有濠梁乐阔网深罾不汝容两峰插云云屹立亭亭入杳防势雄南北气凭陵玉簪防地三千仞宝盖撑空一七层天远不闻风外铎夜深遥礼月边灯何当一扫浮云静俯视东溟看日升三潭印月云纤云扫迹浪花收塔影亭亭引碧流半夜冰轮初出海一湖金水欲溶秋龙官献璧神光吐蛟室遗珠瑞气浮浪说影娥池上景不知此地有僊舟麴院风荷云翠围红统战纵横似看吴宫习女兵飞雪翻空云影乱游鱼吹浪水纹生锦裳零落香犹在铜柱欹斜露半倾两腋新凉惊酒醒画船吹送按歌声平湖秋月云曾向湖堤夜扣舷爱看波影防婵娟一尘不动天连水万 无声客在船赤壁未醒 鹤梦骊宫偏恼老龙眠朗吟玉塔防澜句长笑凌空气浩然南屏晚钟云柳昏花暝暮云生隐隐初 一两声禅榻屡惊僧入定旅牕偏恼客含情月随逸韵升鼇岭风递遗音过凤城催散游人罢歌舞玉壶银箭夜初更雷峰夕照云宜雨宜晴晚更宜西湖端可比西施霞穿楼阁红光绕云卷笙歌逸韵随山紫翠中樵唱远树苍黄外马归迟何人解画潇湘景并与□村作二奇断桥残雪云醉里曾登白玉梯东风吹暖又成泥玉腰防螭垂天阔银色楼台夹防迷九井晴添新水活两峰浓压宿云低冲寒为访梅花信十里银沙印马蹄同陈缉熙泛湖诗宿雨初收见两峰湖光如练泻晴空画船载酒来天上青鸟衔花度镜中檀板歌声无越女翰林诗句有唐风相逢莫惜留连饮明日谁人拾落红又西湖诗西出江城外烟霞隔世尘钟声三竺晓花气六桥春鸡犬桃源地笙歌阆苑真时平得游赏忘却宦中身清明与友登宝峰诗江心后浪催前浪湖上歌声杂哭声今日重来多感慨百年能得几清明

聂大年诗翰著名一时而不得预京銜或曰大年在钱唐时尝署桃符云文章高似翰林院法度严如按察司以此见忤达官晚年被徵修史至京而卒时人比之梅圣俞宜也其初度日写怀诗云五十一年车下坡又逢初度意如何牀头渐觉黄金少镜里还怜白髮多人笑能诗贫杜甫天容善饭老廉颇相知惟有梅花在自折南枝伴醉歌又次答祖芳云几年远别喜重过白首相看奈老何富贵不来真有命齿牙虽脱尚能歌频沽市醪消残烛遥指天星出绛河惟有与君情莫逆他人平地起风波呜呼四海交游岂止一祖芳而已哉盖以寡合有激而云然耳刘邦彦哭大年诗京邸凄凉寄病身俄闻鹏鸟上承尘共嗟贾谊年华促自顾虞翻骨相屯千里音书成永诀九重泉路隔交亲伤心今夜东轩月空照先生漉酒巾

聂大年之掌教仁和也历官九年不以家眷自随尝有答内子寄衣诗云山妻怜我旧苏秦寄得衣来稳称身落日故园歌白苧秋风京洛染缁尘同心意重思偕老结髮情深不厌贫万里不如归去好几多衣锦夜行人又有谕儿辈诗云四儿五岁六儿三莫与肥甘习口甜清白家无我愧诗书世业要人担三餐淡饭何须酒一筋黄虀略用盐闻说有人曾饿死算来原不为官廉观此高风可想矣

聂大年在仁和时山西湖广广东广西咸以秋闱校士致聘大年辞不往寄之诗云名藩校艺遣微书使者频频走 车老大难行太行路平生厌食武昌鱼五羊城古僊游逺八桂云寒树影踈寄语天涯好知己莫因词赋荐相如

聂大年尝赋卜算子二首盖自况也词云杨柳小蛮腰惯逐东风舞学得琵琶出教坊不是商人妇忙整玉搔头春笋纖纖露老却江南杜牧之懒为秋娘赋粉泪湿蛟绡只怨郎情薄梦到巫山第几峰酒醒灯花落数日尚春寒未把罗衣着眉黛含顰为阿谁但悔从前错马浩澜和云歌得雪儿歌舞得霓裳舞料想前身跨凤僊合作萧郎妇顏色雪中梅泪防花梢露云雨巫山十二峰未数高唐赋花压鬓云低风透罗衫薄残梦瞢腾下翠楼不觉金钗落几许别离愁犹自思量着欲寄萧郎一纸书又怕归鸿错

孙太初一元号太白山人正德中流寓西湖或曰安化王裔避乱诡姓名修髯皙面丰仪潇洒望之宛然神僊也诗思清逸有烟霞气其跨驴游西山天竺寺诗秋叶满林吹乱红秋光半在山寺中老衲迎门解幽事一见呼我长髯公薰炉相对坐终夕松声泉韵何冲融独鹤隔竹向人立欲鸣未鸣幽意同气酣日落豪兴发诗成三绕青桂丛造物小儿玩人世俯仰何必悲无穷布袍斗笠自高格狂歌醉舞惊山翁归来明月散林影驴背仰笑秋山空秋晚眺镇海楼诗楼上轻云散女陴楼前狂客独支颐江当夕照半添色诗与秋山两鬪奇木叶无言时序暮尘寰多事杖藜知只应又被渔郎笑雨细风斜归去迟登吴山絶顶望江潮诗独倚危岑防接防晚潮初上练痕齐乱挝鼉鼓妖蛟舞倒卷银山海日低弓弩千年人去后防牆万里望中迷憑谁唤起眉山老为诵钱王庙里题

西湖之改名高士湖也孙太白自序云正德乙亥孟春十四日予与石川子泛舟西湖时石川子着方山冠予戴华阳巾被高士服把酒四望予顾谓石川子曰昔青莲居士李白与尚书郎张谓泛沔州南湖因改为郎官湖今日予与子游颇追迹前事西湖因可为高士湖矣石川子大笑酹酒于湖命予诗纪之予时已烂醉即信口长短成篇不甯易一字云我闻唐家李白一世贤郎官之湖至今传我今与子继其迹胜事岂许昔人専方冠野服兴不减驾船载酒凌苍烟千山万山两岸如羣龙蜿蜒尽在几席前青天落杯底白日行舟邊鼉鼉突兀波面出大鱼小鱼争避船君把斗酒我歌扣舷天风下来云叶翩翩烂醉骑鲸遊昆仑巔

孙太白之寓西湖也与闽人郑继之善夫善其梦继之诗云不见平生郑广文风尘侧望隔青云殊方物色偏怜客雨夜灯花频梦君隔叶山鸠高自语避人江鷁独为羣眼中世事堪惆悵塞北音书久未闻郑继之久不过湖上奉简诗恠尔狂吟客不过湖水濱宁遭官长骂莫待野人嗔云外乌藤杖水邊白鹭巾相看只自好空送月华新郑继之寄孙太白诗吴门往日聽谈塞鴈江鳞动隔年闻尔独居水西寺与谁同泛六桥船鱼翻荇蒂锦不乱鸟下薜茑青可怜拟把郛筒共梅蕊兼程定得小春天又云为问山人孙太初交情歲晚莫教疎 山梅萼春相恼满地松苓日自锄江夏肯容櫺处士茂陵初卧马相如知君不废苕溪钓书帛能无寄鲤灸西湖过孙山人旧隱诗荒迷更踏西湖路露烏云裳空六桥涕泪翻悲竹林宴笛声月色傍中宵醉歌乱诧灸龙出此地曾 麟鳳标今日 山最 寂梅花桂树更萧条

西湖游览志余卷十二

才情雅致

罗昭谏隐新城人博物能诗唐昭宗时游京师不遇归谒武肃王辟为钱唐令寻掌书记时鏐初授镇海军节度命沈崧草谢表盛称浙西繁盛成以示隐隐曰是自贾征索也请更之乃极言兵火凋 有天寒而麋鹿来游日暮而牛羊不下之语廷臣见之曰此罗隐词也又贺昭宗更名 表曰左则姬昌之半字右则虞舜之全文京师称为诸镇第一云然性傲睨好议评臧否探隐命物往往奇中故至今杭人称前定不爽者犹云罗隐题破也

潘逍遥阆钱唐人以诗名宋太宗将官之辞不就与王继恩善继恩败捕之遁弗得咸平初京尹収系之真宗赦其罪以为滁州参军卒于泗上初阆在钱唐与道士冯德之约归骨于天柱山德之囊其骨归葬焉阆与王元之孙何柳开魏野最厚暇则放怀湖山随意吟咏人目为谪仙云尝有钱唐晚归诗一首祖无择以为不减刘长卿也诗云从客见华髮孤棹桐庐归新月无私照落日有余辉渔浦风水急龙山烟火微时闻沙上鴈一一背人飞又有过华山诗云高爱三峰插太虚帚头吟望倒骑驴旁人大笑从他笑终拟移家向此居好事者画为图魏野赠诗云昔贤放志多狂怪若比而今总未如从此华山图籍上又添潘阆倒骑驴又夏日宿西禅院诗此地絶炎蒸深疑到不能夜凉知有雨院静似无僧枕润连云石牕明照佛灯浮生多贱骨时日恐难胜苏子瞻深喜之

沈文通邁钱唐人皇祐初举进士后知杭州疎儒博达明于吏治令行禁止以公钱嫁民间孤女数百人倡优养良家子者夺归其父母善遇僚属皆甘心为之耳目刺闻巷长短尝禁捕西湖鱼鼈故人居湖上蟹夜入其篱适会客食之旦诣府邁迎语曰昨蟹美乎客惊谢尝凿井引湖水以便民至今称沈公井其送施密守钱唐诗云塞外风烟河上尘归来始觉二毛新承明自厌频趋直沧海还思一濯巾幕府旌旗初压境画船歌吹便行春湖山满目旧游在何日从公醉紫莼所著有西溪集

沈睿达辽邁弟也趣操高爽能诗王安石甚重之有风流谢安石潇洒陶渊明之称坐法流池州得九华秋浦间喜曰使我自择不过尔耳筑室齐山名曰云巢所著有云巢编苏黄皆与倡和

沈存中括邁从父也举进士编校昭文书籍定三岁郊丘之制考浑仪景表五壶浮漏造新厯募天下上太史古书神宗称善忤蔡确出知延州募铁羣之士得彻札超乘者千余时朝廷出宿卫兵戍鎮赏赉至再而不及鎮兵括以为卫兵虽重而无岁不战者鎮兵也赏不均且召乱乃藏勅而矫制赐缗钱以驿闻诏报嘉之括博学善文而喜诙谐刘贡父尝诣之值括澡体盆中便恸哭括惊问故贡父曰死矣盆盛括括亦大笑所著有长兴集笔谈

關子渊沼杭州人元祐间为翰林学士将辞归隐士孔夷赠之诗云吳越声飞二十年緇衣空复叹遗编紫芝眉宇风尘外太白文章锦绣前可是石渠方载笔未应水国要归田他年雪里

相逢处能记骑驴孟浩然其清标絶俗如此

强几圣至钱唐呉山里人刻苦攻诗韩魏公甚重之所着有祠部集其戯赠贾麟自睦来杭将复如苏诗春风那解系狂游朝醉桐江暮柳州大手千篇随地扫一身四海学云浮荣名不落闲霄梦退筑聊为晚岁谋老橘残鲈犹有兴片心歛起洞庭舟

周美成邦彦钱唐人踈隽少检不为州里推重而博涉百家元丰初游京师献汴都赋神宗奇之累官徽猷阁待制提举能自度曲制乐府长短句词韵清蔚名其居曰顾曲堂其所制意难忘云衣染莺黄爱停歌驻拍劝酒持觞低鬟蝉影动私语口脂香檐露滴竹风凉 剧饮淋漓夜渐深笼灯就月仔细端详知音见说无双解移宫换羽未怕周郎长颦知有恨贪耍不成妆些个事恼人肠试说与何妨又恐伊寻消问息瘦减容光其词格大率类此

美成晚归钱唐梦中得瑞鹤仙词一阕云悄郊原带郭行路永客去车尘漠漠斜阳映山落敛余红犹恋孤城栏角凌波步弱过短亭何用素约有流莺劝我重解绣鞍缓引春酌不记归时蚤暮上马谁扶醒眠朱阁惊飈动幕犹残醉绕红药叹西园已是花深无地东风何事又恶任流光过却归来洞天自乐未几方腊乱自桐庐入杭时美成方宴客仓皇出奔趋于西湖坟庵适际残冬落日在山忽逢故人之妾奔逃而来乃与小饮于道旁旗亭闻莺声于水杪少焉分背抵庵尚有余醺困卧小阁之上恍如词中所云逾月入城故居皆遭蹂践矣后得请提举洞霄宫而终老焉

白廷玉珽钱唐人博综经史所着有湛源集方回刘辰翁称其诗逼陶韦书逼颜柳尝着西湖赋二首考据精核其湖楼玩雪诗上湖十里卷帘中幻出瑶华第一宫山势蹴天银作浪柳行扑地玉为虹渔蓑鹤氅同为我雀舌羊羔不负公明日鳳城朝退蚤一鞭曾约试吟骢湖居杂兴诗御舟初出赏春菲传是诸王与后妃香雾渐深帘幕暗日斜惟见淡黄衣脉脉吹香屋角梅背风移烛小帘开鳳城几日元宵近一片箫声水上来龙舟晓发断桥西别有轻舟两两随春色可人晴较穩酒家争出柳梢旗相国平泉水竹居呉山花石世间无游人马上休回首一半春风在里湖雨后林深夏亦秋一葫芦酒在船头醉来深入荷花去卧防青天飞白鸥三贤犹得仰高风冠服虽殊气味同后五百年无继者桃花含笑夕阳中车鱼人散水风腥雨色凉分柳外晴回首夕阳都落尽忽然东向数峰明万树芙蓉两蕊宫秋风开遍水边丛白墙遮尽红墙出只见红墙一半红酒边赠朱处士诗乌葛唐巾白苧裘扫庭终夕共淹留醉中谈论心犹壮老去歌欢泪亦流对客呈诗如献佛课儿收橘当封侯明年好理西风櫂重约三呉烂漫游

叶太白李钱唐人或曰富阳人贾似道当国时行公田闕子两法民间苦之李上书力诋且献钞式以代闕子似道怒黥流岭南及似道败赦还而似道亦有漳州之谪相值于途太白赠之词云君来路吾归路来来去去何时住公田闕子竟何如国事当时谁与误雷州戸崖州戸人生防有相逢处客中颇恨乏蒸羊聊赠一篇长短句宋亡入元上书献钞式世皇嘉纳遂为至元钞仕至中书左丞

钱思复惟善钱唐人博学能文章以浙潮赋起名其首句云维罗刹之巨江兮实发源于太末试官嘉之遂中选盖其时满场无知罗刹为浙江者后作西湖竹枝词十首有云阿姊住近段家桥瞿元范戲之云此段家桥创见却与罗刹江不同也瞿宗吉尝尽和之云昨夜相逢第一桥自将罗带系郎腰愿郎得似长江水日日如期两度潮又云里湖外湖波 茫两岸人家多种桑采桑不怕雾露湿惟愿朝朝逢着郎大为思复獎许张氏据吳遂不仕退居吳江筒川与杨廉夫倡和有句云笠泽水寒鱼尾赤洞庭霜落树头红又云汉史丁公那及齿陶诗甲子不书元盖感时事也

叶居仲广居仁和人天资超迈才力絶人仕至浙江儒学提举筑室西泠桥陶情诗酒所着有自得斋集自题隱居诗瘦水裁冠鶴髻轻十年尘土厌飘零小山旧隱云封戶大药新成月满庭丹井夜交龙虎气碧霄春蹑鳳凰翎西风客舍炎歊净拟读琴心内景经

仇仁近遠号山村钱唐人元初为溧阳州儒学教授工诗文一时游其门者若张雨张翥莫维贤皆有名当时所着山村集洪武初祀于杭学乡贤祠其湖上值雨诗波痕新綠草新青有约寻芳苦不晴莎径泥深双燕湿柳桥烟淡一莺鸣山围故苑春常锁泉落低畦暖未耕十载旧踪时入梦画船多处看倾城同段吉甫泛湖诗西湖春碧净无泥画舫朱帘傍岸移寒食清明初过后杏花杨柳乍晴时从教西日催歌鼓莫放东风转酒旗只恐明朝成雨去暗惊浓綠上高枝同陈彦国泛湖诗斜堤高柳綠连天且系闲人书画船花事已空三月后湖光还似百年前洛阳园囿惟诗在江左英雄托酒传亦欲扣舷歌小海恐惊沙上白鸥眠陪戴祖禹泛湖分韵得天字诗冉冉夕阳红隔雨悠悠野水碧连天山分秋色归红叶风约苹香入画船钟鼓园林已如此衣冠人物故依然当歌对酒肠堪断倒着乌巾且醉眠和韵胡希圣湖上诗曾识清明上巳时懒随蜂蝶步芳菲梨花半落雨初歇杜宇不鸣春自归双冢年深人祭少孤山日晚客来稀江南尚有余寒在莫倚东风褪絮衣连作湖山五日游沙鸥惯识木兰舟清明寒食荒城晚燕子梨花细雨愁赐火恩荣皆旧梦禁烟风景似初秋鳳丝龙竹繁华意犹为西林落日留秋日西湖园亭诗西湖一曲百泉通漠漠青山绕梵宫故国园林秋色净明朝风雨桂花空银笙玉笛清歌外画舫朱帘落照中人物风光两相称儿童遮莫笑山翁陆静复为园诗连轡行春自作期寻芳却笑我来迟三杯云液花前酌一曲琼箫竹下吹沧海桑田非旧日石泉槐火有新诗山中道士闲于鹤门外红尘总不知闲居絶句诗堦前紫蔓金丝草篱角红垂锦带花梓泽平泉易消歇春留富贵与诗家茶瓯纱防惯迎宾不是诗人即道人细雨斜阳君莫出綠陰门外有红尘

高孟升得旴钱唐人洪武间以文学荐授临安学教谕陞高州学教授永乐初召为宗人府經歷纂修大典为副总裁记闻博洽诗文纯雅名重一时所着有节庵集尝作钱唐十景诗西湖夜月云共說西湖天下景秋来有月更奇哉寒波拍岸金千顷灝气涵空玉一杯桂子遠从云外落藕花多在露中开酒船清夜乘清兴絶胜笙歌日往来浙江秋涛云秋满吳天八月中潮头万丈驾西风云驱蛟蜃雷霆鬪水击鯤鹏渤海空自古江山夸壮丽至今父老說英雄诸溪近海徒相应气势那能与此同孤山霁雪云山头白白六花铺水面青青一髻孤翠鳳搏云朝贝阙玉楼擎日出冰壶梅花正好冲寒探竹叶何妨踏冻沽千载林逋留胜迹总因佳境在西湖两峰白云云西湖之上两奇峰高入太虚云气中华盖渐迷青缥缈浮图时见碧玲珑陰连

海眼龙归洞影散天心鹤绕空几度登临舒远眺英英佳气荡吟胸东海朝曦云一道长江接海门扶桑影动浴朝曦铜盘迴立仙人掌金柱中撑玉女盆出水赤乌衔火跃随潮白马挟雷奔负暄亦有矶头老欲効防芹献至尊北闕夜市云北城晚集市如林上国流传直至今青苧受风摇月影绛纱笼火照春陰楼前饮伴聯游袂湖上归人散醉襟闾闾喧闾如昼日禁钟未动夜将深九里云松云乔松万树总良材九里青云一迳开云气直从天竺去涛声长傍海门来人行道上依浓樾子落僧前防嫩苔山水清晖增伟观托根元不愧徂徕六桥烟柳云画桥六曲绕湖头最爱晴烟柳上浮浅水笼寒横晦霭微风熏暖弄轻柔金梭隱见闻黄鸟锦缆萦纡出防舟偏倚赤阑频注目为怜张绪旧风流灵石樵歌云灵石坞头樵迳连羣樵唱和石头前猿啼鹤唳清相似野调山腔近自然水杪縁厓通窈窕竹根濯涧杂潺湲白云遏处清风发吹入长松胜管弦冷泉猿啸云冷泉亭外松千树时有老猿啼树间逐侣出云风动壑呼儿归洞月横山晓空蕙帐人初去秋入荷衣客未还清响不同巴峡怨时时嫋嫋和潺潺和贡友初西湖诗佳趣谁全得闲情自轶羣买舟听夜雨立马看春云酒伴期相共诗题得屡分西湖天下景坡句昔曾闻约人游湖诗明日湖中去先期问画船分醪开臈棧裹茗试春泉知已能胥会同心托就延段家桥畔柳拂曙防莺迁

高孟升晚春曲香雨飘红换新綠雏鸾怨咽参差玉画阑坠露泣残妆遠翠愁山蛾黛蹙劳劳乳燕說乌衣海天凝云烟草迷东流苦长西日短惆悵花前鵲 扈绣幕深沉雨声小梦入神山良夜悄镜里韶华又一年曲渚鸡鸣锦屏晓瞿宗吉春晓曲子规啼罢东方白香露寒凝海棠魄帐卷流苏梦乍醒妆台试防宫梅额莺俦燕侣乘风来隔林巧语伤幽懷金钱买花不论价俏枝斜插双头钗瞳瞳红日射牕牖防雾如烟薰翠柳秋千嫩蹴防绳闲满颊胭脂中卯酒二篇词调俊逸风致可想也

凌彦翀云翰仁和人博通经史领至正十九年乡荐除平江路学正不赴作梅词霜天晓角一百首柳词柳梢青一百首号梅柳争春韵调俱美洪武初举杭州府学训导陞成都府学教授卒所着有柘轩集其南山飞流亭诗山溜泠泠来不竭激成飞瀑散空明虹霓下饮秋无际河汉西流夜有声横剑谁思仙子过作亭人羨老僧清平生惯诵天台赋不记香炉记赤城重过柳洲寺诗买花载酒忆当年风景依稀最可怜彭泽有人归栗里海波何处变桑田聯拳鹭立枯荷雨寂寞鸦栖古树烟几度涌金门外望居民犹說总宜船西湖渔者诗家住钱唐西子湖钓竿几度拂珊瑚扁舟载月归来晚不觉全身入画图

洪武庚申冬彦翀为人题钟馗图云朔风吹沙目欲眯官柳摇金梅绽蘂终南进士倨然起束带蓝袍靴露趾手掣硬黄书一纸若曰上帝锡尔祉猷磔于思含老齿頤指守门茶与垒肯放妖狐摇九尾一声爆竹人尽靡明日春光万余里题罢掀髯自得不数日辟书临门迫胁上路到京竟有成都之行遂成诗防在任以乏贡举谪南荒卒归骨西湖瞿宗吉作诗送之云一去西川隔夜台忍看白壁瘞苍苔酒朋诗友凋零尽只有存斋冒雨来

杨复初筑室南山以村居为号凌彦翀以渔家傲词壽之云采芝步入南山道山深宛似蓬莱岛闻說村居诗思好还被恼苍苔满地无人扫载酒亭前松合抱客来便许同倾倒玉兔已将灵药搗秋意早月华长似人难老复初和词云当时承望求仙道那知薄命如郊岛留得残生

犹自好多懊恼尘縁俗虑何时扫子已成童无用抱醉眠任使和衣倒今岁砧声秋未捣凉风早防来只恐中年老瞿宗吉和词云喜来不涉邯鄲道愁来不甯沙门岛惟有村居闲最好无事恼苔阶竹径频频扫有酒可斟琴可抱长年拟防三松倒白内灵砂亲自捣归隱早朝廷未放 眞老宗吉既和此词而复序云旧谱皆以仄声起欧公呼范文正为穷塞主首句所谓塞上秋来者正此格也他如王荆公之平防小桥千嶂抱周清真之几日春陰寒恻恻谢无逸之秋水无痕清见底张仲宗之钓笠披云青嶂绕亦皆如是今二公皆以平声易之特着此以俟知音尔

彦獠作无俗念词云等闲屈指算今来古往谁为英杰耳目聪明天赋予怎肯虚生虚灭去燕来鸿飞鸟走兔世事何时歇风波境界大川不用频涉空踏遍万户千门五湖四海一样中秋月正面相防君记取全体本来无缺空里非空梦中眞梦莫向痴人说须骑鹤夜深朝礼金阙又蝶恋花词云一色杏花三百树茆屋无多更在花深住旋压小槽留客醉举杯忽听黄鹂语醉眠防花花亦舞风妬残红飞过隣墙去恰似牧童遥指处清明时节纷纷雨词格清逸一洗铅华非骈金俪玉者比也

莫景行维贤钱唐人雅尚标致筑别业于灵竺之间绕栽杏树号曰杏园日与骚人墨客游咏其中时人比之辋川庄也黄潜诗云旋移小隱傍南峰遠有咸平处士风山态近人犹偃蹇湖光无雨亦溟蒙行春杖履时时到临水轩窗面面通别作新亭供戏剧青帘摇曳杏花中张輿诗云文园近日复何如杏树庄头好隱居尘隔不知城市热门开只见稻麻疎碧窻清昼闲评药緑树凉风独枕书喜得江村残暑退拏舟拟欲到行庐洪武初曾为杭庠训导所着有广莫子稿其祖凝少眞人者前元时高士也卒 栖霞岭虞邵庵为之碑记张行中为之赋诗云相国流芳到棣华隱居湖上对栖霞清连后涧神仙境幽胜孤山处士家华表秋宵空落月杏庄寒食几飞花如今独有双碑在人物俱非重可嗟

潘时雍钱唐人简淡力学诗句脱尘号灌园生徐一防为之序曰钱唐潘时雍读书赋诗廉介自将视当世富贵虽非不愿欲者使其脂韦取容以侥幸一时宁贫贱而肆志郡城之东二百步而近有地十余畝古井一区宋輦院基也入于居民久矣荒弃弗治暇日过见之徘徊相度曰是岂不足为吾生乎既而购得之除治一亩为庐用其余地析而为畦纵横数十塍茹菜若干品天稍不雨辄置桔槔井上俯前仰后声轧轧如龙鸣出井水以灌已则掇 衣履循行畦间顾见菜色青青若緑云覆地喜曰生意若此足矣掇其脆美为其父母妻子供具而斥其余卖诸市中自以为常不辍或曰钱唐陆海之府鱼盐蜃蛤之所产羽草竹箭之所生象犀珠玉之所聚街居之民用贫求富千金为母则子百金百金为母则子千金万金若此者家相望也又其地为元行省丞相治所往时承平丞相守法而已今天下多故丞相承制得自爵禄人卜医众技苟有以自见不必去妻子违父母跋涉遠道辄致位显要纒金曳紫翱翔康庄之衢中世以降道德之意泯矣惟声与利可以惊动世俗子年甚富又居声利之場不为彼以取宠荣顾乃为此何哉时雍曰嘻夫尺有所短寸有所长彼所能者我则不能吾亦岂能枉吾之性以我所不能为彼之能故宁自附于农家者流使人称之曰灌园生灌园生不辞也嗟夫习俗之移人也久矣自今以往钱唐之人不尚货殖而尚德义不尚奔竞而尚恬退不自时雍始乎余因序其出处以为趋附声利者劝焉时雍尝为一防赋独树轩诗潇洒幽轩面水开轩前老树

倚云栽闲来倚杖过三匝醉后支颐防百 风雨欲随龙化去云霄常听鹤飞来结隣拟共荣
枯事遮莫人知是散材

张行中舆仁和槎溪人洪武初上书论时务称防授刑部主事词翰清丽弟行素轺咸有文名
兄弟友爱所着有聯辉集行世秋日湖中诗风波千顷画船开吹近芙蓉影里来倒卷綠霞翻
舞袖斜飞白雨溢行杯总宜园冷花无主苏小坟空草作堆为倩金戈挥落日秋声莫向树头
催湖上分韵得香字诗晴麓云横万里长出门步步是春光近湖酒阁多红杏隔防渔家尽綠
杨箫鼓声寒心自醉绮罗魂冷骨犹香漫游不是矜年少赢得闲情似洛阳约可闲老人访玉
药圃诗明朝寒食风日晴可闲欲同湖上行先拾玉壶园上翠却听瑶石山前莺茶铛烦为试
新火杏酪不须和冷 君若肯将花迳扫日高相与到柴局次韵元宵诗月到中宵午漏深青
衫罗薄露华侵鼇浮仙岛春无际人下歌楼醉不禁大地金莲分夜色上方玉烛慰民心归来
更有传柑宴坐列宫钗十二金闻王立本江上观潮诗两月竟违王翰面近闻无事防胥涛鳳
凰相对暮云合牛马平分秋水高望去波澜接天宇坐令霜雪侵髭毛江臯赖有逸文学应与
论诗对浊醪江潮诗罗刹江头八月潮吞山挟海势雄豪六鼇倒卷银河濶万马横奔雪嶂高
自是乾坤通气脉应非神物作波涛吳儿弄险须臾事坐防平流济万艘行素次韵王志道元
夕感兴诗沉水香生宝篆烟九衢车马正喧闐金莲徧烛三千界银甲谁弹五十弦天上楼台
春盎盎人间风月夜娟娟少年行乐情懷异絳蜡笼纱六轡聯

遼西臯者元左丞魯曾孙也占籍钱唐工文翰有雅趣仕行省都事内附后弃官居西湖八十
五岁卒张行中尝赠之诗云无官贫亦乐有暇趣偏寬身世双蓬髻功名一钓竿透窻蟾影淡
落枕鴈声寒犹恐梅开早扶筇雪里防又云冠制黄杨窄巾裁阜葛寬仙衣新鹤氅吟杖小
龙竿日短棋消暇风高酒御寒兴来书数纸穉子已能防又八十古难能风流事惯曾醉防醒
眼怒老畏少年憎鹤髮垂寬领鰕身倚瘦藤笑谈殊未倦把酒劝山僧子宏洪武初选补杭州府
学生从徐大章年十八陈时政得失高皇帝悦之试秋柳赋称防吏部奏宏年少赐归卒業寻
以乡贡歷教松江武进宏子端举进士官刑部员外郎永乐中扈从北征死于战

瞿宗吉佑钱唐人学博才瞻风致俊朗少不为其父所知乡人张彦复自福建检校回家瞿翁
杀鸡具酒待之宗吉年十四适自学舍归彦复指鸡为题命赋之宗吉应声云宋宗憲下对谈
高五德声名五彩毛自是范张情义重割烹何必用牛刀彦复大加称赏手写桂花一枝并题
其上以赠云瞿君有子早能诗风采英英兰玉姿天上麒麟元有种定应高折广寒枝瞿翁遂
搆传桂堂而凌彦冲丘彦能吳敬夫咸乡丈与为忘年友一日杨廉夫访之出所作香奁八咏
以示宗吉宗吉悉和之其花尘春迹云燕尾防波微有晕鳳头 月悄无声黛眉顰色云恨从
张敞毫边起春向梁鸿案上生金钱卜欢云织锦轩牕闻笑语采苹洲渚听愁吁香颊啼痕云
斑斑湘竹非因雨防防杨花不是春廉夫叹服曰此瞿家千里驹也洪武中以荐举授临安学
训导累陞周府长史所着有存斋集

永乐间宗吉以诗祸下锦衣狱吁江胡子昂亦以诗祸踵至子昂以东坡系御史台狱二诗索
瞿和瞿诗云一落危涂又几春百忧交集未亡身不才弃斥逢明主多难扶持望故人有字五
千能讲道无钱十万可通神忘懷且共团栾坐满炷炉香說善因酸风苦雾雨凄凄愁掩園扉

坐榻低投老渐思依水佛受恩未许赦金鸡艰难馈食怜无母辛苦 文赖有妻何日湖船载春酒一篙撑过断桥西已而宗吉谪戍保安者十年时兴和失守边境萧条永乐已亥降佛曲于塞下选子弟唱之时值元宵宗吉凄然作望江南五首云元宵景野烧照山明风阵摩天将夜半斗杓插地过初更灯火忆杭城元宵景巷陌少人行舍北孤儿偎冷坑墙东嫠妇哭寒檠士女忆杭城元宵景刁斗击残更数防夕烽明远戍几声寒角响空营歌舞忆杭城元宵景默坐自伤情破灶三杯黄米酒寒牕一盏浊油灯宴赏忆杭城元宵景淡月伴疎星戍卒抱關敲木柝歌童穿市唱金经箫鼓忆杭城

宗吉西湖秋泛满庭芳词露苇催黄烟蒲驻緑水光山色相连红衣落尽辜负采莲船防检六桥杨柳但几个抱叶残蝉秋容晚云寒鴈背风冷鹭鸶肩华筵容易散愁添酒量病减诗颠况情懷冲澹渐入中年扫退舞裙歌扇尽付与一枕高眠清闲好脱巾露髮仰面防青天又西湖四时望江南词西湖景春日最宜晴花底管弦公子宴水边罗绮丽人行十里按歌声西湖景夏日正堪游金勒马嘶垂柳防红妆人泛采莲舟惊起水中鸥西湖景秋日更宜观桂子冈峦金粟富芙蓉洲渚防云闲爽气满山前西湖景冬日转清奇赏雪楼台评酒价观梅园圃订春期共醉太平时

宗吉平日著作散亡者盖不少也暇日得其逸稿律诗近体共十五篇録以自适题则天故内诗堪恨当年武媚娘手持唐玺坐明堂不思仙李方三叶却爱莲花似六郎废苑荆榛来雉兔故宫禾黍没牛羊尚余数仞頽垣在遥对龙门山色苍秋日书懷诗五穷何日是归年几费奴星结柳船善价谁求司马赋痴心欲借尉迟钱六通未具难成佛九转无疑漫学仙一事尚为今日幸免供徭役为无田暮春书事诗过墙新竹翠交加緑树陰陰噪乳鸦花到 釀香结局鸟鸣鷓鴣客思家煮茶汤沸风声转梦草诗成日影斜零落残红青子满渐防金弹熟枇杷睡起呼童扫落花石泉槐火试新茶树林深处蜂王国帘幙陰中燕子家柳絮乘风投砚水竹枝摇影落牕纱幽居莫道无官况鼓吹犹存两部蛙旅舍书事诗过却春光独掩门浇愁漫有酒盈尊孤灯听雨心多感一剑横空气尚存射虎何年随李广闻鸡中夜舞刘琨平生家国萦懷抱湿尽青衫总泪痕茆屋三间白板扉栖迟四壁叹多违扬雄投阁功名薄王粲登楼事业非白昼梦回梁燕语青天目送塞鸿归东门黄犬华亭鹤举世无人悟此机清明即事诗风落梨花雪满庭今年又是一清明游丝倒地终无意芳草连天若有情满院晓烟闻燕语半牕晴日防蚕生秋千一架名园里人隔垂杨听笑声夜凉诗潇潇水叶打窗扉又送新凉入敝帷煖不及时秋后雨淡而有味客中诗还家自愧苏秦妇交友谁知蔡克儿不寐起来搔首坐绕庭促织替人悲题伍胥庙诗一过鼙祠泪满襟英雄自古少知音江边敌国方尝胆台上佳人正捧心入郢共知讐已雪沼吴谁识恨尤深素车白马终何益不及陶朱像铸金有感诗世事年来似奕棋可堪岁月去如驰肉生髀骨英雄老金尽牀头富贵迟蹈海莫追天下士折腰难事里中儿可怜满眼新亭泪对泣无人只自悲夏晚纳凉诗竹牀藤簟晚凉天卧防星河小院偏云影恰如衣暂薄月华那得扇长圆清泉冷浸冰盘果嘉树香笼宝鼎烟想是高楼风更爽玉人闲按十三弦清明赋絶句诗兼旬蹭蹬在京华又见东风御柳斜客里不甘佳节过借人亭馆防梨花池河道中诗牵牛花碧荳花黄血色蜻蜓防水忙人在渔村斜照里数声短笛隔垂杨斋居观物诗蕉叶陰陰艾叶香菖蒲苗短菊苗长夜来知有蜗牛过一道银光在粉墙出巢新燕傍帘帷乳鸭浮沉水满陂叶底青虫时节至化为蝴蝶上花枝

宗吉风情丽逸见之诗篇者往往有歌扇舞裙之兴金公素谓之司空见惯者诚然也夏时正修杭州府志独不录其诗词而白苏杨萨偃红倚翠之篇悉皆哀采岂非贵耳而贱目者哉宗吉尝着剪灯新话一编粉饰闺情假托防报虽属情妖丽游戯翰墨之间而劝百讽一固有可采或谓秋香亭记乃宗吉事使其果然亦元微之会真意也桂孟平读此书而作歌一篇语涉讽刺而思致秣縻可诵也其词云山阳才人畴与侣开口为今阖为古春以桃花染性情秋将桂子薰言语感离抚遇心怵怵道是无凭还有凭沉沉帐里昼吹笛煦煦窗前宵剪灯倏而晴兮忽而雨悲欲啼兮喜欲舞玉箫倚月吹凤凰金柵和烟锁鹦鹉造化有迹尸者谁一念才萌方寸移善善恶恶苟无失怪怪奇奇将有之丈夫未达虎为狗濯足沧浪泥数斗气寒骨耸铮有声脱帻目光如电走道人青蛇天动摇不斩寻常花月妖茫茫尘海沕万防落落云松酒半瓢世间万事幻泡尔往往有情能不死十二巫山谁道深云母屏风薄如纸莺莺宅前芳草栖燕燕楼中明月低从来松柏有孤操不独鸳鸯能并栖从在钱唐江上住厌见潮来又潮去燕子衔春几度回断梦残红落何处还君此编长啸歌便当酌以金叵罗醉来呼枕睡一觉高车驷马游南柯

宗吉漫兴诗云自古文章厄命穷聪明未必胜愚防笔端花与胷中锦赚得相如四壁空盖有激而云然也又书生叹云书生嗜书被书恼居不求安食忘饱微吟朗诵无了期妻怨儿啼隣里诮东家郎君狐白裘终宵醉眠宝钗楼西家壮士金锁甲万里勇斩楼兰头堆金积玉夸豪贵眼底何曾识丁字休言富贵有危机信知文字真愁具从今投笔复弃书拟学东臯农把鉏妻复苦谏儿摇手近来差科重田亩其感时伤事抑又甚焉马浩澜感其诗作画堂春词云萧条书剑困埃尘十年多少悲辛松生寒涧背阳春勉强精神且可逢场作戏宁须对客言贫后来知我岂无人莫漫沾巾乃今瞿马之名照耀文苑当年牢落安足叹耶

王希范洪仁和人永乐间年十八举进士授行人入翰林检讨与修永乐大典为副总裁陞侍讲主考礼闈时胡文穆公总裁国史希范因言其书征处士胡祺于五星聚奎之下若以其祥为祺发者公为祺子疑有私焉且国家文明正不借此为重文穆公从之而心憾其言寻改礼部主事部之长缺诏洪署部印练习称防诏作佛曲序洪逡巡不敢应制遂为同列所排不复进用晚得末疾卒著作多散落不存存者毅斋存稿其游西湖诗红莲白莲开满湖小娃唱歌闲且都故人相会能几度美酒何妨倾百壶双拳藏一握松子万钱赌胜赛樗蒲暮归酩酊白马上谁识山翁非酒徒夏日闲居诗绿竹苍松引夏凉方塘曲沼藕花香两峰独对空山静一鸟不鸣清昼长春得细粮如玉子酿来新酒胜琼浆人生快意能如此何用荒唐入醉乡

陈士宁仁和人涉猎书史喜宾客与同邑郑璧夏诚交莫逆如兄弟然皆好吟咏时时同棹湖中狎玩鱼鸟蓄古法书名画彝器相过品鉴有通家好士宁之母与璧之母皆高年奉之均为子行母歿互服縗麻士宁居盐桥七宝巷中又徙独山全斯立赠之诗云青字营西小巷幽衡门寂寂思悠悠一生清事无闲日夹径黄花满院秋卖帖偶逢官巷口评诗共宿独山头谁知扰扰红尘里荷蕢行歌得自由张谿诗云横溪别业锦云乡红白莲花薛荔墙百事不关心独静孤云无着兴偏长佳人雪藕供微醉童子分茶坐晚凉如此好怀谁解写诗成还让孟襄阳

桂孟平衡仁和人洪武中为钱唐学修业斋训导迁山东转谷府奉祀卒于长沙所着紫薇稿

其送王惟中代屠先生诗秋来忽得桂衡书又报王郎去听除若有乡情须记我便生官况也从渠山中岁月三边鴈客里饔飧两饌鱼此去上林方校猎要因奏赋识相如苏李泣别图诗我生自恨不如死君死谁知更得生十九年前今日汨都无一防为功名九日陪陈广文贡有道游伏龙冈新庵诗从客思归未赐环登高且上凤凰山空将青眼防重九不见黄花露一斑老境更从天卜健僧房常记客偷闲广文不是无官舍那得清幽似此间春暮诗忍将愁眼防韶华桃李无言日月斜晚白菜肥蚕出火冬青花落燕成家归田谁复如宾馐入室今惟对影嗟无可奈何聊且睡不劳春梦绕天涯云涛轩诗高台图画自天开下有轩居亦壮哉云气四时多似雨涛声八月大如雷直防槎泝天潢去莫遣舟乘雪夜回拟待他年具舟楫中流小试济川才安节堂诗晚节何由得此安阿儿能孝母心宽螭蝉晓饌来江浦络纬秋声上井阑松栢耐于花易过衣裳偏是防宜防登堂为尔歌眉寿春酒香浓柰子丹

西湖游览志余卷十三

才情雅致

王志道達钱唐人足一跛家贫卖药文锦坊兼以卜市博究子史百家客至辄谈古今滚滚不竭人或以难隱诘之朗如也所着有兰楚集其徒最高者为刘士亨其卒也士亨哭之诗云十年负笈游门下爱我翻于骨肉轻才劣岂宜居弟子恩深何以报先生春风梦断行柯蠹暮雨啼残隔叶莺赖有诗家衣鉢在后来谁起继芳声

刘士亨泰钱唐人号菊庄当景泰天顺间隱居不仕诗词为一时絕唱所着有菊庄晚香诸集其湖上暮归诗朦朧防醉 残花柔綠陰中一迳斜日暮归来问童子春衣当酒在谁家丰乐楼诗层楼高处宴王孙湖上青山落酒尊三百年来春一梦月明还照涌金門

陆元偁昂钱唐人号清溪博雅嗜吟咏少游菊庄之门同列率罕及之尝作宫词云自卷珠帘放燕归六宫春尽乱红飞从来艳色多倾国愿得君王宠幸稀梅花絕句云春到南枝与北枝花开的皪照寒漪何人似解相怜意不把东风玉笛吹凡作宫词皆写幽怨之私而清溪乃终致规讽咏梅花率用吹落事而清溪宛转防惜无忌刻之情可为得诗人温厚之防矣所着有吟牕涉趣窺豹錄若干卷

马浩澜洪仁和人号鶴牕善诗咏而词调尤工皓首韦布而含吐珠玉锦绣胸肠褒然若贵介王孙也常题许应和松竹双清扇景词云剪蒿莱曾将双翠亲裁旋添成园林佳胜依稀嶰谷徂徠鳳飞过文章灿烂蛟腾攫鳞甲毳毼剡节题诗收花酿酒须粘香粉袖粘苔无人识栋梁之具管籥之才防亭台尽多风月清无半防尘埃竿期截六鼃连举巢堪托孤鹤时来色莹琅玕脂凝琥珀笑他門柳与庭槐萧郎去毕宏已老谁富写生才君防取岁寒三友只欠梅开盖多丽词也许东溟以为可追踪康伯可可谓信然又题梅花江城引云雪晴闲览瘦筇扶过西湖访林逋湖上天寒草树尽凋枯忽见琼葩光照眼仙格调玉肌肤夜空云静月轮孤巧相摹海图时听枝头啁哳翠禽呼纵有明珠三百琲知似得此花无清气逸发莹无尘想又题许东溟小景昭君怨云路遠危峰斜照瘦马尘衣风防此去向萧關向长安便坐紫薇花底只似黄梁梦里三径易生苔早归来言有尽而意无穷方是作者徐伯齡言鶴牕与陆清溪偕出菊庄之门而清溪得诗律鶴牕得词调异体齐名可谓盛矣

马浩澜西湖十景南乡子词苏堤春晓云烟树带莺啼催得纱牕月渐低金锁严城門四扇开齐缥缈楼台影尚迷已有玉骢嘶花露香尘 作泥可是寻芳人起早相携占断风流向此堤平湖秋月云月似白莲浮水似璫田綠汞流闲忆何时曾胜赏中秋一瓣芙蓉是彩舟风露冷飕飕水月僊人跨玉虬笑道西湖元有对瀛洲却在蓬萊欲尽头花港观鱼云小港傍湖潯花影中间戲锦鳞渔识放生池有禁收纶水暖苹香十里春花忆上龙门犹隔千山与万津好向碧波深处去藏身无数花前忆鮓人柳浪闻莺云翠浪涌层层千树垂杨颺晓晴两个黄鹂偏得意和鸣疑奏鸾箫与鳳笙金弹莫相惊正是兰舟送客行似惜春光如画里闲情欲别频啼四五声三潭印月云潭水碧涵天冷浸中宵皓月圆写出嫦娥真面目婵娟絕胜瑶台跨鳳仙

潭底是龙渊翠户珠宫玉作田神物也耽良夜景蜿蜒抱得明珠喜不眠两峰插云云万仞碧峻嶒华盖阳明比未能名作擎天双玉柱相应絶顶三更见日升闻説住山僧上界仙人唤得鷹待我秋清游兴动须登试到青云第一层南屏晓钟云金磬罢泠泠风袅鲸音出翠屏柳外高楼花底户牕局却似枫桥半夜听僧已了残经香断薰炉月满庭百八宝珠闲掐遍声停老鹤松间梦已醒雷峰夕照云高塔耸层层斜日明时景倍增常是游湖船拢防寻登防遍千峰紫翠凝暮色满觚棱留照溪边扫叶僧鸦背分金犹未了生憎几处人家又上灯麴院风荷云麴院水风凉万柄高荷掩镜光露挹翠盘何所似璫浆泻下波心水亦香花底浴鸳鸯五月西湖锦绣乡画舫采莲谁氏女红妆唱得歌声最恼肠断桥残雪云雪覆画阑桥银背鲸鲵不动摇题柱相如闲袖手无繆错认梅花昨夜飘步步璫瑶犹胜山僧立到腰红日渐高风渐暖旋消添作春波送画桡湖上虞美人词草芽柔輓花娇婉日淡香风暖西湖无处不风流何况松间萧寺柳边楼六桥东畔孤山路小小凌波步翠裙深掩鳳头鞋临到登舟双手按金钗又小重山词新水溶溶拍画桥桥边千树柳綠丝飘杏花香艳海棠娇知人闷春意故相撩湖里木兰桡湖堤芳草软玉骢骄酒旗撩乱鬧花招愁多少来向此中消

马浩澜着花影集自序云予始学为南词漫不知其要领偶阅吹剑録中载东坡在玉堂日有幕士善歌坡问曰吾词何如柳耆卿对曰柳郎中词宜十七八女孩儿按红牙拍歌杨柳防晓风残月学士词须關西大汉执铁板唱大江东去緣是求二公词而读之下笔略知蹊迺然四十余年仅得百篇亦不可谓不难矣法云道人尝劝山谷勿作小词山谷云空中语耳予欲以空中语名其集或曰不文改称花影集花影者月下灯前无中生有以为假则眞谓为实犹涉虚也今漫摘数首以便展玩云其商调少年游云弄粉调脂梳云掠月次第晓妆成鸚鵡笼边秋千墙里半晌不闻声元来却在瑶塔下独自花行笑摘朱櫻微揜翠袖枝上打流莺行香子云红遍櫻桃綠暗芭蕉琐牕深春思无聊双飞燕懒百啭莺娇正漏声迟帘影静篆香飘惜月前宵病酒今朝有谁知臂玉微销封题锦字寄与兰翘恨树重重云渺水迢迢春夜生查子云烧罢夜香时独立帘儿下眞个可怜宵一刻千金价啼痕不记行暗满蛟绡帕蝶宿牡丹丛月转秋千架春日海棠春云越罗衣薄轻寒透正画阁风帘飘绣无语小莺慵有恨垂杨瘦桃花人面应依旧忆那日擎浆时候添得暮愁牵只为秋波溜鳳凰台上忆吹箫云淡淡秋容澄澄夜景娟娟月挂梧桐爱箫声缥缈帘影玲珑彩鳳衔书未至玉宇净香雾空蒙凉如水翠苔凝露琪树吟风匆匆年华暗换嗟旧欢成梦芳鬓飞蓬想清江泛鷁紫陌游驄应念佳期虚负瞻素彩感慨相同凝情人谁家捣衣砧杵丁东青玉案云平川花无数明镜里孤舟度花下美人和笑顾问郎莫似乞浆崔防别人来何暮盈盈罗袜凌波步眉月连娟鬓如雾人世光阴花上露劝郎休去再来须误个是桃源路中秋鵲桥仙云不寒不暑无风无雨秋色平分佳节桂花香散夜凉生小楼上帘儿高揭多愁多病闲忧闲闷玉鬟纷纷成雪平生不作负恩人惟负了今宵明月九日金菊对芙蓉云过鴈行低鸣蜩韵急纷纷叶下亭臯向霜庭看菊飈馆题糕依然宾主东南美胜龙山迢递登高绣屏孔雀金橙螃蟹银瓮葡萄痛饮鲸卷波涛笑百年春梦万事秋毫问台前戲马海上连鰲当时二子今安在乾坤大容我龕豪四裂帛双鬟舞雪左手持螯梅花东风第一枝云饵玉餐香梦云情月花中无此清莹俨然姑射僊人华佩明珰新整五铢衣薄应怯瑶台凄冷自鸾来下人间几度雪深烟暝孤絶处江波流影顚顚也春风销粉相思千种闲愁声声翠禽啼醒西湖东阁休説当时风景但留取一防芳心他日调金鼎落花满庭芳云春老园林雨余庭院偏惹蝶骇莺猜蔦红皱白狼藉满苍苔正是

愁肠欲断朱箔外防防飘来分明似身轻飞燕扶下避风台当初珍重意金钱竞买玉砌新栽更翠屏遮防羯鼓催开谁道天机绣锦都化作紫陌尘埃纱牕里有人怜惜无语托香腮

马浩澜有续游仙诗百首其序曰唐进士曹尧宾作游仙诗飘飘有遗世独立之志每风清月白之夜辄歌数篇既而就枕必梦仙界觉而纪之以诗数凡百篇今摘其佳者云玉版金花阔幅笺朝来次第散羣仙紫皇勅遣誉真诰第一人书第一篇芭园橘里赌碁还暗忆羸时笑解顏两袖玉尘三百斛抛为瑞雪满人间白榆歷歷见新栽沾沐天家雨露来下界有人分指防南箕北斗更中台养驯苍鹿放蓬山走入烟霞唤不还明日羣中寻却易七星符在顶毛间催花雨后步天街随步香云不浣鞋见牧麒麟成阵过角端都挂小金牌玉案珠帘翡翠屏焚香夜诵蕊珠经月明鸾背飞琼过小驻花陰带笑听五铢衣薄不知寒玉洞青春已半闌肌骨非因惆悵瘦惜花那忍摘花餐河西昨夜见牛郎說道天田未大穰八万三千修月戶多将玉屑当干粮云輶昨夜到瀛洲洲在蓬莱欲尽头莫信麻姑清浅說茫茫弱水接天流侍儿扶上紫鸾车一笑相逢萼綠华今夜芜城好明月无双亭上防琼花

莫仲璵璠钱唐人号橘隱晚号栢壽隱居西湖与菊庄为诗酒友尝见其读史三首其一曰五胡荐云扰晋宇如 分修蛇与封豕乘时肆妖氛茁彼池中蒲雄姿盖世闻投策渡江表目中无晋君兵威奋烈火玉石将俱焚世无鲁连子谁能为解纷谢傳运帷幄子弟将中军战血漂淮水杀气凌浮云遂令轩冕士不污犬羊羣伟哉淝水捷可方城濮歟吁嗟谢安石后世之桓文彼哉清谈輩碌碌何足云其二曰赵宋世忠厚养士三百年时危不负主繫彼文状元勤王仗大义擐甲相周旋皇天不祚宋白日沉虞渊宁甘珠璧碎不为瓦砾全碧血溅燕市精光上烛天嗟嗟我生晚不得为执鞭手持竹如意击碎空山巔魂兮 何许涕泗悲茫然其三曰捐生固不易处死尤为难孰知龚胜后乃有谢叠山江东一溃散跋涉何间關瓊闽苦物色国破家亦残伟哉烈丈夫矢死无生还微身岂足惜大义不可奸忠孝亦何物古今称大闲耿耿浩然气上摩霄汉间谁谓首阳高有志能躋攀至今百世下清风激懦顽我读三上书凜然毛骨寒当时裸将士胡能不厚顏又尝症疾南屏叶文甫赠以碧霞丹服之愈作诗以谢云丹有碧霞者 色青铜当其修合时至理妙无穷朱 列南北龙虎环西东煌煌勾陈主黄螭居其中丹成秘金匱什袭严緘封我衰困症疾鍼砭无全功一丸纳 牝百窍潜流通沉沉热恼境洒然濯清风五行复正气四体还冲融夜梦青衣神化为双玉童挥戈奋来往直上泥丸宫症伏残喘巢穴为之空宛如狐鼠輩胆落御史聽觉来一呵欠色泽神亦充何当献九重四海济疲癯

沈彦博约钱唐人以邑庠生初为靖安司训陞福清掌教平生以诗名闻湖海间尝以诗寄刘菊庄云骅骝蹶青云文豹隱 雾出处固有时达人安所遇念子富诗书久抱经济具陆沉间里间悠悠常韦素春风湖上吟夜月松陰步幽懷颇相同无由展良晤浩歌伐木章引脰徒延伫相期各努力慎勿叹迟暮明廷正需贤行防造鵷鹭

刘邦彦英钱唐人号宾山善诗翰当成化间隱居不仕遨游湖山名振遠近其暮春陪陈太常西湖宴集诗六桥柳色翠迷津画舫移迟送酒频醉眼不知三月暮赏心又度一年春莺谐急管催歌板燕蹴轻花坠舞裯年少莫将行乐悞座中半是白头人同客过湖诗山绕重湖寺绕

山天留图画在人寰路从乌柏林边转船近黄妃塔下湾岁月祇随华发改烟波空付白鸥闲
当歌不耐传觞促独俯寒沙照醉颜载酒过湖诗寒食清明次第来紫苞红萼裹池台东风似
与人商略最好花教最后开船头斗酒配双柑坐听黄鹂漱晚酣湖上有山山有寺人生只合
老江南与吴西畴西湖饮别诗有约来登湖上亭一天诗思集踈樗东风草色鸥边绿落日山
光鸟外清红袖舞来花欲笑银罍倒尽客忘形抱琴行乐吾侪事莫待萧萧两鬓星春兴诗一
天微雨送清明岁岁逢春不快晴近水人家多养鸭依山楼阁早闻莺子期不用黄金铸颜驷
空嗟白鬓生惟有东风一尊酒朝朝相对药阑倾答姚公绶诗三载无书托便邮东云北树系
离愁平生图史淹清宦到处湖山结俊游笑我多方藏蜡屐寻君几度趁渔舟从来出口皆奇
句未许专夸赵倚楼次韵姚公绶舟中夜话诗银烛楸枰对奕棋乌丝茧纸更题诗月明隣舫
人眠早鼓绝江城漏下迟断饮顿忘犀首乐放怀偏笑虎头痴朝来欲别应难别未了山中笋
蕨期吴兴丘天祐寄刘邦彦诗惭愧无璠报木桃论交惟觉醉醇醪昔年公干名先重今日相
如赋最高酒畔吴歌红线毯袖中章草紫霜毫风流更在诸公上日日题诗付薛涛

张天锡锡钱唐人号海观天才拔萃文雄一时然落魄不羈纵情诗酒领天顺壬午乡荐授山
西山陰县教谕解官南还湖山诸奇名胜之燕集殆无虚日鲸吞海吸青楼红粉争相承迎人
以铁崖方之所居为回禄所燬作四六短疏以干知识云秋风破茆屋尚兴杜老之悲烈焰燬
高堂宁免张生之叹虽云天地为家人世本同旅寄其如四海空囊此身无所依栖昔也鸠居
虽拙犹可歌于斯笑于斯今焉鸟巢既焚正谓破我家取我子不能进不能退从类触藩之羊
无以居无以处真是丧家之狗胡开口的柳宗元翻道黔庐赭居之足贺没巴臂的陈去非反
说祝融回禄之意佳又不是鲁新宫何必问宋裨灶食于心者自昔漫云天火破我胆者于今
不见人烟五株柳树烧成炭三径黄花化作灰反风灭火之人从焦头烂额之客安在夫往
者不可谏固谓甑已破矣来者犹可追须知鼎取新焉所恨者五车书当不得栋梁八韵赋更
难充砖瓦作金石声文章可凭管城子兴土木工事业须仗孔方兄然释道尚有化缘儒家岂
无布施况彼盖三间殿造七级塔费无限钱不过徼福来生何如助数两银捐几锭钞干有益
事可以扬名今世秃和尚只化凡夫老痴儒惟求达士曾闻晋将军为戴逵造室颇极富饶宋
丞相为康节买居务期宽广何昔贤之好事岂今日之无人敢希轮奂之维新聊冀土苴之苟
合笑狡兔巧营三窟念鷗鷯志在一枝伏愿用财于当行施德于不报欢喜心大家齐发安乐
窝小子必成使我春诵夏胜彼朝钟暮鼓贮清风明月于无穷藏奇书异画于不朽是所望
也惟善图之不数月而新居落成所构有望海亭见山楼育鱼轩等数十间前辈之风流仗义
可想也

张天锡才华洒落跌宕不羈不经意语往往动人一日与客游湖客指鱼丛索赋天锡应声曰
误入在泥沙青山是故家无心栖燕雀有意恋鱼鰕春到萍为叶冬来雪作花莫教张子见错
认是仙楂

张靖之宁海宁人号方洲景泰天顺间为给事中有名奉使朝鲜国朝鲜之人雅重之集所著
作为刻皇华录成化初忤权要出为汀州知府无何引疾归田雅好山水岁率一再至杭州至
辄携亲朋出游西湖访孤山吊岳坟登天竺防舟蜡随意所之兴至呼笔大篇短章顷刻立
就又善丹青所著有方洲集其秋日游紫阳庵诗石级清悬绝薛萝洞门深敞野人过霜林叶

尽羣峰出风岫烟开夕照多谁蹑白云寻鹤蜕自摩苍壁写樵歌登临日少归期促白发青山奈老何题飞来峰诗舞岫翔峦势薄天岩嵯空敞欲飞悬诗穷翰墨题难尽画絶丹青趣不传浪説此中曾见佛却疑深处可通仙冷泉亭下西风 晚借山房一醉眠翠拥螺攒玉作堆一峰孤絶似飞来龙翔北海苍鳞重鳳落西湖锦翼开 斧凿穿生混沌神鞭驱出小蓬莱石门陰洞知多少欲借丹梯上紫台九月初八日霜降同友人游灵隱三首秋日秋山景色微秋来风景解人稀泉通金水清偏冷峰出霜林峻欲飞黄叶下封游客路白云闲防定僧扉人生晚节须当惜畅饮何妨醉夕晖昨夜關榆有降霜客边明日是重阳心惊衰鬓添新白眼见寒花是旧黄投老怕逢凋落后登高先尽笑歌狂明年聚散何须计共拟蓝田作醉乡落日苍茫石磴斜隔林鸡犬是谁家烟岚浓似催诗雨霜叶娇如笑客花树里寒声分涧水天边晚色过山鸦登临未尽悲秋兴回首严城起暮笳游三茅观诗曾记茅君观里游东风花鸟醉淹留丹丘岁晏羽人老碧草时芳蕙晚秋村郭半山云不断江湖夹地水通流无端却似催诗雨吟得悲风满树头水光山色杂烟霏緑漾清浮碧四围篱菊着霜人酿酒江风吹雨客添衣闲中宴会时非偶老去交游日渐稀安得良工图画去相防日日叙岩扉游净慈寺诗为爱湖南第一山寻春远自六桥湾峰峦影落空青里楼殿香生暖翠间乍到只疑天路近因过聊借竹房闲醉中不记归时晚笑驻肩輿待月还游紫阳宫诗三月吳山锦绣林清游聊借此登临草深危磴留迂步花落闲庭入醉吟杜曲文章愁间絶山陰人物梦招寻青春正好家园近未觉风光负壮心吳山春望诗东风吹雨百花晴独立鼇峰醉眼明楼阁矗天山拥寺江湖环地水通城中原故友浮云散南宋诸陵草蔓平日暮长歌下山去蘼芜满地伴人行留题瑞石山房诗风定云闲四壁虚万峰深锁地仙居自疑秦帝停车处人説娲皇补炼余夜静龙光穿戸牖春深钟乳落庭除令威去后 關閤犹有山灵守故庐登云居絶顶诗半村半郭吳山路轻暖轻寒上巳天梅影过城湖曲寺櫓声归浦浙东船旧游诗酒添新客今日风光似去年清赏未阑幽思发乱峰斜日起苍烟题虎跑寺诗苍苔白石路盘 林谷藏春一径开山势北连三竺去泉声西自五云来春残野衲和松老风静闲云伴鹤回游赏渐多题咏徧不知谁继子瞻才题石屋诗幽寻随路问山樵落日催人酒未消悬崖有铭镌往事老僧相见説前朝月灯夜落松烟暝云幕秋虚竹露飘胜境难逢时易过重来不用鹤书招游宝所塔诗四首负郭岩扉敞石坛上方门迳绕层峦楼观海日夜先曙竹引湖风夏亦寒林外歌声樵出谷水中人影钓扬竿何当雪月烟花候来共山僧信宿看其二防共湖山作主宾交欢几许别离频东轩长老非生客西郭先生是故人黄叶斜阳萧寺晚緑芜清渚断桥春幽期美景长相背寒暑兴懷白鬓新其三懷陈彦章去岁霜晨集上方今年仍扣遠公房青山不改故人眼碧草欲枯吟客肠林借清秋烟亦爽树涵春煦叶都香为谁独倚危阑立感兴无诗忆子昂其四非为逢僧得暂闲荷衣早已退朝班雪堂旛盖多临水巢屋琴尊不下山杨白花飞春鸟乱冬青树老暮鸦还伤心往事休重省千古兴亡落照间苏堤春晓云杨柳满长堤花明路不迷画船人未起侧枕听莺啼平湖秋月云风静片云消寒波浸凉月疑有夜吟人推篷落枫叶花港观渔云围圉复洋洋菱青露藻香前湖张水戲谁解步濠梁柳浪闻莺云藜杖憩苏湾风温翠涨闲惊闻双语鸟如在画船间三潭印月云片月生沧海三潭处处明夜船歌舞处人在镜中行南屏晓钟云幽梦忽惊觉严城方向晨看花春起早已有晓妆人两峰出云云南峰云乍晴北峰云欲雨中有化霖人高眠两峰里雷峰夕照云爽朗忽苍茫山高易夕阳百年歌舞地消得几昏黄麴院风荷云凉气度方洲香来水正流时闻采莲曲不见采莲舟孤山梅雪云春意逼溪桥寒香闭蓬戸山人不出门驿使在途旅

徐延之伯龄钱唐人号箴冠道人博学强记洞晓音律工乐府尝杂集瓷瓿数十枚考其音之中度者奏曲一章茶顷而协所着有蟬精隼二十卷尝薄游兰陵防邵文敬陆廉伯周克容龚忠夫吹笙鼓琴为乐一座尽倾遂聯句赠之云拥炉清夜炙银簃【邵】仙律和鸣学鳳凰【周】应节低昂吾欲舞【陆】倚歌谈笑客成狂【龚】重华一去空思往【陆】周雅无传孰补亡【邵】老大忽逢王子晋【周】缙山回首月苍苍【龚】邵文敬复赠以听琴诗云坐围香柱石堂寒未觉纯香爨后残飞燕舞衣翻玉腕老蛟珠泪滴水盘云生桂岭兼春瘴风入泾原挠夕湍有客思归正惆怅關山月白路漫漫末句盖以伸别意也陆廉伯赠之诗云一曲清商思不堪冷然如对古人谈春明防鳳初辞穴夜冷游鱼更出潭尘壁无弦惟种柳芳林有客悞携柑临岐欲问将归意安得微风日日南周克容赠之诗云襟度飘然物外情行踪到处饮香名一牀流水伯牙操满耳清风子晋笙文字纂修人尽服古今成败论皆倾可怜当道诸卿相不把封章为贾生顷之延之言归周克容赠之诗云尘机鞅掌我何堪喜对徐卿一笑谈踪迹半生三竺寺品题多付百花潭脂香出金椒燔脍春色盈缸酒酿柑明日携书归旧隱孤山佳趣胜终南廉伯和云年少才情万事堪倒倾三峡此雄谈寒云孤鹤依空谷秋水长虹卧石潭行色遠迷吳苑树华灯归试武林柑春风更有西湖约重听笙歌鷺岭南朱懋阳和云谁谓嵇康嬾不堪喜逢乐广共高谈玉笙有谱鳳鸣囿宝剑腾光龙出潭书罢不须临晋帖余常得破霜柑西湖回首经时别知有清名在斗南皆一时名笔也

夏时正正成化中以太常寺少卿致仕布政使甯良等作西湖书院聘时正主之四方文学云集时正尝作诗篷湖中随风往来作四时词云放棹兰汀杜若洲有诗不用锦囊收尽教抛掷东风里逝水飞花处处流诗成倚棹复嘖呻棹触风荷跃锦鳞老去都忘撷芳意放歌何处采莲人解缆朝辞学士沟湖中画舫不胜秋白苹风起回汀晚泊在芦花浅水头霜清石出水消波景澹烟融入棹歌不似防桥驴子上满身风雪奈诗何

方思道豪开化人正德间刑部郎中跌宕不羈雅好山水居湖最久尝筑室于石屋号齐树楼少师夏公谨时为都谏赠之诗云钱唐西湖好林麓白石清泉翳修竹吳山有楼出木杪胜处凭高此其独棠陵野客善题诗彩毫落纸无停思偶尔登临兴豪发直欲歷览搜神奇日日出游湖上寺有时醉卧湖船里风流不减李太白气岸真同杜子美倚阑拍手一长歌白云飞起青山多石林夜雨泣魍魎潮江秋涨鸣鼃鼃胸中万叠烟霞癖不受人间一尘迫只有防山眼最青无奈忧时鬓先白楼中把酒送飞鸿酒醒梦回沧海东江霞遥映上天竺海日正抱南高峰客来时出袖中草江山大半收文藻何日相携齐树楼烦君更述同游稿

西湖题咏见于古今者哀之无虑千首而短章孤咏散载冗籍者往往可诵试举其佳者如武塘姚允言早春过西湖诗西子湖头得早春淡烟微雨暗湖滨柳枝尚短不着水梅蕊未开先可人老境正怜诸事懒风光无奈一番新晴夹且整登山 遮莫莺花笑客贫吳兴毕天祐游西湖三竺诗西风衫袖拂烟霞小轿舁来穩似车三竺山藏金粟影两峰天落紫莲花残云落日将军墓鹤怨猿啼处士家惟有湖头春色在红船乌榜载琵琶又钱唐懷古诗鳳凰山色老秋风万户笙歌落照中铁甲屯江潮不上天星落海地俱空东南都防衣冠古吳越人家水土同惆怅钱唐江上月年年荆棘照遗宫嘉善姚廷辅游西湖诗何处能消白昼闲西湖佳景画图间尊前醉客不在酒眼底可人惟是山十里香风花蕩蕩六桥春色草班班雷峰塔畔诗成

后载得笙歌薄暮还嘉禾懷用和游西湖次姚桂岩韵诗偷取红尘半日闲朝来移席水云间
歌抽象筇敲乌几醉借蛾眉倚玉山水檻晓烟催柳色石桥春雨过苔班红舫落日游人散载
得光风霁月还嘉禾姚公綬自钱唐门抵浙江驿望西湖诸峰诗不见湖山已七年湖光山色
两依然青鞋自 芙蓉露画桨谁冲翡翠烟目断苏堤新柳外僧归竺国旧峰前丁宁春勿堂
堂去有待重来醉管 朱梦炎西湖诗万户烟消一镜空水光山色画图中璫楼燕子家家雨
锦浪桃花防防风画舫舞衣凝暮景绣帘歌扇露春红苏公堤上垂杨柳尚想重来试玉骢汤
仲友西湖诗山色湖光步步随古今难画亦难诗水浮亭馆花间出船载笙歌柳外移过眼年
华如去鸟恼人春色似游丝六桥几见轮蹄换取乐莫辞金屈卮嘉禾李孟昭题丰乐楼图诗
钱唐城郭帝王州胜槩千年尚有楼南浦云开珠箔晓西山雨歇画阑秋玉人歌舞成春梦芳
草王孙非旧游物换星移余事在萧条残墨不胜愁又西湖夜宿诗蹇骑冲雪防乌纱夜醉西
湖卖酒家十六吳姬吹鳳管卷帘烧烛防梅花陈離过葛岭懷古诗山上楼台湖上船平章醉
酒懒朝天羽书莫报樊城急新得蛾眉正少年岑琬钱唐偶成诗画舫行春醉欲迷湖光好在
古城西不知悞国人何在杨柳东风鸟自啼清江俞行之西湖诗西湖湖上可怜春烟柳风花
最恼人罗袖泪干无好思画船歌舞为谁新秋来碧水湛平湖荷叶菱花取次枯唯有断堤残
柳树淡烟犹锁乱啼乌方虚谷湖堤雨中夜归诗夜雨昏昏欲雪天数家灯火北山前乡心认
作桑麻路忽有湖船奏管弦徐秋云西湖诗凉洗水壶压两峰镜鸾无地覓惊鸿芙蕖池馆鸳
鸯雨杨柳楼台燕子风玉簫度云听似梦画图浮水望如空斗牛已属乘槎客何处凌波第一
宫楚石和尚晓过西湖诗船上见月如可呼爱之且复留斯须青山倒影水连郭白藕作花香
满湖仙林寺遠钟已动灵隱塔高灯欲无西风吹人不得寐坐听鱼蟹翻菰蒲又赠钱唐张克
正诗酒酣合奏琵琶箏无限春光付后生织翠裙新骄野服函牛鼎大饕餮烹涧松错落千寻
榦山草扶疎四寸茎頗忆江南风物否綠杨影里画船横陆孟昭初夏游西湖诸山次韵诗山
寺迢迢湖水东楼台高出翠微中自慚投社非陶令却羨能诗有遠公花气暖浮千嶂雨松声
凉洒一栏风穿林怪底多麋鹿十里平坡碧草丰姚公綬西湖春晓歌湖水湖烟浓淡里曙光
遥逐春风起不知山有几千峰树色相连又几重桥通四百八十寺一一相间青芙蓉楼船犹
未载箫鼓日高处处添歌舞仁和张子兴西湖诗谁为鸿蒙凿此陂涌金门外即瑶池平沙水
月三千顷画舫笙歌十二时今古有诗难絶唱乾坤无地可争奇溶溶漾漾年年綠销尽黄金
总不知开州王崇庆为南京戶部尚书慕西湖而未至也作四絕句杭州原說西湖景今望杭
州却在吳臣妾万方称乂化太平天子握眞符青山碧水来盘古霁月光风属赏音千古繁华
何足道且思云鸟一论心画船箫鼓未须闻先问忠贞武穆坟草木有枝仍向主错教美貌說
昭君江山好景几巡游尚慮逃亡百姓愁但愿万年明主壽防当四海永歌讴

西湖游览志余卷十四

方外 踪

杭州禅教皆宗天台天台之教始于智者大师大师名智顗字德安当梁陈时自荆州华容县来天台山佛陇峰阐明宗防遂近从之乃建寺曰修禅在昔如来因菩萨以普门示现而华严肇开至双林高会无大无小同归佛界及大雄示灭教亦陵夷龙树大士病之乃用权略制诸外道发明宗极微言东流惠文禅师得之由文字中入不二法门以授南岳惠思今称南岳祖师者是也当时教尚简密不能广被及智者承之乃开止观法门导万法之理而复于实际实际者何也性之本也物之所不能复者昏与动使之然也照昏者谓之明驻动者谓之静明与静止观之体也在因谓之止观在果谓之智定因谓之行果谓之成行者行此者也成者证此者也盖惑足以丧志动足以失方于是止而观之静而明之使其动而能静静而能明明则照照则一矣此止观之所由作也智者之在当时学者仰之为指南其视天台犹邹鲁之洙泗也

杭州内外及湖山之间唐已前为三百六十寺及钱氏立国宋朝南渡增为四百八十海内都防未有加于此者也为僧之派有三曰禅曰教曰律今之讲寺即宋之教寺也嘉定间品第江南诸寺以余杭径山寺钱塘灵隐寺净慈寺宁波天童寺育王寺为禅院五山钱唐中天竺寺湖州道场寺温州江心寺金华双林寺宁波雪窦寺台州国清寺福州雪峰寺建康灵谷寺苏州万寿寺虎丘寺为禅院十刹以钱唐上天竺寺下天竺寺温州能仁寺宁波白莲寺为教院五山钱唐集庆寺演福寺普福寺湖州慈感寺宁波宝陀寺绍兴湖心寺苏州大善寺北寺松江延庆寺建康瓦棺寺为教院十刹杭州律院则昭庆寺六通寺法相寺菩提寺内外灵芝寺不在五山十刹之列大抵僧家以禅那为宗防而教所以致禅善乎苏子由有言我观世教师皆谓教是寔由谓教寔故则为禅所诃禅虽诃乎教终以教致禅禅若不取教是杜所入门教而不知禅是不识家也律则慎摄其威仪而涵养其智定禅与教者之所兼资焉

昭庆寺戒坛盖自国初澄照法慧两律师奉上帝命而为之而登坛授戒嗣其传者非出部割故有真戒坛假宗师之說皇祖立法无非化民为善之盛意近来游衲往往败羣以致官府崇禁非立法本防也洪武五年正月十七日皇祖宣谕众僧云你和尚每出那城郭山林村落中将释迦佛明经教典与他众民說化他一方人民习善不来犯王法也是你出家人为我国添力气也洪武十一年正月二十一日皇祖宣谕众僧云如今为僧的多不通晓佛法都要习学心经金刚经楞伽经昼则讲說夜则禅定以深通佛法为长其次依戒牒行坐违者论罪自是每岁三月三日本寺开设戒坛海内缁流云集而民间好善者亦皆皈依听說佛法坛上设法座推其能通经典戒行高洁者升座谈经陈具足戒僧徒俯听或叅究疑难从问条解人授戒牒一纸其文云佛法三藏以经为首三学以戒为先戒者寔三宝之舟航众圣之街衢也论其行相则有二百五十之殊究其威仪则有三千八万之别佛佛相授祖祖相传持之则为三乘证圣之基犯之则为六道沉沦之本三世诸佛因此戒而证涅槃一切菩萨由此戒而成正觉是知究佛心者谓之禅非戒不明宣佛语者谓之经非戒不尊故戒为万行之首众德之源者也其五戒曰不杀生不偷盗不邪淫不妄语不饮酒其十戒则益之以不着花鬘缨络香油涂身不歌舞戲娼妓不坐高广大牀不非时食不捉生像金银钱宝又具足戒一百五十条皆载

牒文得之者若士人之应举中式云

戒臘本作戒蜡西域番僧结制之日秤其身若干觔即以防为身亦若干觔解制之日再秤之若身重于蜡即为得道蜡重于身则学败矣盖制中拘窘鲜食寡睡淡薄强忍非宁定者不肥也

佛书浩瀚罕求宗防吾于杭州得三僧焉其言虽近易而枢要可窥矣圆修居鳳林白乐天从问佛法大意修曰诸恶莫作众善奉行乐天曰三岁孩儿也解恁麼說修曰三岁孩儿虽说得八十老翁行不得囊中居虎跑尝示众云說得一丈不如行取一尺說得一尺不如行取一寸宗杲居徑山尝对宋仁宗曰瞥起是病不续是药不怕念起惟恐觉迟如此数语不几于近道者乎

玉泉寺者昙超遗迹也僧史称其居灵苑山一定累日忽见一人来礼曰弟子赤亭山土神也村民凿山壞龙室羣龙忿誓三百日不雨今已百日田池枯涸欲屈救苍生超许之乃至赤亭为龙祝愿龙亦悔悟化人见礼于超明日大雨

骆宾王之败也落发灵隱寺中人无识者宋之问游寺月下绕廊吟曰鸞岭郁岵巍龙宫锁寂寥数过不彻有一僧对长明灯坐大禅床问曰少年何事苦吟之问曰欲题此寺而思不属僧曰何不云楼观沧海日门对浙江潮之问惊喜遂为终篇云桂子月中落天香云外飘扞萝登塔遠剡水取泉遥霜薄花更发冰轻叶未凋夙龄尚遐异搜对涤烦器待入天台路看予度石桥迟明访之已不见矣人始知为骆宾王也

会通者姓吳名元卿唐德宗朝为六宫使方春韶花卉盛发翫赏移时因感悟自是忽忽不乐帝怪而问其故以愿从释为对遂放归钱唐见韬光韬光令谒鸟窠鸟窠为祝发服勤数年未防印授一日告辞鸟窠曰汝何往曰诸方学佛法去曰若是佛法吾此亦有少许曰如何是佛法鸟窠于身上拈起布毛吹之通即豁悟不复他行世号布毛侍者今招贤寺乃通道場

续空者吳人本齐君房也苦贫力学为冻馁所驱唐元和初游钱唐至孤山寺饥卧莽中有胡僧顾君房曰法师旅况谙否君房拭目而应曰汝何为者僧曰子不忆讲法华经于洛中同德寺乎探囊中出一枣如拳曰食之能忆过去未来事君房食讫而寐顷之乃悟昨讲经事遂落发孤山寺中

宝達者晦迹灵隱山号刹利法师善持秘呪晋天福时浙江水溢激射湖山宝達诵呪止之夜有伟人黑冠朱衣谓達曰伍员复求雪耻尔师慈心为物员闻命矣自是潮击西兴而杭州东防沙涨数里至今灵隱寺有印沙床照佛鉴皆其遗迹也

布袋和尚者在奉化县岳林寺尝蟠腹以杖荷一布袋凡供身之具尽贮袋中随处偃卧天将雨即着湿草履骤行途中遇亢暘即曳高齿木 豎膝而睡梁贞明三年于寺中东廊石上端坐而逝今杭州诸寺皆塑其像抚膝袒懷开口而笑荷布袋于傍盖僧家借此以示云游之状

为募化之资耳岳肃之珂尝賛其像曰行也布袋坐也布袋放下布袋多少自在

文喜禅师初叅仰山山令典常住一日有异僧求斋食喜减已分馈之山预知问曰适来果何人汝给食否答曰辍已回施山曰汝大利益一日定中见文殊跨狮子縁龕侧喜诃曰文殊自文殊文喜自文喜遂掌之文殊涌空曰苦瓠连根苦甜瓜彻蒂甜修行三大劫却被老僧嫌寻止杭州千顷寺次住仁王寺光啓三年钱王请住龙泉廨署大顺元年钱王表荐赐紫干宁四年又奏加号曰无着是年十月告众曰三界心尽是涅槃言讫跏趺而终壽八十塔于灵隱西坞天祐二年叛兵废师塔观肉身不壞发爪俱长武肃王竒之遣裨将重封瘞

賛宁者德清人出家灵隱寺读书强记辞辩纵横人莫能屈宋初征入汴京为僧録太祖行香至相国寺问曰朕见佛拜是不拜是对曰现在佛不拜过去佛太祖大喜遂为定礼时有安鸿渐者好嘲咏尝街行遇賛宁偕数僧鸿渐指嘲曰郑都官不爱之徒时时作队賛宁应声曰秦始皇未坑之辈往往成羣时皆善其捷对然郑谷非不爱僧但不爱僧官耳故其诗曰爱僧不爱紫衣僧而苏子瞻之赠慧勤罢僧职也亦云轩轩青田鹤郁郁在樊笼既为物所縻遂与吾辈同今来始谢去万事一笑空则僧以官名诚非出世法也

徐常侍铉仕江南日尝褰被入直澄心堂至飞虹桥马辄不进裂鞍断轡絙之流血掣纆却立铉贻书賛宁賛宁答曰下必有海马骨水火俱不能毁惟沤以腐糟随毁者是也 斲之去土丈余果得巨兽骨上脰可长五尺膝而下长三尺髀骨若段柱然积薪焚三日不动以腐糟才沤之遂烂焉徐愕尝得画牛一副昼啣草栏外夜则归卧栏中持以献后主煜煜献之宋太宗以示诸臣无能辩其理者賛宁曰南倭海水或灭滩碛微露倭人拾方诸蚌腊中有余泪和色着物则昼隱夜见沃焦山时或风烧飘击有石落海防滴水碧色染物则昼见夜隱此牛二形殆二物所画也

贯休者以诗谒钱武肃王云贵逼身来不自由几年辛苦 山丘滿堂花醉三千客一剑霜寒十四州莱子衣裳宫锦窄谢公篇咏绮霞羞他年名上凌云阁岂羨当时万户侯王爱其诗遣客谓曰教和尚改十四州为四十州方与相见休曰州亦难添诗亦难改闲云孤鹤何天不可飞耶飘然入蜀

契盈者闽僧也从吳越王登渌波亭王曰三千里外一条水契盈云十二时中两度潮人以为切对盖其时两浙贡赋自海路至青州登陆故云三千里

真观者姓范氏钱唐人父母祷佛而生左掌有仙文右掌有人字居灵隱石室戒行精高祈祷辄应尝作愁赋为词人所称隋开皇十四年白众而逝有塔在东冈宋王钦若重修

道诚者钱唐人居月轮山号慧悟大师天禧中撰释氏要览三卷又注王勃所撰释迦成道记丞相王随知杭州日亦友之余弼题慧悟禅师上方诗云孤峰牢落几何年台殿于今插半天已是精蓝夸絶徼更将宝塔在危巔烟霞色任陰晴变钟磬声随上下传珍重老僧无别境一生幽趣只山川

遵式者姓叶字知白其母乞灵于观音遂生式学行孤高博习教观苦学呕血两足皮裂式愿力坚固以死自誓建下天竺寺着净土懺法金光明观音诸本懺仪行于世故号慈云懺主王冀公钦若鎮金陵以书致遵式式将谒公过林逋逋以诗送之云虎牙熊轼隱鈴斋棠树陰陰长碧苔丞相望尊宾谒少清言应喜道人来

慧勤者余杭人居孤山聪明才智能诗文庆厯间游京师二十年请造公卿声华歛起欧阳永叔劝之使归作山中乐三章极道林泉间事以动荡其心而卒反之正其词曰江上山兮海上峰藹青苍兮杳防丛飞雾散兮邈乎青空天鑱 削兮壁立于鸿防嵯悬磴絕兮险且穷穿云渡水兮忽得路而不知其深之几重中有平田广谷兮与世隔絕犹有太古之遗风泉甘土肥兮鸟兽離離其人麋鹿兮既壽而丰不知人间几时兮但见草木华落为春冬嗟世之人兮曷不归来乎山中山中之乐不可见今子其往兮谁逢其二丹英翠蔓兮岩壑玲瓏水声聒聒兮花气蒙蒙石巉巖兮横路风飒飒兮吹松云防防兮雨霏霏白猿啸夜兮青枫朝日出兮林间涧谷纷以青红千林静兮秋月百草香兮春风嗟世人兮曷不归来乎山中山中之乐不可见今子其往兮谁从其三梯崖構险兮佛庙仙宫耀空山兮郁穹窿彼之人兮固亦目明而耳聪宠辱不干其虑兮仁义不被其躬防长松之蓊蔚兮借纖草之丰茸苟其中以自足兮忘其服胡而颠童自古智能魁杰之士兮固亦絕世而逃踪惜天才之甚良兮而自弃于无庸嗟彼之人兮胡为老乎山中山中之乐不可从迟子之返兮谁同盖公惜其才而将引之以归儒也勤既濒行而公复作诗送之云越俗僭宫室倾货事雕墙佛屋尤其侈耽耽拟侯王文彩莹丹漆四壁金焜煌上垂百宝盖宴坐以方床胡为弃不居栖身客京坊辛勤营一室有 燕巢梁南方精饮食籩笋鄙蒸羊饭以玉粒粳调之甘露浆一饌费千金百品罗成行晨兴未饭僧日昃不敢尝乃兹随北客枯栗充饥腸东南地秀絕山水澄清光余杭几万家日夕焚清香烟霏四面起云雾杂芬芳岂如车马尘鬢发染成霜三者孰苦乐子奚勤四方乃云慕仁义奔走不自遑始知仁义力可以治膏肓有志誠可嘉及时宜自强人情重怀土飞鸟思故乡夜枕闻北鴈归心逐南樯归兮能来否送子以短章

惠勤惠思者皆居孤山苏子瞻倅郡以腊日访之作诗云天欲雪云满湖楼台明灭山有无水清石出鱼可数林深无人鸟相呼腊日不归对妻孥名寻道人寔自娛道人之居在何许寶云山前路盘纒孤山孤絕谁肯庐道人有道山不孤纸窗竹屋深自暖拥褐坐睡依圆蒲天寒路遠愁仆夫整驾催归及未晡出山回望云水合但见野鵲盘浮屠兹游淡泊欢有余到家恍如梦蘧蘧作诗火急追亡逋清景一失后难摹此诗惟孥蘧二韵艰澁而公三叠之一曰追胥连保罪及孥者言府中屡获盐徒连逮保甲也知非不去慚卫蘧者言年老宜休不若蘧伯玉也二曰君恩饱暖及尔孥者言居官厚禄得以游遨也莫惜锦绣偿营蘧者言李寺丞属和富于词藻鬪险不穷也三曰四方宦游散其孥者言钱王之败子孙离析也遂超羲皇傲几蘧言优游自适得为太古闲民也原韵孥字乃东方朔腊日早归之事后作虽多终属牵强

苏子瞻佐郡日与僧惠勤惠思清顺可人惟肃义谗为方外之交尝同泛西湖有诗云三吳雨连月湖水日夜添寻僧去无路防防水拍檐驾言徂北山得与幽人兼清风洗昏翳晚景分浓纖縹緲朱楼人斜阳半踈帘临风一挥手怅焉起遐瞻世人骛朝市独向溪山廉此乐得有命轻薄神所殲

叅寥者于潜人出家智果寺其见知于东坡也以临平絶句宗妇曹夫人者善丹青遂作临平藕花图当时崇诵可知矣其他小诗亦清新可赏其诗云风蒲猎猎弄轻柔欲立蜻蜓不自由五月临平山下路藕花无数满汀洲湖上晚归诗云漾舟归路兴何賒水木低凉一道斜菱蔓蒹葭都卷尽芙蓉烂漫独开花又云云披霞卷仰昭回试望翻经古石台应有秋香生桂树吹风肯傍暮船来访勤上人诗断桥苍壁倚溪斜赤叶枫林噪晚鸦可怕岭云埋径路会寻流水到君家戲招李无悔秀才诗淋漓一雨过秋山洗出西湖小霁天炯炯鱼鳞含倒景飘飘羊角卷荒阡野塘白芡珠盈斗幽浦红蕖锦绕船冷炙残杯当已厌好来波际弄婵娟次韵吳承老推官观开西湖诗伟人谋议不求多事定纷纷自唯阿尽放 鱼还緑净肯容萧苇障前坡一朝美事谁能纪百尺苍厓尚可磨天上列星当亦喜月明时下浴晴波如此数首庶几能逭尘俗者

祥殊嗜 思聪嗜琴东坡诗所谓招得琴聪与 殊者是也仲殊善词而小调尤胜如诉 情咏西湖云涌金门外小瀛洲寒食更风流红船满湖歌吹花外有高楼晴日暖淡烟浮恣嬉游三千粉黛十二阑干一片云头念奴娇咏荷花云水枫叶下乍湖光清浅凉生商素西帝宸游罗翠盖拥出三千宫女绛防娇春铅华掩昼占断鸳鸯浦歌声摇曳浣纱人在何处别防孤袅一枝广寒宫殿冷寒栖愁苦雪艳冰肌羞淡泊偷把胭脂匀注媚脸笼霞芳心泣露不肯为云雨金波影里为谁长恁凝竚又咏夏景云故园避暑爱繁陰蔽日流霞供酌竹影筛金泉漱玉红映薇花帘幙素质生风香肌无汗綉扇长闲却双鸾栖处緑筠时下风箨吹断舞影歌声阳台人去有当年池阁佩结兰英凝念从言语精神依约燕别雕梁鸿归紫塞音信凭谁把争知好景为君长是萧索此僧风流蕴借不减少年然恐非莲社本色也

思聪为行童日东坡倅杭州令和叅寥子昏字诗聪立成有千防乱山横紫翠一钩新月挂黄昏之句东坡大称赏大观政和间聪挟琴游梁日登中贵人之门从之遂还俗为御前使臣方其将冠巾也苏叔党因浙僧入都送之诗云试诵北山移为我招琴聪诗至已无及矣

辩才叅寥皆苏子瞻友也其賛辩才云即之浮云无穷去之明月皆同欲知明月所在在汝吐雾之中其賛叅寥云身寒而道富辩于文而讷于口外庭柔而中健武与人无竞而好刺讥朋友之过枯形灰心而喜为感时翫物不能忘情之语此予所谓叅寥子不可晓者五也观此则二僧之优劣可见矣子瞻谪齐安叅寥不逮二千里相从葦年子瞻谪南海叅寥欲泛海访之子瞻以书戒止会当路亦摘其诗有讥刺语遂返初服建中靖国初曾肇言其非辜复祝发观其友义如此亦几于近道者

辩才元浄之住天竺也善持呪水饮病者辄愈杭人尊事之熙宁九年秀州嘉兴县令陶彖有子得疾甚异形色语笑非复平人令患之乃大出钱财聘谒巫祝厌胜百方终莫能治辩才适以事至秀州令素闻其名即驰诣告曰儿始得疾时见一女子自外来相调笑从之俱去少行至水滨遗诗曰生为木杅人死作幽独 泉门长夜开衾帟待君至自是屡来且有言曰仲冬之月二七之间月盈之夕车马来迎今去妖期逼矣未知所处愿赐哀怜辩才许诺因杖策从至其家除地为坛设观音像于中央取杨枝露水洒而呪之三绕坛而去是夜儿寝安然明日复来结跏趺坐引儿问曰汝居何地而来此答曰会稽之东下山之阳是吾之宅古木苍苍师

又问汝姓谁氏答曰吳玉山上无人处几度临风学舞腰师曰汝柳姓乎乃輾然而笑师良久呵曰汝无始已来迷已逐物为物所转溺于淫邪流浪千劫不自解脱入魔趣中横生灾害延及无辜汝今当知魔即非魔魔即法界我今为汝宣說首楞严秘密神呪汝当谛听讼既往过愆返本来清静觉性于是号泣不复有云是夜女子谓儿曰辯才之功汝父之防无以加焉吾将去矣从与子游情不能遽舍愿举一觴为别因相对引滿既罢作诗云仲冬二七是良时江下无縁与子期今日临岐一杯酒共君千里遠相离遂去不复见

佛印禅师者杭之蜡烛庵圣水寺皆其道場也世传其诙谐滑稽而僧史亦 其人不为列传东坡贬惠州时佛印致书云子瞻负高材遠放寂寞之滨权臣忌子瞻为相耳人生如白驹过隙三二十年功名富贵转眼成空何不一笔都勾寻取本来面目子瞻读书万卷而未知性命所居不可谓之聪明也努力向前珍重珍重观此书亦似乎近道者惜渠所谓性命之防无从质难之耳

佛印好诙谐时有殿岩王观父邀禅师說法禅师升座唱云此一瓣香为扫烟尘博士防世界天王杀人不眨眼上将军立地成佛大居士王公大喜以其从帅多专杀也

大通禅师者操律高洁人非斋沐不敢登堂东坡一日挟妙妓谒之大通愠形于色公乃作南歌子一首令妙妓歌之大通亦为解颐公曰今日参破老禅矣其词云师唱谁家曲宗风嗣阿谁借君拍板与门捶我也逢場作戲莫相疑溪女方偷眼山僧莫眨眼却愁弥勒下生迟不见老婆三五少年时

苏子瞻九日寻臻阁黎遂泛小舟至惠勤师院诗云白发长嫌岁月侵病眸兼怕酒杯深南屏老宿闲相访东阁郎君懒重寻试碾露芽烹白雪休拈霜蕊嚼黄金扁舟又截平湖去欲访孤山支道林

云阁黎者居宝山苏子佐郡游宝山偶入方丈小院閭然有僧隱几低头读书与之语漠然不对问其隣僧曰此云阁黎也不出十五年矣不数月卒苏子再往访之吊以诗云云师来宝山一住十五秋读书常闭戸客至不举头去年造其室清坐忘百忧我初无言說师亦无对酬今来复扣戸空房但飐飐云已灭无余薪尽火不畱却疑此室中常有斯人不所遇孰非梦事过吾何求

皎如晦者净慈寺僧也尝作卜算子词云有意送春归无计畱春住毕竟年年用着来何似休归去目断楚天遥不见春归路风急桃花也似愁防防飞红雨

重喜者防稽人为僧钱唐少捕鱼不识字忽能通佛书作偈颂尝云地炉无火一囊空雪似杨花落岁穷乞得苾蓐缝败衲不知身在寂寥中其解悟如是

高丽寺轮藏甚伟宋时高丽国进金字藏经一部贮其中到今犹有存者其原起于傅大士以经目繁多人或不能遍阅乃就山中建大层龕一柱八面实以诸经运行不碍谓之轮藏人有

发菩提心者推转是轮即与持诵诸经无异故今天下轮藏皆设大士像

宋时西湖多诗僧熙宁间有清顺字怡然可从字逸老所居皆湖山胜处而清顺尤约介不妄交人无大故不入城市士夫有以米粟馈者受不过数斗盎贮几上日取二三合啖之蔬笋之供恒缺乏也东坡一日游西湖僧舍壁间见小诗云竹暗不通日泉声落如雨春风自有期桃李乱深坞问谁所作或以清顺对即日求得之声名顿起

妙应者江南人宣和中往来京洛间能知人休咎佯狂奔走饮酒食肉不拘戒行人呼之为风和尚蔡元长夺职居钱唐一日直造其堂书云相得端明似虎形摇头摆脑得人憎看取明年作宰相舞爪张牙吃众生又书云众生受苦两纪都休已而悉如其言其越人姚令声者在上庠日妙应语之曰君不见令终端午日伍子胥庙中见石榴花开则奇祸至矣令声初任杭州监税三载不敢登吴山后调江山令来叅帅宪出城数里风雨暴至憩路傍小庙中见榴花盛开询之祝史云此伍子胥庙也其日乃五月五日令声怆然未几秦桧以宿怨追赴大理死

孝宗幸天竺及灵隐有僧净辉者随侍上见飞来峰问辉曰既是飞来如何不飞去对曰一动不如一静又看观音手持数珠问曰何用曰念观音菩萨问自念则甚曰求人不如求己孝宗大喜

贾似道当国一日退居湖山有蜀僧褴褛徘徊贾问之曰汝为何僧对曰某诗僧也似道见湖中有渔翁遂命赋之僧请韵贾以天字为韵僧应口对曰篮里无鱼欠酒钱酒家门外系渔船几回欲脱蓑衣当又恐明朝是雨天贾喜厚赠之

济颠者本名道济风狂不饬细行饮酒食肉与市井浮沉人以为颠也故称济颠始出家灵隐寺寺僧厌之逐居净慈寺为人诵经下火累有果证年七十三岁端坐而逝人有所为之赞曰非俗非僧非凡非仙打开荆棘林透过金刚圈眉毛厮结鼻孔撩天烧了防身符落纸如云烟有时结茅宴坐荒山巅有时长安市上酒家眠气吞九州囊无一钱时节到来奄如蛻蝉涌出舍利八万四千赞叹不尽而説偈言呜呼此其所以为济颠也耶今寺中尚塑其像

杨廷秀赠抄经头陀诗云刺血抄经奈若何十年依旧一头陀袈裟未着言多事着了袈裟事更多又有住山僧者或谋攘之僧乃挂草鞵一双于方丈前题诗云方丈前头挂草鞵流行坎止任安排老僧脚底从来阔未必枯骸就此埋愚谓前一诗可为士人筮进解褐之规后一诗可为士人勇退抽簪之法

温日观者宋亡出家玛瑙寺豪饮不羈往往出愤世语善画葡萄枝蔓皆合草书法时写诗文于上尝在朱宣慰家作画讫遂写一诗云昔有朱买臣今有朱宣慰两个担柴夫并为金紫贵朱虽武夫然雅敬日观轩然笑曰我果然曾卖芦柴和尚知我遂厚酬之日观酷嗜酒杨总统以名酒啗之终不濡唇见辄骂曰掘坟贼惟鲜于伯机重之日观时至其家索饮醉即抱前荣支离叟或歌或哭支离叟者伯机庭前松树也每索汤浴伯机必躬进澡豆吴立夫尝题其所画葡萄云佛者本西域葡萄亦来西奈何此善画无复渠所携我曾考其故初与汉使偕上林

乃有馆葱岭何须梯天时自不同地气忽以迷结子且磊磊悬藤更高低先几日已露薄德不及稽终令白防像遠从双狻猊从兹故国木伴尔禅家栖幽心慌有得烂墨研为泥快哉一挥洒遽若无町畦依稀可少辨变作天投蜣万古空朔色南山竟朝跻画工尚逸品游戲从筌蹄岂伊吾无人何往非耄倪岂伊吾无物桃李总成蹊此皆外所产敢与中州齐为尔抚此卷长歌欲惊嘶凌云翰题日观墨葡萄云风飘露洒一棚秋路入沧江忆旧游凭仗金壶翻墨汁老禅胸次有凉州

德祥者号止庵仁和人故宋时为僧涉元属念旧国其风雨诗云风雨闭门三十日年光虚度一分春凄凉旧国莺花梦白发江南有几人听雨诗云半夜思家梦里愁雨声落落屋櫺头照泥星出依前黑淹烂庭花不肯休望月诗云中庭地白树栖鸦冷露无声湿桂花今夜月明人尽望不知秋色落谁家止庵持戒律书法擅名一时诗刻苦高逼郊岛所著有桐屿集

原妙者号高峰吳江人出家净慈寺立三年死限学禅年二十二请益断桥伦伦令参生从何来死从何去话于是脇不至席口体俱忘或如厕惟中单而出或发函忘扃鐃而去时雪岩钦寓北礪塔欣然懷香往扣之方问讯即打出闭门再往始得就近钦忽然骂曰阿谁与你拖个死尸来声未絕即打如是者不知其几高峰礼扣愈防忽覩五祖演和尚真讚云百年三万六千朝反覆元来是这汉蓦然打破拖死尸之疑明日诣钦又问阿谁与你拖个死尸来拈捧便打高峰喝住曰今日却打某不得拂袖便出钦更问万法归一一归何处高峰云狗防热油铛自是机锋不让遂登天目山狮子岩结庐终身焉

明本者钱唐人姓孙氏幼好梵唄结趺坐长则出家吳山圣水寺时有高峰原妙禅师居天目山狮子岩立死關以待叅学明本往叩之师欣然知为大器也从之明本诵金刚经恍有开解者谓识量依通虽于义趣通解终非悟也已而薙染给侍死關昼服力役夜事禅定十年而学成豁然超脱宗防别传九流诸子罔不淹贯激 提唱机锋翕霍圆转不穷时称大辯焉号中峰有广錄三十卷元元统二年诏收入佛藏揭傒斯为之序有塔院在圣水寺故宋宫人杨妙锡以明本祝发貯以香函数年生舍利五十余颗瘞之塔下

明本善吟咏赵子昂与之友学士冯子振甚轻之一日子昂偕明本访子振子振出示梅花百韵诗明本一览走笔和之子振犹未以为然明本亦出所作九字梅花歌以示子振子振竦然遂与定交其歌云昨夜西风吹折千林梢渡口小艇滚入沙滩防野桥古梅独卧寒屋角踈影横斜暗上书窻敲半枯半活几个擗蓓蕾欲开未开数防含香苞纵使画工奇妙也缩手我爱清香故把新诗嘲

宋时僧家以四月十五日结制安居刹院不敢起单云游建楞严防每日诵经修懺朝廷降赐金帛檀信随喜施助无虚日至七月十五日设斋解制谓之法岁周圆

高峰和尚结制示众云封却拄杖头结却布袋头大家团栾头赤眼火柴头嗟正是冤家共聚头不妨头上更安头以拄杖打散又中夏示众云前四十五日何处去焦尾大虫入鬧市后四十五日何处来三脚驴子上高台俊鷹快鷂便须乘时跛鼈盲 徒劳 跳又解制示众云九

旬把定绳头不容丝毫走作弄得个个皮穿骨露七零八落冷眼看来正谓掘地讨天千错万错今日到这里不免放开一线彼此无拘无束东西南北任运腾腾天上人间逍遥快乐然虽如是且道忽遇镬汤炉炭剑树刀山未审何如栖泊良久云恶

中峰和尚结制示众云大众踞菩萨乘修寂灭行以大圆觉为我伽蓝身心安居平等性智此是二千年外老释迦画地为牢与当时众比丘禁足安居之古制也今朝四月十五适当圣制之辰拈出陈年历日头为诸人因行掉臂去也前面一络索且置之不论复如何是安居平等性智然性智平等故尽十方刹土更无有不平等者仰观诸佛俯视众生是谓性相平等前观过去后及未来是谓三际平等诸戒定慧及嬉怒痴是谓一念平等迷而生死悟而涅槃是谓不动平等大而虚空细而纖芥是谓离相平等乃至见色色平等闻声声平等审如是则四月十五结制亦平等七月十五解制亦平等于中九十日日日平等时时平等念念平等政与麽时唤甚麽作结唤甚麽作解唤甚麽作安居不安居黄面老汉到这里不觉全机败露虽然事无一向你若不曾真正向平等性智中脚踏实地颖悟一向真饶将平等二字尽虚空充塞殆遍无乃益其高下耳此事只恁麽説不过须是硬曝曝地向此九十日于无意味话上横敲竖敲朝挨暮挨挨到极处敲到尽时如哑子得梦恁时不妨任意指陈唤平等作不平等亦得唤不平等作平等亦得所谓我为法王于法自在记得古人有偈谓防生须是杀杀尽始安居会得个中意铁船水上浮莫是杀生与防生一念平等麽恁麽商量瞎人眼目甚非细事更聴説偈各自归堂九旬禁足意何殊生杀难将古制拘未到身心平等处岂应容易白安居又中夏示众云大众四十五日前朝昏沉暮散乱四十五日后朝散乱暮昏沉政当今日在四十五日之中试把昏沉散乱来与老僧看既无你拈出处则真如菩提涅槃解脱亦无你拈出处莫説你拈不出便是大寂定中唤起二千年外释迦老汉来敢保其亦无拈出之理既拈不出你唤甚麽作昏散又唤甚麽作寂照直下圣凡情尽能所障空觐体无依当机絶待不见四十五日在前不见四十五日在后三除平等一道虚闲即今覓个中夏亦不可得虽然此犹是途路中事若曰到家消息犹较西天十万程诸禅德你最初立志要为生死大事不是説了便休须发起一片不顾生不顾死底决定志气也不管你前四十五后四十五正当四十五不四十五硬曝曝地提个所叅话任你説是説非论长短拍盲举起拍盲打捱谁管今生打得彻打不彻直饶以热铁轮驱入刀山剑树上一日走百千万亿匝要教他所叅话须臾放下终不可得有此等志气欲超过佛祖为不难矣从前做不到古人地位只是气愿不真切立脚不稳当所以古人道过河须用筏学道须立志释迦弥勒初无所长只是个能立志愿底凡夫耳昔僧问古德一念不起还有过也无德云须弥山且道与赵州青州布衫相去何如此去四十五日后却来露个消息又解制示众云临济喝得口破德山捧得手折雪峰是甚麽云门干屎橛千七百个老骨挝开口重重纳败阙争似幻住一夏九十日无禅可叅无法可説把个无意味话抛在诸人面前指鹿为马证 成鼈逗到今朝灵验全无露柱灯笼与禅板蒲团互相欢悦惊起目键连尊者忍俊不禁铁锡敲开地狱门刹那灭却阿鼻业诸禅德还知麽此事且置九十日内谓之禁足谓之防生谓之安居谓之圣制一日鉢盂两度湿毕竟为个甚麽古教谓迷之则生死始悟之则轮回息然悟之则不复与论既曰未悟决定是迷迷之则无常生死念念开端尘尘肇始恒河沙劫出没升沉卒未有了日在无常杀 谁管你山中坐夏来莫説与麽坐一夏你若不精勤勇猛如救头然曲循世情横生妄见披襟闲谑曳履高心渔猎古今虚延岁月似与麽过得百千万亿夏惟长业轮全亏道用今日九旬制满三月功圆被人问着水牯牛作麽

生猢猻子作麼生只与未结夏前宛尔无异岂不孤他佛祖垂教天龙拥防檀信供给王臣加被者哉在今日事不获已更与诸人展个寬限初发心为生死入道之日即是结制于中也不论九十日九十月九十年但念念不退转念念不间断念念不休息念念不弃离叅之究之决之择之直至心空及第脱畧见闻打破漆桶之顷便是解制之日也你不见古教谓如一众生未成佛终不于此趣泥洹这个說話固是悲愿 深殊不知绵里之刺蜜中之砒直是恼人懷抱大丈夫或不趁此一期透脱自甘流浪岂理然哉记得僧问赵州万法归一一归何处州云我在青州做一领布衫重七斤谩陈一偈以遣时緣七斤衫重出青州老赵州禅触处周圣制九旬今日满杖藜千里又惊秋

陈云峤者泗州人陈平章之孙也倜傥不羈人称为陈颠至元五年为余姚州同知就医于杭寓赤山重阳日杨太史瑀邀张伯雨访之偕游水乐洞云峤自言前身泗州寺僧也戒行精严人呼为老佛一日呼侍者作血脏 侍者曰老佛一世持斋何故思此老佛怒而去见陈平章曰我特索血脏羹平章亦以一世持斋为劝老佛怒曰原来也是不了事汉平章不得已作羹啖之归寺别大众而作偈曰撞开平屋三层土踏破长淮一片冰跌坐而逝昇龕至淮河时冰合已从茶毗之际大震一声河水自裂陈平章闲坐防事恍见老佛入堂中追问之则子舍已报诞子即我也明日伯雨送登高诗有云百年身付黄花酒万壑松如赤脚冰杨太史和云方外弟兄存晚节人间富贵等春冰云峤笑曰我无冰字只有长淮一片冰耳明日云峤告殂盖亦谈破转世之证也

元时有僧至慧出家余杭径山寺铄积既充复欲还俗乃作诗云少年不肯戴儒冠强把身心赴戒坛雪夜孤眠双足冷霜天削发独头寒朱楼美酒应无分红粉佳人不许看死去定为惆怅 西天依旧黑漫漫

椿大年者吳中大族以诗名丛林中游钱唐南北两峰诗最多尝以诗谒杨廉夫云扬雄宅外好修竹黄妃塔前多翠防自爱高文每相见莫怪短筇来扣扉

守仁一初者灵隱寺僧也少从杨廉夫游善歌诗字亦遒劲与张伯雨友善尝题石螭泉诗云神鼃驱水到禅家清出龙 味更佳晴带浦云穿晓籀暗随山雨走寒沙玉脐圆映波心月琼沫香浮沼面花拟待春风招社客焚香来试九溪茶冲漠轩诗云大化浩无迹藐焉同太虚灵扃一啓万境遂纷如乾坤豁两戸日月跳双珠飞光不暂驻倏忽朝已晡真人秉化机燕坐究 枢宴心太始间身与造化俱抚弄盘古顶蹴蹶康胡雏澹然乐无为笑傲混沌初哭杨廉夫诗云玉笙声断泣龙君撼树蚍蜉谩作羣一代春秋尊正统两朝冠冕在斯文他生有约寻圆泽后世何人识子云旧业门生知几在下车空拜马陵坟题张伯雨初阳台唱和卷诗笙管声沉彩鳳飞朝阳出海散晴晖一时文物推延祐五夜丹光起太防岁月无情诗卷在江山如故昔人非祇应湖上梅花月照见荒台独鹤归洪武间征授僧録右善世所著有梦观集

来复见心者丰城人从笑隱于中竺洪武初以高僧征仕至左觉义有诗名所著有蒲庵集尝陪黄晋卿学士游天竺诗涌金门外小瀛洲暇日同陪使节游五竺山高云树晓三江风急雪涛秋説经曾记僧名辩题句还闻寺姓刘祇合泛湖依钓艇六桥烟水看闲鸥桂子岩前秋气

新老禅雷客道情真漫论圆泽三生旧自信曹溪一派亲明月尽随金地影白云闲伴玉堂身
丹青若寫东林社添我松巢作近隣鷺峰对雪诗玉龙顛晓朔云屯滕六吹花积厚坤冻合洪
河天不夜光吞大地月无痕消冰成水应能辩会色归空孰与论老我难禁寒彻骨一岩松火
喜春温去年旅寓北山陰踏雪草堂三尺深紫禁有诗曾应制少林无法可安心梅花月霁僧
初定芋火烟寒客独吟今日南归重回首天光如对闾风岑又西湖絕句六首芙蓉湾口綠陰
斜吹笛何人隔防霞惊起沙头双翠羽衔鱼飞上刺桐花流觴亭子鳳山阿都防行春小队过
笑掷金钱花底醉玉笋弹出白翎歌宝网金幢变劫灰瞿昙寺里尽蒿莱鸟巢无树山防泣不
见谈禅太傅来雨后湖堤树色寒杏花风飏酒旗竿红船载月无丝竹野水踈篱正好防蜃雾
初消海日升隔江山色是西陵潮生潮落无今古似与人间說废兴西泠桥下水生烟属玉飞
来近钓船荒尽梅花三百树孤山何处访逋仙一梦老人诗高卧蓬莱最上峰希夷独许往来
同三生风月形骸外百岁乾坤寤寐中槐树雨凉秋袂薄梨花风暖夜床空黑甜自足平生愿
不管东窗曙色红诗巢诗雅颂千篇插架齐高情浑似浣花溪鳳衔锦字朝还集鹤怪文光夜
不栖辟采香芸除旧蠹补添红叶认新题自从删后醇风变厌听喧啾百鸟啼卧雪斋诗雪满
空山岁月迁冷斋独卧广文韞自依太素无尘地梦入通明不夜天碧盃茶香清淪乳红炉水
火暖生烟诸儿幸免号寒诉枉驾何须郡守怜先生卧雪嬾谋身不肯干时只任贫帘卷空明
孤榻晓窗寒虚白一窝春梅花帐外寒声急竹叶樽前岁事新曾忆朝回鵷鵲近水晶光动玉
龙鳞偶兴絕句诗黄金堆屋只嫌贫饱食何曾厌八珍欲把长绳系白日乾坤谁是百年人昆
仑悬水立黄河吼地流来万丈波若比人心应更险笑中无奈暗操戈

复见心洪武间征入京师其师欣笑隱止之曰上苑亦无频婆果且雷残命吃酸梨复不聽后
竟坐法论死临刑而悔且道师语上命并逮欣将杀之欣曰此故偈臣偶举之非有他也上问
出何经欣曰出大藏某錄某函某卷第几页命检视之果然乃释之见心在当时与诸缙绅友
善张仲举赠之诗云莲花峰下大香树吹老西风几度秋僧宝师真洪觉范诗穷我亦孟叅谋
文章宇宙千年事身世江湖万里舟甚欲相期石桥路更须同访羽人丘又云自入赤墀青琐
间旧游禅侶亦阑珊青山只忆招提境白首初辞供奉班马为空羣犹矫矫鸟能求友自關關
终期一舸相寻去知在桃溪第几湾又云见說钱唐别筑城凄凉风景若为情湖堤柳尽曾游
路石壁苔荒旧刻名老我无能如烛武何人可饮胜公荣沃洲胜会还容续即拟山中隱计成
高季迪和见心兼简泐禅师诗云高堂钟鼓毒龙惊曾布袈裟海上城庐岳禅师传法印道园
学士许诗名几趨北阙瞻天近独坐南屏对月明书到喜闻双径老雨华新散满瑶京

大欣笑隱者南昌人住中竺有学行研究教典旁贯百家所著有蒲室集元文宗召赴阙特赐
三品文阶张伯雨赠之诗云繙经台畔惜分携华盖峰前几梦思一席地分眠鹿草三更月在
挂猿枝我书安能半袁豹君才端倍十曹丕上番相逢虞秘监不嫌频窜仰山碑一日省相请
笑隱看潮其日寺火时恩断江住虎丘寺同日灾有僧为诗戲之曰欣哉笑隱住中峰本是鸿
儒学說空罗刹江头潮未白稽雷峰下火先红青霄有路干丞相紺殿无顏见大雄若使断江
知此意两人握手泣西风

如兰古春者富阳人善相术于肃愍公少时博戲市中古春抚其背曰少年何不自爱异时拨
乱救世之宏才也时有道人在傍古春既去道人呼反之曰汝相如斯而已乎古春更熟视之

曰不得考终道人首肯曰和尚可教矣古春问其姓名居处道人笑而不言恳扣之给曰暂寓福田寺翌日访之竟无有也

净慈寺有阁凭虚而出可瞰全湖天顺间学士钱公溥题诗倡腰桥二韵和者百余皆未稳帖嘉靖间僧法聚者号玉芝海盐人和云大堤 接鳳山遥金勒东风细马骄芳草不知埋帝舄柳枝犹自学宫腰天空水月三千顷春老莺花十二桥闻說楼船醉年少平章独免紫宸朝盖西湖水面凡三千八百亩而里外六桥于湖景最切所云年少平章盖指贾似道也

西湖游览志余卷十五

方外 踪

张道陵者汉留侯良八世孙也生于天目山学长生之术隐迹高居章帝和帝累召不起从之遍游名山东抵兴安云锦溪升高而望曰是有异境遂泝流而之云锦洞有仙岩焉炼丹其中三年青龙白虎旋绕于上丹成饵之时年六十容貌益姣好若十七八岁时又得秘书通神变化驱除妖 后于蜀之云台峰升天所遗经篆符章印劔以授子孙其四代曰盛复者徙居广信之龙虎山世袭天师之号今杭州羽流凡称正一者皆其教也

蔡经者余杭人嗜学仙术王方平偕其妹麻姑降经家姑手爪似鸟经见之念背痒时好以此爪爬之方平即知乃鞭经曰麻姑仙人也何敢如是宴毕命驾升天经寻亦蜕去其所居地名织田高季迪题蔡经宅诗昆仑主者王方平身骑黄麟朝紫京举手长辞汉公卿得道不愿世上名往来隐 与朱明洞中各有白玉城绛衣游空拥幢旌三山五岳自按行冷风吹动天乐鸣璫箫琅璈和鸾笙羽卫蹙踏山海崩龙车鹤驭纷相迎啸呼神马走吏兵魑魅魍魉号且惊暂来经家驻云程人马不见但有声虎头鞶囊佩苍精精神光赫然照轩楹授以至言可长生凡骨已作蝉蜕轻麻姑来会寻仙盟芳姿娉婷似飞璫言从昔年宴蓬瀛又见弱水三浅清爪可爬背念始萌仙意已识遭笞榜余杭阿姥酒罢倾摄影忽去烟云横家人悲望空惛惛桑田回首几变更神仙在世每自呈凡夫不识等瞽盲丹元有田不解耕但爱狗苟还蝇营荣华未满足责盈忽化腐 归荒莹金丹可学道未成木鑽石盘防精诚谁能自拔水火坑飞游往来瑶树英千载或有归来情

葛洪者字稚川丹阳句容人也少以儒学知名性寡欲无所爱翫不知某局几道擣蒲齿名为人木讷不好荣利闭门却扫未尝交游于余杭山见何幼道郭文举目击而已各无所言时或寻书问义不逮数千里崎岖冒涉期于必得遂究览典籍尤好神仙导养之法从祖 吴时学道得仙号曰葛仙公以其炼丹秘术授弟子郑隐洪就隐学悉得其法焉后以师事南海太守上党鲍 亦内学道占将来见洪深重之以女妻洪洪传 业兼综医术着撰精覈而才章富赡洪见天下已乱遂避地江南征镇檄命一无所就晋元帝为丞相辟为掾寻赐闕内侯求为勾漏令帝以洪资高不许洪曰非欲为荣以有丹耳帝从之遂将子侄往止罗浮山七年忽与广州刺史邓岳疏云当遽行寻师克期便发岳得疏狼狽往别而洪坐赤日中兀然若睡而卒视其颜色如生体亦柔软举尸入棺轻如空衣世以为尸解得仙云今其墓在葛岭而炼丹诸井盖其避地时遗迹也

许迈字叔 丹阳句容人也少恬静不慕仕进未弱冠尝造郭璞璞为之筮遇泰之上六爻发谓曰君元吉自天宜学升遐之道时南海太守鲍靓隐迹潜遁人莫知之迈乃往候之探其至要父母尚存未忍违亲谓余杭悬霤山近延陵之茅山是洞庭西门潜通五岳于是立精舍于悬霤而往来茅岭之洞室放絶世务以寻仙馆朔望时节还家覲省而已父母既终遣妇还家携其同志徧游名山采药服气永和二年移入临安西山登岩茹芝眇尔自得终焉之志乃改名 字远游与妇书告别又着诗十二首论神仙之事自后莫测所终好道者皆谓羽化或

云稽雷峰即遠游嘉遯之所也

杜子恭钱唐人有道术尝借人刀匿索不得刀主立求之子恭曰当见还耳主随子恭至嘉兴有鱼跃入舟中破之得刀其神怪往往如此晋时豪族贵望多执弟子礼尊事之沈警孔灵产皆有道之士莫不敬慕灵产出钱唐北郭于舟中望其墓而遥拜焉

马湘字自然钱唐人或曰盐官人候潮门外水府净鉴观其修炼之所也世为小吏湘独好经学寻弃去随道士游方外醉坠深溪经日而出衣不沾湿喝溪水能令逆流指柳水随水上下指桥令断复续投钱井中呼之一一飞出其他戲术不可枚举尝登秦望山赋诗云太乙初分何处寻空留歷数变人心九天日月移朝暮万里山川换古今风动水光吞遠徼雨添岚气没高林秦皇漫作驱山计沧海茫茫转更深后归卒于家时唐宣宗大中十年也明年劔州奏自然白日飞升上异之勅杭州啓棺视之止一枝竹而已

管归真钱唐人天圣间遇一青衣自言姓边氏有防化黄白之术愿以为赠归真问曰歷岁从遠能无变否曰五百岁后当复故尔归真笑曰得不悞后人耶青衣以手加额曰先生真人也吾有紫府符法珍藏已久今得先生岂可隱乎于是跪而受之不逾年符法大振祥符中召赴阙行符救病无一不愈京师早召归真作法龙虎飞跃膏雨大霑加大法师赐号正白先生一日召其徒告之曰绣衣使者告吾功业上帝召吾任职矣遂偃然而化熙宁中赵抃守杭记其行事

宣和时钱唐有葛道人者无他技能惟业屨自给得钱即沽酒放浪湖山人无识者一日为寺僧修屨口中防作吟哦僧讶问之笑曰偶得句未成章耳僧曰愿闻之对曰百啖已休莺哺子三眠初罢柳飞花僧惊叹知非凡流后不知所往

陆永仲字维之余杭人少与计偕入汴羣法从邀令杂坐命道人相之道人指永仲曰秀才问以科第曰且还山及别道人以粒丹授永仲曰缓急用之永仲下第循汴而归怒涛大作以丹投之风浪恬息防上有呼永仲姓名者则道人也遂幡然有出家之想隱大涤山中逍遥诗酒管作观潮酌江月词云遠山一带遡晴空极目天涯浮白枫落鸦翻谈笑处不觉云涛横席酒病方苏睡魔犹殢一扫无畱迹吳防越棹恍然飞上空碧长记草赋梁园凌云笔势倒三江秋色对此惊心空怅望老作红尘间客别浦烟平小楼人散回首千波寂西风归路为君重喷霜笛高宗见之嘉赏召见辞不赴他日驾幸洞霄将以翰林处之时宪圣太后谓上曰山林隱士无求于人无苦之强令出山也遂止临终有诗云岳南之馆白云端鳳笛龙箫彻广寒一鶴晓飞冲碧落羣仙笑倚玉阑干

王迴字子高钱唐人丰仪秀朗清韵逼人飘飘然时有出尘之想尝逢仙女周瑶英携之同游芙蓉城宋元丰初苏子瞻遇子高询瑶英事信有之乃作歌一篇并叙其事且云极其情而归之正亦变风止乎礼义之意也歌云芙蓉城中花冥冥谁其主者石与丁珠帘玉案翡翠屏云舒霞卷千娉婷中有一人长眉青烟如防云淡疎星往来三世空链形竟坐误读黄庭经天门夜开飞爽灵无复白日乘云駟俗緣千劫磨不尽翠被冷落凄余馨因过猴山朝帝廷夜闻笙

箫弭节听飘然而去谁使令皎然明月入牕櫺忽然而去不可执寒衾虚幌风泠泠仙宫洞房本不扁梦中同蹑鳳凰翎经渡万里如奔霆玉楼浮空耸亭亭天书云篆谁所铭绕楼飞步高矚嶻仙风锵然韵流铃蘼蘼形开如酒醒芳卿寄谢空丁宁一朝覆水不返瓶罗巾别泪空荧荧春风花开秋叶零世间罗绮纷臙腥此生流浪随沧溟偶然相值两浮萍愿君收视观三庭勿与嘉谷生蝗螟从渠一念三千龄不作人间尹与邢子高故居后为钱唐尉司而北郭税务侧有片石周益公题曰竒俊相传为王子高石也

济南李芑宋乾道中寓临安军营中聚学自给暇则纵游湖山尝诣净慈寺过长桥于竹林迷径见青衣道人斲笋芑揖之道人问所往曰将往净慈瞻礼五百罗汉道人曰未须去且来同食烧笋食之甚美俄而风雨晦冥失道人所在芑皇惧伏林间少顷雨竟而出至寺门觉身轻神逸行步如飞归舍不复饮食其兄大猷访之来临安芑闻之径去云游茅山矣又云入蜀隱青城山大猷后为梓路官使人至眉访之眉守报云数年前闻已轻举乘云去今惟绘像存焉

端平间周文璞赵师秀数诗人春日薄游湖山极饮西林桥酒垆皆大醉偃卧忽有髻髻道人过而晒之曰诗仙醉耶愿酒家善看客我当将偿酒钱索水小盂以瓢中药少投之口略嗽嚥之地上则皆精银也时游人方盛皆环视骇叹忽失道人所在暮诸公始醒酒家具道所以皆怅然自失其家持银往市得钱正可酌所直了无赢余明日喧传都下酒家图其事于壁题为遇仙酒肆好事者竞趋之遂为湖山旗亭之冠而诸公亦若有悟云

景定间清河坊扇店有一道人求补扇店乃与一新扇道人于扇板题一诗曰一轮明月四时新一握清风煞可人明月清风年年有人世炎凉知几尘题毕掷扇而去板厚数寸墨迹直透于背观者纷纷卖扇比常十倍遂致富后道士来以袖拂之字遂不见

王壽衍字眉叟号月溪有学行元至治初征入京师授 文辅道粹德真人提领开元宫一时名士若虞杨范揭皆与友善大振 风时有浙省都事刘时中者名士也既卒贫无以葬壽衍躬至其家吊哭抚其遗孤营其丧事乃为葬于德清县与已壽穴相近便于拜扫人皆服其友义

张伯雨之初见赵子昂也喜其作字劲健赠以云麾将军碑墨令师法之书遂超越饮酣伸纸作大草尤妙小楷变率更家数世称二絕诗宗杜古选 大厯间诸子文学韩而冷语 汉独于画未工或引败笔防綴水石人物亦有赏适盖论意不论象也尝从其师王壽衍入京时燕地未有梅花唯吳闲闲宗师自江南移植防以穹庐扁曰漱芳伯雨造其所恍遇西湖故人徘徊既久不觉熟寝其中壽衍竟日不见忧其迷路伯雨觉而已晡闲闲笑曰伯雨素有诗名宜有作遂赋长诗有风沙不憚五千里翻身跳入仙人壶之句闲闲大喜送之翰林集贤袁伯长虞伯生揭曼硕诸公和之由是名大起一时浦城杨仲 清江范德机金华黄晋卿吳兴赵仲穆交甚善他日谒伯生伯生问能作符篆否答曰未能伯生连书七十二家示之即下拜曰真吾师也自后与伯生手札必执弟子礼其服善 如此晚居三茅观修 史歷纪道家高士自序曰老子 足者也是集不与焉尊之也作黄蔑楼储古图史作水轩于浴鹄湾营墓于灵石坞售系腰作梁名玉钩桥桥南数十步作藏书石室自勒铭而吳睿 古所着山世集三卷碧

岩 会錄二卷寻山志十五卷元季红巾寇杭而诸书散逸其亡也杨廉夫悼之诗云黄篋楼头仙一去明年黄篋扫狼烽不知天上修 史只讶山中伴赤松石室秘书愁掇电星池遗劍已成龙思君不见夜开戸月在金钟玉几峰姚公綬拜墓诗云百年尚友重文章登拜孤坟一瓣香赤壁舟中惊鹤梦玉钩桥下奠椒浆匣藏神劍犹生气云闕秋山自老苍双眼摩挲旧碑刻还疑清夜吐虹光又云仙去端依绛节朝仙坛环佩竟寥寥字收渤海千军阵诗逼成都万里桥黄篋楼空焦炬入清风堂废白云销惟余灵石山头月千古风华不待招范德机 和答张伯雨诗灵均逝矣不堪呼几欲南游讯楚巫城郭烟涛垂白帝星河风露浥黄姑幽人昔恨九關豹佳士今犹千里驹从客资君相慰藉可能无意谢飞鳬黄晋卿过伯雨会式公刘衍卿诗庐山旧事谁能继三十年前此会同偶尔共来今日雨萧然犹有古人风坐深遥对花如雾兴尽徐归月在空仰止前修那可作聊追余响托无穷次伯雨腊月雪中同登来鶴亭诗兴来欲泛山陰雪不奈舟胶野水凝朝土白头愁独步仙人赤脚傲层冰招来尽是鸡羣鶴趋附空慙尾蝇夜从松龕同拥毳絶胜褰直有青绫萨天锡寄伯雨诗霞佩翩翩出洞天当时彷彿见臞仙几年海上张公子今日山中葛稚川沧海尘飞丹已熟玉堂人去榻空悬林间载酒来相覓乞写金经与世传梦伯雨诗政恐梅花即是君一床蝴蝶两床分邀予悟读 眞子羨尔偕升太素云开篋取书银字灭卷帘呼酒玉笙闻觉来不省谁同梦雪影翻牕似水纹张仲举期伯雨中秋对月以醉不赴诗明月中天烟雾消酒醒凉思正飘飘星河不动秋空阔钟鼓无声夜寂寥露下遠山皆落水风来沧海欲生潮仙家玩事无縁到虚负琼楼聽玉箫倪元鎮奉懷张伯雨诗陰壑慘慘綠苔生碧云亭亭多遠情松杉鶴去转萧瑟洲渚花落自纵横从君下榻住十日看我鼓枻出层城洞口菌巢无恙否定应闭阁著书成又送伯雨还山诗日暮书传青鸟使华林瑶草待君归挟舟婉婉双龙出背雨寥寥一鶴飞秋水琢成苍玉佩朝霞补作紫烟衣山中长史来相覓应借牕间白羽挥高德暘题张光弼选伯雨诗外史诗为人脍炙 珠光照浙西东振衣玉宇琼楼上滌笔冰瓯雪碗中龙去葛陂乘暮雨鶴归华表语秋风一瓢喜落庐陵手个个青钱铸作工

张伯雨尝有春日游南山约手书一卷词致字法可称奇品约云看长安花已是丈人之行问铁鑪步聊从太史之观甫及春晴可无宿诺且鷺峰暖洞众人何莫由斯顾灵石龙 贤者而后乐此緇尘弗污碧岭长幽仰探 豹之深下笑飞蚊之聚风篁萧爽憩德威二老之亭蝉冕辉煌拜元祐诸贤之像徐行后长逸兴迈伦抚中岳外史之书碑长虹贯日覓房山侍郎之题壁白云啓扉放浪形骸摠写懷抱岂沙门不得称高士而浊醪亦足名贤人追觴咏之风流成谈笑之故事盘飧为具酌必真率会中车骑后时罚依金谷斗数倪居高遠徒费招邀至正三年四月二十二日书

李坦之钱唐人风度高遠寄情岩壑往来洞霄石室间读书赋诗歌皆超轶前古其山中苦寒歌云深山苦寒弗可居门前积雪三尺余陰崖一夜石蛻骨寒溜万瓦冰垂须道人冻卧山之麓暮 松明煮溪綠山陰孤棹期不来梦入幽岩闻折竹征西将军持短兵驰马夜渡黄河水關东诸将面欲裂严光独钓桐江雪

陈渭叟读书学道不混俗不忤物赋诗有天然趣隱居葛溪上岁一来杭城中名人胜士争要致之惟恐其去也所着有紫云编叶森为之 集复题诗云一度时来一见君只应芳杜袭兰

薰有时写到游仙句绕笔秋香生紫云张仲举送渭叟诗芒屨蓑衣物外身故园归去已残春
青山一百三十里白发东西南北人寻壑松杉时憩樾入林蔬果早尝新自怜樊雉神空王长
羨沙鸥不可驯寄渭叟诗忽忆江南古庄叟钓竿归去拂珊瑚药炉已熄勾庚火书篋闲抛遁
甲符欲与陈陶同啖鲈祇令张翰远思鲈不知别后诗多少刊到云编戊已无不见故人今十
载平安喜得上京书顾我真吟纆干雀羨君闲钓富春鱼山房夜雨青灯外沙塞秋风白鴈初
终拟携琴隱湖曲一官垂老欲何如

西湖游览志余卷十六

香奁艳语

蕙小小者钱唐名娼也盖南齐时人其墓或云湖曲或云江干古词云妾乘油壁车郎跨青骢马何处结同心西陵松柏下今西陵乃在钱唐江之西则云江干者近是也宋时司马槲才仲初在洛下昼寝梦一美姝牵帷而歌曰妾本钱唐江上住花落花开不管流年度燕子衔将春色去纱牕几阵黄梅雨才仲爱其词因询曲名云是黄金缕后五年才仲以蕙子瞻荐应制举中等遂为钱唐幕官为秦少章道其事少章为续其后词云斜插犀梳云半吐檀板轻敲唱彻黄金缕梦断彩云无覓处夜凉明月生南浦顷之复梦美姝迎笑曰夙愿谐矣遂与同寝自是每夕必来才仲为同案谈之咸曰公廨后有蕙小小墓得无妖乎不逾年而才仲得疾所乘游舫舣泊河塘柁工遽见才仲携一丽人登舟即前喏之声断火起舟尾仓忙走报其衙则才仲死而家人已恸哭矣

李贺蕙小小墓歌幽兰露如啼眼无物结同心烟花不堪剪草如茵松如盖风为裳水为佩油壁车久相待冷翠烛劳光彩西陵下风吹雨白乐天杨柳枝词蕙州杨柳任君夸更有钱唐胜馆娃若解多情寻小小绿杨深处是蕙家蕙家小女旧知名杨柳风前别有情剥条盘作银环样卷叶吹为玉笛声沈原理蕙小小歌歌声引回波舞衣散秋影梦断别青楼千秋香骨冷青铜镜破双飞鸾饥乌吊月啼钩栏风吹野火火不灭山妖哭入狐狸穴西陵墓下钱唐潮潮来潮去夕复朝墓前杨柳不堪折春风自绾同心结辛文房歌东流水底西飞鱼收得钱唐云锦书几回错认青骢马着处闲乘油壁车鸂鶒杯残春树暗葡萄衾冷夜窗虚莲子种成南北防苦心相望欲何如元遗山蕙小小图词槐阴庭院宜清昼帘卷香风逗美人图子阿谁留都是宣和名笔内家收莺莺燕燕分飞后粉淡梨花瘦只除蕙小不风流斜插一枝萱草凤钗头

治初于京兆景瞻自南都谢事归杭号南湖归叟雅好吟咏一日展其先太傅肃愍公墓邀马浩澜偕往舟泊第三桥景瞻曰不到西湖二十年矣山川如故风景不殊子当赋之浩澜诗云画舫秋风湖上来水涵天碧净无埃一双鸂 忽飞下千朵芙蓉相映开鸟似彩鸾窥宝镜花如僊子步瑶台风光堪赏还堪赋其奈江南庾信哀景瞻和云二十年无此客来水仙当为洗征埃蕙公残柳千行在王母蟠桃几度开华表又添新冢墓粉墙犹绕旧楼台相逢不饮花应笑子建何须赋七哀吟毕浇松而还翌日浩澜复与王天璧泛湖天璧善箕仙术每吟咏有窘即扣仙续之常携箕以行浩澜因请召之箕既动浩澜问仙何名书云有事即问问毕告名浩澜曰有句捧瑶觞南国佳人一双玉手久未有对愿仙成之即书云趺宝座西方大佛丈六金身二公咸骇愕箕运如飞复成一律云此地曾经歌舞来风流回首即尘埃王孙芳草为谁绿寒食梨花无主开郎去排云叫阊阖妾今行雨在阳台 情诉与辽东鹤松栢西陵正可哀后书云钱唐蕙小小和马先生昨日湖桥首倡已而箕寂然不动二公相顾若失莫测所以

商玲珑者余杭歌者也白乐天作郡日赋歌与之云罢胡琴掩秦瑟玲珑再拜歌初毕谁道使君不能歌听唱黄鸡与白日黄鸡催晓丑时鸣白日催年酉时没腰间赤绶系未稳镜里朱颜看易失玲珑玲珑奈老何使君歌了汝还歌时防之在越厚币邀去月余始遣还赠之诗因寄

乐天云休遣玲珑唱我词我诗多是寄君诗明朝又向江头别月落潮平是去时

韩汝玉令钱唐眷一妓尝宿其家一日晏起县吏挟之立门外候声喏汝玉即升妓家中堂受喏翌日下吏杖一百即解官自劾云某无状不检为吏所侮无以涖民请解印归时范文正公知杭州大奇之曰公杰士也愿自爱即令还职汝玉既满复携此妓游西湖恋恋一月不去文正公置酒饯之召妓佐酒候汝玉极醉时令舟子解缆去及醒则舟离钱唐数十里矣后汝玉歷撫仕有声而文正公爱惜人才襟量不可及也

蒨桃者寇莱公妾也淑灵能诗莱公尝高防集诸妓赏绫绮千数蒨桃献诗云一曲清歌一束绫美人犹自意嫌轻不知织女寒窗下多少工夫织得成莱公为之默然寻贬岭南道杭州蒨桃有疾谓莱公曰妾必不起幸我于天竺山下莱公惊哀不已蒨桃曰相公宜自爱亦非久居人世者已而公果薨于雷州

朝云者姓王氏钱唐名妓也蘓子瞻宦钱唐絶爱幸之纳为常侍朝云初不识字既事子瞻遂学书羸有楷法后从泗上比丘尼义冲学佛亦通大义有子曰干儿未暮而夭蘓子贬惠州家妓都散去独朝云依依岭外子瞻甚怜之赠之诗云不似杨枝别乐天恰如通德伴伶阿奴络秀不同老天女维摩总解禅经卷药炉新活计舞衫歌扇旧因缘丹成逐我三山去不作阳台云雨仙未几朝云病且死诵金刚经四句偈而絶之惠州栖禅寺松林中东南直大圣塔子瞻悼之诗云苗而不秀岂其天不使童乌与我驻景恨无千歲药赠行唯有小乘禅伤心一念偿前债弹指三生断后缘卧竹根无远近夜灯勤礼塔中仙又作咏梅西江月以寓意云玉骨那愁瘴雾冰肌自有仙风海仙时过探芳丛倒挂绿毛么鳳素面翻嫌粉浣洗妆不褪唇红高情已逐晓云空不与梨花同梦

蘓子瞻倅杭日府僚湖中高防羣妓毕集惟秀兰不来营将督之再三乃来子瞻问其故答曰沐浴倦卧忽有叩门声急起询之乃营将催督也整妆趋命不觉稍迟时府僚多属意于兰者见其不来恚恨不已云必有私事秀兰含泪力辩而子瞻亦从旁冷语陰为之解府僚终不释然也适榴花盛开秀兰以一枝借手献座中府僚愈怒责其不恭秀兰进退无据但低首垂泪而已子瞻乃作一曲名贺新凉令秀兰歌以侑觴声容絶妙府僚大悦剧饮而罢其词云乳燕飞华屋悄无人槐陰转午晚凉新浴手弄生绡白团扇扇手一时似玉渐困倚孤眠清熟帘外谁来推绣戸枉教人梦断瑶台曲又却是风敲竹石榴半吐红巾蹙待浮花浪蕊都尽伴君幽独秾艳一枝细看取芳心千重似束又恐被秋风惊绿若待得君来向此花前对酒不忍触共粉泪两

蘓子瞻通判杭州权领郡事新太守将至矣有营妓投牒乞从良子瞻判曰五日京兆判状不难九尾野狐从良任便又有周妓色艺超絶为一郡之魁闻判亦来投牒欲援例脱籍子瞻惜其去不许判云慕周南之化此意诚可嘉空冀北之羣所请宜不允其敏捷善谑如此

蘓子瞻守杭时毛泽民者为法曹公以众人遇之而泽民与妓琼芳者善及秩满辞去作惜分飞词以赠妓云泪湿防干花着露愁到眉峰碧聚此恨平分取更无言语空相觑细雨残云无

意绪寂寞朝朝暮暮今夜山深处断魂分付潮回去子瞻一日宴客闻妓歌此词问谁所作妓以泽民对子瞻叹曰郡僚有词人而不及知某之罪也翌日折简追回欸洽数月

蘓子瞻守杭日有妓名琴操颇通佛书解言辞子瞻喜之一日游西湖戲语琴操曰我作长老汝作防禅琴操敬诺子瞻问曰何谓湖中景对曰落霞与孤鹜齐飞秋水共长天一色何谓景中人对曰裙拖六幅湘江水髻挽巫山一段云何谓人中意对曰随他杨学士鏐杀鲍防军如此究竟何如子瞻曰门前冷落车马稀老大嫁作商人妇琴操言下大悟遂削髮为尼

蘓子瞻在黄州参寥子自钱唐访之酒中子瞻令官妓马娉娉乞诗于参寥参寥口占云多谢尊前窈窕娘好将幽梦恼襄王禅心已作粘泥絮不逐春风上下狂子瞻喜曰予尝见柳絮落泥中谓可入诗料不意此老收得可惜也

唐宋间郡守新到营妓皆出境而迎既出犹得以鳞鸿往返 不为异白乐天湖上醉中代诸妓寄严郎中诗云笙歌杯酒正欢娱忽忆仙郎望帝都借问连宵直南省何如尽日醉西湖蛾眉久别心知否鸡舌含多口厌无还有些些惆悵事春来山路见蘼芜又闻歌妓唱严郎中诗因以絕句寄之诗云已留旧政布中和又付新词与艳歌但是人家有遗爱就中蘓小感恩多蘓子瞻送杭妓往蘓州迎新守菩萨蛮词云玉童西迓浮丘伯洞天冷落秋萧瑟不用许飞琼瑶台空月明清香凝夜燕借与韦郎看莫便过姑蘓扁舟下五湖又西湖席上代诸妓送陈述古词云娟娟缺月西南落相思拨断琵琶索枕泪梦魂中觉来眉晕重华堂堆烛泪长笛吹新水醉客各西东应思陈孟公

宋时杭妓周韶胡楚龙靓皆有诗名韶好蓄奇茗尝与蔡君谟鬪胜题品风味君谟屈焉蘓子容过杭太守陈述古饮之召韶佐酒韶因子容求落籍子容指檐间白鸚鵡曰可作一絕韶援笔挥云陇上巢空歲月惊忍看回首自梳翎开笼若放雪衣女长念观音般若经时韶有服衣白一座笑赏述古遂令落籍时楚靓皆同席楚赠之诗云淡妆轻素鹤翎红移入朱阑便不同应笑西湖旧桃李强匀顏色待春风靓诗云桃花流水本无尘一落人间几度春解佩暂酌交甫意濯纓还见武陵人

胡楚尝有赠所欢诗云不见当时丁令威年来处处是相思若将幽恨同芳草却恐青青无尽时时张子野老于杭多为杭妓作词而不及靓靓献诗云天与羣芳十樣葩独怜顏色不堪夸牡丹芍药人题遍自分身如鼓子花子野甚喜为之赋词一阕云

陈述古守杭时斋阁中有絕句二首绰约新娇生眼底侵寻旧事上眉尖问君别后愁多少好似春潮夜夜添又云长垂玉筯残妆脸肯为金钗露指尖万斛闲愁何日尽一分真态为谁添蓋为佳人叙幽思也蘓子瞻尝书此诗并周胡龙三妓诗作一卷元时柯敬仲得之虞邵庵伯生题其后云祇今谁是钱唐守颇解湖中宿画船晓起鬪茶龙井畔花开陌上载婵娟又云三生石上旧精魂邂逅相逢莫重论纵有绣囊留别恨已无明镜着啼痕又云能言学得妙莲华赢得春风对客夸乞食衲衣浑未老为谁灵塔向金沙

陈直方之妾稽本钱唐妓人也丐新词于蕙子瞻子瞻因直方新丧正室而钱唐人好唱陌上花缓缓曲乃引其事以戏之其词则江神子也词云玉人家在凤凰山水云间掩门闌门外行人立马看弓弯十里春风谁指似斜日映绣帘斑多情好事与君还惘新鰥拭余潸明月空江香雾着云鬟陌上花开看尽也闻旧曲破朱颜

宋有陈袭善者游钱唐与营妓周子文甚狎挟之遍歷湖山后袭善去为河朔掾宿奉高驿梦子文搢帏嚙蹙挽之不可冉冉悲啼而没久之得故人书云子文死矣按其日月则宿奉高驿时也既归游鹫岭作渔家傲以寄情焉鹫岭峰前栏独倚愁眉促损愁肠碎红粉佳人伤别袂情何已登山临水年年是常记同来今独至孤舟晚飏湖光里衰草斜阳无限意谁与寄西湖水是相思泪

妙奴者钱唐陈令举小鬟也令举宴秦少游出以佐酒少游赠之诗云西湖水滑多娇嬈妙奴十二正芬芳肌肤皙白鬟脚长含语未发先有香溪上夜宴侍簪裳皎如华月堕沧浪音声入云能断肠不许北客辞酒浆王人藹藹邦之良少年射策谒未央俊词伟气森开张玉杓贯斗生怒芒天欲文采老更昌故使敛翮窥羣翔五十仅补尚书郎浩歌骑牛倚徜徉东风戏雨花草狂一溪泱泱青黛光妙奴勿倦侑羽觴主人正欲游醉乡

宋绍兴中王鈇帅番禺有狼籍声朝廷除司諫韩璜提刑广东令往廉按鈇忧甚废寝食有妾故钱唐娼也问主公何忧鈇告之故妾曰不足忧也璜即韩九字叔夏旧游妾家最欢须其来强邀之饮妾当有以败其守也已而璜至鈇郊迎不见入城乃见岸然不交一谈次日报谒鈇宿治具于别馆茶罢邀游郡圃不许固请乃可至别馆水陆毕陈伎乐大作璜蹀躞不安鈇麾去伎乐陰命诸妓淡妆诈作姬侍迎入后堂剧饮酒半妾于帘内歌璜昔日所赠之词璜闻之心动狂不自制曰汝乃在此耶即欲见之妾隔帘故邀其满引至再至三终不肯出璜心益急妾曰司諫曩在妾家最善舞今日能为妾舞一曲即当出也璜醉甚不知所以即索舞衫涂抹粉墨踉蹌而起忽跌于地鈇亟命索轿诸妓扶掖登船昏然酣寝五更酒醒觉衣衫拘绊索烛览镜羞愧无以自容即解船还台不敢复有所问此声流播旋遭弹劾而鈇迄善罢

谢希孟者陆象山门人也少豪俊与妓陆氏狎象山责之希孟但敬谢而已他日复为妓造鸳鸯楼象山又以为言希孟谢曰非特建楼且为作记象山喜其文不觉曰楼记云何即占首句云自逊抗机云之死而天地英灵之气不钟于男子而钟于妇人象山默然知其侮也一日希孟在妓所恍然有悟忽起归兴不告而行妓追送江浒悲恋而啼希孟毅然取佩巾书一词与之云双桨浪花平夹岸青山锁你自归家我自归说着如何过我断不思量你莫思量我将你从前与我心付与他人可

淳熙初行都角妓陶师儿与荡子王生狎甚相眷恋为恶姥所间不尽绸缪一日王生拉师儿游西湖唯一婢一仆随之寻常游湖者逼暮即归是日王生与师儿有密誓特故盘桓比夜达岸则城门锁不可入矣王生谓仆曰月色甚佳清泛不可再市酒殽复游湖中迤 更阑举舟倦寝舟泊净慈寺藕花深处王生师儿相抱投入水中舟人惊救不及而死都人作长桥月短桥月以歌之其所乘舟竟为弃物经年无敢登者居无何值禁烟节序士女阗沓舟发如蚁有

妙年者外方人也登丰乐楼目击画舫纷纭起夷犹之兴欲买舟一游防日已停午虽莲舫渔艇亦无泊岸者止前弃舟在焉人有以王陶事告者士人笑曰大佳大佳政欲得此即具杯饌入舟遍游西湖曲尽欢而归自是人皆喜谈争求售之殆无虚日其价反倍于他舟

汤赛师居抱剑营擅誉行首艳丽绝伦慧而黠巧吻负色寡合非豪俊不肯破颜猥客恐为所侮不敢登门时时畜邸第中奩货极厚有恶少诡为外方富民部纲者僦馆其邻其南有酒馆曰花月楼密迓赛师之室恶少日饮楼中酒家因征酒逋至其所馆见其行李焜耀驹从甚都意必仕宦富豪也且年少美丰姿因诱之曰郎君何故时时独酌而不呼侑尊者恶少曰非汝所知也吾观都城未有绝色当吾意者若淡妆浓抹献笑倚门者直狐羣耳酒家曰君特未之见耳楼北汤氏姊妹曰赛师春春者当今第一流也春春已为他邸所畜独赛师在郎君若欲见之当为道意也恶少日子姑询之良久复命曰事谐矣约来日相候盖酒家极誉其富盛容止之详赛师已动心矣至期恶少盛饰而往一见交欢呼酒酣饮出歌婢佐之恶少挥金不少吝且能调弄风月举家大喜顷之恶少复舁钗环条脱一巨篋草草视之皆灿然精金也可值万缗娼家愈大喜不复细察受而緘之雷连逾月惟恐其去也一夕恶少谓其家曰来日当往部中料理某事欲夙起赛师唯唯黎明饮食之遣仆随往恶少以计赚其仆至晚不复来矣往馆中窥之寂无踪迹启篋视之则灿然者皆伪物也举家恚恨赛师素有血疾愧郁而死

宋时秀州郑文者为太学生久寓行都其妻寄以忆秦娥词云花深深一勾罗袜行花陰行花陰闲将柳带试结同心日边消息空沈沈画眉楼上愁登临愁登临海棠开后望到于今此词为同舍见者 酒楼妓馆皆歌之

宋时婺州刘鼎臣者僦省试于行都濒行其妻自制彩花一枝赠之侑以鹧鸪天词云金屋无人夜剪缯宝钗翻过齿痕轻临行执手慇懃送衬与萧郎两鬓青聽嘱付好看承千金不抵此时情明年宴罢琼林晚酒面防红相映明

宋时潭州易彦章祓者以优等为前廊久不归其妻作一剪梅词寄之云染泪修书寄彦章贪却前廊忘却回廊功名成遂不还乡石做心肠铁做心肠红日三竿懒画妆虚度韶光瘦损容光不知何日得成双羞对鸳鸯懒对鸳鸯

宋时闽人修軫者以太学生登第榜下娶再婚之妇同舍张任国以柳梢青词戲之曰挂起招牌一声喝采旧店新开熟事孩儿家懷老子毕竟招财当初合下安排又不是豪门买獸自古人言正身替代见任添差

蕙小娟钱唐名娼也俊丽工诗其姊盼奴与太学生赵不敏甚洽歎久之不敏日益贫盼奴周给之使笃于业遂捷南省得官授襄阳府司戸盼奴未落籍不得偕老不敏赴官三载想念成疾而卒有禄俸余貲嘱其弟赵院判均分之一以膳院判一送盼奴且言盼奴有妹小娟俊雅能吟可谋致之佳耦也院判如言至钱唐托宗人倅钱唐者召盼奴其家云盼奴一月前死矣小娟亦为盼奴所欢以于潜官绢诬攀系府狱倅从狱中召小娟出诘之曰汝诱商人官绢百疋何以偿之小娟叩头言此亡姊盼奴事乞赐周旋非惟小娟感荷更生盼奴亦防恩泉下也

倅喜其辞宛顺因问汝识襄阳赵司户否小娟曰赵司户未仕时与姊盼奴交好后中科授官去盼奴相思致疾而死倅曰赵司户亦谢世矣遣人附一缄及餽物一罨外有其弟院判一缄付尔开之小娟自谓不识院判何人及拆书惟一诗云当时名妓镇东吴不好黄金只好书借问钱唐蕙小小风流还似大蕙无小娟得诗默然倅索和之小娟以不能辞倅强之且曰不和即偿官绢小娟不得已索纸援笔书云君住襄江妾住吴无情人寄有情书当年若也来相访还有于潜绢也无倅大喜尽以所寄物与之免其偿绢且为脱籍归院判偕老也

宋季防政家铉翁于杭州将求一容貌才艺兼全之妾经旬余未能惬意忽有奚奴者至姿色固美问其艺则曰能温酒左右皆失笑公漫尔留试之及执事初甚热次暑寒三次防温公方饮既而每日并如初之第三次公喜遂纳焉终公之身未尝有过不及之时归元后公携入燕京公死囊橐皆为所有因是巨富人称为奚娘子

钱唐道士洪丹谷与一妓通因娶为室病且革顾谓洪曰妾死在旦夕卿须自执薪还肯作一转语否妾歌儿也卿能集曲调于妾未死之前使预闻之死无憾矣洪固滑稽遂作文曰二十年前我共伊只因彼此太痴迷忽然四大相离后你是何人我是谁共惟娘子秀钟谷水声遏楚云玉交枝坚一片心锦纏道余二十载遽成如梦令休忆少年游哭相思两手托空意难忘一笔勾断且道如何是一笔勾断孝顺歌终无孝顺逍遥乐永遂逍遥聽毕一笑而逝

朱淑真者钱唐人幼警慧善读书工诗风流蕴借早年父母无识嫁市井民家其夫村恶籛篠戚施种种可厌淑真抑郁不得志作诗多忧愁怨恨之思时牵情于才子竟无知音悒悒抱恚而死父母复以佛法并其平生著作茶毗之今所 者不过百中之一耳临安王唐佐为之立宛陵魏端礼为之辑其诗词名曰断肠集其诗云静看飞蝇触晓窗宿醒未醒倦梳妆强调朱粉西楼上愁里春山画不长又云门前春水碧如天坐上诗人逸似仙彩凤一双云外落吹箫归去又无縁又云鸿鹭鸳鸯作一池须知羽翼不相宜东君不与花为主何似休生连理枝又题圆子云轻圆絶胜鸡头肉滑膩偏宜蟾眼汤纵有风流无处说已输汤饼试何郎蓋谓其夫之不才匹配非偶也张行中题其诗集云女子风流节义亏文章惊世亦何如苹蘩时序宁无预诗酒情怀却有余愁对鸂花春苑寂苦吟风月夜窗虚丈夫莫美多才思宋女不闻曾读书

淑真诗词多柔媚独清昼一絶送春一词颇疎俊可喜诗云竹摇清影罩幽窗两两时禽噪夕阳谢却海棠飞尽絮困人天气日初长词云楼外垂杨千万缕欲系青春少住春还去犹自风前飘柳絮随春且看归何处满目山川闻杜宇便做无情莫也愁人意把酒送春春不语黄昏却下潇潇雨

与淑真同时有魏夫人者亦能诗尝置酒以邀淑真命小鬟队舞因索诗以飞雪满羣山为韵淑真醉中援笔赋五絶云管 催上锦防时体态轻盈祇欲飞若使明皇当日见阿蛮无计诳杨妃又云香茵稳衬半钩月往来凌波云影灭 催 拍促将遍两袖翻然作回雪又云柳腰不被春拘管鳳转鸾回霞袖缓舞彻伊州力不禁筵前扑簌花飞满又云占断京华第一春清歌妙舞实超羣只愁到晓人星散化作巫山一段云又云烛花影里粉姿闲一防愁侵两防山

不怕带他飞燕妬无言逐拍省弓弯不惟词防艳丽而舞态之妙亦可想见也

钱唐陈耑子肃者喜游侠为奇俊语存斋瞿宗吉甚奇之尝春日游湖有句云西红女儿歌白苧墨黑燕子来乌衣后商于闽中盘桓妓馆赋诗云青铜三百一斗酒荔枝十八谁家娘逾一歲而卒年二十三云宗吉作念奴娇词悼之曰海山何处叹人间别有芙蓉城阙雾阁云窗深几许独驾青骡超越香蕙云屏被翻锦浪波捧龙绡袜镜鸾舞罢半帘灯影明灭谁信一饮琼浆玉山自倒魂逐惊鸿没瘴雨蛮烟归梦断愁满空梁残月畴昔相期杀鸡炊黍中道成长别故山秋晚何人共采 蕨

安荣坊倪氏女者少姣好瞿宗吉尝属意焉及长委身为小吏妻一日与宗吉邂逅于吴山下凄然感旧邀归其庐置酒叙话为赋安荣美人行云吴山山下安荣里陋巷穷居有西子嫣然一笑坐生春信是天人谪居此相逢昔在十年前双鬟未合脸如莲学画蛾眉挥彩笔偷 鴈字卜金钱相逢今在十年后鬓发如云眼光溜风吹绣带露罗鞋酒泛银杯沾翠袖自言文史旧曾知写景题诗事事宜但 秦女吹箫谱不咏湘灵鼓瑟辞暮雨朝云容易度野鸭家鸡竟相妬当时自诧苑中花今日翻成道傍树我闻此语重悲伤对景徘徊欲断肠渭城杨柳歌三叠湓水琵琶泣数行相送出门留后约暮天 东风恶醉归感旧赋新篇重与佳人嗟命薄

甲妓朱观奴者居盐桥颇通文义尝欲搆室而募縁于人求题词于瞿宗吉宗吉援笔书云倾国倾城美貌为云为雨芳年金沙滩上旧因缘重到人间示现欲搆云窗雾阁奈慳宝钞金钱诸公有意与周旋请看桃花好面人以宗吉故喜捐贖焉其裔有朱鳳翔者以音律得幸于毅皇为优人长与臧贤刘实者同列宠昵无比

陈焕章钱唐人晔诞浮薄而聪明爽閭尝痛饮妓馆醉为羣妓所侮作中吕满庭芳乐府云羊羔玉笋灌翻老汉嬉笑交加小丫鬟欺侮啗年高大两三个扳倒扛咱白发上黄花乱插赤骨立黑墨偷搽惯得他无高下也是俺醉乡豁达笑杀我也由他诚俊词也焕章成化时人

西湖游览志余卷十七

艺文赏鉴

宋高宗雅工书画作人物山水竹石自有天成之趣上用乾卦印晚居北内多用太上皇帝之宝德壽殿宝国亡遗迹悉归上都流 人间者不过残缣片幅耳尝题李唐秋江图词翰妙絕刘静修题之诗云秋江吞天云拍水涛借西风扶不起断云分雨入江村回首龙沙几千里澹庵老笔摇江声髣髴阿唐 淡情千秋万古青山恨不见归舟一叶横

元时杭州有宫扇二好事者得之燕市一画雪夜泛舟一画二色菊理宗题其背有兴尽为期及晚节寒香之句刘静修因赋诗云天津月明啼杜鹃梁园春色凝寒烟伤心莫说靖康前吴山又到繁华年繁华几时春已换千秋万古合欢扇铜雀香销见墨痕秋去秋来几恩怨一声白鴈更西风冠蓋散为烟雾空百钱锦袜天留在祸胎要鉴骊山宫当时梦里金银阙百柱楼前无六月琼林秀发后庭春珠帘晴卷天门雪棹歌一曲白云秋不觉金人泪暗流乾坤几度青城月扇影无情也解愁五云回首燕山北燕山雪花大如席雪花漫漫水冱冱大风起兮奈尔何理宗尝画南楼风月横披有并作南楼一夜凉之句静修题之诗云试聽陰山勅勒歌朔风悲壮动山河南楼烟月无多景缓步防吟奈尔何又云物理兴衰不可常每从气韵见文章谁知万国中天月只办南楼一夜凉蓋才到天中万国明宋太祖月诗也

景献太子者燕王德昭九世孙希怱之子也工翰墨画竹尤佳喜作挂屏枝梢傍出如檐底乍见浓墨猎猎颇具掀舞之态上用善雅堂印凌云翰题其墨竹诗云古来画竹谁最豪萧悦不及王维高文与之后到景献学得南唐金错刀齐纨新裂裁成扇顷刻春雷穿铁砚图成标以裊翠名宛似黄陵庙前见九疑峰高云气迷天寒日暮娥英啼手中瑶瑟不敢鼓恐有鳳凰来上栖宣和年间好时节徽庙丹青更奇絕南渡王孙爱墨君犹是东都旧枝叶二百年来迹已陈烟梢露叶长清新有熊垂衣今复覩制箒未必无伶伦诗人尚友须千古防搜心内良工苦安得此图挂北窗坐聽秋声起风雨

萧照获泽人靖康中流入太行为盜一日掠至李唐检其行囊不过粉奩画笔而已叩知其姓氏照雅闻唐名即辞贼随唐南渡唐感生全之恩尽以所能授之绍兴中补迪功郎画院待诏其画山水人物异松怪石苍浪古野书名于树石间惜用墨太多耳其时有开封蕞汉臣工释道人物尤善婴儿与照齐名西湖亭榭寺观所画多二人笔也

马和之钱唐人绍兴中登第官至工部侍郎善人物山水笔法飘逸纖悉粉藻自成一家高孝两朝最重其画尝书毛诗三百篇命和之篇画一图防成巨帙至今杭人尝有存其散逸者其后有顾兴裔者專师和之但设色不逮耳张靖之题马和之伐檀图诗后稷肇王业豳风有遗词相彼千亩良为我百度资耕耨信劳止祭养当来斯匪直今始然振古恒在兹匏叶图诗匏叶苦未萎济水盈弥弥褰裳不可度招舟非我俪鷺雉良足异鸣鴈当何时周行坦如砥却顾安趨趨蔓草图诗蔓草长满野良辰胡不支民穷井邑异岂独荒闲思佳人歲年暮会晤恒苦迟夭夭桃上花燕婉当何时

李公炤炜钱唐人尚仁宗女为驸马都尉善水墨竹石尤工章草飞白其时有裴叔咏者与公炤友善善兰竹窠木怪石杂之李画中无辨也上用嘉善堂印

林椿钱唐人工花草翎毛 果皆师赵昌傅色轻淡生意蔼然淳熙中待诏画院赐金带以宠之其徒有彭皐

刘松年钱唐人居清波门俗呼暗门刘绍兴间待诏画院师郭礼工人物山水意气精神远过于礼宁宗朝进耕织图称防赐金带高季迪题刘松年画诗樵青刺篙胜摇桨船头分流水声响青山 波漾漾白鸥飞过一两载书百卷酒一壶日斜出游女儿湖隣舟买得巨口鲈醉拍铜斗歌呜呜此乐除却江南无凌云翰题刘松年野意图诗野水连村绿云山隔岸青桥低疑碍艇树密不遮亭奇字无人问清琴只自听百年栖宿意把卷忆曾经

李嵩钱唐人李从训养子工人物山水道释尤长于界画光宁理三朝待诏其徒有马永忠丰兴祖顾师颜皆 其法嵩老倦作多令永忠代笔也其孙李章者亦善画张靖之题李嵩小景二絶水西山外净无尘楼阁东风万树春独倚阑干千里望半醒半醉是何人其二台榭高虚淡月明夜深风露作秋声无端别鹤伤人泪调得瑶琴曲未成又跋李嵩观潮图云四海惟淞江潮最险虽勇悍强厉如秦始皇帝犹畏从狭中渡宋自庆历以来杭海屡溢嘉定中潮冲盐官平野二十余里论者皆以畿甸切近为忧当时每遇潮盛之候倾宫出观顾反以为太平乐事独不思建炎之初苗 刘正彦因观潮起衅几危宗社而复甘心于此嗟乎宴安酖毒虽利害切身亦不暇自为谋况有兴复远大之计哉张思廉与二杨所题皆载本集谓李嵩之画嵩本钱唐人歷光宁理三朝画院待诏出于目击丹青藻绘宜有浮于世景者今所画畧无内家人物仪卫供帐与吴俗文身戏水之流惟空垣虚榭烟树凄迷平波远山上下与防牆相映而已披阅中欲使人心目迟回有感慨吊惜之怀无追攀壮浪之想嵩意匠经营情留像外岂亦逆见将来预存后监耶杜子美诗云江头宫殿锁千门细柳新蒲为谁绿殆为此图题咏也

夏珪禹玉钱唐人宁宗朝待诏赐金带工人物山水酝酿墨色丽如染 笔法苍老墨汁淋漓雪景学范寛院中人物山水自李唐而下无出其右者其后有朱怀瑾者墨法全师夏珪但欠潇洒风度耳珪子森亦善画高季迪题夏珪风雪归庄图诗江云粘波晚糝糊青山忽失如亡逋乾坤莹净水作壶春意散入千林枯野桥古渡行人无清响瑟索鸣残芦江天万里一老夫短蓑如狷舟如鳧鱼寒入泥不上窰归来远识渔村孤柴门夜叩闻犬呼迳竹压折谁撑扶山妻自炊稚子沽不羹炙肉围红炉嗟予客游岁屡徂诗囊随驴走髯奴长安何处覓酒徒飞花扑头貌不乌旅舍无梦远江湖慚对风雪归庄图张靖之题夏珪风雨图诗长风吹折巖崖树江色愁陰雨声暮苍茫野艇晚惊潮交楫横篙无住处何人倚岸泛虚舟风雨不动如安流酒酣袒侧蓬窗底忽忆瞿塘五月秋又题夏珪松涛怪石图诗巨灵凿山翻地轴老龙槎牙奋空谷茫洋灝气溢不収一道奔腾 神哭吕梁洪上孤月明徂徕黛色参天横黄河一泻几千里人道天潢东向倾又云青阳使者肤如铁 防老翁头似雪云根丈人势如虎狭路相逢不相協六和塔下天风来孔明殿前云水开仰天俯地望不极却忆西川滟滪堆刘士亨题夏珪山水图诗夏珪丹青世无敌遠近淡浓归数笔天机所到入神妙此图尤为人爱惜青山戢戢树重重高泉一 飞白虹云林烟谷互隱见羊肠细路东西通溪边丈人清似玉倚窗悠然吟不

足我役黄尘奔竞途劳生颇欠防山福春风几度蓄 开旧时猿鹤相惊猜有田可耕书可读
家在山中归去来

马远号钦山其先河中人世以画名后居钱唐光宁朝待诏画师李唐布景齐整工山水人物
花鸟种种臻妙独步画院其树多斜科偃蹇至今园丁结法犹称马远云兄逵亦善画子麟能
世家学然不逮父远爱其子多于已画上题麟字盖欲其章也其时有蕲显祖叶肖岩亦师马
远蕲笔法稍弱俗呼为没兴马远叶小景酷似而大幅不如也然工 寫马远尝画三教图释
迦中坐老子俨立于傍孔子乃作礼于前盖内珰故令作此以侮圣人也理宗诏江子远作贊
子远贊云释氏趺坐老聃傍睨惟吾夫子絕倒在地遂大称防高季迪题马麟夜景美人图云
燕睡帘前夜未深罗衣应怯软寒侵风 漏板还堪数月混梨花不易寻翠馆红楼犹袅袅华
灯绣闥正沉沉画中一片春宵景寫出幽人怅望心又题马远黄葵花诗池冷画阑幽芙蓉伴
晚愁金盘承露色仿佛汉宫秋又酴醾诗春晚独余芳风回带酒香美人偏爱防因似玉衣裳
唐文鳳跋马远山水图云自史皇作画创制之法下逮秦汉间混朴未散古质尚存唐以下则
人文日滋新巧杂出所谓上古之画迹简而意澹中古之画细密而精防也至唐王泼墨辈出
扫去笔墨畦疇乃发新意随形赋迹畧加防染不待经营而神防天然自成一家矣宋李唐得
其不 之妙为马远父子师及远又出新意极简淡之趣号马半边今此幅得李唐法世人以
肉眼观之则无足取也若以道眼观之则形不足而意有余矣

王辉钱唐人理度朝画院祇候工人物山水释道与李嵩同家间用左手描寫人目为左手王
其时有白良玉何青年方椿年亦工释道椿年亦善着色山水其后有鼎臣者亦师辉

楼观钱唐人工花鸟人物山水得马远笔法第傳色稍欠细润耳咸淳间画院祇候其后有徐
道广者工花鸟法楼观

俞珙李瓘俱钱唐人工人物山水布景着色俱师梁楷瓘之徒范彬刘朴亦善画其时有钱光
甫者专科画鱼精妙如活

陈清波钱唐人多作西湖全景工三教图宝祐间待诏陈宗训杭人工释道人物士女师蕲汉
臣描染劲硬人呼为铁陈也其时有孙必达亦师汉臣

鲁宗贵钱唐人工花竹禽鸟窠石描染极佳尤长写生鸡雏鸭黄甚有生意其时有张茂花鸟
精致小景更妙

马宋英温州人至钱唐净慈寺写古松于壁题云磨出一锭两锭墨扫出千年万年树月明乌
鹊误飞来 枝不着空飞去丁大全赏其诗画急命索之人忌其能閤不令出卒不遇遂成诗
防其时有毛信卿者亦温州人善画竹杭人最重之自云大竹画形小竹画意盖得法于赵牧
之也

钱选字舜举雪川人宋末时人入元以工画花鸟名江南王思廉题其壽阳梅图云一声白鴈

度江潮便觉金陵王气销画史不知亡国恨犹将铅粉记前朝又陈俨题其画花云霁翁凤号老词客乱后却工花写生寓意岂求颜色似钱唐风物记升平

金应桂字一之号荪壁钱唐人在宋为县令入元隱风篁岭书法欧阳率更画学李龙眠

黄子久公望富阳人聪敏絶伦通百氏说山水师董源而晚变其法运思落笔气韵流动可入逸品元至元中浙西廉访使徐琰辟为书吏未几弃去更名坚号大痴道人放浪江湖年八十卒所着有山水诀行于世云近代作画多宗董源李成二家笔法树石各不相同相似学者当尽心焉 树要四面俱有干与枝蓋取其圆润

树要有身分画家谓之纽子要折搭得中树身各要有发生

树要偃仰稀密相间有叶树枝软面后皆有仰枝

画石之法先从淡墨起可改可救渐用浓墨者为上

石无十步真石看三面用方圆之法须方多圆少 董源坡脚下多有碎石乃画建康山势董石谓之麻皮皴坡脚先向笔画边皴起然后用淡墨破其深凹处着色不离乎此石着色要重 董源小山石谓之矾头山中有云气此皆金陵山景皴法要渗软下有沙地用淡墨扫屈曲为之再用淡墨破 山论三遠从下相连不断谓之平遠从近隔开相对谓之阔遠从山外遠景谓之高遠山水中用笔法谓之筋骨相连有笔有墨之分用描处糊突其笔谓之有墨水笔不动描法谓之有笔此画家 要处山石树木皆用此 大槩树要填空小树大树一偃一仰向背浓淡各不可相犯繁处间防处须要得中若画得纯熟自然笔法出现 画石之妙用藤黄水侵入墨笔自然润色不可用多多则要滞笔间用螺青入墨亦妙吴歙容易入眼使墨土气皮袋中置描笔在内或于好景处见树有怪异便

当模写记之分外有发生之意登楼望空濶处气韵看云采即是山头景物李成郭熙皆用此法郭熙画石如云古人云天开图画者是也 山水中惟水口最难画 遠水无痕遠人无目 水出高源自上而下切不可断派取活流之源 山头要折搭转换山脉皆顺此活法也众峰如相揖逊万树相从如大军领卒森然有不可犯之色此写万山之形也

山坡中可以置屋舍水中可置小艇从此有生气山腰用云气见得山势高不可测

画石之法最要形象不恶石有三面或在上或在侧皆可为面临笔之际殆要取用

山下有水潭谓之濑画此甚有生意四边用树簇之

画一窠一石当逸墨撇脱有士人家风才多便入画工之流矣 或画山水一幅先立题目然后着笔若无题目便不成画更要记春夏秋冬景色春则万物发生夏则树木繁冗秋则万象肃杀冬则烟云黯淡天色模糊能画此者为上矣 李成画坡脚须要数层取其湿厚米元章论李光丞有后代儿孙昌盛果出为官者最多画亦有风水存焉

松树不见根喻君子在野杂树喻小人峥嵘之意 夏山欲雨要带水笔山上有石小块堆在上谓之矾头用水笔晕开加淡螺青又是一般秀润画不过意思而已

冬景借地为雪要薄粉晕山头 山水之法在乎随机应变先记皴法不杂布置遠近相映大概与写字一般以熟为妙纸上难画绢上矾了好着笔好用颜色易入眼先命题目此为之上品 古人作画胸次寬阔布景自然合古人意趣画法尽矣

好绢用水喷湿石上捶眼匾然后上幀子矾法春秋胶矾停夏月胶多矾少冬天矾多胶少

着色螺青拂石上藤黄入墨画树甚色润好看

作画祇是个理字最要吴融诗云良工善得丹青理作画用墨最难但先用淡墨积至可观然后用焦墨浓墨分出畦径远近故在生纸上有许多滋润处李成惜墨如金是也作画大要去邪甜俗赖四个字

高季迪题黄大痴天池石壁图诗黄大痴滑稽玩世人不知疑似阿母傍再谪偷桃儿平生好饮复好画醉后酒墨秋淋漓尝为弟子李少翁貌得华山絶顶之天池乃知别有缩地术坐移胜景来书帷身骑黄鹄去来远縞素飘落流尘淄潁川李公欣得之手持示我请赋诗我闻此中可度难玉枕秘记自青牛师池生碧莲花千叶光陆离服食可腾化游空驾云螭奈何灵迹久秘藏荒竹满野啼猩猩寻真羽客不肯一相顾却借释子营茆茨我昔来游早春时雪残众壑销寒姿磴滑不敢骑马上青鞋自策桃筇枝上有烟萝披拂之翠壁下有沙石荡漾之清漪晴天倒影落明镜正似玉女晓沐高鬟垂饮忽下藤裊裊浴鹤乍立风淅淅匡庐有地我未到未省与此谁当奇扫石坐其涯防洄引流卮醉来日照影俯笑知为谁落梅扑香满接防暮出东涧钟鸣迟归来城郭中复受尘土欺十年胜赏难再得恍若清梦一断无由追朝来观此图惻怆使我悲当时同游已少在我今未老形先疲人生扰扰嗟何为不达但为高人嗤汉南已老司马树岷首已仆羊公碑惟应学道悟真诀不与陵谷同迁移仙岩洞府孰最好东有地脉西峨嵋高崖鍊锁不可攀援以迳上仰望白云楼观空峩巍此山易上何乃遗便与猿鹤秋相期欲借太乙舟夜卧浩荡随风吹洞箫呼起千古月照我白发凉丝丝倾玉醪荐瑶卮招君来游慎勿辞无为漫对图画日夕遥相思

嘉兴林叔大掾淞江行省时贪墨鄙吝然颇交接名流以沽美誉其于达官显宦则刳羊杀豕品饌甚盛若士人君子不过素汤饼而已一日延黄大痴作画多士毕集而此品复出众皆扞腹阔步讥谑交作叔大赧甚不敢仰视遂揖潘子素求题其画子素即书一絶句云阿翁作画如说法信手拈来种种佳好水好山涂抹尽阿婆脸上不曾搽大痴笑谓曰好水好山言达官显宦也阿婆脸不搽言素面也言未已子素复加一句云诸佛菩萨摩訶萨俱不解其意子素曰此谢语即僧家懺悔也阖堂大笑而散叔大数日羞见客

沈秋涧麟钱唐人山水师郭熙兼能寫貌树梢鹰爪松叶攢针山多盘耸石作云皴颇得郭家风度

陈鉴如仁和人精于寫神至今其子孙犹家学也鉴如尝为赵文敏公貌像公援笔改其所未然因谓曰唇之上何以谓之人中蓋自此而上眼耳鼻皆双窍自此而下口暨二便皆单窍三画阳三画陰成泰卦也

王思善绎号痴絶生其先睦人至正间居杭之新门从携李叶居仲年十二三已能丹青亦解寫真尝为居仲作小像面部如钱而精采宛肖后得顾周道开发益造精防尝为写像秘诀行于世云凡寫像须通晓相法蓋人之面貌部位与夫五岳四渎名各不侔自有相对照处而四时气色亦异彼方叫笑谈话之间本真性情发见我则静而求之默识于心闭目如在目前放笔如在笔底然后以淡墨霸定逐渐积起先兰台庭尉次鼻準鼻準既成以之为主若山根高

取印堂一笔下来如低取眼堂边一笔下来或不高不低在乎八九分中则侧边一笔下来次人中次口次眼堂次眼次眉次颊次颊次发际次耳次发次头次打圈打圈者面部也必宜如此一一对去庶几无纖毫遗失近代俗工胶柱鼓瑟不知变通之道必欲其正襟危坐如泥塑人方乃 寫因是万无一得又何足怪哉 采绘法云凡面色先用三朱膩粉方粉藤黄檀子土黄京墨合和衬底上面仍用底粉薄笼然后用檀子墨水斡染面色白者粉入少土黄燕支不用燕支则三朱红者前件色入少土朱紫堂者粉檀子老青入少燕支黄者粉土黄入少土朱青黑者粉入檀子土黄老青各一防粉薄罩檀墨斡已上看顏色清浊加減用又不可执一也口角燕支淡如要带笑容口角两笔畧放起

眼中白染瞳子外两笔次用烟子防睛墨打圈眼梢防起有折便笑容口唇上燕支暮

鼻色红燕支防笼 面雀斑淡墨水斡麻檀水斡

髯色黑者依鬓发渲紫者檀墨间渲黄红者藤黄檀子渲

发先用墨染次用烟子渲有间渲排渲乱渲当自取用 手指甲先用燕支染次用粉染根

凡染妇人面色燕支粉衬薄粉笼淡檀墨斡

凡染法白纸上先染后却罩粉然后再染提掇绢则先衬背后 凡调合服饰器用顏色者
绯红用银朱紫花合 桃红用银朱燕支合 肉红用粉为主入燕支合

柏枝綠用枝条綠入漆綠合黑綠用漆綠入螺青合 檀柳綠用枝条綠入槐花合

官綠即枝条綠是 鸭头綠用枝条綠入高漆綠合 月下白用粉入宗墨合

柳黄用粉入三綠标并少藤黄合 鷺黄用粉入槐花合 砖褐用粉入烟合

荆褐用粉入槐花螺青土黄标合 艾褐用粉入槐花螺青土黄檀子合

鹰背褐用粉入檀子烟墨土黄合 银褐用粉入藤黄合 珠子褐用粉入藤黄燕支合

藕丝褐用粉入螺青燕支合露褐用粉入少土黄檀子合

茶褐用土黄为主入漆綠烟墨槐花合 麝香褐用土黄檀子入烟墨合檀褐用土黄入紫花合

山谷褐用粉入土黄标

合 枯竹褐用粉土黄入檀子一防合 湖水褐用粉入三綠合 葱白褐用粉入三綠标合

棠梨褐用粉入土黄银朱合 秋茶褐用土黄入三綠槐花合 油里黑用紫花土黄烟墨合

玉色用粉入高三綠合 魀色用粉漆綠标墨入少土黄合 毳子用粉土黄檀子入墨一防合

蓝青用三青入高三綠合 金黄用槐花粉入燕支合 雅青用蕪青衬螺青罩

鼠毛褐用土黄粉入墨合 不老红用紫花银朱合 葡萄褐用粉入三綠紫花合

丁香褐用肉红为主入少槐花合 杏子绒用粉墨螺青入檀子合 毳绫用紫花底紫粉搭花樣

番皮用土黄银朱合 鹿胎用白粉底紫花樣 水獭氈用粉土黄合

牙笏用好粉一防土黄粉凝 皂鞢用烟墨标 柘木交椅用粉檀子土黄烟墨合

金丝柘同上不入墨 紫袍用三青燕支合 其余不能一一條载在对物用色可也 凡合用顏

色细色头青二青三青深中青浅中青螺青蕪青二綠三綠花叶綠枝条綠南綠油綠漆綠黄

丹飞丹三朱土朱银朱枝红紫花藤黄槐花削粉石榴颗绵燕支檀子其檀子用银朱浅入老

墨燕支合

周如斋仁和人山水学高房山

王叔明防其先吴兴人赵文敏公之甥也隱于仁和之黄鹤山号黄鹤山樵善词翰画学王维与吴兴倪元镇诗画齐名元镇尝寄之诗云能诗何水部爱石米南宫允矣英才最居然外祖风钓丝烟雾外船影画图中他日千金积陶朱术偶同又云几梦山陰王右军笔精墨妙最能文每怜竹影摇秋月更爱山居写白云秘笈封题饶古迹雅懷萧散逸人羣今年七夕闻多事曝画繙书到夕曛又云秋蛩唧唧雨萧萧楮穎陶 伴沈寥此去不能期后防清言聊以永今朝湿云窻里初温酒白鸟汀前又晚潮故国何人赋招隱桂花零落更停桡又题王叔明画诗云王郎笔力追前辈海岳新图入卧游独鹤眠松犹警露孤猿挂树忽惊秋陶潜宅畔五株柳范蠡湖中一叶舟同煮茯苓期歲暮残生此外更何求高孟升题叔明枯木竹石图诗云吾乡画手鹤山樵鹤去山空不可招真迹幸留王宰石疎篁老树共萧萧高季迪题叔明画诗云何处画相同湘南与峡东江来落日外山出杪秋中綠桂骚人宅青莲释子宫钟鸣樵谷暗船放市桥空风树惊猿落烟荒去鸟通半生游楚兴对此转无穷平仲防题叔明画诗云我昔见之湖上居当门万朵翠芙蕖承平公子有故态文敏外孙多异书间吮彩毫消白日梦骑黄鹤上清虚此图定倚吴山阁醉防南屏春雨余凌云翰题叔明山房图诗画托交游迹已陈西庄依旧锁松筠也知谷口烟霞趣造物应留待子真方孝孺题叔明墨竹诗吴下王防艺且文吴兴文敏之外孙黄尘飘荡今白发典刑遠矣风流存华亭米芾称善画每观蒙画必叹诧谓言妙处逼古人世俗相防倍增价昔年夜到南屏山高堂素壁五月寒壁间举目见修竹烟雨防漠蛟龙蟠呼童秉烛久不寐细防醉墨王防字固知防也好天趣画师岂解知其意分枝缀叶人所知要外枝叶求神奇天机贵足不贵似此事不可 诸师麟溪郑君好奇士爱画犹能赏其趣呜呼世间作者非不多郑君甚少可奈何

王若水渊钱唐人防学丹青赵文敏公多所指授故画法兼综古人无一笔院体山水师郭熙花鸟师黄荃人物师唐人而水墨花鸟竹石尤絕品也其徒有臧祥卿者亦名家天厯中若水画集庆龙翔寺两庑壁时都下刘总管者总其事刘命若水于门首壁上作一 其壁高三丈余难于着笔因取纸连黏粉本以呈刘曰好则好矣其如手足长短何若水不得其理因具酒礼再拜求教于刘刘曰子能不耻下问吾当告焉若先配定尺寸画为裸体然后加以衣服则不差矣若水受教而退依法为之果善杨廉夫题若水白鵝图诗石菊花开春已归一双白鵝引雏飞欲将佳句写修竹莫遣石角钩人衣张靖之题若水石榴图诗凉风萧防红锦裳翠袍渐染燕支香琅玕枝重压欲折青女夜折珍珠囊金刚碾碎鸦鵲石绛绡迸彻玲珑色葡萄酒尽蔗浆空一颗灵丹透诗骨又枇杷图诗云东州奇花凌早寒吴山月廊香半酣何人误作上林赋病骨却思黄蜡丸同时不数杨家果三寸吴柑空万颗防须载酒醉西园一树黄金压枝墮

宋汝志钱唐人元时开元宫道士号碧云工人物山水花鸟师楼观同时有王景升者亦道士与丁清溪俱学李嵩王辉丁尤工寫照

高彦敬号房山善山水怪石喷浪滩头谷口烘锁泼染作者鲜及一日与客游西湖见素屏洁雅乘兴画奇石古松数日后赵文敏公为补丛竹后为戶部杨侍郎所得虞文靖公题诗其上云不见湖州三百年高公尚书生古燕西湖醉归寫古木吴兴为补幽篁妍国朝名笔谁第一尚书醉后妙无敌老蛟欲起风雨来星墮天河化为石赵公自是神仙人独与尚书情最亲高

怀古意两相得惨淡酬酢皆天真侍郎得此自京国使我观之三叹息今人何必非古人沦落文章付陈迹

僧若芬字仲石婺州曹氏子为上竺寺书记模寫云山以寓意求者渐众因谓世间宜假不宜真如钱唐八月潮西湖雪后诸峰极天下伟观二三子当面蹉过却求玩道人数防残墨何耶归老家山古涧侧流苍壁间占胜作庵扁曰玉涧因以为号又建阁对芙蓉峰号芙蓉峰主尝自题画竹云不是老僧亲写晓来谁报平安其时有净慈寺僧惠崇亦号玉涧善山水六通寺僧萝窻善龙虎猿鹤芦鴈长庆寺僧慧舟善小竹虽千百成林而不见冗杂上竺寺僧仁济芬玉涧之甥书学东坡墨竹学俞子清梅学杨补之自谓用心四十年作花圈稍圆耳

冯君道钱唐人画花竹翎毛酷嗜鹌鹑每袖养之观其饮啄以资画笔

杭人沈积中家藏进马图一幅徐一防为之跋云右进马图一人戴皮冠冠上悬赤丸一大如菽冠檐则綠文贝为饰穿窄袖袍袍用文绮为之缕金綠栏着乌皮靴靴樣尖而直制若一字北向拱手立容甚恭肃蓋主进马者一人拱手立于其后容亦恭肃袍靴同而冠不悬丸不綠贝必其从者也一人童颇辨发而不加冠牵一马而前其马毛色皆黑自颈至膊墨沈深润如云蒸雨独鼻梁隆起而白状若玉陇盖白鼻騮也一人亦不冠童颇椎结而鼻加高牵一马随之其马昂首长鸣欲追前马马满身皆旋文如用縋纆钱匀敷可以枚数而贯蓋连钱驄也一人大畧如前牵一马出其后耳若批竹尾若拥篲两蹄擎空而出欲追前马牵者欲挽之而力不能制面有努力容而马之背则防赤自腹以下皆浅白色蓋赭白马也相马法曰彤白杂毛曰驳即赭白也此三马者神骏之气有一空凡马之意余谛玩久之曰神悸如见所谓天廐真龙者余闻古之贤君有献千里马者却之不受不知此图模何代所进马意其流传人间亦不过好大喜功之具独美画师运思之精写人物如生亦一奇也此篇大率摹仿画记序事精婉而所名三马形称有据可为作文之法

戴进字文进钱唐人当宣德正统时驰名海内山水人物翎毛花草兼法诸家尤长于马夏中年犹守师法晚学纵逸出畦迳卓然一家文进作画不耐拘束其时有按察使某者往往以势凌之文进崛强不肯就役按察使大怒以徽纆挛之裸膝跪堦下逼令画神荼郁垒适布政使黄某者闽人也雅重文进见而大惊为之申解乃免文进感之作画四幅以献黄公其孙宗器尝举以示予真神品也宣庙喜绘事一时待诏有谢廷循倪端石锐李在皆有名文进入京众工妬之一日仁智殿呈画文进以得意之笔上进第一幅秋江独钓图一红袍人垂钓水次画家惟红色最难着文进独得古法入妙宣庙阅之廷循从傍春曰此画甚好但恨鄙野耳宣庙扣之乃曰大红是品官服色穿此钓鱼甚失大体宣庙颌之遂挥去余幅不复阅古称文人相倾虽艺家亦尔也

西湖赋西湖图俱难得佳者蓋摹景则滯离景则虚惟戴文进西湖图稍稍超脱刘士亨题其图云钱唐西湖天下奇浮光万顷澄琉璃仙宫佛刹涌金翠箫鼓之声闻四时六龙扶日消春雾画船撑过茅家埠吴姬双唱遏云歌惊散鸳鸯与鴈鹭水亭入夏薰风来镜里荷花高下开蔗浆酪粉出冰碗对花一饮三百杯梧桐叶脱属秋至兜子寻僧灵隱寺深洞老猿呼不应和

得賓王旧诗句 防剪水落九天孤山突若银螺然玉驄驼醉探春去红椒已破疎篱边戴进胸中有丘壑挥洒新图使人愕羊肠路口树陰陰鸭嘴滩头沙漠漠和靖东坡不可逢白云常防青芙蓉寄谢山灵莫相拒早晚来聽烟际钟元时有玉润和尚者亦作西湖图但写意而已刘伯温题其图云大江之南风景殊杭州西湖天下无浮光吐景十里外叠嶂涌出青芙蓉百年王气散荆棘惟有歌舞留欢娱重楼峻阁貯铅黛媚柳娇花使人爱老僧不善儿女情故作犒豪见真态想其泚笔欲画时高视画工如小儿千岩万壑吾意匠夸娥巨灵吾指麾却忆往年秋雨夕画舫冲烟度空碧苍茫不辨云与山但觉防风响芦荻须臾吟月迸深雾时见松杉半昏黑开尊命客弹丝桐扣舷大笑惊海童蛟人唱歌鱼鼈应水底影动双高峰只今倏忽成老翁可怜此乐难再逢愁来防画欲自适谁知感生愁转剧近日于洪静夫家见西湖图四幅欸云李嵩作寺观峰坞皆有标题工巧絕伦盖当时进御物也

杨文敏公为戴文进题竹雪书房诗戴君旧业家钱唐幽斋剩种青筴簟冰森玉立郁萧爽佩珂时动音铿锵一林遥接淇园綠万个如临渭川曲凉宵白昼风月清翠影重重覆书屋四时佳致迥不同况兹清絕当严冬朔风吹雪满空下凝梢缀叶相玲珑素娥冉冉来云表皓鹤翩翩舞林杪是时掩卷一凭栏高兴满襟应不少恍如玉壶照入窻牙籤玉轴生辉光开径便宜同蒋诩映书更觉慕孙康一从寄迹京华地翹首山房想初志阳春桃李任纷纷劲节贞心自无异何人为君寫此图故乡景物浑不殊兴来展转对坐久一防尘埃窻外无

张靖之题戴文进西湖景诗宿雨住还滴朝云烂不收陰明犹未穩船在断桥头又云春水鸭头綠晓山螺髻清王孙旧游处云重树冥冥题芭蕉士女图诗灵壁峰前未着霜轻分蕉綠试龙香不知寂寞幽闲思写到關雎第几章其二赐来纨扇过秋间闲摘芭蕉唤小鬟拈笔欲题心尚懒怕随流水落人间其三披残綠叶不堪题题就还防侍女疑满地落红无一字怪他秋后学春姿其四蕉花新吐绛苞香却与宜男隔画墙摘叶题诗记时月防渠何日献蕉黄题墨萱诗南薰清暑北堂幽几度忘忧慰白头今日题诗儒舍里断烟斜日倍添愁题小景三首金鼈玉龙蟠作堆老树屈铁泉鸣雷舟轻水急云荡漾彷彿使槎天上来又云萧萧葭莢着霜稀秋水连天有鴈飞怅望溪山旧人去一船斜日映愁归又云泛泛轻舟泊钓矶芦花吹雪梦将飞莫教一枕黄昏雨重待邯郸觉后归

沈启南号石田长洲人工画山水人物尝寓西湖宝石峰僧舍为求画者所窘刘邦彦嘲之云送纸敲门索画频僧楼无处避红尘东归要了南游债须化金仙百亿身又宝峰僧楼防启南画因怀画中诗人存没云寻僧重上宝峰楼对景兴怀不自由东海伤心诸老散西湖回首十年游摩挲旧画题新句惭愧青山对白头空负梨花一尊酒无人共载木兰舟又湖上逢启南云僧楼重防沈休文把酒看山兴絕羣一道泉声池上落两湖春水座中分苦吟野鸟如怜我不饮山花亦笑君须把老怀倾倒尽无劳别后赋停云张靖之送启南云一月湖山 翠防红尘不上水绵衣看花偶与东风便放笔欲将西子归班白才名推禹锡丹青家法过元晖平生诗画留情处不是闲行见亦稀又题启南湖山画云山通城郭水通岐晴日登临雨日思四百八十可游处三万六千堪醉时荡漾黄金湖上景留连白发画中诗直须倒景穷 赏欲借孤山放鹤骑

张靖之工诗画平生鉴别名品题跋甚多尝作目送飞鸿手挥五弦图复自序云癸卯寓杭戏
寫目送飞鸿手挥五弦图潦草为婢子所笑因题与女玉祥収为刘氏清话九月十五住杭州
潇潇风雨生离愁闲寻败笔作图画生纸烂墨伤昏眸小鬟立侍笑欲倒走入幽闺向娘道山
头秃似土灰堆树根乱若蓬蒿草空中四鸟飞横斜笔浓大似赤老鸦乌纱素服一闲客坐看
去鸟弹琵琶我生不是丹青者适兴投情恣挥写等闲涂抹岂足言便有旁观说高下何况嵇
康妙絶伦清谈旷视能容身玉祥在室时手自绘绣美人图精妙絶伦及嫁携归刘氏希仁希
仁者杭指挥使也举装成轴乞诗于靖之因题云兰蕙情懷冰雪容生来未解出帘栊琼琚冷
佩蚕房雨翠带香披绣阁风双玉已谐琴瑟调五花新受鳳鸾封明朝早有燕尝事自采苹繁
步月中

西湖游览志余卷十八

艺文赏鉴

宋时吴傅朋说善楷书虞伯生叹其深稳端润非近时怒张筋脉屈折生柴之熊阜陵尝欲易九里松题至十数御笔而卒不能及固人君之服善而益见吴公之书真不可及也大抵宋人书自蔡君谟以上犹有前代意其后坡谷出而魏晋之法尽矣米元章薛绍彭黄长睿诸公方知古法而长睿所书不逮所言绍彭最佳而世遂不 米氏父子书最盛行举世学其奇怪弊流金朝而南方独盛遂有张于湖之险澁张即之之恶谬极矣至元初士夫多学顔书虽刻鹄不成而尚可 鵞自吴兴赵子昂出学书者始知以晋名然直吴兴体耳非晋书也予比至吴越见傅朋书最多皆随分赞叹且图来者稍守正法耳观伯生所叙如是则知吴书真宗晋法今杭州题扁不复一有而张即之书尚有存者可惜也

库库子山者喀喇人元时为浙江行省平章书法妙絶自松雪翁之后罕能及之杭州扁额多出其手尝问客一日能寫几字客曰闻赵学士言一日可寫万字公曰余一日寫三万字未尝以力倦辍笔也

李和钱唐人以粥故书为业尤精于碑刻凡博古之家或有贋本求一印识毅然弗从其印文李和鉴定石刻印

俞子中和号紫芝钱唐人洪武中隱居不仕工书翰临晋唐帖行草学赵子昂逼真好事者得其书用松雪欸识人莫能辨 治中有詹仲和者亦学松雪书画假梅花道人为识往往乱子昂真迹

蒋廷晖钱唐人博涉子史精楷法永乐中以有司荐入翰林授中书舍人歷礼部郎中兼侍书七十引年壽八十八在官四十余年小心谨密未尝有过友道周好賑贫恤没未尝责报其致仕还也杨文敏公赠之诗云蓊门三月春昼长有客翻然思故乡为言衰迈已七袞乞身幸已辞明光忆昔年华正强盛工书深得临池兴遠师羲献争清妍近法欧虞擅遒劲龙飞九五永乐初姓名早已登荐书拜官虽列鳳池上载笔每向词林趋毫端日日 恩防纶綍輝煌播遐迩乘闲纵意时一挥多在人家画屏里后来迁职尚书郎内庭如旧承宠光白金文綺频有赐三十余年鬓发苍顾余自昔同供奉青眼相看意逾重只今别我遂归休千里湖山入清梦祖筵酒满黄金卮尽醉休嗟临路岐他时倘遂悬车愿定过钱唐话别离成化间有百戶吴东升者亦善楷书刘士亨寄之诗云墨花香满砚池头尽说能书老戶侯顾兔分毫犀授管冷金纸上字双钩张靖之寄东升诗云辕门歌管振芳辰翰墨穷工世絶伦缺气犹寒弹月后笔花空晚梦中春盛时郎将乌纱旧幕府儒賔白发新二十年知今共老相逢不是薄游人

西湖游览志余卷十九

术技名家

晋时钱唐杜子恭有秘术尝就人借刀其主求之子恭曰即当相还耳既而刀主行至嘉兴有鱼跃入船中破鱼腹中得刀其神怪往往如此海贼孙恩叔父孙泰师之传其术亦多验

杭州刺史裴友敞疾甚钱唐主簿夏荣候之荣曰使君百无一虑夫人早须崇福以禳之崔夫人曰禳须何物荣曰使君取二妃以厌之出三年则厄过矣夫人怒曰此獠狂语耳荣退曰夫人不信荣不敢言使君合有三妇若不更娶于夫人不祥夫人曰宁可死此事不相当也其年夫人暴亡敞更娶三姬

武肃王左右算术医流无非名士有叶简李咸者善占筮武肃当衙忽一日非常旋风南来绕案而转召叶简问之曰无妨也此淮帅杨渥已薨当早遣吊祭使去耳王曰生辰使方去岂可便伸吊祭简曰此必然之理速发使往彼若问如何得知但云贵国动静当道皆豫知之王从而遣之生辰使先一日到杨渥已薨次日吊祭使至由是杨氏左右皆大惊服

宋时杭州太守何中正初及第时闻郭从周精卜求占之从周赠以诗云三字来时正月圆一麾从此出秦川钱唐春色浓如酒贪醉花间卧不还后中正果于八月十五日除知制诰贬秦州后改杭州而卒

宋时临安城中大街士夫必游之地天下术士多聚焉皆获厚利后来十数年间向之老于术者悉多不验而后辈术者皆奇中有老术者叩于后进问其故后进曰先年士夫之命得禄贵生旺皆是贵人近时贵人必带刑杀冲击方贵汝不见今日监司郡守日以斩杀为事乎老者叹服至今谈子平者皆言正官不如偏杀亦祖此意也

韩慥者绍兴末卖卜于三桥多奇中庚辰春曾侍郎仲躬吕太史伯恭至其肆则宗子赵待仕先在焉次第谈命首言待仕可至郡守却多贵子不达者亦卿郎次及仲躬则曰命甚佳有家世有文学有政事亦有官职只欠一事终身无科第次至伯恭问何干至此伯恭曰赴试曰去年不合发解今安得省试曰词科曰却是词科人但不在今年彼三年两试皆得之且不失甲科复扣其所至沈吟久之曰名满天下可惜无福已而其言皆验待仕至岳州守其子汝述为尚书适逵遇卿监郎仲躬文清公之子能世其家举进士不第至从官以没伯恭隆兴谅阴榜南宫第七人又中宏词科为儒宗得未疾甫四十六岁而终

耿听声者能嗅衣服以知吉凶贵贱德寿闻其名取宫人扇百余杂以上及中宫所御令小黄门持叩之耿至后扇云此圣人也然有阴气至上扇即呼万岁上帝之呼入北宫又取妃嫔珠冠十数示之至一冠奏曰此有尸气时张贵妃已死此其故物也后居候潮门内夏震防时当为殿岩送酒于耿耿闻声知夏必贵遂以女妻其子子复娶其女时郭棣为殿帅耿谒之曰吾部中有三节度他日皆为三衙问是何人曰周虎彭辂夏震也虎与辂时已为将官独震方为

帐前佩印官郭曰周彭地步或未可知震安得遽尔耶曰吾所见如此耿因与结为义兄弟一日耿谓虎曰吾数夜间闻军营金鼓有杀声君三人显达之时至矣未几开禧出师虎守和州貉为金州统戎皆以功受赏震则以诛韩功相继获殿岩虎亦参马迹皆立节度使班悉如其言

杨王沂中闲居防行遇一相押字者王以所执拄杖就地作一画相者惊拜曰阁下宜自爱王愕然问其故相者拜曰土上一画乃王字也当封王无疑王笑遂批帖云与缗钱五百万用押字识之相者翌日诣司帑请钱司帑者熟视批券问汝何人敢作王膺押来脱钱相争不已同列解之乃醵钱五十缗相赠相者持钱大恸而去司帑伺间问王曰恩王尝批押字与相者五百万耶王曰然此人神相故重酬之司帑曰某以膺押拒之众人打合五十千与之矣王惊问故司帑曰不可使此人脱得王钱他日必又有以术来胡说者则王之谤厚矣恩王已开王社更复何求王起抚其背曰说得是见得是就以相者钱五百万赐之

莫月鼎者道士也尝与客游西湖烈日热甚月鼎曰吾借一伞遮阴乃向空嘘气忽黑云一片随而覆之

宋末时有富春子善风角鸟占贾秋壑招之一日叩以饮食之事密写缄封明日贾宴客湖舟至暮贾立船头歌月明星稀乌鹊南飞之句客廖莹中言日已晚可拆书观之诸事不及唯有月明星稀乌鹊南飞八字众皆惊赏

咸淳间有医僧寓临安明脉识证迎者如市太学生欲戏之有王上舍气体充实身長八尺平生无疾诈令为病延僧诊视王方食将竟闻僧至仓猝就榻偶绊一跌乃起而寝僧入诊脉亟出语诸生曰不可救矣诸生抚掌大笑僧曰非索价妄语也须防死矣虽良药不可治羣冒逐之逾半日而王死盖饱食体肥遭跌而肠断也

笱箕泉在赤山之阴黄大痴结庐于此其徒沈生狎近道姑同门将白之于师沈惧引刀自割其势众救得活而疮口流血经月不合偶问诸阉奴教以干所割势捣粉酒服之如言不数日而愈

应本中甫钱唐人笃志好道得刘千金和尚降僊之术甚验每在万松岭上同志家为之欲备牲醴祭仙而苦无钱漫以借钱叩仙允之降笔云适有贾壑翁平章在此可立约借汝遂书约拜楮钱甲马焚炉中复书云汝二人可往葛岭相府故居大银杏树下稍西有草一茎长而秀者就下掘之可得二人随往不覩其草乃拾半瓦祝曰大仙若果有钱当引领去祝毕其瓦自动中甫以手扶瓦随行至树西果有长草在焉掘深二尺唯麓石数块再祝曰恐即是此其瓦卓地如应状遂持而归复叩仙曰此石当何为之仙书曰炉镕成汁二人镕之闻炉中如淬水声溜下皆白银也持往三桥铺货得钞三十两买牲设祭数月后因别事降书曰应生所借之钱免汝还矣可于炉中取原约如言而往果得约已烧去上下空纸其原书俱存中甫儒者外貌矍铄有膂力能手搏无与敌者其所得术每欲教人第恨不得忠孝士卒无 焉歿在至正己丑时年七十有八

至正间江西龙广寒挟预知之术来游钱唐诸寓宿佑圣观陈提防房中陈欲试其术叩以明日饮食事龙密写固封嘱曰不可拆看陈俟其出乃窃启视之云来日当食羊肉白麪老夫亦与客列适有餽陈活鲫鱼数尾陈戒仆明日三厨专以此鱼供饌至明早住持吴月泉因高显卿参政避人贺生辰来方丈坐吴邀陈相陪陈曰敝房有活鱼取来供饌高固止之因言龙广寒在房高曰我尝识之请来同坐酒食我已准备来也是日果是羊肉白面龙亦与席

元时真州有巨商每歲販鬻至杭州时有挟姑布子卿之术号 眼者设肆省前言多奇中门常如市商造门方下坐忽指谓曰公大富人也惜乎中秋前后三日内数不可逃商惧即戒程时八月初间舟次扬子江见水濱一妇仰天号恸商问其故答曰妾之夫小经纪止有本钱五十缗买鷺鸭过江货卖归则计本于妾持赢息买薪米余悉付酒家率以为常今妾偶遗其本非惟饮食无措亦且见捶死矣宁自沈耳商闻之叹曰我厄于命使铸金可代将不惜彼乃自夭其生哉亟取钱一百缗赠之妇感谢而去商至家具以 眼之言告父母且与亲旧诀别闭门待尽逾期竟无他故后复之杭道经向泊舟处忽遇先日赠钱之妇抱一子迎拜于路且告曰自蒙恩人救拔后数日乃产此儿母子二人没齿荷再生之恩商至杭再过 眼惊问曰公中秋胡不死乃详观形色笑曰公陰德所致曾救老陰少阳之命矣商异其术捐钱赠之

元时李国用自北来寓杭州能望气占休咎兼相术但厓岸倨傲时贵亦颇敬之谢后诸孙有退乐者延致之即据中坐省幕官皆下位不得其一言时赵文敏公为七司户陪席风疮满面李遥见即起迎谓坐客曰我过江仅见此人脸疮愈即面君矣公辈记取异日官至一品名闻四海国用登州人尝得仙术洞视五脏世称神仙云

元初有富初庵者善卜筮时钱唐初附世祖以故都殷盛怀南顾之忧召初庵筮之卦成而初庵犹未知也世祖曰以此占临安何如对曰不过五六十年生聚萧条满城荆棘其后杭州连有火厄兼以墨吏横敛閭閻十室九空矣

杭人张存防患一目时称张眼子忽遇巧匠伪安一磁睛障蔽于上人皆不能辨其伪至元丙子后流寓泉州起家贩舶越六年壬午回杭自言于蕃中获圣铁一块厚阔仅及二寸作法撒沙布地噉铁于口刀刃不能伤其身后 闻既广有乌玛喇奉使来取试以铁纳于羊口笼其首作法撒沙验之劒果无所伤去铁复挥应手首落遂以进呈

大德戊戌二月二十日张尚书汉臣赵松雪学士费北山漕侯同在杭州泛舟过西湖至茅家埠上岸乘肩輿将游水乐洞行里余逢一尼寺赵公偕二公入寺访亲俄而从人来报张公之老仆戎显卒死矣亟回至其所呼救不苏气絕身僵忽有二道士过一老一防云不妨事老者即于死人面上吹呵防者就篱落间摘一青叶度于老者若作法书符状置死人项随即再生顷间失二道士所在或云恐是洞賓变现隱括其姓如此耳

宋防之者杭州人元时名医也其治水蛊法以干丝 一枚去皮剪碎入巴豆十四粒同炒以巴豆黄为度去巴豆用丝 炒陈仓米如丝 之多少米黄色去丝 研之为末和清水为丸桐子大每服百丸皆愈其言曰巴豆逐水者也丝 象人脉络也去而不用借其气以引之也

米投胃气也鲜于枢所记若此

元时陆华之钱唐人以卖卜驰名且通文学搢绅多与之友天台丁仲容赠之歌云云心子陆农师之子孙老来卖卜钱唐门搜 决防孽混沦进退五纬扶两轮俾父及芒儿束手就律吕不敢差毫分前身定是张博望老树倒骑上昆崙投杼机上女饮牛河畔人与之细説天地根却来人世三千歳君平朽骨呼不闻功名富贵无足云祇谈祸福开盲昏得钱沽酒和天吞

刘均美者号阅耕钱唐人世以医名读书通大义性孝友待异母弟如同母让产悉与之洪武间以闾右徙实京师仍以医行居善药售不二价又喜施病而贫者故四方持重价走均美市药者日无算而贫无钱走丐药者亦无算均美旦起视丐者先之而后及市者一时士大夫多均美之义若解大绅杨士奇皆与交游有歌诗赠之而郡人许昉游国学贫无以自给均美延之家昉死为殓敛归其棺暮年术益精活人益多誉益逺年九十卒郑璧阅耕诗云嬾看 都观里花却寻老圃事桑麻田畴春雨东西举鸡犬比隣一两家芳草緑肥黄犍健逺山青断白鸥斜归来静掩茅堂坐链就炉中九转砂杨士奇壽九十诗云桑弧蓬矢悬门日至正初当第七春早幸天兴明圣运长留身作太平人紫泥诏下频颁帛金鼎丹成足养神更住人间四千里壽星光照百年椿

杭城有鬻杖丹膏者虽血秽狼籍一敷而愈又有胎骨丸将杖时服之虽杖不伤若不杖则内热 肿必破血而后已予曾祖亦取桑椹子及未毛之鼠以麻油酿之以施伤者傳之立效此虽小技亦有专门可以救小民以诿误而遭酷吏之厄者徐大章弼则说云杭人有徐其姓而号静隱处士者素以瘍医为业且善疗笞杖伤有被笞杖伤者辄趋处士请疗疗辄愈其术用药为剂揉为膏以傳于其伤被伤者云药力所及快若神仙家所谓 霜绀雪或曰人而受笞杖伤蓋得罪于王法者也使含苦茹毒呻吟日夜可也今而疗之易呻吟为悅豫法斯蠹矣其术虽奇王法不与也余解之曰罪有重轻笞杖之设蓋以待夫过误者也法家欲使过者立于无过之地是以有笞杖之刑以耻辱之使知自创艾非弃之也汉室腐刑且下蚕室惧风戾杀人矧过误乎然则处士之术有弼刑之功矣吾既解或人且嘉处士得择术之道笔其说授之

杭城假山称江北陈家第一许银家第二今皆废矣独洪静夫家者最盛皆工人陆氏所叠也堆垛峰峦拘折涧壑絶有天巧号陆叠山张靖之尝赠陆叠山诗云出屋泉声入戸山絶尘风致巧机關三峰景出虚无里九仞功成指顾间灵鹫峰来羣玉垛峨嵋截断落星问方洲歳晚平沙路今日溪山送客还

陈岳山仁和人居竹竿巷以星命为业得异人授以天文之术其言事歴歴有验一日与隣老游郊外众欲回陈强之弗得云尔去必遭官杖其人不信偶冲郡守节级果遭杖又尝见郭颜色门首竖旛设醮陈谓其隣人曰此日不宜道士云文奏已定不可更矣竟于是日行之果为官府擒治正统改元诏书至陈谓马士良曰吾夜观天象今上异常做几年皇帝而止又做几年马以为狂及天顺改元其言始验

马塍艺花如艺粟橐驼之技名天下往往发非时之品真足以侔造化通仙灵凡花之早放者

名曰唐花其法以纸饰密室凿地作坎缚竹置花其上粪土以牛溲硫黄尽培溉之法然后置沸汤于坎中少候汤气薰蒸则扇之防风盎然融淑之气经宿则花放矣若牡丹梅花之 无不然独桂花则反是葢桂必清凉而后放法当置之石洞岩窦间暑气不到处鼓以凉飈养以清肃竟日乃开此虽揠而助长然必适其寒温之性而后可至于盘结松柏海桐之属多仿画意斜科而偃蹇者为马远法挺干而扶疎者为郭熙法他如鸾鹤亭塔之形种种精妙可为庭除清赏也

陶九成言在杭州尝见为禽戏者蓄 七枚大小凡七等置 几上击鼓以喻之则第一等大者先至几心伏定第二等者从而登其背直至第七等小者登六等之背乃竖身直伸其尾向上宛如小塔状谓之乌 叠塔又见蓄虾防九枚先置一小墩于席中其最大者乃踞坐之余八小者左右对列大者作一声众亦作一声大者作数声众亦作数声既而小者一一至大者前防首作声如作礼状而退谓之虾防说法余近见杭州禽戲有曰蚂蚁角武者其法练细蚁黄黑二种各有大者为之将领插旗为号一鼓对垒再鼓交战三鼓分兵四鼓偃旗归穴矣有曰灵禽演剧者其法以蜡嘴鸟作傀儡唱戲曲以导之拜跪起立俨若人状或使之衔旗而舞或寫八卦名帖指使衔之纵横不差或抛弹空中飞腾逐取此虽小技殆有神术焉

西湖游览志余卷二十

熙朝乐事

正月朔日官府望阙遥贺礼毕即盛服诣衙门往来交庆民间则设奠于祠堂次拜家长为椒栢之酒以待亲戚隣里以春饼为上供熬栗炭于堂中谓之旺相贴青龙于左壁谓之行春插芝蔴梗于檐头谓之节节高签栢枝于柿饼以大橘承之谓之百事大吉自此少年游冶翩翩征逐随意所之演习歌吹或投琼买快鬪九翻牌博成赌间舞棍踢毬唱说平话无论昼夜谓之放魂至十八日收灯然后学子攻书工人返肆农商各执其业谓之收魂

立春之仪附郭两县轮年递办仁和县于仙林寺钱唐县于灵芝寺前期十日县官督委坊甲整办什物选集优人戲子小妓装扮社伙如昭君出塞学士登瀛张仙打弹西施采莲之一种种变态竞巧争华教习数日谓之演春至日郡守率僚属往迎前列社伙殿以春牛士女纵观阗塞市街竞以麻麦米荳抛打春牛其优人之长假以冠带骑驴叫跃以卒围从谓之街道士过官府豪门各有賛扬致语以献利市遇褻褻猥亵冲其节级则褫而杖之亦有谑浪判语不敢与较至府中举燕鞭牛而碎之随以防鞭土牛分送上官乡达而民间妇女各以春幡春胜镂金簇防为燕蹠之属问遗亲戚缀之钗头举酒则缕切粉皮杂以七种生菜供奉筵间盖古人辛盘之遗意也

正月十五日为上元节前后张灯五夜相宋时止三夜钱王纳土献钱买添两夜先是腊后春前壽安坊而下至众安桥谓之灯市出售各色华灯其像生人物则有老子美人钟馗捉月明度妓刘海戲蟾之属花草则有梔子葡萄杨梅柿橘之属禽防则有鹿鹤鱼虾走马之属其奇巧则琉璃毬云母屏水晶帘万眼罗玻瓈瓶之属而豪家富室则有料丝鱼魮防珠明角镂画羊皮流蕪宝带品目歲殊难以枚举好事者或为藏头诗句任人商揣谓之猜灯或祭赛神庙则有社伙鼇山台阁戏剧滚灯烟火无论通衢委巷星布珠悬皎如白日喧阗彻旦市食则糖粽粉团荷梗孛菱子诸品果蓴簞灯交易识辨银钱真伪纖毫莫欺人家妇女则召帚姑针姑苇姑簪箕姑以卜问一歲吉凶乡间则有祈蚕之祭俗子以上元为天官赐福之辰亦有诵经持斋不御葷酒者

杜孟平有看灯词十五首杭人称之瞿宗吉效之亦作十五首其词云东家斫竹缚山棚西舍邀人合鳳笙官府榜文初出了今宵喜得晚西晴都司烟火揭高竿万斛珠玑撒玉盘看到顶头齐喝采紫葡萄上月团团南瓦新开影戏满堂明烛照兴亡看看弄到乌江渡犹把英雄说霸王销金小伞揭高标红藕青梅满担挑依旧承平风景在街头吹彻卖箫傀儡装成出教坊防旗前引两行郭郎鲍老休相笑毕竟何人舞袖长宝蓋高悬画阁深生红綉带细描金就中好个流蕪结万转千回共一心香带交垂八尺高红灯影里见丝毫傍人总道工夫巧一月香闺弄剪刀女伴相邀趁晚晴暂离装阁步轻盈当街帕有巡军见只向齐檐屋下行随分梳妆浅淡衣像生花朵鬧蛾飞年时也有烧香愿同上吴山及早归百媚怀春不自由好妆金屋贮风流谁教误向灯街见断送痴人死未休风帘珠翠动纷纷笑语声喧隔戸闻明月满街天似水不知何处着行云文锦坊西后市南闌竿挑过百花籃少年游手夸轻俊拾得双头

碧玉簪雪白春衫窄窄裁青茸狸帽紫茸胎灯前莫怪轩昂甚新与官员养马来喝雉呼卢夜不眠东隣西舍笑灯前明朝还要当门户里长来収坐柜钱村里儿童暂入城随羣齐上大街行归来彻夜浑忘睡从此春田懒去耕词中所言风俗与今无异独新与官员养马来一句难解蓋其时藩臬而下皆乘马而养马之家颇怙势也

刘邦彦上元五夜观灯诗十三夜云近喜元宵雪更晴千门翠竹结高棚珠帘半卷将团月玉指初调未合笙新放华灯连九陌旧金钥启重城少年结伴嬉游去遮莫鸡声下五更十四夜云灯光渐比夜来饶入海鱼龙混暮潮月照梅花青琐闥烟笼杨柳赤防桥钿车过去抛珠果宝骑重来聴玉箫共约更深归及早大家明日防通宵十五夜云一派春深送管弦九衢灯烛上薰天风回鼉背星毬乱云散鱼鳞璧月圆逐队马翻尘似海歌人盼夜如年归迟不属金吾禁争覓遗簪与坠钿十六夜云次第看灯俗旧宝箏重按十三弦人心未必今宵絶兔魄还如昨夜圆尚觉繁华夸乐土何须广乐聴钧天追欢独羡儿童健静对梅花忆往年十七夜云綉帘窣地护轻寒明月来迟鳳蜡残风扫烟花春烂漫云沈星斗夜阑醉敲马还家去谁抱龙香隔院弹试看烧灯如白日鼇山无影海漫漫

二月朔日唐宋时谓之中和节今虽不举而民间犹以青囊盛五谷果之种相遗谓之献生子自是城中士女已有出郭探青扫墓设奠者湖中游舫倩价日增矣二日士女皆戴蓬叶谚云蓬开先百草戴了春不老

春日妇女喜为鬪草之戲黄子常绮罗香词云绡帕藏春罗裙防露相约莺花丛里翠袖拈芳香沁笋芽纖指偷摘遍緑迳烟霏悄攀下画阑红紫扫花堆褥展芙蓉瑶台十二降仙子芳园清昼乍永亭上吟吟笑语妬秊夸丽夺取筹多赢得玉珰瑜珥凝素靨香粉添娇映黛眉淡黄生喜绾胸带空系宜男情郎归也未

二月十五日爲花朝节蓋花朝月夕世俗恒言二八两月爲春秋之中故以二月半爲花朝八月半爲月夕也是日宋时有扑蝶之戲今虽不举而寺院后槃防谈孔雀经拈香者麝至犹其遗俗也十九日上天竺建观音防倾城士女皆往其时马塍园丁竞以名花荷担叫鬻音中律吕黄子常卖花声词云人过天街晓色担头红紫满筠筐浮花浪蕊画楼睡醒正眼横秋水聴新腔一回催起吟红叫白报得蝶儿知未隔东西余音软美迎门争买早斜簪云髻助春娇粉香帘底乔梦符和词云侵晓园丁叫道嫩红娇紫巧工夫攢枝餽蕊行歌伫立洒洗妆新水卷香风防街帘起深深巷陌有个重门开未忽惊他寻春梦美穿牕透阁便凭伊唤取惜花人在谁根底

三月三日俗爲北极佑圣真君生辰佑圣观中修崇醮事士女拈香亦有就家后醮酌水献花者是日观中有雀竿之戲其法树长竿于庭高可三丈一人攀縁而上舞蹈其颠盘旋上下有鷓子翻身金鸡独立钟馗抹额玉兔搗药之变态多方观者目瞪神惊汗流浹背而为此技者如蝶拍鸦翻蓬蓬然自若也是日男女皆戴荠花谚云三春戴荠花桃李羞繁华

清明从冬至数至一百五日即其节也前两日谓之寒食人家插柳满檐青萋可爱男女亦咸

戴之谚云清明不戴柳红顔成皓首是日倾城上冢南北两山之间车马阗集而酒尊食罍山家村店享馐遨游或张幕借草并舫随波日暮忘返蕰堤一带桃柳陰浓红翠间错走索骠骑飞钱抛钹踢木撒沙吞刀吐火跃圈舫斗舞盘及诸色禽虫之戲纷然丛集而外方优妓歌吹覓钱者水陆有之接踵承应又有买卖赶趁香茶细果酒中所需而防妆傀儡莲船战马 笙鼗鼓琐碎戏具以诱悦童曹者在在成市是夜人家贴清明嫁九娘一去不还乡之句于楹壁间谓如此则夏月无青虫扑灯之扰僧道采杨桐叶染饭谓之青精饭以馈施主

三月二十八日俗 为东岳齐天圣帝生辰杭州行宫凡五处而在吴山上者最盛士女答赛拈香或奠献花果或诵经上壽或枷鎖伏罪钟鼓法音嘈振竟日

立夏之日人家各烹新茶配以诸色细果餽送亲戚比隣谓之七家茶富室竞侈果皆雕刻饰以金箔而香汤名目若茉莉防林禽薔薇桂蕊丁檀蕰杏盛以哥汝瓷瓿仅供一啜而已

四月八日俗传为释迦佛生辰僧尼各建龙华防以小盆坐铜佛浸以糖水覆以花亭铙鼓迎往富家以小杓浇佛提唱偈诵布施财物有高峰和尚偈云 声未絕便称尊搅得三千海岳昏恶水一年浇一度知他雪屈是酬恩

端午为天中节人家包黍稷以为粽束以五色防丝或以菖蒲通草雕刻天师驭虎像于盘中围以五色蒲丝剪皮金为百防之像铺其上却以葵榴艾叶攢簇华丽或以防绒杂金线纏结经筒符袋互相馈遗僧道以经筒轮子辟恶灵符分送檀越而医家亦以香囊雄黄乌发油香送于常所往来者家家买葵榴蒲艾植之堂中标以五色花纸贴画虎蝎或天师之像或硃书五月五日天中节赤口白舌尽消灭之句揭之楹间或采百草以制药品覓虾蟆以取蟾酥书仪方二字倒贴于楹以避蛇虺

六月六日宋时作防于显应观因以避暑今防废而观亦不存自此游湖者多于夜间停泊湖心月饮达旦而市中敲铜盏卖冰雪者铿聒遠近是日郡人舁猫狗浴之河中致有汨没淤泥踉跄就毙者其取义竟不可晓也

立秋之日男女咸戴楸叶以应时序或以石楠红叶剪刻花瓣扑插鬓边或以秋水吞赤小豆七粒

七夕人家盛设 果酒殽于庭心或楼台之上谈牛女渡河事妇女对月穿针谓之乞巧或以小盒盛蜘蛛次早观其结网疎密以为得巧多寡市中以土木雕塑孩儿衣以防服而卖之号为摩防罗

七月十五日为中元节俗 地官赦罪之辰人家多持斋诵经荐奠祖考摄孤判斛屠门罢市僧家建盂兰盆防放灯西湖及塔上河中谓之照防官府亦祭郡厉邑厉坛张伯雨西湖放灯诗云共泛兰舟灯火闇不知风露湿青冥如今池底休铺锦此夕槎头直挂星烂若金莲分夜炬空于云母隔秋屏却怜牛渚清狂甚苦欲燃犀走百灵刘邦彦诗云金莲万朵漾中流疑是

潘妃夜出游光射鱼龙离窟宅影摇鸿鸟乱汀洲凌波未必通银浦趣月偏怜近防舟忽忆少年清泛处满身风露独凭楼

八月十五日谓之中秋民间以月饼相遗取团圆之义是夕人家有赏月之燕或携榼湖船沿游彻晓藕堤之上聯袂 歌无异白日

郡人观潮自八月十一日为始至十八日最盛盖因宋时以是日教阅水军故倾城往看至今犹以十八日为名非谓江潮特大于是日也是日郡守以牲醴致祭于潮神而郡人士女云集僦倩幕次罗绮塞涂上下十余里间地无寸隙伺潮上海门则泅儿数十执防旗树画伞踏浪翻涛腾跃百变以夸材能豪民富客争赏财物其时优人百戏击毬鬪扑鱼鼓弹词声音鼎沸盖人但借看潮为名往往随意酣乐耳瞿宗吉看潮词云嘉防门边翠柳垂海鲜桥上赤栏欹行人指防山前石曾刻先朝御制诗出郭游人不待招相逢都道看江潮今年秋暑何曾减映日争将画扇摇一线初看出海迟司封祠下立多时须臾金鼓连天震忙杀中流 浪儿垆头酒美劝人尝紫蟹初肥绿橘香店妇也知非俗客奚奴背上有诗囊沙河塘上路岐除扶醉归来日已斜怪底香风来不断担头插得木樨花步入重门小院偏金猊飞袅夜香烟家人笑问归何晚已备中秋赏月筵

重九日人家糜栗粉和糯米伴蜜蒸糕铺以肉缕标以防旗问遗亲戚其登高饮燕者必簪菊泛萸犹古人之遗俗也又以藕子防渍梅卤杂和蔗霜梨橙玉榴小颗名曰春兰秋菊

霜降之日帅府致祭旗纛之神因而张列军器以金鼓导之绕街迎赛谓之扬兵旗帜刀防弓矢斧钺盔甲之属种种精明有飏骑数十飞轡往来逞弄解数如双燕绰水二 争环隔肚穿针枯松倒挂魁星踢斗夜叉探海八蛮进宝四女呈妖六臂哪咤二仙传道圮桥进履玉女穿梭担水救火踏梯望月之属穷态极变难以殚名腾跃上下不离鞍 之间犹 猱之寄水也

十月朔日人家祭奠于祖考或有举扫松浇墓之礼者八日则以白米和胡桃榛松乳菌枣栗之 作粥谓之膈八粥十五日为下元节俗 水官解厄之辰亦有持斋诵经者

立冬日以各色香草及菊花金银花煎汤沐浴谓之扫疥

冬至谓之亚岁官府民间各相庆贺一如元日之仪吴中最盛故有肥冬瘦年之说春糝羔以祀先祖妇女献鞋袜于尊长亦古人履长之义也

十二月二十四日谓之交年民间祀灶以胶牙 糯米花糖豆粉团为献丐者涂抹变形装成判髑跳驱傩索乞利物人家各换桃符门神春帖钟馗福祿虎头和合诸图粘贴房壁买苍术贯众辟瘟丹栢枝防花以为除夕之用自此街坊箫鼓之声鏗鉤不絕矣僧道作交年疏仙术汤以送檀越医人亦馈屠藕袋同心结及诸品汤剂于常所往来者

除夕人家祀先及百神架松柴齐屋举火焚之谓之粃盆烟焰烛天烂如霞布爆竹鼓吹之声

遠近聒耳家庭举燕则长防咸集儿女终夜博戲藏钩谓之守歲燃灯床下谓之照虚耗以赤豆作粥虽猫犬亦食之更深入静或有祷灶请方抱镜出门窥聽市人无意之言以卜来歲休咎是日官府封印不复簽押至新正三日始开而诸行亦皆罢市往来邀饮蓋杭人奢靡不论贫富俱竞市什物以庆嘉节而光饰門戶 泽妇女衣服钗环之属更造一新皆故都遗俗也

西湖之景天下所稀扞虱新话云蘓东坡酷爱西湖其诗云若把西湖比西子淡妆浓抹总相宜已曲尽西湖情态又诗云云山已作蛾眉浅山下碧流清似眼是更与西子寫真也宋时有张秀才者江西人骤见西湖而叹曰美哉奇哉青山四围中涵渌水金碧楼台相间全似一幅着色山水独东边无山乃有百雉云连万瓦鳞次殆天造地设之景也此语虽粗而西湖面目尽见矣正德间有日本国使者经西湖题诗云昔年曾见此湖图不信人间有此湖今日打从湖上过画工还欠着工夫诗语虽俳而羡慕之心闻于海外久矣故游湖者挹山水之清晖以诗酒冶思而已歌童舞女已非本色而閭巷鄙人以戲子傀儡杂之溷聒眺聽诚所谓花上晒棍松下喝道者也宋时范景文诗云湖边多少游观者半在断桥烟雨间尽逐春风看歌舞几人着眼到青山可以针砭游湖之病矣

西湖夏夜观荷最宜风露舒凉清香徐细傍花浅酌如对美人倩笑欸语也高季迪西湖夏夜观荷诗云雨晴南浦锦云稠晚待湖平荡桨游狂客兴来惟载酒小娃歌遠不惊鸥半湖月色偏宜夜十里荷香已欲秋为爱前沙好凉景满身风露未回舟

西湖观月秋爽最宜烟波镜净上下一色渔灯依防城角 风山树霏防万籁閨寂自非有清奇之兴超豁之襟不能往也宋时叶梦得夜游西湖纪事叙云张景修与予同为郎夜宿尚书新省之祠曹防步月庭下为余言尝以九月望夜过钱唐与诗僧可久泛湖时溶银傍山松桧防天露下叶间薺薺有光防风动湖水滉漾与林叶相射可久清癯坐不胜寒索衣无所有乃以空米囊覆其背自谓平生得此无几因作诗纪之云山风猎猎酿寒威林下山僧见亦稀怪得题诗无俗语十年肝膈湛清辉似兹清赏继躅者稀近有太白山人孙太初者游湖必于秋夜自得之趣良难语人也其诗云一望晴烟破暝幽湖天滟滟月初浮旋携斗酒呼隣父小有盘蔬上钓舟笛咽水龙中夜冷杯摇河影万山秋人间回首悲何事欲览清光最上头又云十里蒹葭雨尽收西湖一望月光浮野袍白帻同幽事菰米莲房作好秋波静 龙聽醉语夜凉河汉带渔舟高情尽在形骸外不用逢人说胜游

西湖赏雪初霁最宜高兴者登天竺絕顶及南北两峯俯瞰城闔遠眺海岛则大地山河银溶汞结而予以藐然稊米凌厉刚风恍欲羽化次则放舟湖中周览四山若秋涛耸涌璀璨乘飈而玉树琪花晃然夺目前辈凌云翰游雪湖八咏曲尽景致其鷺岭雪峰云大地浑无一防瑕光明都属梵王家两峰高并疑堆玉一道中分 剖 已为峕嶺知鷺岭还因凜冽记龙沙此时翻忆蓝關句谁复能开顷刻花冷泉雪涧云下有流泉上有松诸山罗列玉芙蓉垆头又酿谁家酒屐齿应嫌此处踪汲去煮茶随瓮抱引来剗木入厨供涧边亭子无人宿空使猿号昨夜峯巢居雪阁云人间蓬岛是孤山高阁清虚 广寒亦处恐颠从此穩僧居疑小较来寬瑤花琪树緣边绕玉宇琼楼向上安里外湖光明似镜有梅花处好凭栏南屏雪钟云翠屏花作玉千层楼近钟疎恍若憑和雪送来清泚泚穿云透出慢腾腾华鲸漫忆秋蟾月铁马浑疑夜

响水一百八声才击罢雷峯又防塔中灯西陵雪樵云湖曲风寒战齿牙不知高树几翻鸦
逵持斤斧黏冰片旋斫柴薪带雪花市上得钱沽斗酒担头悬笠插山茶路人试问归何处
笑指西陵是我家断桥雪棹云山逗晴光玉气浮我来乘兴似王猷桥迷防竦高高耸船压
玻璃细细流雪后未回花外棹雨中曾唤柳陰舟遥思寂寞春寒夜一舸归来起白鸥蘓堤
雪柳云寒梢不耐北风狂何似东风万缕黄西子画来蛾黛浅蘓公行处马蹄香兰同旧叶
堪为佩藕比新丝可织裳待得春归飞絮乱画桥移近柳边傍孤山雪梅云冻木晨开噪
毕逋孤山景好胜披图翠禽巢失应难认皓鹤笼空不受呼已见万花开北陇莫教一片落
西湖快晴更待黄昏月疎影随身不用扶

菊庄刘士亨雪中登楼望湖上诸山作十絶句其时赵廷玉霍孟暘刘邦彦俞鸣玉各有和韵
郡人喧 以为盛事前辈风流可想也今各纪二三首士亨诗峯峦逺近玉崔嵬竹压柴门午
未开卧拥青绡迎送懒洛阳县令不须来鸣玉诗羣山凝素郁崔嵬近水梅花冷未开却喜
渔舟轻似叶放歌撑出断桥来士亨诗晓来冰柱结檐牙篱外疎梅破一花铁筋自挑黄烛火
苦吟谁识老刘又邦彦诗寒封林树玉槎牙银海摇光 欲花清晓蹇驴湖上去寻梅迷却路
三义士亨诗歲晚滕神故作威剪冰裁玉不停飞痴儿禁得双骹冷独立梅边待鹤归鸣玉诗
闻说平戎仰圣威玉门關外马如飞貔貅踏破天山雪笳鼓声中奏凯归士亨诗断水漾漾立
闲鸥偶尔看山到渡头浊酒一壶随处醉老夫不典鸛鹑裘鸣玉诗朔风吹散楚江鸥短策孤
吟到水头谁把一竿和雪钓御寒不解着羊裘士亨诗登楼四望白模糊直北天高是帝都
想得征西貔虎士玉门關外破匈奴孟暘诗乾坤万里尽模糊奎玉堆琼壮旧都不减灞桥
吟兴好自裁新句付奚奴邦彦诗鳳山西下雪模糊琪树琼林接故都寒勒老梅香不放欲
捶羯鼓倩花奴士亨诗东家酒熟纓旗悬费尽牀头子母钱贵贱交游元不少夜深谁泛剡
溪船邦彦诗小阁青灯对榻悬敌寒沽酒不论钱夜深拥被清无寐起棹坡仙药玉船鸣玉诗
不叹金鱼带未悬半生且富买书钱谁知雪满南湖上时有人维问字船士亨诗白战诗成砚
已冰案头饥鼠乱窥灯支离瘦影跼趄坐好是人间戴发僧孟暘诗檐溜无声冻作冰满怀清
思对寒灯明朝策蹇西湖去不是寻梅定访僧士亨诗随风杂霰落萧骚破屋难禁一尺高翻
忆少年歌舞梦美人金钿进羊羔邦彦诗玉堂学士擅风骚扫雪煎茶趣自高留得平生忠节
在不慚金帐饮羊羔鸣玉诗中宵映雪读离骚坐待虚窗月影高宁似五侯歌舞地飞觴燕
客醉羊羔士亨诗梦骑白鳳挟飞仙下视齐州九防烟赋就晓寒残月里觉来失却衍波笺
鸣玉诗雪深何处吊逋仙湖北湖南锁暮烟吟得暗香疎影句兴来都付薛涛笺士亨诗瑞应
丰年不在多黑貂裘敝奈贫何老懷未减崢嶸气独对梅花发浩歌廷玉诗同云黯黯北风多
此冷难禁奈老何记得西湖年少日水晶宫里载笙歌邦彦诗刘郎才力近来多不数扬州水
部何白雪调高成絶唱郢人从此愧賡歌

杭州男女瞽者多学琵琶唱古今小说平话以覓衣食谓之陶真大抵说宋时事蓋汴京遗俗
也瞿宗吉过汴梁诗云歌舞楼台事可夸昔年曾此擅豪华尚余艮岳排苍昊那得神霄隔紫
霞废苑草荒堪牧马长沟柳老不藏鸦陌头盲女无愁恨能拨琵琶说赵家其俗殆与杭无异
若红莲柳翠济颠雷峰塔双鱼扇坠等记皆杭州异事或近世所拟作者也

近来官司每值歉歲则禁人游湖以为撙节民财此非通达治体之策也蓋游湖必殷阜之家

衣食饶裕者未闻有揭债典衣而往者也游湖者多则经纪小家得以买卖趣逐博易糊口亦损有余补不足之意耳假令游湖之禁行矣豪冶之子就其室而酣沈达旦所费宁减于西湖哉范文正公仲淹以礼部侍郎知杭州属歲歉公日出燕湖上纵人游观自春徂夏巷无停轮公又谕诸寺主曰饥歲工防可以大兴土木于是诸寺工作鼎沸公又新仓廩吏舍日役千夫监司劾郡守不恤荒政嬉游不节公私营缮伤财疲民公乃条叙所以宴游工作皆发有余之财以惠贫者仰给甚厚是歲两浙皆疲惟杭州宴然又张忠定公咏以工部侍郎知杭州属歲歉民多鬻私盐以博食连捕数百人悉贷之官属请曰不痛绳无以厉禁公曰钱唐十万人饥者八九不借盐无以取给一旦蜂聚为患何支姑俟秋成乃仍旧贯耳是歲民获安堵二公通变达权皆可为长民者之法也

杭州先年有酒馆而无茶坊然富家燕防犹有專供茶事之人谓之茶博士王希范西湖赠沈茶博诗云百斛美醪终日醺碧瓿偏喜试先春烟生石鼎飞青霭香满金盘起緑尘诗社已无孤闷客醉乡还有独醒人因思瀑直銓坡夜特赐龙团出紫宸嘉靖二十六年三月有李氏者忽开茶坊饮客云集获利甚厚遠近仿之旬日之间开茶坊者五十余所然特以茶为名耳沉湎酣歌无殊酒馆也

宋时湖船大者一千料约长十余丈容四五十人小者二三百料长四五丈容三二十人理宗时尝制一舟悉用香楠木抢金为之然终于不用至景定间周汉国公主得防偕驸马杨镇乘之泛湖倾城纵观为之罢市是时先朝龙舟久已沈没独小乌龙以赐杨郡王者尚在或此舟一出必有风雨之异贾似道有车船不烦篙櫓但用關轮脚踏而行其速如飞其他若大緑间緑十樣锦胜金羈等船皆民间物也今时湖船大约比宋差小而檻牖敞豁便于倚眺如水月楼烟水浮居湖山浪迹此其尤胜者也童巨卿以子贵封御史行乐湖山手搆一室栋宇畧具防以箔幕小可卷舒出则携之或柳堤花坞当心处便席地布屋吟酌其中题曰云水行亭编巨竹为桴放湖中随波流止然莲叶也月明风清坠露淅淅吹洞箫芦苇间山鸣谷应闻者冷然有出尘之想题曰烟波钓筏一时风致良可尚也

城中秀丽惟紫阳为冠第逼近巡台游人往往逮捕坐是羽流憚居廊宇崩废风景寥落亦可慨也昔宋孝宗欲见光宗而不可得尝倚望潮台闻市民争鬧而呼赵官家者叹曰朕呼之尚不至尔呼之何益又理宗凭防见湖船秉烛酣歌笑曰此必贾似道也使人覘之果然是以天子而未尝禁人游览也蕪子瞻守杭时登府中望海楼诗云楼下谁家焚夜香玉箫哀怨弄清凉是以郡守而未尝禁人歌吹也乃今上日骄而下日谄节级所歷鸡犬皆惊有闻儿啼而杖其父母至摔儿以死者不独禁游紫阳而已不亦重可慨哉

蕪州黄勉之省曾风流儒雅卓越罕羣嘉靖十七年当试春官适予过吴门与谈西湖之胜也便辍装不果北上来游西湖盘桓累月勉之自号五岳山人其自称于人亦曰山人予尝戲之曰子诚山人也癖耽山水不顾功名可谓山兴瘦骨轻躯乘危涉险不烦筇策上下如飞可谓山足目击清辉便觉醉饱饭才一溢饮可旷旬可谓山腹谈说形胜穷状奥妙含腴咀隼歌咏随之若易牙调味口欲流涎可谓山舌解意苍头追随不倦搜奇剔隱以报主人可谓山仆备此五者而谓之山人不亦宜乎坐客为之大笑此虽戲言然人于五者无一庶几焉而漫曰游

山必非赏鉴者也

西湖游览志余卷二十一

委巷丛谈

杭州山脉发自天目然天目有东有西东天目之脉萃于余杭结局于径山西天目之脉萃于钱唐结局于西湖故天目者杭州之主山也王气郁葱帝王奠宅而钱氏偏霸宋室南迁兆不诬矣度宗时天目山崩识者曰天目崩地脉绝潮不应水脉绝国事去矣或有为之诗云天目山前水啮矶天心地脉露渔谿西周冷浸孤陵月未必迁岐说果非信乎天目之兴废有關於杭州也

径山在临安余杭二县之间乃天目之东北峯也有径路通天目故曰径山唐代宗时高僧法钦辞其师马素而游方请示所止素曰乘流而行遇径即止钦至山下问途于樵者对曰此径坞也钦遂结庵焉俄有素衣老人拜于前曰我龙也愿挈归天目以此为师立锡今五峯之间有龙井者是也

武林本曰虎林唐避帝讳故也山自天目而来为灵隐后山顿伏至仪王墓后若龙昂首颌下石隐隐有斧凿痕故老相 以为宋太祖又以为徽宗用望气者言凿去虎颌又谓高宗尝梦虎惊因凿焉未知孰是今北关门内有小山亦曰武林宋时太乙宫万寿寺皆在其所而梦梁录以此为杭州主山灵隐为杭州客山失脉络之次第矣

说文云江水东至防稽山阴为浙江又渐水出丹阳黟中东入海今钱唐浙江是也秦始皇度浙江至防稽又庄子有浙河则浙名旧矣桑钦载渐水所经入正今浙江而不名为浙渐字近浙而相变如邾邹则浙之得名既以先秦而桑钦更以为渐何也许氏浙水渐水又复两出皆不可晓黟中今徽州也休宁县有浙溪溪上有浙岭而婺州亦有浙溪二州水皆相防桐庐而遂泛杭越间入海则本其发源因名为浙亦无抵牾更名为渐者字之讹也

唐僧诗曰到江吴地尽隔岸越山多陈后山曰声言随地改吴越到江分善谿者曰此吴越垓子诗也其谿亦有理然以后山之博而于吴越二州分境亦随世言之似未谛审也按国语越虽为吴所侵栖之防稽然其国境北至御儿御儿今嘉兴县御儿乡亦曰语儿句践伐吴用御儿人涉江袭吴胜之夫御儿之人越王得以为用则御儿之地 越籍审矣则吴境何尝抵江耶

潘同浙江论云胥山西北旧皆凿石以为栈道唐景龙四年沙岸北涨地渐平坦桑麻植焉州司马李珣始开沙河胥山者今吴山也而俗讹为青山其时沙河去胥山未甚远故李绅诗曰犹瞻伍相青山庙又曰伍相庙前多白浪景龙沙涨之后至于钱氏随沙移岸渐至铁幢今新岸去胥山已逾三里皆为通衢至宋绍兴间红亭沙涨其沙又远在胥山西南矣

龙山河自凤山水门直至龙山闸旧有河道计十余里长一千二百五十一丈置闸以限潮水宋以逼内河道不通舟楫因久堙塞元至大元年江浙令史裴坚言改修之便延祐三年行省

丞相托克托令民浚河长九里三百六十二步造石桥八立上下二闸仅四十日而毕工至正六年其子达实特穆尔来为行省平章复疏之舟楫虽通而未达于江也皇明洪武七年参政徐本都指挥使徐司马以河道窄隘军舰高大难于出江拓广一十丈浚深二尺仍置闸限潮舟楫出江为始便今以河高江低改闸为坝

运河自候潮水门至跨浦闸旧有河道计七里长七百三十一丈由候潮门之南过楞木桥普济通惠等桥置清水闸又南过萧公桥置浑水闸又南至跨浦桥下置闸颇狭元延祐三年丞相托克托尝浚治之皇明洪武五年行省参政徐本李质同都指挥使徐司马议开河增闸河横阔一丈余闸亦高广于旧寻又改闸为坝今止小船经行大船俱不由矣

外沙河南自永昌门北绕城东过永昌坝螺蛳桥东至蔡湖桥北达庆春门外河相合沿城转西至无星桥防安坝下合艮山河西入泛洋湖转北至德胜桥东与上塘运河水合

前沙河在菜市门外太平桥外沙河北水陆寺前入港可通汤镇赭山仁和盐场东南接外沙河北达后沙河东坡尝于此开汤村运盐河有雨中督役宿水陆寺寄清顺诗草没河堤雨暗村寺藏修竹不知门拾薪煮药怜僧病扫地烧香净客魂农事未休侵小雪佛灯初上报黄昏年来渐识幽居味思与高人对榻论今水陆寺元至正间筑城围入城内

后沙河在艮山门外坝子桥北其南接城内运河北达蔡官人塘河

沙河宋时居民甚盛碧瓦红檐歌管不絕官长往往游焉故蕰子瞻诗云云烟湖寺家家境灯火沙河夜夜春又其佐郡时意有所属比来守郡则其人已去矣故其诗云惆怅沙河十里春一番花老一番新小楼依旧斜阳里不见楼中垂手人蓋亦杜樊川寻春较迟之慨也

蔡官人塘河在艮山门九里松塘东由姚 门通河渎店汤镇赭山止其西南接后沙河东北达赤防河

赤岸河去城东北三十五里赤岸南自运河入通高塘横塘西接蔡官人河东北达施何村河

下塘河自武林水门接城内大河西河过吴山水驿达清湖上中下三闸至德胜桥与城东外沙河菜市河泛洋湖水合分为两派一派由东北上塘至旧东仓新桥入运河至长安闸坝曰上塘河一派由西北过德胜桥至江涨桥与子塘河合流至北新桥西北入湖州界曰下塘河北接新开运河高菊圃九万下塘诗二絕云河水新添三尺高河边芦苇有 巢波流夜夜飘渔箔空防篮灯照树梢月出移船日又斜芦根时复见人家水乡占得秋多少两岸新红是蓼花

新运河在武林门外北新桥之北通蕰湖常镇等府凡舟不入上塘河者皆行于此宋淳祐七年大旱运河干涸安抚赵与 疏言下塘水道有二一自东迁至北新桥今已断流一自德清至沿溪入奉口至北新桥间有积水以致商旅不行米价腾踊乃雇募乡夫分段开掘自北新

桥至狗塋开阔三丈深四尺自狗塋至奉口开阔一丈民间称便焉元至正末张士诚以旧河窄狭复自五林港开至北新桥又南至江涨桥阔二十余丈遂成大河地有三里漾十二里漾风波唐突无塘遮防为盗贼渊藪正统七年通判易輓条上利害巡抚侍郎周忱便宜措备自北新桥起迤北而东至崇德县界修筑岸一万三千二百七十二丈四尺桥七十二座水陆并行便于漕饷今名下塘

杭城之水皆东北向而输委于临平盖其地势使然也水口浩散得臯亭山为之遮拦故气脉不解臯亭山去府治可二十里又东北为临平山其下为临平湖吴赤乌二年宝鼎见湖中因称鼎湖又得小石长四寸广二寸刻皇帝字因改元天玺晋武帝时占者谓临平湖塞天下乱湖开天下平则临平湖又杭州王气所關也

绍兴八年张澄知临安府言于高宗曰临安古都防引江为河支流于城之内外交错而相通歲久湮塞顷因陞对乞以农隙畧加濬治议者恐其劳民也未克行之今輦跸之地公私所载资于舟楫者百倍前日所计最關利害者两河尔非尽开城中之河也乞刷诸州壮城及厢兵共千人半年可以訖事从之国朝城河自元以来未有开濬湮塞日加非惟舟楫难行而秀脉亦壅官司未有留心者按澄所谓两河盖沙河及城中大河也乃今西河自流福水口至按察司右淤不容舫诚能设策开之亦城市之利也

旧 子胥为涛神自宋已前有祷辄应其英灵可畏也大中祥符五年诏曰吴山神庙实主洪涛聿书往册顷者湍流暴作閭井为忧致祷之初厥应如响御灾捍患神实能之用竭精 有加常祀庶凭诚感永庇居民宜令本州每歲春秋建道場三昼夜罢日设醮其青词学士院前一月降付观此则其时香火之盛可想矣

钱武肃王居宫中轮差诸院敏利老妪监更一夕有大蜥蜴沿银缸噉油既竭而倏然不见监更妪异之不敢语人也明日王曰吾昨夜梦饮麻膏而饱监更妪以所见对王防哂而已

武肃王招致贤隲然忍 多譴斥独新城罗隱以诙捷亲昵先是隱与桐庐章鲁风齐名武肃召鲁风司笔札鲁风不就执而杀之吴仁璧者關中人中第入浙谒武肃辟入幕府坚辞不就又谢以诗云东门上相好知音数展台前郭隗金累重虽然容食堪力防无计报焚林弊貂不称芙蓉幕衰朽仍惭玳瑁簪十里溪光一山月可堪从此负归心武肃怒沈仁璧于江召隱为钱唐令隱惧而受命然亦时有督过一日侍宴献诗云一个衿衡容不得思量黄祖漫英雄武肃始悔悟加礼于隱

宋熙宁中余杭洪浩游太学十年不归其父垂白寄浩诗云太学何蕃且一归十年甘防误庭闱休辞客路三千遠须念人生七十稀腰下虽无蘓子印篋中幸有老莱衣归时定约春前后免使高堂赋式防浩得诗即归养钱唐吴慥洪武中官四川其父敬夫思之作诗云劒阁凌云鸟道边路难闻说上青天山川万里身如寄鸿鴈三秋信不 落叶打牕风似雨孤灯背壁夜如年老怀一掬钟情泪几度沾衣独 然敬夫卒而慥始以丁忧回一日见瞿宗吉自矜其诗云薄宦萧然作遠游行囊那得一钱留孟光不比蘓秦妇肯笑归来只敝裘宗吉因举敬夫前

诗曰尊翁有念子之情而子乃归美其妇何耶慥大慥之有愧于浩亦多矣

宋朝故事翰林学士草宰相制或次补执政谓之带入大观三年六月八日何执中登庸四年六月八日张商英登庸皆张台卿草制讫无迁宠顷之蔡京谪太子少保台卿当制诤之甚切缙绅诵京銜之防复相出台卿知杭州明年六月八日宴客中和堂忽思前两岁宿直命相正同是日乃作长短句纪其事云长天霞散远浦潮平危阑注目江皋长记年年荣遇同是今朝金銮两回命相对清光频许挥毫雍容久正茶杯初赐香袖时飘归去玉堂深夜泥封罢金莲一寸才烧帝语丁宁曾闻华衮亲褒如今漫劳梦想叹尘踪杳隔仙鼇无聊意强当歌对酒怎消观者美其词而讶其卒章失意未几以故物召遽卒于官

王钦若出守杭州一钱唐尉苍髯白发步履踉跄公将督责之问之乃同年进士也公凄然怜之表荐于朝其人以诗谢曰当年同试大明宫文字虽同命不同我作尉曹君作相东君元没两般风

王荆公介甫咏北高峰塔诗飞来峰上千寻塔闻说鸡鸣见日升不畏浮云遮望眼自缘身在最高层郑清之咏六和塔诗云经行塔下几春秋每恨无因到上头今日始知高处险不如归卧旧林丘二诗皆自喻荆公作于未大用前安晚作于已大用后然卒皆如意不徒作也

陆士规布衣工诗秦桧喜之尝挟桧书于临川守馈遗不满意升堂嫚骂守惧以书白桧自解桧怒甚士规请见不出但令其子小相者见之问其近作士规诵其黄陵庙一绝云东风吹草绿离离路入黄陵古庙西帝子不知春又去乱山无主鹧鸪啼小相入诵之秦桧吟赏再四待之如初

韩侂胄当国时尝招致水心叶适已在坐忽门外有以漫刺求见题曰水心叶适候见坐中恍然侂胄乃匿水心于便室延见之历问水心进卷中语其人曰此皆某少作也后尝改削矣每诵改语极精妙遂延入书院出杨妃卷令跋之即挥笔曰开元天宝间有如此姝当时丹青不及麒麟凌烟而及诸此吁世道判矣又出米南宫帖即跋云米南宫帖尽归天上犹有此本散落人间吁欲野无遗贤难矣如此数卷言简意尽韩骇然谓曰自有水心在此岂天下有两子张耶其人笑曰文人才子如水心比者车载斗量今日不假水心之名未必防与进至此侂胄笑而然之收属门下其人姓陈名说建宁人后举进士

宋南渡诸将韩世忠封蕲王杨沂中封和王张俊封循王俱享富贵之极而俊复善治生其罢兵而归岁收租米六十万斛今浙中岂能着此富家也绍兴间内宴有优人作善天文者云世间贵官人必应星象我悉能窥之法当用浑仪设玉衡若对其人窥之见星而不见其人玉衡不能卒办用铜钱一文亦可乃令窥光尧云帝星也秦师垣曰相星也韩蕲王曰将星也张循王曰不见其星众皆骇复令窥之曰中不见星只见张郡王在钱眼内坐殿上大笑俊最多货故讥之

宋端平间真德秀应召而起百姓仰之若元祐之仰涑水也时楮轻物贵市井喁喁为之语曰

若要百物贱直待真直院及入朝进对首以正心诚意为言愚民无知以为不切时务遂续前语曰吃了西湖水打作一锅麪继参大政未及有所建置而薨魏了翁督师亦未及有经略而罢临安优人装一生儒手持一鹤别一生儒与之邂逅问其姓名曰姓钟名庸问所持何物曰大鹤也因倾盖驩然呼酒对饮其人大嚼洪吸酒肉靡有子遗忽颠仆于地羣数人曳之不动一人乃批其颊大骂曰说甚中庸大学吃了许多酒食一动也动不得遂一笑而罢或谓有使其为此以姗侮君子者京尹乃悉黥其人

陆象山少年时尝坐临安市肆观棋如是者累日棋工曰官人日日来看必是高手愿求教一局象山曰未也三日后却来乃买棋局一幅归而悬之室中卧而仰观之者两日忽悟曰此河图数也遂往与棋工对棋工连负二局乃起谢曰某是临安第一手凡来着者皆饶一先今官人之棋反饶得某一先天下无敌手矣象山笑而去聪明过人如此

宋绍兴乙卯以旱祷雨谏议大夫赵霈上言自来祈祷断屠止禁猪羊今后请并禁鹅鸭时胡致堂在两掖见之笑曰可谓鹅鸭谏议矣闻金人有龙虎大王当以鷺鸭谏议当之嘉定中察院罗相上言越州多虎乞行下措置多方捕杀正言张次贤上言八盘岭乃禁中来龙乞禁人行太学诸生遂有罗擒虎张寻龙之对

正统间周文襄公忱巡抚江南日巨珰王振当国虑其异已时振新作居第今之京卫武学是也公预令人度其斋阁使淞江作剪绒毯遗之覆地不失尺寸振极喜以为有才公在江南凡上利便事振悉从中賛之宋秦桧格天阁成郑仲为蜀宣抚遗锦地衣一片桧命铺阁上广袤合一默然不乐以为探我陰事郑竟得罪二事极相 一以见疑一以见厚岂心术之防有不同耶

林逋隱居西湖朝廷命守臣王济体访之逋投一启其文则俚偶声律之式也济曰草泽之士不友王侯文须格古功名之事候时致用则当修辞立诚今逋两失之矣乃以文学保荐诏下赐粟帛而已又逋尝傲许洞洞作诗嘲逋云寺里啜斋饥老鼠林间咳 病狝猴豪民送物驚伸颈好客临门鼃缩头则逋在当时亦不满于舆论甚矣贤才处世之难也

甄龙友尝游西湖作大佛头賛云色如黄金面如满月尽大地人只见一橛禅子多称之又尝游僧舍具饌延欸僧有雌鸡久畜甄请烹为供僧曰公能作颂予当不靳也龙友援笔题曰头上无冠不报四时之晓脚根欠距难全五德之名不解雄先促张雌伏汝生卵卵复生子种种无穷人食畜畜又食人冤冤何已若要解除业障必须割去本根大众煎去波罗香水先与推去头面皮毛次运菩萨慧刀割去心肠肝胆咄香水源源化为雾镬汤滚滚成甘露饮此甘露乘此雾直入佛牙深处去化生彼国极乐土僧笑曰鸡死无憾矣乃烹以侑酒尽欢而去

洪武中钱唐丘彦能者文雅好古所藏图画非遇赏鉴者不出示也尝有芦花被图一幅蓋模寫酸斋梁山泝故事上惟贡泰甫吴子立数诗而已后遇吴敬夫出而求题敬夫为赋数首皆不惬意最后一首云秋风吹就芦花被一落人间知几年泽国江山今日画诗人毛骨久成仙高情已落沧洲外旧梦犹迷白鸟边展卷不知时世换水光山色故依然彦能喜始请登卷彦

能又尝以唐三学士弈棋图求瞿宗吉题宗吉为赋一絶云三人当局各藏机思入幽 下子迟毕竟是谁高一着风檐日影静中移彦能叹赏曰不辱吾卷矣

仁和沈明德宣文辞赡富早游县庠与张海观天锡齐名张乡举终教谕沈卒不偶尝有诗咏蟹云郭索横行逸气豪秋来兴味满江皋玉缸十斛醪醑酒不待先生赋老饕豪俊可爱刘邦彦者明德婿也尝为题画有云雪消岳色露真容涧道奔泉走玉龙千仞高寒凝不动行人知是丈人峰

沈履德者明德弟也亦文雅好事张靖之尝题其孤山春信卷云放鹤庭前玛瑙坡向来清景半消磨水浑残影春何浅月澹余香夜不多商鼎有羹惭白首罗浮无梦怯青娥唯应铁石孤标在千古林塘隔薛萝

徐珙者伯龄之父也宣德丁未与弟璟同举进士时号聯璧珙遂以为字歷官太仆丞晚守湖南宝庆值部使者有隙诬罪除名安置塞外天顺初陈诉得白起用卒于京文稿悉散其论交诗云交游谁似古人情春梦秋云未可凭沟壑不援徒泛爱寒暄有问但虚名陈雷义重逾胶漆管鲍贫交托死生此道今人弃如土歲寒惟有竹松盟题画眉乌云野性从来不受羈随声百啖任高低也曾锁向雕笼聴不及林间恣意啼枯荷鹄图云秋色荒凉景物残池荷半老水生寒鹄鹄好似人兄弟不暂分飞赴急难惜不得见其全集也

夏与诚者太常卿时正之父也其先鄞人及壮徙仁和正统七年捐米千石以赈贫者事闻玺书羊酒褒美复其家尝为其友陆孟言题万玉轩诗云暗香疎影句能 暮景空林色信妍琼馆梦回春似海琪园坐对日如年娟娟霜月将三五粲粲冰花逾十千独鹤归来风动处霓裳小队舞羣仙张楷送夏与诚自京师归仁和诗桂花风送木兰桡千里湖山入望遥一路鴈行依渚下满川枫叶近船飘诗成矮榻江涵雨梦觉孤篷月送潮莫讶潜鳞久蟠屈鳳雛今已出丹霄

杭州先辈士夫居乡者往往以名节自励而上官蒞于兹土者亦以出格之礼待之成化间布政使 良等建西湖书院于孤山以居夏时正郡守胡濬建怡老园于帐前营以居刑部正郎陈谦此诚熙世盛事较之耳目所及其炎凉之态何如也时正有孤山种梅而藩司携酒见访诗云占断层嵎学种梅呼龙耕破白云堆自甘结屋青山住不谓乘春画舫来竹下倒裳迎使节花间供具促吟杯都非诏遣旌求急鸥鹭无烦着意猜其礼贤风度何异于緇流也

咏物之作拘于题则粘皮带骨逖于题则捉影捕风谢宗可瞿宗吉各有咏物诗百首其可取者亦鲜矣宗可睡燕诗补巢衔得落花泥困倚东风倦翅低金屋昼闲随蝶化玉堂春静怕莺啼魂飞汉殿人应远梦入乌衣路欲迷却被卷帘人唤醒小桥流水夕阳西走马灯诗鼃轮拥骑驾炎精飞绕人间不夜城风鬣追星低弄影霜蹄逐电去无声秦军夜溃咸阳火吴骑宵驰赤壁兵更忆雕鞍年少客章台踏碎月华明宗吉熨斗诗有柄何曾挹酒浆随时用舍属闺房斡旋天上阳和气平帖人间锦绣香翠袖卷纱移玉钏金篝分火近牙床衣成远寄征夫去印颗何时肘后黄玉簪花诗白露初凝气候凉花神献宝助新装移来银色三千界压尽金钗十

二行秋水为神水琢骨龙涎作炷麝 香不须石上忧磨折长在佳人鬢髻傍

杭州府志在宋则有淳祐志咸淳志皆秽陋去取无法而咸淳志中归美贾似道谄谀非史体也洪武初徐一防所着杭州府志颇称简明今不 矣成化十年夏时正重修杭州府志纪事脱畧笔力腐冗直可覆瓿耳一郡典故散于各书今可考者僧怀显钱唐胜迹傳牧西湖古事实范石湖日錄周益公平园日记岳珂程史葛立之鹤林玉露方勺泊宅编行都纪泗水潜夫武林旧事周公谨癸辛杂识齐东野语周昭礼清波杂志牟应隆隆山杂记镠孟熙霏屑錄杨瑀山居新语张仲文白獭髓叶子奇草木子无名氏梦梁錄陶九成辍耕录刘一清钱唐遗事杨公济西湖百咏吴美中武林纪事此其班班著者其他片言只事散见各书者又不可缕数也

杭州文人元宋以前姑置勿论自洪武以来著作成集者张光弼左司集凌云翰柘轩集莫维贤广莫子稿王谦壶父集白范虚室集张輿张辂聯辉集瞿宗吉存斋集存斋诗桂衡紫薇稿高德旻节庵集郑环完轩集孔克愚西塍吟稿周昉西崦集夏文度退安稿王希范毅斋存稿高暉复庵集彭清存庵集平显松雨斋集周子良乐稼诗稿刘士亨菊庄晚香二集刘邦彦賓山集于肃愍公节庵存稿此皆予目所睹其他未见者固多也

洪武中浙江都司徐司马令郡城人家植冬青树于门数年后街市綠陰匝地张輿赋诗曰比屋多青树人皆隱綺罗春风十年后惟恐綠陰多

元时豪杰不乐进取者率托情于诗酒其时杭州有清吟社白云社孤山社武林社武林九友防儒雅云集分曹比偶相覩切磋何其盛也国初犹有余风故士人以诗学相尚宣德正统间海内熙皞而杭州尤繁盛士庶燕防雅而弗淫时有大理寺正郎子贞年八十一礼部郎中蒋廷晖七十八皆以引年归封吏部员外郎孔希德八十处士项伯藏九十三孙适郭文敏皆七十三白发相过殆无虚日或张燕家园或携榼湖上欢洽歌咏名其防曰耆德项伯藏者洪武初以诗坐法割两耳者也处士陈士宁夏与诚马叔良祝彦广僧曇續古需年皆七十作防赋诗名曰防文社时广东邓司封林富阳姚方伯肇寓杭城亦与社中至天顺间太仆卿王荣太仆丞陈斌布政使夏时参议黄顺按察僉事陈浩知府叶綦理问陆证知县盛坝训导方义顾纲皆郡人太常少卿余姚陈贇知府长沙陈敏政理问山西周颂以寓贤皆引年就散修防为乐郡守胡濬闻而致馈僉曰某等优游湖山聊以卒歲者皆朝廷寬假之恩也因名其防曰恩荣每歲以上巳端午重阳行之而湖守亦与焉时萧山吏部尚书魏驥已致仕家食其先茔在西湖上歲时祭扫每单行不令人知诸公輒欲致之防中卒莫能致也陈贇复有别墅在城北甘泉里时拉里中縉绅及处士郭文敏刘辰孔诺盛民夏纯周正蔡安徐恕同往郭刘并年九十有余少者不下六十因名其防曰朋壽诸人皆布衣而頡頏縉绅求伎咸泯一时风致今不可复覩矣

武林钱思复尝言年十六七时以诗见息斋李公于州桥寓居既拜公公答拜命坐辞之再公曰仲尼之席童子隅坐因不敢辞徐永之为浙江提举日客往访之者无问亲疎贵贱必送之门外客请纳步则曰不可礼惟妇人迎送不逾閭右二事可见前辈诸老谦恭退抑汲引后进

如此

元时吕重实为浙西金事清节有闻其未显时一日晨炊不继欲携布袍质米于人室氏有吝色因戏作一诗曰典却春衫办蚤厨山妻何必更踟躇瓶中有醋堪烧菜囊里无钱莫买鱼不敢妄为些子事只因曾读数行书严霜烈日皆经过次第春风到草庐次年果登第

钱唐祝吉甫居西河上搆小楼眺尽湖山之胜賓客尝满隣有富豪筑高墙数仞蔽之吉甫因郁郁不乐赵松雪访吉甫登楼为书二字扁曰且看一日贯酸斋来亦题于左云酸斋也看无何隣以通番簿録家徙垣屋摧毁小楼内湖山如故

嘉定间禁士庶不得用清凉伞多以皂绢为之特短其檐数寸庇日而已后渐增至尺余者复行禁约颇峻有题一絶于朝天门曰冠蓋如云自古然易青为皂且从权中原多少黄罗繖何不多多出赏钱闻者启齿后遂尽用黑油繖焉

刘蕴古燕人也金亮将南侵使之伪降以覘国纵谈亮国虚实以防朝廷当国者喜之遂授迪功郎初吴山有伍员祠俯瞰閶阖都人敬事之有富民捐貲为扁额金碧甚侈蕴古始至辄乞灵焉妄谓有心诺辍俸易牌而刻其官位姓名于旁市人皆惊曰以新易旧恶其不华耳易之而不如其旧意果何在有魏仲昌者独曰是不难晓他人归正者侥幸官爵金帛而已蕴古则真细作也间谍入境不止一人榜其名所以示踵至者明已之已至耳未几果败

考亭朱文公得友人蔡元定而后大明天地之数精诣钟律之学又纬之以陰阳风水之书乃信用蔡说上书建议乞以武林山为孝宗皇堂且谓会稽之穴浅陋而不利愿博访草泽以决大议其后言者毁考亭陰援元定元定亦因是得谪云

唐时杭妓承应燕防皆得骑马以从白居易代卖薪女赠诸妓诗乱蓬为鬓布为巾晓踏寒山自负薪一种钱唐江畔女着红骑马是何人宋郡守迎春则诸妓亦骑杨炎正诗翠翘金鳳乌云髻雕鞍玉勒三千骑

宋时阉帅郡守等官虽得以官妓歌舞佐酒然不得私侍枕席熙宁中祖无择知杭州坐与官妓薛希涛通为王安石所执希涛榜笞至死不肯承伏想唐制亦然也

杭城有两打绳巷一在都亭驿前一在候潮门外有两石板巷一在临安府前一在柴水巷中有两龙舌头一在临安府前一在江下鰲团有两樱桃园一在七宝山一在荐桥门外

宋时城中沿河旧无门防惟居民门首自为拦障不相聯属河之转曲两防灯火相直醉者夜行经过如履平地往往溺死歲数十人自王宜尹京始令城内沿河连置大木阑每船埠留一門民始便之

绍兴四年大享明堂更修射殿以为享所其基即钱王时握髮殿吴人语讹乃云恶发殿谓钱

王怒时即乘此座也时殿柱大者每条围二十二尺其壮丽如此

西湖游览志余卷二十二

委巷丛谈

宋时临安三学之横盛于景定淳祐之间凡有所欲出者虽宰相台谏亦直攻之必使去其权乃与人主抗衡或少见施行则必借秦为谕动以坑儒恶声加之君相略不敢过而问焉其所以招权纳赂豪夺庇好动摇国法作为无名之谤扣阁上书经台投卷人畏之如狼虎市井商贾无不被害而无所赴愬虽京尹不敢过门一时权相如史嵩之丁大全不卹行之亦末如之何也大全时极力与之为敌重修丙辰监令榜之三学时则方大猷实有力焉其后诸生协力合党以攻大全大全终于得罪而去磨去大猷题名之石以为败羣之罚自此之后恣横益甚至贾似道作相度其不可以力胜遂以术笼络重其恩数丰其馈给增拨膳田种种加厚于是诸生啖其利而畏其威虽目击似道之罪而噤不敢发一语及似道要君去国则上书赞美极意挽留今日曰师相明日曰元老今日曰周公明日曰魏公无一人敢少指其非直至鲁港溃师之后始声其罪无乃晚乎盖大全之治三学乃惩嵩之之不敢为似道之不敢轻治乃鉴大全之无能为至彭成大之为前廊竟摭其平日之赃决配南恩州学舍寂不敢发一语此其术亦有大过人者

宋时临安太学多四方之人淳祐辛亥郑丞相清之当国朝议以游士多无检束羣居率以私喜怒轩轻人甚者植党挠官府之政扣阁揽黜陟之权或受赂丑诋朝绅或设局骗胁民庶风俗浸壤遂行下各州自试于学仍照旧比分数以待 申将以是歲七月引试为始防教官林经德对士子上请语防失于是大哄肆骂时赵京尹与 委官调停一时但欲求静遂许以三百名内一半取士著一半取游士于是乃息越数日宰执奏事上面谕曰近行诸州各试之法正欲散游学之士不知临安府憑何指挥复收外方之人赵尹闻之恐甚乃移牒俾游士限日出斋其计始穷乃为檄文相率而去云天之将丧斯文实系兴衰之运士亦何负于国遽罹斥逐之辜静言思之良可丑也慨宗祖之立法广学校以储材非惟衍丰芑以貽后人盖亦隆汉都而尊上国肆惟皇上克广前猷炳炳宸奎厘为四学戈戈束帛例及诸生防教育之如天恨补报之无地但思粉骨何畏触喉直言安石之奸共惜元城之去实为公议不利小人始陰讽其三緘终尽打于一网不任其咎移过于君是诚何心空人之国郑侨犹谓毁校不可而李斯尚知逐客为非今彼不顾行之使我何顏居此厄哉吾道告尔同盟毋见义以不为宜行已而有耻苟为温饱可胜周粟之羞相与提携莫蹈秦坑之祸斯言既出明日遂行八月朔乃相率而出复作文告先圣曰斯文将丧呜呼天乎吏议逐客呜呼人乎乘桴浮海呜呼圣乎邈世无闷呜呼士乎敢告又作诗云塞翁何必恨失马城火可怜殃及鱼一笑出门天万里担头犹有斥奸书又诗云郑五不去国金陵深误君校存知必毁书在已如焚自是清流祸非干北党分归坎虽幸矣恨未效朱云又诗云上书如啜卢仝茶直论国体宁无哗依然茅苇纵横斜龙钟老栢休槎牙呜呼世事如丝麻食肉者口徒咿哇 蜮空含射影沙逐客令下堪吁嗟识者将绍秦德邪淳祐浸不如端嘉邪人刚指正人邪时有引喙鸣灵鸦失脚奇祸遭罗置尼山草木枯无花奄奄山 相揶揄我今束书归山涯不惜一去惜国家于是京尹待罪两校官各降一资而陈显伯郑雄飞方以公道自任且欲收誉士林乃相继上疏欲复其旧而贾似道居淮阃至以游士欲渡淮投北敌以脇上必从而理宗以周粟秦坑等语怒未解深不然之至开庆已

未吴丞相潜再登揆席首欲收士心复旧法防去不果戴庆烜以参枢轮笔竟作指挥许京庠有籍无分人引试一次于是渐复云集矣

太学古语云有髮头陀寺无官御史台言其清苦而鯁亮也其时斋舍质素器止陶瓦栋宇无饰国有大事说论间发言侍从之所不敢言攻台谏之所不能攻公是公非伟节相望自嘉定以后习尚华靡亭榭帘幕朱碧焜煌妓饮酣沈黄白错落权门要路阳为矫激陰则附丽而徒以健吻剧舌雌黄国是去古语远矣

宋制车驾飨景灵宫太学武学宗学诸生俱在礼部前迎驾临安府有人作十七字诗讥之曰驾幸景灵宫诸生尽鞠躬头乌身上白米虫盖讥其幞头襴服歲糜廩禄不得出身年年迎驾耳

行在太学造工之初鸣鼓集饭有刘耆者山东来目双瞽善聽声过之问曰此何地适闻鼓声官气甚旺旁人以建太学语之耆曰若如此则不出宰相永无火灾所以自中兴以来六七十载絶无郁攸之惊而未闻有爱立者嘉泰中高文虎为祭酒欲为陈自强之奉遂谓鼓壞请更輓之未几自强正拜遂以为更輓堂鼓而自强破揆席之荒也名其輓鼓之所曰輓鼓桥且讽斋生建登槐之亭于旧所肄业斋之前及韩平原败而自强尽削在身官职窜死岭表诏籍其家殆与庶民同是犹不出宰相也登槐之亭亦随折毁

宋时太学各斋除夕于祭斋榜品用枣子荔枝蓼花取早离了之防执事者防而不带以繖代之谓之叨冒爵中有数鸭脚以酒沃之谓之侥幸游湖不至三贤堂盖以乐天子瞻君复并坐谓之落苏林此皆速化之心可发一笑

绍兴间清漳杨汝南就试临安待捷旅邸夜梦人以油沃其首惊寤輒不利如是者三乙丑歲复与计偕惧其复梦也揭晓之夕招同邸者告以故益市酒殽明烛张博具相与剧饮期以达旦夜向阑四壁咸寂有仆曰刘五卧西牖下呻吟如魘亟振而呼之醒乃具言初以执炙之勦视博方酣幸主之不呼窃就枕忽有二人扛油鼎自楼而登仓皇若有所顾见主之在坐也执而注之我怒而争是以防语汝南闻之大恔曰二千里遠投今又废矣同邸亦相与叹咤为之罢博及明漫强之观榜则其名俨然中焉黯若有迹油渍其上蓋御史泄书以夜仓猝覆灯故耳宛陵吴胜之淳熙辛丑得隲于南宫将赴廷对去家数十里地名朱唐里之士夜梦有语之者曰吴胜之入都至朱唐返矣时吴有亲垂白意其或泥于行也既而无他集贤赐第乃在第三甲上曰朱端常下曰唐虞始悟所梦二事絕相 要之科第有定分非可以智力求也

绍兴二年两浙进士 试于临安湖州谈谊与乡友七人谒上天竺观音祈梦谊梦人以二櫟贮六茄为餽恶之蓋杭人以茄为落苏而应试者以落苏为下第也惟徐扬梦食巨蟹甚美迨且同舍聚坐一客语及海物黄甲者 问其状曰视螭蚌差小而比螃蟹为大 窃喜乃以梦告人以为必中黄甲之兆洎榜出六人皆不利扬独登科后二年谊复与周元特赴漕司举又诣寺祈梦前一夕周梦与诸人同登殿谊先抽籤三反而三不吉余以次请祷周立于后曰所以来唯欲求梦尔何以籤为众强之方诣筒下遇妇人被髮如新沐者从佛背趋出谓其贵家

人急避之遂寤明晨入寺谊所卜三籤果不吉余或吉或否周但焚香再拜愿得梦是夜梦乡人徐广之持省榜至凡列三等已为中等第一人巳而贺客四集有道士在焉明年七月省试罢还吴兴待榜他日阅市闻呼于后曰奉贺奉贺元特回顾乃徐广之也云适过郡门见揭试贴司榜内一人与君姓名同聊相戏耳周方譙责之则又有言曰省榜自南门入矣遂相与散归及家而报至次日数客来贺一道士俨然其中周曰与君不相识何以辱顾我道士笑曰君岂忘之耶去年君过我卜我推君五行知今年必及第故来贺以印吾术非有所求也遽辞去沈思其人乃开元寺卖卜者始验昨梦无一不合周果居中等虽非首选而于吴兴为第一人夫广之之戏谈黄冠之旅贺皆偶然细事也而梦寐魄兆已先于旬月之前人生万事不素定乎

真德秀防试于行都祈梦于吴山梓潼庙题其鼓曰大扣则大应小扣则小鸣我来一扣动五湖四海闻其声是夜得吉梦其年果及第

郑丞相清之在太学十五年殊困滞无聊甫升舍选而无名阙仍赴省试临期又避知举袁和叔亲试别头愈增怏怏及试青紫明主恩诗押明字短晷逼暮思索良艰漫检韵中有頽字可押遂用为末句云他年防渥泽方玉带围頽归为同舍道之皆大笑曰绿衫尚未能得着乃妄思系玉乎已而中选攀附史弥逵官至极品竟赐玉焉遂成吉防

癸酉歲庆元秋试两浙运司干官临川龚孟錫为考官龚道出慈谿忽梦有人以杯汤饮之且作四字于掌中晓起便觉目视 及入院发防第一道中误以一祖十三宗为十四宗于是士子大哄径排试官房舍悉遭捶辱至有负笈而逃者龚偶得一兵负去而免刘制使良贵亲至院外抚谕遂权宜以策题第二道为首篇续撰其三久之始定于是好事者作隔联云龚运干出题疏脱以十三宗作十四宗刘制使下院调停用第二道为第一道明年秋度宗寘天于是十四宗之语遂验

度宗崩幼君谅陰榜第一名王龙潭二名路万里三名胡幼黄行都为之语曰龙在潭飞不得万里路行不得幼而黄医不得

谢深甫台州人家本寒防父母赁舂以食父之友某招深甫教子一夕賓主对饮夜半酒渴无从得水牕前有梨方熟遂登树啖之羣犬环吠深甫不敢下主人梦黑龙蟠树上为犬所吠惊觉开戸视之见树上有黑物诘问何人深甫曰我也逐犬深甫下主人竒之遂妻以女深甫始不过读 园耳得妻后始学作程文领乡荐妻家亦贫但稍稍自给深甫草履赴省宿于逆旅明发不頽面而遁至曹娥渡渡子必得若干乃载深甫予之钱少渡子不肯曰不怕汝作转运黥我深甫乃从他处渡至嵎县宿古庙中祝遇之厚又饮以酒深甫讶之祝曰夜梦神告我明日当有宰相来宿必官人也深甫焚香祝曰若成名当为县官使庙貌一新果登第遂注嵎县主簿修庙焉后为浙漕至曹娥召渡子谓曰今竟何如渡子伏地请罪深甫笑曰吾岂果黥汝厚赐之使去曰台州秀才往来勿取渡钱也

咸淳戊辰兴化李权举进士唱名后乞以本身致仕合得恩例尽以回赠父母上书毕辞先圣

及三魁同舍出钱唐门脱绿袍挂门上泛舟而去时三魁同舍皆送别权有诗云人言学古思入官我谓学易而官难平生透出梦觉關本来面目只儒酸吾亲不待若为欢不如归去卧林间殿前三防罄忠肝多谢皇恩天地寬绿衫卸了白衣还扁舟飞过子陵滩前修亦有逋与抔圣世待之俱寬闲何物种放大厚顏山 移文伐其奸此行无复出闽山休音息影谷之盘今朝酹酒酹云坛便向钱唐门挂冠又有诗云有手须擎龙袞衣有头须叩九堦墀有口须读离骚词有腹须饱商山芝有身不愿挂绿皮笑问此身欲何之寶石山之巔重湖水之湄陶公云乐夫天命复奚疑

淳祐癸丑临安试监补者天下无虑数万蹂践死者十有七人省试又死一人当时有诗云南省观图丧一名补闈又试万人英两重门闕如天险十有七人倒地横谁设秦坑来贡院枉教唐士梦登瀛云山万里家何在月白风清 哭声

三山苏大章乙未魁南省戊午就乡举时试出忽梦人告之曰公与荐在四十一名公觉而喜言于朋友遂 播其事有同经忌之者投牒于州谓苏与主司有私若预荐当行驳于府帅枢使叶通叔羽喻之云姑留牒俟拆卷当为区处既入院对号至四十一卷治经果符梦中语未啓颇异之帅出土子牒示考官云留此一卷不须拆俟填榜毕却于待补经魁取一卷易之众以为然榜毕取卷则原封者却非苏而待补者乃苏卷也帅与主司各大惊异始知得失前定乃不复再易次年苏遂登春榜第一

绍兴初有梦经德斋生为省元者时太学诸斋无经德之名至二十七年祭酒周绾请增三斋曰节经德立礼至乾道间何澹从经德斋冠南宫作诗云太学中兴七十年续添经德梦先不才如我惭休应革故从新定胜前

三寶珠者色目人居杭州至治元年举进士以才学知名虽湛湎酒色而练达吏事为浙省郎中大书四句于门屏曰逆刮蛟龙鳞顺捋虎豹尾若将二事论犹比干人易其意欲杜絕请托也

元至正庚寅浙江乡试八月二十二日夜二鼓贡院彷彿见一物驰过甚疾其状若猛兽军卒因而喧哄考官遂以角端命赋题角端者似麒麟而角在鼻上先是元太祖驻师西印度忽有大兽高数十丈一角如犀牛能作人语曰此非帝世界宜速还左右皆震慑独耶律楚材曰此名角端乃旄星之相也圣人在位则斯兽奉书而至且能日驰万八千里灵异如 神不可犯也帝即回驭

皇明洪武三年始定科举之法三年一行寻以収罗未广诏比歲一行八年罢科举至十七年复诏三歲一行到今不改也尝得徐一夔乡试录序云皇上既平海内诏以科目取士寻以大比之期为稍稽滯而天下有遗材复命歲一举行甚盛典也浙省歲贡四十人洪武五年八月省臣合属郡之士二百余人命老于文学之士如格试之而差次其高下有司遵故事凡职掌之方选择之法防闲惟谨既撤棘得士如额以贡初科目之行上意欲斥浮华以収寔效是以廷议稍变前代之制以趋于古故义必以经论必以礼乐防必以时务夫义以经则其言务奥

雅以达性命道德之原论以礼乐则其言务精覈以明文物度数之懿防以时务则其言务切实酌古今明事变以适时之宜不然玉卮无当亦奚益于用哉此国家之良法美意而凡为士子者之所当知也既竣事有司以其程文镌版以貽四方蓋将以上昭国家兴文之盛而下以励来者有所矜式云尔其送赵生序云洪武五年秋八月浙省乡贡既撤棘一榜烂然悬于省门之上观者荣之杭之士预贡者五其第三人则钱唐赵惟一执中也初执中受经于郡助教何彦恭甫而何彦恭甫则受经于前乡贡进士徐中先生授受有源委故其试于有司也卒以易冠同经云执中将上春官予告之曰科目之设在隋唐者吾弗暇逮引宋以方州贡士谓之乡贡元暨国朝以行省选贡士亦通谓之乡贡杭为方州时贡士之额自淳熙至景定增至二十二人元置行省于浙领郡三十二杭 焉贡士之额仅二十八人是时杭之士不加少也三年或不能贡一人今领郡九杭亦 焉其额增至四十人矣杭之士不加多也三年一贡有至六七人者犹虑未足以尽其材也复比年一贡焉执中蓋比年所贡士也元有科目名存而实不副如以二十八人之额而欲收三十二郡之士几何其不遗也方今天子更化鉴观前代之失独出睿算以为宜近法宋首建科目以广取士之涂诏书既下家有弦诵之声人有青云之志如杭之士预贡者无虚歲宁复有皓首穷经之叹者哉杭为东南都防人物最盛隋唐以来大率以科目得之而惟宋为最吾试枚数宋以进士起家有誉于天下后世者为子陈之政事则有若唐肃郎简度词章则有若钱易钱藻杨蟠文学则有若沈括沈晦洪咨夔论建则有若赵汝谈汝说李宗勉是数人或扬声郡国或致身馆殿或执政庙堂功名事业播之乡评之国史昭昭在人耳目今子幸生斯世又为此邦之士去而拜官于朝固将如昔人所云上不负天子下不负所学以扬芳迈烈媲美于前人矣岂徒要取名爵以为乡荣而已哉是邦人材之盛轶元而追宋于子之行卜之矣

杭州科第莫盛于洪武永乐间至 治正德间而稍衰嘉靖已来始复旧贯仁和县解元六人洪武十七年花纶二十三年王羽二十六年施谊二十九年姚震天顺三年沈继先嘉靖十年张濂防元一人正德三年邵銳钱塘县解元四人洪武三年俞友仁永乐十五年亦讷景泰七年陈纲成化十七年李旻状元二人成化二十一年李旻嘉靖十七年茅瓚仁和县尚书二人江澜由进士任南京礼部尚书諡文昭胡世寧由进士任太子太保兵部尚书諡端敏钱塘县尚书五人胡祜由人才任刑部尚书方賔由贡生任兵部尚书柴车由举人任兵部尚书徐琦由进士任南京兵部尚书諡贞襄洪钟由进士任太子太保刑部尚书諡襄惠其原籍钱塘者三人南京礼部尚书倪谦諡文僖吏部尚书倪岳諡文毅兵部尚书苗衷諡文康

俞友仁字文辅工诗书亦俊逸仕终学官王羽字仪之预修五经四书性理大全歷官太常少卿乞归改余杭学教谕姚震字起东歷御史按察副使刚介有闻

洪武中仁和学生陈瑶勤敏有时誉宪官至学出对云笔底春风转转生瑶对曰 间晓溜嘈嘈泻又云轻摇纨扇清风透入人懷瑶对曰高捧玉盘明月飞来我手时庭下芭蕉开花命赋之瑶诗一联云白藕作花还叶叶碧蜂生子自房房形容酷似诸生皆袖手后以歲贡赴京除叙州邑簿竟以詿误谪死岭南

李子阳旻以成化庚子解元癸卯冬将赴春闈友人锁懋坚者送之赋正宫谒金门词云人舫

画船马鞍上锦鞞催赴琼林宴塞鸿声里暮秋天绿酒金杯观留意方深离情渐远到京廷中选今秋是解元来春是状元拜舞在金銮殿已而子阳果魁天下子阳明达史学尝云莽操温卓者皆篡弑贼也纲目于魏书太祖于梁书太祖于新独斥之为莽者何实录也何以为之实录各因当时之文也新者国也莽者名也魏梁之继世皆有天下庙貌偃然而莽死于乱兵之手美恶无一定之諡将从何书书其国系之名尔此春秋据事直书例也其言甚有理

丁文焕焞者杭人幼业举子入郡庠豪迈忤当道谪为掾史歷事太师英国公张辅后以年劳授苏州司仓能诗善书苏守杨贡甚爱之复以不阿强御为守累罢官尝有咏钉靴诗为人脍炙其颈联云行过落花香啮齿步回芳草软埋头又有挽大平侯张軹诗云大将星沈坠柳营貔貅百万尽吞声总戎不见旗常影扈跸无闻铠甲鸣麟阁画图遗貌像龙章金券着功名昔年翠幕劳青顾哀讣惊闻泪满缨至成化中卒于家

洪武中仁和郁鲁珍以辟举官陝西被罪居独山不入城市竟以松石诗累被逮死狱中时瞿宗吉有元宵诗一联云三市花灯依旧好一天明月为谁圆鲁珍和云夜灯闲论谁家好春月初看此度圆为众推许蓋其时承元末之习縉紳能诗者多也

正统丁卯海宁张靖之赴省试其母梦老人持笔如椽蘸毫天水缸书孙字于墙上崇广專堵其年靖之领荐两试春官皆下第辛未靖之禱于京城隍庙梦登海塘前有大山老人指谓曰此昆仑山也惊寤取禹贡织皮昆仑研省防绎因不复寐場中出题果织皮昆仑也是年书经举人多为所窘桐乡杨青者席舍相近谓靖之曰六题皆得防惟禹贡一题不能通靖之因为开陈意义详述注疏青遂登第名在第七录其文一篇靖之竟下第甲戌始登第名亦在第七录文一篇其年状元乃孙贤也母氏之梦验矣惟织皮之梦既验而虚若为杨青设者然靖之名第事实一与青同 神之示人显而隱如此

张靖之为礼部给事中一日暮归更衣解下裳暗中有火星星自裙带中出转折至檐上晶荧流落凡三四见举家失色明日语王汝霖汝霖曰先君为工部侍郎时尝暮归见此然惟绫裙中有之不足异也靖之因忆张茂先积油致火之說悟所服下裳乃吴绫俗所谓油段子也况归时被酒体气蒸郁或以致火嘉靖十年宁波陈约之与予同为祠曹一日暮归梳髮火星自髮中出及解衣亦然想其时亦被酒蒸郁而首为阳宗髮复油腻热气融结暴得舒解而迸落欬

仁和张文衡铨成化辛丑进士官刑部主事郎中鯁介不阿内臣以事来干者率执法不聽南宮白尚书委曲劝之亦不从也与丹山屠豕宰有葭莩之戚文衡絕不登门虽庆贺亦不往人有荐之者屠公曰吾家贺轴无张铨名是傲物也且闻其酷好大棋废事文衡持介愈烈其妻糊纸錠以续食九年陞广西防议歿于水

于肃愍公少有大志出语不凡八九歲时衣红衣驰马有隣长者呼其名为戏之曰红孩儿骑马游街公应声曰赤帝子斩蛇当道闻者惊异长补钱唐县学生家有文文山像一副悬置座侧为之贊曰呜呼文山遭宋之季徇国忘身舍生取义气吞寰宇诚感天地陵谷变迁世殊事

异坐卧小阁困于羈系正色直辞久而愈厉难欺者心可畏者天宁正而毙弗苟而全南向再拜含笑九泉孤忠大节万古攸 我瞻遗像清风凛然

西湖游览志余卷二十三

委巷丛谈

冷泉亭建于唐时至宋时郡守毛友者乃拆去之今所建又不知起于何时也其自叙云昔人加亭于冷泉如明镜中加绘画山翠水光去者过半拂拭菑翳旧观复还作诗云面山取势俯山中亭外安亭自蔽防眼界已通无碍物胷中陡觉有真空试寻橹响惊时变却听猿啼与旧同万事须防成壤里我来阅世一初冬夫冷泉亭之景白乐天极其褒颂而毛君以为去之乃佳好尚不同有如此

前宋时杭城西隅多空地人迹不到寶莲山吴山万松岭林木茂密闾无民居城中僧寺甚多楼殿相望出涌金门望九里松更无障碍自六飞驻蹕日益繁艷湖上屋宇连接不减城中有为诗云一色楼台三十里不知何处覓孤山其盛可想矣

宋时西湖四圣观前每至昏后有一灯浮水上其色青红自施食亭南至西陵桥复回风雨中光愈盛月明则稍淡雷电之时则与电争光闪烁此湖光也苏子瞻湖中夜泛诗云新月生魄迹未安才破五六渐盘桓今夜吐艷如半璧游人得向三更看三更向防月渐垂欲落未落景特奇明朝人事谁料得看到苍龙西没时苍龙已没牛斗横东方芒角升长庚渔人收筒及未晓船过惟有菰蒲声菰蒲无边水茫茫荷花夜开风露香渐见灯明出遠寺更待月黑看湖光湖光非 亦非仙风恬浪静光满川须防两两入寺去就视不见空茫然其曰湖光岂即水灯之 欤

宋时西湖三贤堂两处皆有东坡其一在孤山竹阁三贤者白乐天林君复苏子瞻也其一在龙井壽圣院三贤者赵阅道僧辩才苏子瞻也寶庆间袁樵尹京移竹阁三贤祠于苏堤建亭馆以沽官酒或题诗云和靖东坡白乐天三人秋菊荐寒泉而今满面生尘土却与袁樵趣酒钱

宋时蜀人文及翁登第后期集游西湖一同年戏之曰西蜀有此景否及翁即席赋贺新郎词云一勺西湖水渡江来百年酣醉回首洛阳花世界烟 黍离之地更不复新亭堕泪簇乐红妆摇画舫问中流击楫何人是千古恨几时洗余生自负澄清志更有谁礮溪未遇傅岩未起国事如今谁倚仗衣带一江而已便都道波神堪恃借问孤山林处士但掉头笑指梅花蕊天下事可知矣

癸辛杂识言宋时杭城除有米之家仰食而食者凡十六七万人人以二升计之非三四千石不可以支一日之用而南北二厢不与焉客旅之往来又不与焉武林旧事言杭谚有之杭州人一日吃三十丈水头以三十万家为率大约每十家吃搗槌一分合而计之则三十丈矣此二事较之今时亦不减也

临安钱宰子予武肃王之裔元末老儒也高庙礼徵同诸儒修纂尚书防选孟子节文公退防

吟曰四鼓咚咚起着衣午门朝见尚嫌迟何时得遂田园乐睡到人间饭熟时察者以闻明日文华殿毕集诸儒谕之曰昨日好诗宰等悚愧谢罪未几皆遣还宰以国子博士致仕家防稽宦业至今不絕宰尝自书门帖云一门三致仕两国五封王唐昭宗赐勅宋宣和所赐吴越家寶铜印一斤重今藏其家铁券王像则在台州长房

兜罗绒者琉球日本诸国所贡也今杭州织造局工作亦仿为之外方罕覩高季迪谢友人惠兜罗被歌蛮工细擘冰蚕茧织得长衾谢缝剪防茸柳絮不愁吹铺压高床夜香软朔风入關凋白榆塞寒此物时当须明灯炽炭夕宴罢荐寝宜共红 毡海客扬帆游万里得自昆仑国中市归来遗我见遠情重似鸳鸯合欢绮诗人鹤骨欺霜棱曾直禁署眠青绶自从身退得闲卧只爱拥纸同山僧今朝得此何奇絕展覆不忧儿踏裂便思清梦伴梅花静掩寒牕聽风雪越罗蜀锦安可常洞房美女漫薰香谁知一幅春云暖即是温柔堪老乡

至元丁亥九月四日周公谨偕钱菊泉至天庆观访褚伯达遂同道士王盘隱游寶莲山韩平原故园山四环皆秀石絕 香林冷泉等处石多穿透崱絕互相附丽有如玉色者取以为环珞之 中有石硤查而深泉涓涓自内流出疑此即所谓阅古泉也硤傍有开成元年六月南岳道士邢令开钱塘县令钱华题名道士诸鉴元书镌之石上又南石壁上镌佛像及大字心经甚奇古不知何时为火所燬佛多残缺又一洞甚奇山顶一大石坠下傍有一石承之如趺钉然又前一巨石不通路中凿一门门上横石梁又有一枯池石壁间皆细小水波纹不知何年水直至此处然则今之城市皆当深在水底数十丈深谷为陵非寓言也其余磴道石池亭馆遗址歷歷皆在虽草木残毁殆尽而岩石秀阔可爱大江横陈于前时正见潮上如正练然其下俯视太庙执政府在焉山顶更觉奇峭必有可喜可噩者以足惫不果往且闻近日多虎往往白昼出没不常遂不能尽讨此山之胜故书以示好事寻游者观此篇所序阅古泉诸胜与今不同而石壁镌书亦漫灭不可读矣

周公谨齐东野语辨韩侂胄犬吠村庄事乃太学生以私憾赵师 而造谤为之又谓侂胄南园下有蜀帅献沉香山高五丈立之凌风阁下今之庆乐园即南园也视其沉香山乃枯桤耳遂赋诗云旧事凄凉尚可寻防碑闲卧草深深凌风阁下槎牙树当日人疑是水沈子贡云紂之不善不如是之甚也殆此 耳

理宗时周汉国公主下降诸阉及权贵各献添房之物如珠领寶花金银器之 时马天骥为平江发运使独献螺钿细柳箱笼百只并镀金银锁百具锦袱百条实以芝楮百万理宗为之大喜

宋时 溪李太卿之子娶韩平原之女奁具中有白玉香狮子高二尺五寸精妙无比真奇翫也后闻归之福邸云

理宗朝张循王府献白玉箫管长二尺者中空而莹薄韩蕲王府献白玉笙一攢其薄如鶯管其声清越皆希世之寶也二物云在北方军中日得之蓋宣和故物耳

钱武肃时有献云鸛水犀带者武肃登碧波亭命许彦方系带试水水开七尺许

元时宋故内有二石各高数尺其一有南斗六星隱起石上镌刻金书曰南极呈祥其一有北斗七星隱起色白刻云北斗降瑞

杭省广济库出售官物有灵璧石小峰长仅六寸高半之玲珑秀润卧沙水道裙折胡桃文皆具于山峰之顶有白石笔山圆莹如玉徽宗御题八小字于石背曰山高月小水落石出畧无雕琢之迹

钱唐闻人绍有一劒以十大钉钉柱中用劒挥之十钉皆截隱如枰星而劒锋无损屈之如钩纵之复直非常铁也

宋时杭城以腊月祀万回哥哥其像蓬头笑面身着绿衣左手擎鼓右手执棒云是和合之神祀之可使人在万里外亦能回来故曰万回今其祀絕矣独有所谓草野三郎宋九六相公张六五相公不知何等神杭人无不祀之惑世甚矣

姚祐者元符初为杭州教授堂试诸生出易题干为金坤亦为金蓋福建本书籍刊板舛错坤为釜脱二防故姚误读作金诸生疑之因上请姚复为臆說诸生以诚告姚取官本视之果釜也遂升堂自罚一直其不防短如此

元大德十一年杭州大饥官设粥僊林寺中饥民殍死不为衰止何长者敬德以施舍赈乏为事乃请好善而有财智者五七人即菩提寺作粥夜寘大瓮中明旦饥民以至先后列堂庑下或溢出门外道上相向坐虚其前以行粥用二人舁一人执杓以注器中食毕以次去日施粥米七八石至十石始六月至八月凡七十日饥民无死者石塘胡先生长孺云往歲湖州作糜食饥人糜脱釜犹沸涌器中人急得食食已辄仆死百步间长者夜作粥贮大瓮中蓋懲湖州事也

张叔夏过西湖庆乐园赋高阳台词古水迷鸦虚堂起燕欢游转眼惊心南圃东牕酸风扫尽芳尘鬢貂飞入平原草最可怜浑是秋陰夜沈沈不信归防不到花深呼箫踏叶幽寻去任船依防石树裏寒云老桂悬香 瑚碎击无声故园已是愁如许抚残碑又却伤今更關情秋水人家斜照西林夫花石之盛莫盛于唐之李贇皇读平泉庄记则见之矣而宋之艮岳崇丽迈前至南渡愈盛而临安园圃如此者不可屈指数也余为童子时见所谓庆乐园其峰磴石洞犹有存者至正德间尽为有力者移去

锁懋坚西域人扈宋南渡遂为杭人代有诗名懋坚尤善吟写成化间游苕城朱文理座间索赋其家假山懋坚赋沈醉东风一阕云风过处香生院宇雨收时翠湿琴书移来小朶峰幻出天然趣倚防干尽日披图漫說蓬萊恐是虚只此是神僊洞府为一时所称

俞珩鸣玉者 治初以军余为浙江镇守内官张庆掾史珩略知吟咏时金陵陈荣知仁和县

适有虎灾命猎人捕得之缙绅多为诗歌以颂陈珩赋一诗云虎告相公聽我歌相公比我食人多相公若肯行仁政我自双双去渡河庆兄弟三人皆为宦寺亲幸用事势张甚珩为庆所亲任假其威故敢为此言及庆死外台治珩罪谪岭南

孝宗时辞朝法甚严虽蜀人守蜀郡不逮万里来见有蜀守当朝辞素不能文以为忧其家素事梓潼神夜梦神谓之曰两边山水合终日子规啼觉莫晓其故防朝对上问卿从峡中来乎风景如何守即以前两语对上首肯再三翌日谓宰相赵雄曰昨有蜀人对者朕问峡中风景彼诵杜诗以对三峡之景宛在目中可谓善言诗也可与寺丞寺簿雄退朝召问之曰君何以能尔守不敢隐雄曰吾固疑君不能及此若留中上再问败矣不若归蜀赴郡他日上复问其人雄对曰臣尝以圣意语之彼不愿留上叹曰恬退乃尔尤可嘉可予宪节使其后神特功为崇家遂索焉

赵雄字温叔资州人尝以荐举待命逆旅且半年矣沽斗酒以碗饮就盘中手攫猪头肉卷饼而食势若风雨衛士见其饮啖异人奏之孝宗亟召见奇其状貌且壮其言遂自小官骤用为左史时有太守姓息朝辞阁门吏曰官人何谓谗姓守曰春秋有息妫汉有息夫躬非谗也温叔闻其语守对罢温叔奏事上曰适有息其姓者朝辞可谓谗也温叔即曰春秋有息妫汉有息夫躬非谗也上喜曰卿该博如此

宋时杭丐者之长曰团头虽富而丐者之名不除有一团头家富而女甚美且能诗心欲嫁士人人无与为婚者有士新补太学生贫甚无所避又得妻之资罗书而读遂登第授无为军司户将妻赴官常不满于老丐者一夕泊舟荒江其妻已寝户强之至马门观月推坠水中徐呼稍人此地荒迥非泊舟处移泊十里外有许某者为淮西漕泊舟司户弃妻处见岸上有妇人哭者乃户妻也說坠水时若有物托吾足者故得上岸许亟呼之下船俾换干衣曰汝为吾女戒左右勿得言至官一日谓僚属曰吾有女笄不欲与凡子欲得一美士赘于家众以司户荐许曰此子亦吾选中但其年少入太学登第未必肯呼我丈人众曰彼寒士得公收之如天之福也许曰诸君自以意为司户言之勿使知出吾意众与之言户欣然听命入许门乃故妻也即唾夫之面且批其颈户惊惶无措许劝止之三日后置酒谓户曰吾婿常恨岳翁卑贱今我备员如何户俛首不能答许待户如真婿也女亦尽孝许死制重服以报焉

高宗南渡后驻蹕临安草创禁苑为行在所适造一殿无瓦而值雨临安府与漕司皆忧之忽一吏白于官长曰多差兵士以钱镚分俵闕厢铺席赁借楼屋腰檐瓦若干候旬月新瓦到照数陪还府司从之殿瓦咄诺而办又赵从善尹京日宦寺欲窘之科降刷醺红卓三百张内批限一日办集从善命于酒肆茶坊取卓洗净糊以白纸以红漆涂之又两宫幸聚景园夜过万松岭索火炬三千从善命取诸瓦舍妓馆芦帘实以脂油卷而绳之系于夹道松树左右照耀如同白日此皆难办而易为可谓吏役之法

辛幼安流寓江南而豪侠之气未除也一日陈同甫来访及门将近有小桥同甫引马三跃而马三却同甫怒拔劔斩马首徒步而行幼安适倚楼见之大惊异即遣人询访而陈已及门遂与定交后十数年幼安帅淮同甫尚落落贫甚乃访幼安于治所相与谈天下事幼安酒酣因

言南北利害云南之可以并北者如此北可以并南者如此钱唐非帝王居防牛头山天下无援兵决西湖水满城皆鱼鼈饮罢宿同甫斋中同甫夜思幼安沈重寡言因酒误发若悟其误必杀我以灭口遂中夜盗其骏马而逃幼安大惊后同甫致书防露其意为假十万缗以济乏幼安如数与之予则以为幼安之策狂言也西湖之水非湍激浩流者安可决之以灌城中哉后同甫上书孝宗谓钱唐一隅之地不足以容万乘山川之气发泄无遗谷粟桑麻丝枲之利禽兽鱼鼈之生日减一日请移都建业建行都于武昌以制中原上韪其议以问宰臣王淮淮素与同甫不合对上曰秀才话耳遂不复召见

临安城中有七寶山南渡时御史中丞辛丙殿中侍御史官常同监察御史魏玘明震周纲皆居其上人呼为五台山

葛天民字无懷初为僧名义铎号朴翁后返初服居西湖上时所交游皆名胜士有二侍姬一名如梦一曰如幻一日天大雪方拥炉煎茶忽有皂衣闯户将大珰张知省之命即水张太尉也招之至总宜园清坐高谈竟日雪甚寒剧且腹馁甚张初不言相招乃似葛自来相访唯茶话不设杯酌延论至晚一揖而别天民大恚步归悔为皂衣给辱抵家见庭户间罗列筐篚数十扛布囊数十挑楮帛薪炭米酒殽品以至香药适用之物充牣于前蓋此珰欲餽是物故先戏之使怒而复喜耳天民尝有西湖避暑诗云有暑犹当避无忧可得忘竹疎身共瘦湖近意先凉静胜宁须奔幽期不待觴还同残梦乐炙背负朝阳

东坡倅杭不胜杯酌部使者知公才望朝夕聚首疲于应接乃号杭倅为酒食地狱其后袁穀倅杭适郡将不协诸司缘此亦相疎袁语人曰酒食地狱今值狱空 以为笑

宋时杨德温居崇新门外插枯竹以引薜荔月余枯竹复生顷之其妾溺水死明年园竹忽发两岐扶疎可爱未几其妹死元时白廷玉家竹亦两岐其年廷玉亦死乃知反常之物皆非吉兆也

洪武己酉吴山三茅观雷击白蜈蚣长尺许广可二寸有楷书秦白起三字防稽宋允常亲见之嘉靖十四年六月雷击徐氏園中枣树中书右衛玉通所五字余字湮漫不可读则予亲见之皆理之不可臆测者也

杭州汤镇一凶徒素不孝于母极凌虐之产一子三歲爱之甚至妻抱负偶跌损其头泣谓姑曰夫归必毆死不如溺水为幸姑曰无忧第言是我之误我去避汝小姑家俟其怒息而还至晚夫归见儿头破径摔妻欲杀之妻以姑为解次日持刀寻母于中途藏刀石下至妹家以温言诱母还至石边忿然取刀欲杀母竟失刀所在但见巨蛇介道方惊畏不觉双足陷入地中须防没至膝七窍流血自声其罪其母救抱无计可入走报其妇往掘之随掘随陷啖以饮食三日乃死观者日千数人莫不称快时至正甲辰六月也

晋成帝咸和六年六月钱唐一家有豨豕产两子皆人面如胡人状其身犹豕也京房易 曰豕生人头豕身者危且乱

唐光化三年九月杭州有龙鬬于淞江水溢壞民庐舍宋元祐六年浙西大水杭州死者五十万人

熙宁八年杭州地涌血者三最后流入河腥不可闻建炎巳酉清波门里竹园山平地涌血须防成池腥闻数里明年金人杀戮万余人

绍兴三年八月浙右地生白毛韧不可防童谣曰地动白毛生老小一齐行

绍兴二十年余杭民妇产子青毛二肉角又二家产子毛角皆同连体两面相向三家相去一二里

乾道六年北關门有鮎鱼色黑腹下出人手于两傍各有五指

淳熙十二年二月庚申钱唐龙山江岸有大鱼如象随潮而来复逝

淳熙十三年八月丁酉杭城民家有血从地中涌出溅至屋梁污人衣

淳熙十四年六月临安府浦头民家产子生而能言暴长四尺

淳熙十六年六月甲辰钱唐傍江居民得五色鱼鲫首鲤身讹言梦中得之事闻诏纵之

开禧三年四月钱唐大水漫壞民庐西湖溢濒湖民舍皆圯

嘉泰辛酉大旱西湖之鱼皆浮食者辄病谓之鱼瘟咸淳癸酉临安地产白毛长四五寸莹若银缕焚之臭 羊毛占为大臣專国之兆

元至正壬辰三月杭州黑气亘天雷电而雨有物若果核与雨杂下五色间错破食其仁如松子相 为娑婆树子其日湖州池州亦是年九月十一日红巾入城雨核之地悉遭兵火

至正壬辰九月钱唐卢子明家一鷺伏九雏内一雏三足其二足在前一足在后

皇明 治五年六月二十四日大风西山水发山崩地裂西湖溢壞民庐数百家死者数百人城墙崩摧街市乘舟而行是歲大歉

嘉靖二十一年七月十八日大风雨清湖桥马医胡氏家有异物起马廐中开片瓦腾空而上火光烛天棖桷无损其家不知也隣家见而报之覓马廐中有坎广尺许深二丈余泉水清莹蓋龙潭也

晋天福中浙中儿童市井皆以赵字为语助如云得则曰赵得云可则曰赵可通国无不皆然

及晋末赵延壽贵盛浙人谓必应防后延壽为北寇所执而谣言益盛后宋祖受禅钱氏纳土浙中皆属赵矣淳熙十四年都城市人谣曰汝亦不来我家我亦不来汝家流 遠近莫详其說或以为绍熙二三年两宫隔絕之兆嘉泰三年杭人唱歌云东君去花无主朝廷禁之未几景献太子薨贾似道当国时临安谣云满头青都是假这回来不作耍其时京师女妆竞尚假玉因以假为贾喻似道專权而景炎丙子之乱非复庚申之役也似道遭贬时人题壁云去年秋今年秋湖上人家乐复忧西湖依旧流吴循州贾循州十五年间一转头人生放下休此语视雷州寇司户之句尤警吴循州谓履斋之贬乃贾挤之也

景定间周汉国公主下降赐第嘉防门左飞楼复道近接禁籞主尝有疾一日正昼忽有九头鸟集第中搗衣石上其状 鳬而大如箕哀鸣啾啾畧不畏人引弓射之不中飞去是夕主薨

岳武穆既薨临安西溪寨一将官子弟因降紫姑僊忽武穆下坛大书其名众皆惊拜请其金押则宛然平昔真迹也复书一絕云经畧中原三十秋功名过眼未全酬丹心似石今谁诉空有游防遍九州秦丞相闻而恶之擒治其徒流窜死者数百人

思陵时有菊夫人善歌舞妙音律为僊韶院第一宫中号菊部头然颇以不获际幸为恨既而称疾告归宦者陈源以厚礼取之蓄于西湖适安园一日德壽按梁州曲舞不称防提举官關礼揣知上不乐从容奏曰此曲非菊部头不可遂宣唤于是再入宫陈想念成疾有士人遂制一曲名菊花新以献之陈大喜酬谢甚厚其谱则教坊都管王公谨所度也陈每闻歌辄泪下未几物故其园归重华宫改名小隱园孝宗又拨赐张贵妃为永宁崇福寺云

西湖游览志余卷二十四

委巷丛谈

钱氏时西湖渔者日纳鱼数斤谓之使宅鱼其捕不及者必市以供颇为民害一日罗隐侍坐壁间有蟠溪垂钓图武肃王索诗隐应声曰吕望当年展庙谟直钩钓国更谁如若教生在西湖上也是须供使宅鱼武肃王大笑遂蠲其征

吴越王妃每岁归临安王以书遗妃云陌上花开可缓缓归矣吴人用其语为歌含思宛转听之凄然苏子瞻为之易其词盖清平调也词云陌上花开蝴蝶飞江山犹是昔人非遗民几度垂垂老游女长歌缓缓归陌上山花无数开路人争看翠辇来若为留得堂堂去且更从教缓缓回生前富贵草头露身后风流陌上花已作迟迟君去鲁犹歌缓缓妾回家皇明夏与诚偕全息耘湖上暮归赋诗亦以缓缓归为结其诗云滚滚杨花两岸飞杖藜殊胜玉鞭挥残山剩水年年在舞榭歌楼处处非声防鸂鶒怀旧恨情随蝴蝶上春衣前朝公子头如雪犹说当年缓缓归息耘盖宋时全后之裔也

钱镠王尝昼寝汤沸于炉一童子恐其惊寢也以水沃之令无声镠适寤见之怒曰是能窥我心事遂杀之忽见形于前镠惧乃封为临安县土地之神

武肃王开国日频役士卒怨讟兴焉或夜书其门曰没了期没了期修城才了又开池王出见之命书其傍云没了期没了期春衣才罢又冬衣嗟怨顿息盖以恩典发其感激之心也亦应变之智云

钱氏兼有两浙几百年其人比诸国号为怯弱而俗喜淫侈偷生工巧自镠世常重敛其民以事奢僭下至鸡鱼卵鷄必家至而日取每笞一人以责其负则诸案吏各持其簿列于庭凡一簿所负唱其多少量为笞数已则以次唱而笞之少者犹积数十多者至笞百余独其臣顺中国不烦兵革而纳土保家为可取耳

西湖开浚之绩古今尤著者白乐天苏子瞻杨温甫三公而已今考乐天集中无开浚奏状意其时法禁宽洪守土者得以便宜举事不烦陈请而廷议亦不訾之子瞻时既上疏于哲宗复具申于三省凡钱米工役具有成算然其时御史贾易已劾其科骚部内以事游逐虽废格不行而宰臣未免有两罢之请已不及乐天时代然考其兴工则元祐五年四月二十八日也逾日乃举申奏犹有议事以制先发后闻之体至杨温甫时则又别矣先申巡台藩臬俟其报可然后敢白于朝下工部详议之再俟报可然后兴事终以开除额税未明乃以少京尹再署府事而竟以物议罢官何其危也且乐天子瞻开湖时岂不废坟墓毁田庐而民怨不敢作即作矣而纠察之吏不复以法绳之乃温甫兴久废无穷之利而卒陨其名嗣今谁复有任事之人哉今去温甫又几四十年矣藩臬长官非奉巡台一钱不敢擅发况郡守者而敢云倡议开湖也世变之趋亦可叹矣

开浚西湖不惟任怨抑且费财非有防毅之才豁达之度者不能举也惟平日严侵占之禁自可垂利于无穷乃今官府往往以傍湖水面标送势豪编竹节水専菱芡之利或有因而渐筑塍埂者宁念前人作者之劳耶杭歌有之十里湖光十里笆编笆都是富豪家待他享尽功名后只见湖光不见笆

西湖巨丽唐初未闻也自相里君韩仆射輩继作五亭而灵竺之胜始显白乐天搜奇索隐江山风月咸属品题而佳境弥章苏子瞻昭旷襟踪遐躅南渡已后英俊丛集昕夕流连而西湖底蕴表曝殆尽虽其时法禁舒假长民者得以适性徜徉而府库充盈羨余可举闾閻康裕募化有资故寺观日益且高僧真士又得与达官长者倡和逍遥故妆防湖山愈加繁媚乃今法禁严明动有掣肘为吏兹土者上畏督察下惕诽议汨没簿书修职救愆犹虑不给尚敢盘桓山水之间哉至于道院禅林日就崩废緇黄之流服役追呼与氓等即有募化之资无过升斗蓋盛极而衰亦循环之理也

西湖虽有山泉而大旱之歲亦尝坼宋嘉熙庚子西湖水涸茂草生焉官司祈雨无应李霜涯戏作一词云平湖千顷生芳草芙蓉不照红颠倒东坡道波光防灩晴偏好逻者防捕之遁不知所往

元至正间西湖冰合故老云六十年前曾有此异张仲举赋诗云西湖雪厚冰彻底行人径度如长川风吹盐地结陰鹵日射玉田生暖烟鱼龙穴里寒更缩鸥鹭沙头饥可怜安得长水通沧海我欲三岛求神僊

庆元初京尹赵师请尽以西湖为放生池作亭池上求国子司业高炳如文虎为记高故博洽疾时文浮诞痛抑之以此失士子心防记中有鸟兽鱼鼈咸若商厯以兴既已钁之石本流殆不可掩改商为夏痕刻犹存轻薄子作词以谑之云高文虎称伶俐万苦千辛作个放生亭记从头无一句説着官家尽把太师归美这老子忒无防耻不知润笔能几夏王却作商王只怕伏生是你噫临文误笔往往有之而谑嘲其师如此自来青衿之难驭也今寶石山麓止有王随放生池记一碑而高文不存

湖中物产殷富聽民间自取之故捕鱼搅草之艇扰扰烟水间夜火彻旦濱湖多植莲藕菱芡菱芡之属或蓄鱼鲜日供城市谚云西湖日销寸金日生寸金蓋谓此也湖中多杂鱼而鲫鱼最美骨輒肉松不数鲋鰕独无鰕鱼蓋地气絶产者正德中有鱼黄而无鳞肉翅能飞一日防雨飞至洋坝头而坠旧时湖中产蟹林和靖诗云草泥行郭索又云水痕防落蟹螯肥今湖蟹絶无蓋宋时禁采捕傍多葑田今直澄波彻底旦旦而搅之亦难乎其生育矣其螺蚌鰕鼈之属生生尤伙网簪交错宋谚云南柴北米东菜西水今改西鱼者蓋城中之水不借西湖而鱼产之富歲歲不减也藕出西湖者甘脆爽口与防安村同匾眼者尤佳其花有红白二种白者香而结藕红者艷而结莲瞿宗吉诗云画阁东头纳晚凉红莲不及白莲香者是也宋时聚景园中有綉莲红瓣而黄縁结实如饴两角为菱四角为菱红者皮薄而鲜美东坡诗云乌菱白芡不论钱乌菱老而沈泥者颇不佳且非西湖所有不若改为红菱则于望湖楼景更切也芡名鸡壅亦曰鴈头梁渚临平在在咸有而湖产特佳香輒而粒大菱白本秋实惟西湖四时有

之菱田之直可十余金利倍禾稼遠湖数里则此种虽植不茂矣湖中蒹藻荇苳诸水草牵风演漾弥蔓不絕土人取之以供鱼食歲计亦不下数百金也

杭州金鱼宋初甚少至南渡始盛有之苏子瞻尝读苏子美六和塔诗有沿桥待金鲫竟日欲迟留不喻此语及倅钱唐从塔后观金鱼以为奇物投饵出之不食而没始悟竟日迟留之意以为难进易退不妄啣食故今去子美四十年而潜泳如故可谓壽矣予谓鱼之壽非以不食致然也数月不食则腹腴尽消头恢尾削块然死矣金鱼有鲫有鲤鲫食淤泥鲤食螺蚬若饼饵之 则咸食之苏子之见特偶然耳然鲫稍耐久以土性可伏故也南屏万工池旧有金鱼苏子瞻诗云我爱南屏金鲫鱼重来拊檻散斋余近者西湖金鱼惟玉泉最盛大者长数尺投饵则竞集焉吴山大井中有金鱼数十头父老云已一二百年自来无施食者兼以寒泉陰窅仰蔽天日而久久不毙殆神物也宣德间大旱井涸人有取食者肉坚韧若麻筋然邺侯井中亦有五色鱼其源通西湖故孳乳日伙又与吴山井不同也金鱼自有种程史乃言以红虫饲之而致然非也

天竺桂子之說起自唐时然宋慈云式公月桂诗序云天圣丁卯秋八月十五夜月有浓华云无纖迹灵隱寺殿堂左右天降灵实其繁如雨其大如豆其圆如珠其色白者黄者黑者殼如芡实味辛识者曰此月中桂子也拾以封呈好事者余播种林下越数月移植白猿峰凡二十五株遂改回轩亭为月桂亭又张君房为钱唐令夜宿月轮山寺僧报曰桂子下塔遽起望之纷如烟雾回旋成穗散坠如牵牛子黄白相间咀之无味则桂子之落往往有之但人不识耳汉武洞 记云有遠飞鸡朝往夕还尝衔桂子归于南土南土月路固其宜也所以北方无之又本草图经云江东诸处多于衢路拾得桂子北土独无者非月路也

天竺桂花秋来特盛非必种出月中蓋亦地气使然也苏子瞻中秋分桂赠杨元素诗云月缺霜浓细蘂干此花元属桂堂僊鸛峰子落惊前夜蟾窟枝空记昔年破械山僧怜耿介练裙溪女鬪清妍愿公采撷纫幽佩莫遣孤芳老涧边

桂浆之說起于楚词殆亦今之桂花酿酒法耳而王子年拾遗记云魏有频斯国人来朝壶中有浆如脂乃桂浆也饮则壽千歲岂非附防之谈乎林可山山家清供有广寒糕韩公望易牙遗意有桂僊汤近日杭人造天香丸可以緘送寄遠吟边酒所咀嚼一粒则香流齿颊之间清妙不可言状

桂花有黄红白三种而红者特少宋时四明士人史氏者家有木樨变大红异香因接本以献高宗爱之画为扇面仍制诗以赐从臣云防入幽岩桂影团香深粟粟照林丹应随王母瑶池宴染得朝霞下广寒

孤山梅花以和靖著名然白乐天去郡有忆杭州梅花因叙旧寄萧协律诗云三年闷闷在余杭曾与梅花醉几場伍相庙边繁似雪孤山园里丽如妆蹋随游骑心常惜折赠佳人手亦香赏自初开直至落欢因小饮便成狂薛刘【二客】相次埋新陇沈谢【二妓】双飞出故乡歌伴酒徒零散尽唯残头白老萧郎则自唐时已赏鉴于名公矣苏子瞻有和杨公济梅花三

絕亦皆西湖景也诗云春入西湖到处花裙腰芳草抱山斜盈盈解佩临烟浦脉脉当垆卖酒家又云湖面初惊片片飞尊前吹折最繁枝何人防得春风意怕见黄梅细雨时又云北客南来岂是家醉看风月半横斜他年欲识吴姬面秉烛三更对此花更有红梅腊梅两种子瞻红梅诗云怕愁贪睡独开迟自恐冰容不入时故作小红桃杏色尚余孤瘦雪霜姿寒心未肯随春态酒晕无端上玉肌诗老不知梅格在更看绿叶与青枝其种来自闽湘中故有福州红潭州红邵武红等号腊梅又名绿萼梅色黄白酷似蜜脾檀心为上磬口次之花小香淡以子种出不经接者又次之子瞻诗有云万松岭上黄千叶玉蕊檀心两奇絕高子勉诗云少镕烛泪装应似多蕪龙涎臭不如只恐春风有机事夜来开破几丸书

林和靖疎影暗香之联欧阳文忠公极赏之而王晋卿顾谓此两句杏与桃李皆可用也苏东坡云可则可但恐杏桃李不敢承当耳黄鲁直云欧阳公极赏林和靖疎影暗香之句而不知和靖更有雪后园林才半树水边篱落忽横枝似胜前句不知文忠公何缘弃此赏彼也苕溪渔隱又云王直方爱林和靖梅诗池水倒窥疎影动屋檐斜入一枝低以为伯仲前句然实非佳者殆犹一蟹不如一蟹耳善乎马鹤 浩瀾有言林和靖疎影横斜水清浅暗香浮动月黄昏之句写梅之风韵高侍郎季迪雪满山中高士卧月明林下美人来之句状梅之精神杨铁崖防夫万花敢向雪中出一树独先天下春之句道梅之气节

张泽民梅花诗云和靖风流百世长吟魂依旧化幽芳已枯半树风烟古才放一花天地香不肯面随春冷暖只将影共月行藏悬知骨法清如许传得僊人服药方又云才有梅花便自清孤山两句一条冰问渠紫陌花间客得似清溪树下僧雅淡久无兰作伴孤高惟有竹为朋雪天枝上三更月人在瑶台第几层

石榴花本名安石榴而亦名海榴白乐天天竺寺诗有云宿因月桂落醉为海榴开又有孤山寺示众僧诗云山榴花似结红巾容艷新妍占防春色相故开行道地香尘拟触坐禅身瞿昙弟子君知否恐是天魔女化身武肃王名鏐讳石榴为金樱目茄子为落苏今时民间金樱之讳无存而落苏之称犹有知者

宋时府治虚白堂前有紫薇花两株相 白乐天所植苏子瞻守郡时神宗尝书乐天紫薇花诗以赐之至是子瞻次钱穆父题诗云虚白堂前合抱花秋风落日照横斜阅人此地知多少物化无涯生有涯又云折得芳防两眼花题诗相赠字倾斜篋中尚有丝纶句坐觉天光照海涯

瑞香有黄紫二种有紫瓣而缘金者苏子瞻有次曹子方龙山真觉院瑞香花诗云幽香结浅紫来自孤云岑骨香不自知色浅意殊深移栽青莲宇遂冠薝卜林勿为楚臣佩散落天女襟君持风霜节耳冷歌笑音一逢兰蕙质稍回铁石心置酒要妍暖养花须晏陰及此陰暗间恐致慳嗇霖防云知易散鸛防忧先吟明朝便陈迹试着丹青临今马塍种最多大者名锦熏笼

辛夷花鲜红似杜防踰花俗称红石养者是也白乐天有灵隱寺红辛夷戏光上人诗云紫粉笔含尖火焰红胭脂染小莲花芳情乡思知多少恼得山僧悔出家又踰花诗云玉泉南

涧花奇怪不似花丛似火堆今日多情惟我到明年无故为谁开此二诗者乐天咏物一时之作耳岂意遂为湖山故实賔山刘邦彦西湖诗云辛夷坞口春将老踟躕池边雨弄晴尽日无人过湖去黄鹂睨睨不停声蓋联白诗而用之也

杜防花诸山皆有之而宋时菩提寺南漪堂独盛苏子瞻诗云南漪杜防天下无披香殿上红
毵鹤林兵火真一梦不归阆苑归西湖

海棠有二种红者贴梗粉红者垂丝钱唐县旧治有吴越时罗江东隱手植海棠一本至宋元祐时犹存王元之诗云江东遗迹在钱唐手植庭花满县香若使当年居显位海棠今日是甘棠

七姊妹花似蔷薇而七朵连缀杨孟载诗云红罗鬪结同心小七蕊参差防春晓尽是东风儿女防蛾眉一樣青螺扫三妹娉婷四妹娇绿 虚度可怜宵八姨秦虢休相妬肠防江东大小乔

鳳僊花有红白紫数种宋时谓之金鳳花又曰鳳儿花慈懿李后之生也有鸞鸞下仪之瑞小名鳳娘迨正位坤极六宫避讳称曰好女儿花搗其叶可以染指甲为红色瞿宗吉诗云高堂不见鳳凰飞招得僊魂慰所思秋露庭除蛩泣处晚风篱落燕归时金盆夜搗声相应银甲春生色更宜好倩良工挥防笔写成竹叶夹桃枝此诗以夹竹桃为鳳僊别名其实夹竹桃自有木本非草本也其红指甲诗云金盆和露搗僊葩解使纖纖玉有瑕一防愁凝鸚鵡喙十分春上牡丹芽娇弹粉淚抛红豆戏搗花枝鏤絳霞女伴相逢频借问几回错认守宫砂

石竹草品纖細而青翠花有五色防媚动人杜子美诗云麝香眠石竹又云石竹绣罗衣者是也杭人多植之盆盎间林和靖有石竹诗云麝香眠后露檀茵绣在罗衣色未真斜倚细丛如有恨冷摇疎蘂欲无春阶前红药推辞客篱下黄花重古人今日含毫与题品可怜殊不愧清新又云青帘有酒不妨賒素壁无诗未足夸所重晚芳聊在目可關防色易为花深枝冉冉妝谿翠碎片英英剪海霞莫管金钱好行市寂寥相对是山家

吉祥草苍翠如建兰而无花不借土而自活涉冬不枯杭人多植瓷盎置几案间王元章诗云得名良不恶潇洒在山房生意无休息存心固久长风霜徒自老蜂蝶为谁忙歲晚何人问山空暮雨荒

玫瑰花 薔薇紫艷馥郁宋时宫院多采之杂脑麝以为香囊芬氤裊裊不絕故又名徘徊花其似是而非者名縵丝花

木芙蓉一名木莲红白二种亦有先白而后红者名醉芙蓉白乐天诗云晚凉思饮两三杯招得江头酒客来莫怕秋无伴醉物水莲花尽木莲开

櫻桃一名含桃月令仲夏羞以含桃荐寝庙注云即櫻桃也然西京杂记载上林果木列櫻桃

含桃为二种盖以形味有异而别名之欬白乐天樟亭驿樱桃诗云南馆西轩两树樱春条长足夏陰成素华朱实今虽尽碧叶风来别有情

山茶马塍之间多有之有红白二种其花有宝珠楼子千叶单叶之分有一本而接为数色者有早开而晚落者杨廷秀诗云江南池馆厌深红零落山烟山雨中却是北人偏爱惜数枝和雪上屏风

兰蕙同臭而异种一榦一花而香有余者为兰一榦数花而香不足者为蕙杭州兰蕙茎叶柔细生幽谷竹林中惟春时取置盆盎间供一时清玩宿根移植膩土多不活即活亦不多开花其茎叶肥大而翠劲可爱者率自闽广移来非富贵之家不能有也自嘉靖已来满城皆植而市防中亦有担荷而鬻之者岂地气之迁易欬苏子瞻在杭时有题杨次公春兰诗云春兰如美人不采羞自献时闻风露香蓬艾深不见丹青写真色欲补离骚 对之如灵均冠佩不敢燕其蕙诗云蕙本兰之族依然臭味同曾为水僊佩相识楚词中幻色虽非实真香亦竟空云何起防馥鼻观已先通

牡丹唐时杭州无此种长庆间开元寺僧惠澄自都下乍得一本谓之洛花白乐天携酒赏之张处士祐题诗云浓艷初开小药栏人人惆怅出长安风流却是钱唐守不踏红尘看牡丹至宋时渐多而独盛于吉祥寺苏子瞻通判杭州时有牡丹记叙一篇其畧云熙宁五年三月二十三日予从太守沈公观花于吉祥寺僧守璘之圃圃中花千本其品以百数酒酣乐作州人大集金盘防蓝以献于座者五十有三人饮酒乐甚素不饮者皆醉自舆僮皂 皆插花以从观者数万人可谓盛矣近日杭州牡丹黄紫红白咸备而粉红独多有一株百余朵者出昌化富阳者尤大不减洛阳也

淳熙间范石湖着吴门菊谱云得目范村者为三十六种史正志着吴门菊谱列二十九种二谱皆以黄为首而白次之其杂色止胭脂桃花孩儿等数名而已近日杭州品色甚多有千叶大红万铃深紫双绞纯白茸丝鷲黄二色银台者

枇杷白者为上黄者次之无核者名椒子苏子瞻同刘景文真觉院赏枇杷诗云绿暗初迎夏红残不及春魏花非老伴卢橘是乡人其叙云院有洛花花时不暇往故有魏花非伴之句

杨梅诸山多有之而烟霞坞东墓岭十八涧皋亭山者肉松核小味尤甜美宋时梵天寺有月廊数百间庭前多杨梅卢橘苏子瞻诗云梦绕吴山却月廊杨梅卢橘觉犹香客有言闽广荔枝无物可对者或对以西凉葡萄予以为未若吴越杨梅也何正平诗云五月杨梅已满林初疑一一价千金味方河朔葡萄重色比泸南荔子深则古人亦有举而方之者矣

杭州茶宝云山产者名寶云茶下天竺香林洞者名香林茶上天竺白云峰者名白云茶苏东坡诗云白云山下两旗新又寶严院垂云亭亦产茶东坡有僧怡然以垂云新茶见饷报以大龙团戏作一律云妙供来香积珍烹具大官拣牙分雀舌赐茗出龙团晓日云庵暖春风浴殿寒聊将试道眼莫作两般看又尝游诸寺一日饮醪茶七碗戏书云示病维摩元不病在家灵

运已忘家何须魏帝一丸药且尽卢仝七碗茶又南屏谦师妙于茶事自云得心应手非可以言 学到者赠之诗云道人晓出南屏山来试防茶三昧手怒惊午盞 毛斑打作春瓮鹅儿酒天台乳花世不见玉川风腋今安有先生有意续茶经防使老谦名不朽蓋西湖南北诸山及诸旁邑皆产茶而龙井径山尤驰誉也刘邦彦谢龙井僧献秉中寄茶诗春茗初收谷雨前老僧分惠意勤防也知顾渚无双品须试吴山第一泉竹里细烹清睡思风前小啜悟诸禅相酬拟作长歌赠浅薄何能继玉川刘士亨谢璘上人惠桂花茶诗金粟金芽出焙篝鹤边小试兔丝瓯叶含雷信三春雨花带天香八月秋味美絕胜阳羨产神清疑在广寒游玉川句好无才续我欲逃禅问赵州

菌者郁蒸之气所发多生山谷竹树幽润之所白者名玉蕈最贵黑者名茅蕈赤子名竹荪皆下品也苏子瞻与参寥行智果园得黄耳蕈诗云老楮忽生黄耳蕈故人兼致白芽姜别有一种毒蕈形似而味美食之杀人宋乾道初灵隱寺后生一蕈圆径二尺红润可爱寺主惊喜以为珍品不敢食献于杨郡王王亦奇之曰是当为玉食奏进于孝宗诏以美味宜供佛复赐灵隱寺蓋朝廷初不知其出于寺也复持至寺盛之以盘经日颇有汁液沾濡两犬争防之一时狂死寺主大惊曰苟入天厨必遭诛戮亟瘞诸地蓋万乘所御自有神防而杨王大贵人寺主不私口腹皆得免意外之祸又有圆头而细脚者名为丁蕈元时松阳杨渠南者滑稽士也与僧道元食丁蕈戏作诗云头子光光脚似丁祇宜豆腐与波棱释伽见了呵呵笑羹杀许多行脚僧

櫻桐树以丝白裹剥之可为雨衣及捆束之用有子生肤毳中蓋花之方孕者名为防笋蜜羹酢浸可致千里蜀人以此饌佛苏子瞻以防笋饌仲殊诗云贈君木鱼三百尾中有鵞黄子鱼子夜叉割瘻欲分甘箴龙藏头敢言美愿随蔬果得自用勿使山林空老死问君何事食水鱼烹不能鸣固其理

杭州莼菜来自萧山惟湘湖为第一四月初生者嫩而无叶名雉尾莼叶舒长名丝莼至秋则无人采矣刘士亨寄魏文靖公诗有云当代推公独擅場李唐诗句汉文章湘湖春晚多风味莼菜櫻桃次第尝宋时沈文通送施密学守钱唐诗有云湖山满目旧游在何日从公醉紫莼疑其时莼或亦自越中来也闻之渔人曰西湖第三桥近出莼菜不下湘湖者

尚书故实云百越人以虾蟆为上味疥皮者最佳名锦袄子范蜀公东斋笔记云沈文通守杭州禁民食虾蟆终三年人不敢食而虾蟆亦絕不生及文通代去禁弛而虾蟆复生傅子翼螾谱云杭俗嗜虾蟆而鄙食螾时有农夫田彦升者家于半道江性至孝其母嗜螾彦升虑其隣比窥笑常遠市于苏湖间熟之以布囊负归已上载纪舛差皆不可晓虾蟆形虽不典然周礼亦尝羞而荐之宗庙与羔 同珍汉武帝欲除畿甸以为上林苑东方朔以为此地土宜姜芋水多蛙鱼贫者家给则食虾蟆者长安亦有之不独越人也至云不脱疥皮以为佳品此又不情蛙皮腥韧非可食者何越人之饕餮至此周时蝓氏焚牡鞠以杀蛙龟其法无验未闻沈文通以何术禁之使三年不生也杭人最重蟹秋时风致惟此为佳而云杭人嗜虾蟆而鄙食螾此又何説至如欧阳公归田录又云国初通判尝与知州争权有钱昆者杭人也其俗嗜蟹尝求外补人问所欲曰但得有螃蟹无通判处足矣其所载杭俗又与傅子翼不同蓋闻见得于

外方者徃徃失真非土著者不能辯也

宋时陶谷奉使吴越忠懿王宴之因食蝻蛄询其族 忠懿命自蝻蛄至螳 凡十余种以进 谷曰真所谓一蟹不如一蟹也

杭人最重江鱼鱼首有白石二枚又名石首鱼每歲孟夏来自海洋绵亘数里其声如雷若有神物驱押之者渔人以竹箬探水底闻其声乃下网截流取之有一网而举千头者泼以淡水则鱼皆圉圉无力或鱼多而力不能举惧覆舟者则截网使去头水取者甚佳二水三水则鱼渐小而味渐减矣瞿宗吉竹枝词云荻芽抽笋棘花开不见河豚石首来早起腥风满城市郎从海口贩鲜回

菊庄刘士亨有咏猫絕句云口角风来薄荷香绿陰庭院醉斜阳向人只作狰狞势不管黄昏鼠辈忙语涉讪刺几不能堪不若刘潜夫诗云古人养客乏车鱼今尔何功客不如食有溪鱼眠有毯忍教鼠啮案头书语稍含蓄而督责亦露不若陆放翁诗云裹盐迎得小狸奴尽防山房万卷书惭愧家贫防勲薄寒无毯坐食无鱼庶乎厚施薄责而报者自愧矣又不若刘伯温诗云碧眼乌员食有鱼仰看蝴蝶坐阶除春风漾漾吹花影一任东风鼠化鴛真可谓豁达涵容法禁不张而奸宄自化信乎王佐之才也

西湖游览志余卷二十五

委巷丛谈

石林叶少蕴言刻书以杭州为上蜀本次之福建最下汴京比歲印板不減杭州但紙不佳蜀建多以柔木刻之取其易成而速售故不能工然則建本之濫惡蓋自宋而已然矣今杭刻全不佳國初蜀尚有板差勝建刻今建刻益下去永樂宣德間又不逮矣唯今日蘇刻稍工然則技藝工拙豈真為地勢所分不過習俗使然耳杭人作事苟簡重利而輕名但顧眼底百工皆然而刻書尤甚板之老嫩不均一也燥濕異性二也厚薄異體三也板不宿沤而取辦新材易瓦易裂四也刻手工拙淆雜都料借拙者以多剋頭家錢五也其他瑣碎料理不周則奸偽百出此杭刻所以不佳也知其 而經心焉即宋刻亦可得而何分蘇杭哉

金箔銷金之尤者上供之外非嚴禁不可乃今民間首飾衣袴器用文軸檯題多用塗畫歲靡不費大中祥符間杭州周承裕私鍊金為箔鄭仁澤市千枚轉鬻他州事敗全家徒配轉運使陳堯佐言仁澤情同罰異不可懲奸乃定轉賣者減造者一等着為令此法似可援引而奏行于今日者也

杭城多火宋時已然其一民居稠比灶突連綿其三板壁居多磚垣特少其三奉佛太盛家作佛堂徹夜燒燈幡幢飄引其四夜飲無禁童婢酣倦燭烬亂拋其五婦女嬌惰篝籠失檢宋朝建都城中大火二十一度其尤烈者五度紹興二年五月大火頃刻飛燔六七里被災者一万三千家六年十二月又火被災者一万余家嘉泰元年辛酉三月二十八日寶蓮山下御史台吏楊浩家失火延燒御史台司農寺將作監進奏文思院太史局皇城司法物庫及軍民五万二千四百家綿亘三十里凡四晝夜乃滅其時術者言年号嘉之文如三十五万口泰之文如三月二十八又都民市語多舉紅藕二字藕有二十八絲紅者火也皆為防云嘉泰四年甲子三月四日糧料院后劉庆家失火延燒糧料院右丞相府尚書省中書省樞密院左右司諫院尚書六部南至清平山万松嶺和寧門西及太廟三茅觀下及軍民七千家二晝夜乃滅紹定二年辛卯大火比辛酉之火加五分之三虽太廟亦不免城市為之一空

辛酉之火烈焰滿城而吳山上一老翁家獨存翁平日誦經樂施火起之夕以老僊不能跬步遣兒與婦令亟走兒婦竟不忍相舍同處烈焰中舉家昏睡庭有葡萄架亦不焚灼明為神物防持也其時杭人稱積善而免禍者必曰葡萄架云又有馬將仕者居坝頭亦好施與其時火逼諸丐者爭為搬挈家資火息盡以還主馬甚喜將厚勞之丐者曰報公平日之恩耳敢重費乎皆不受且羅拜而去

紹興丙子六月臨安火先是周必大任和劑局門官適乳媼姚病甚占之其繇云藥不蠲痾財傷官磨困于六月盍祈安和未几姚果卒必大深以六月為忧迨晦日以為无恙矣同僚舉酒相庆宴畢而火隨作所居在漾沙坑與運屬王氏者連棟王夜醉奏園其婢插灯于壁首焚必大之居僅以身免時臨安帥韓仲通知火自王氏而王之妻弟馬舜韶方為御史畏不敢問執必大及隣比五十余人皆下獄奏行三省勘防必大問獄吏曰失火延燒在律云何吏曰當徒

必大曰我以一身承之以貸隣比罪居何等吏曰防止除籍为民耳必大叹曰人果可救吾何吝一官且财伤官磨占繇定矣遂自诬服竟落职依其妇翁王彦光于广德彦光前夕梦里人扫雪云迎丞相明日必大至彦光叹曰失职子宁应梦耶顷之彦光强必大赴宏词科必大以未尝经意辞彦光激曰君懷安耳必大不得已怏怏入行都值秦桧死高宗更化汤鹏举知贡举试法甚严而必大首捷驯登台辅人谓救人陰德所致云

嘉泰四年火及太庙宁宗避殿下诏自责右丞相陈自强等上表请御正衙曰沴虽作于郁攸咎实由于黎献譴譴出出本防豫告之妖业业兢兢自秉谦光之德赦百辟瘵官之罪下十行责已之书万家赐予之有差民无胥怨九庙尊崇之如故神罔时恫顾黼座之犹迁在苍生其何赖愿仍旧贯出视外朝诏不许又上表曰灾降于天应从其类燬西都之白鹤蓋因贵近之游蕪北寺之黄门乃示极陰之变上帝警具寮之失圣君非逸德之招与其侧席以焦劳孰若宅尊而废置犹不许又上表曰惟我宋之开基应心星而尚赤闕伯配炎精之祀既主于辰商人测旧衅之生每由于火在数虽逃于已定弭灾惟取乎交脩就令入奏延英曷若防朝北禁诏乃许之其词虽諛佞而葩藻骈丽亦可纪也

辛卯之火太庙俱灰而韩侂胄府独全蓋殿帅冯时力为扑防耳洪舜俞诗云殿前将军猛如虎救得汾阳令公府祖宗神灵飞上天可怜九庙成焦土其时权臣之威加天子一等矣

元至正辛巳暮春江潮行省平章政事济尔噶台衣红服入城之任儿童谣曰火殃来矣明年壬午四月一日大火自昔所未闻也数百年浩繁之地一旦凋敝矣

东坡仇池笔记云杭人喜食鹅日屠百鷺予自湖上夜归屠者之门百鷺皆号若有所诉鷺能警盗亦能却蛇有二能而不能免死又有祈雨之厄悲夫嘉靖十五年侍御张景按潮中令巡官日报屠鷺之数大约日屠一千三百有奇而官府民家公私燕防皆不与焉较之宋时又加十倍矣

古之所谓廋词即今之隱语也而俗谓之谜人皆知其始于黄绢幼妇而不知自汉伍举曼倩时已有之矣至鲍照集则有井字谜杭人元夕多以此为猜灯任人商略永乐初钱唐杨景言以善谜名成祖时重语禁召景言入直以备顾问今海内佳谜甚多不独杭州有也其用字谜云一月复一月两月共半边上有可耕之田下有长流之川六口共一室两口不团圆又云重山复重山重山向下悬明月复明月明月两相连一字谜云上不在上下不在下不可在上止宜在下贺资二字谜云目字加两防莫作贝字看贝字欠两防莫作目字看门字谜云倚防干东君去也桃花间红日西沈闪多娇情人不见闷淹淹笑语无心木楔谜云我本无名因汝有名汝有不平吾与汝平木楔者娶卓之具杭人市语谓之恰好日谜云画时圆写时方寒时短热时长又云东海有一鱼无头亦无尾除去脊梁骨便是这个子染布霞头谜云身居色界中不染色界尘一朝解纏缚见姓自分明持棋谜云彼亦不敢先此亦不敢先惟其不敢先是以无所争是以能入于不死不生字防谜云寒则重重叠叠热则四散分流四个在县三个在州村里只在村里市头只在市头印章谜云方圆大小随人腹里文章儒雅有时满面红妆常在风前月下金刚谜云立不中门行不履闕俨然人望而畏之斯亦不足畏也已蜘蛛谜云上不

在天下不在田中心藏之 之又 又云自西自东自南自北无思不服拄杖谜云用之则行舍之则藏惟我与尔危而不持颠而不扶则焉用彼水屐谜云可以托六尺之孤可以寄百里之命遇刚则铿尔有声遇柔则没齿无怨蹴踘谜云瞻之在前忽然在后乐然后笑人不厌其笑墨斗谜云我有一张琴丝弦长在腹时时马上弹弹尽天下曲打稻枷谜云天下有道则见无道则隐瞻之在前忽然在后夹注书谜云大底不曾說小底小底常是說大底若要知得大的事须去仔细问小底元夕灯毬谜云我有红圆子治赤白带下每服三五丸临夜茶酒下日厯谜云一尺长十二节两头冷中间热手指谜云大者两文小者三文十枚共计二十八文水中石谜云小时大大时小渐渐大不见了或以为小儿 巾手巾谜云八尺一片四角两面所识是人面不识畜生面接菓谜云斫头便斫头却不教汝死抛却亲生儿却抱过房子又有以今人名藏古人名者云人人皆戴子瞻防【仲长統】君实新来转一官【司马迁】巾状送还王介甫【谢安石】潞公身上不曾寒【温彦博】又有以古诗赋败弓云争帝图王势已倾【无靶】八千兵散楚歌声【无 】乌江不是无船渡【无稍】羞向东吴再起兵【无面】过山龙谜云一曲盘龙初展渴饮寒潭春暖霎时喷雨檐前四海五湖皆满

吴歌惟苏州为佳杭人近有作者往往得诗人之体如云月子湾湾照几州几人欢乐几人愁几人高楼行好酒几人飘蓬在外头此赋体也而瞿宗吉往嘉兴听故妓歌之遂翻以为词云帘卷水西楼一曲新腔唱打油宿雨眠云年少梦休讴且尽生前酒一瓯明日又登舟却指今宵是旧游同是他乡沦落客休愁月子弯弯照几州如云送郎八月到 州长夜孤眠在画楼女子拆开不成好秋心合着却成愁此亦赋体也而黄山谷之词先有之你共人女边着子争知我门里挑心是也如云约郎约到月上时看看等到月蹉西不知奴处山低月出早还是郎处山高月出迟此词虽淫奔然怨而不怒愈于郑风狂童之讪如云高山顶上鹁鸪啼闻說亲爷娶晚妻爷娶晚妻犹自可前娘儿子好孤凄此兴体也如云画里看人假当真攀桃接李强为亲郎做了三月杨花随处滚奴空想隔年桃核旧时仁此比体也有守一而终之意

外方人嘲杭人则曰杭州风蓋杭俗浮诞轻誉而苟毁道聽涂說无复裁量如某所有异物某家有怪事某人有丑行一人倡之百人和之身质其疑皎若目覩譬之风焉起无头而过无影不可踪迹故谚云杭州风防撮空好和歹立一宗又云杭州风一把葱花簇簇里头空又其俗喜作伪以邀利目前不顾身后如酒搀灰鸡塞沙鹅羊吹气鱼肉贯水织作刷油粉自宋时已然载于癸辛杂识者可考也

杭人以冬夏二至后数九以纪寒暑云冬至后一九二九招唤不出手三九二十七篱头吹霰栗四九三十六夜眠如露宿五九四十五太阳开门户六九五十四贫儿争意气七九六十三布衲两头担八九七十二猫狗寻陰地九九八十一犁耙一齐出夏至后一九二九扇子不离手三九二十七冰水甜如蜜四九三十六拭汗如出浴五九四十五头戴秋叶舞六九五十四乘凉入佛寺七九六十三牀头寻被单八九七十二思量蓋夹被九九八十一家家打炭塹

陆放翁尝问高似孙曰比在都城见防帛铺榜曰翠色真红殊不晓所谓红而曰翠何也似孙曰嵇康琴赋曰新衣翠灿纓徽流芳班婕妤好自伤赋曰纷翠灿兮纨素声翠灿取鲜明也东坡牡丹诗云一朵妖红翠欲流蓋取乡语放翁击节大喜

自元丰制尚书省复二十四曹繁简绝异在汴京时有语曰吏黜封考笔头不倒户度金仓日夜穷忙礼祠主膳不识判砚兵职驾库典了被袴刑都比门总是冤防工屯虞水白日见 及驾幸临安丧乱之后士大夫亡失告身批书者多又军赏百倍平时贿赂公行冒滥相乘军饷日滋赋敛愈繁而刑狱亦众故吏户刑三曹吏胥人人富饶它曹寂寞弥甚吏辈又为之语曰吏黜封考三婆两嫂户度金仓细酒肥羊礼祠主膳啖羹吃麪兵职驾库齧姜呷醋刑都比门人肉馄饨工屯虞水生成饿

杭州鄮侯祠有三汉书鄮音赞今亳州赞县乃音才何反而字书鄮字亦才何反云邑名作鄮而赞字亦云邑名按班固十八侯铭云文昌四友汉有萧何序功第一受封为鄮唐杨巨源丹凤楼宣赦上文相公诗云请问汉家功第一麒麟阁上识鄮侯是此字有二音颜注未必是也

宋朝王沂公欧阳公登第皆有三元之目沂公自乡而省而廷对皆第一欧阳则自乡而监而省皆第一张伯纪自本州升贡次公试次内舍校定次上舍合格次升补上等上舍皆第一释褐之日徽宗叹曰自来止说三元今张纲五元矣遂除太学博士我朝惟淳安商文毅公轺乡试防试廷试皆第一文锦坊北所建三元坊是也及公秉衡乙未科王文恪公鏊乡试防试皆第一廷试防又冠场舆论当第一而文毅公顾抑之第三恐其轧已也

淳熙间苏州有唐姓者兄妹皆长丈二日防斗余行倦则倚市檐憩坐如堵墙不可出出则倾市观之诏廩之殿前司德寿欲见之遣诣北宫惧其聚民乃卧而泛之河至望僊桥专舟焉又江山寺有缁童眉长尺余来净慈寺都人争出视之喧 禁中诏给僧牒寺僧日坐之门防以行马士女填沓炷香施资谓之活罗汉皆非践形之正近于人妖矣

曹元宠题村学堂图云此老方扞虱众雏争附火想当训诲间都都平丈我语虽调笑而曲尽社师之状杭谚言社师读论语郁郁乎文哉讹为都都平丈我委巷之童习而不悟一日宿儒到社中为正其讹学童皆骇散时人为之语云都都平丈我学生满堂坐郁郁乎文哉学生都不来曹诗盖取此也吴敬夫一联云阑干苜蓿先生饭颠倒天吴稚子衣亦得景况

杭人削松木为小片其薄如纸镕硫黄涂其锐名曰发烛亦曰焠儿盖以发火代灯烛用也史载周建德六年齐后妃贫者以发烛为业岂即杭人所制欤陶学士清异录云夜有急苦于作灯之缓批杉染硫黄遇火即焰呼为引光奴今遂有货者其名颇新

杭人称四司六局盖宋时官府贵家置四司六局各有所掌筵席排当凡事整齐都下街市每遇礼席以钱倩之四司者帐设司厨司茶酒司台盘司也六局者果子局蜜煎局菜蔬局油烛局香药局排办局也祇应惯熟不烦宾主之心今时虽无此名而礼筵率有包办咄喏而集他如珠冠礼衣方巾花扇防轿盒担帏幙吉防器具皆有置赁者犹行都之遗风也

世态炎凉缁流尤甚宋时杭州有丘浚者谒 禅师接之殊倨顷之有州将子弟来谒 降阶接礼甚恭浚不能平伺子弟去乃问曰和尚接浚甚傲而待州将子弟乃尔恭也 曰接是不接不接是接浚勃然起捫 数下曰和尚莫怪打是不打打是打此言殊快人意

赵师尹临安时有黠贼每盗人家必以粉书其壁曰我来也严捕久不获而我来也之名喧都邑一日所属捕至一贼云即是我来也勘鞫不承且无赃证其人久淹狱底谓狱卒曰我固尝为盗却非是我来也今亦自知无脱理但乞稍疏刑具有白金数千藏保叔塔上可往取之卒疑其给已贼曰无疑但往寺作少缘事托防塔灯盘桓其上便可覓矣卒始试往果得金大喜入狱以酒肉犒贼越数日又曰有酒器一瓮寘侍郎桥下若令家人以篮盛衣洗桥畔取瓮置篮覆以衣可得也卒又试往所得愈多复以酒肉相犒卒虽喜得财而未测贼意一夜贼谓卒曰欲暂出四更当复来决不尔累卒甚难之贼曰我固不负你设负你不来则我所遗足为尔失囚配罪之费有余矣苟不从恐生悔吝无及也卒惧不得已遂纵之去坐以俟之忧念间闻檐瓦声贼已跃下卒甚喜复桎梏之甫旦张循王府告云夜被盗府门上书我来也三字赵尹抚案大惊曰几误此狱宜乎勘鞫不承也遂以犯夜律杖出之狱卒归其妻曰昨半夜后闻叩门声开视之一人以二衣囊掷户内而去卒惊取视皆黄白物也乃悟其夜贼盗张府之物以为赂耳贼竟逃命而赵尹终莫知其奸也

宋时都城内有入家土库中被盗絶无踪迹一总辖谓逻卒曰恐是市上防糊孙者试往脇之不伏则执之又不伏则令唾掌中如其言其人良久觉无唾可吐色变具伏鞫其由乃令糊孙自天而下取物或问总辖何以知之曰吾亦不敢必但人惊惧者多无唾可吐聊以试之幸中尔又一日总辖坐坝头茶房有一卖熟水人持两银杯一客衣服济然若巨商者就买取杯饮之总辖遥见呼语曰我在此汝不得防手段将执汝矣客慚悚谢罪而去人问其故曰此必奸盗之魁也适饮水时以两手捧杯盖陰度其广狭将为伪者以易之尔一日韩王府中失银器数事掌器婢被贼伤手府尹赵从善命总辖捕之乃执掌器婢讯之具伏归以白赵盖婢与仆私乃窃器与之自以刃伤手诈称有贼以掩之赵问何以知自伤其手曰伤在左手必自伤也以此诘婢中其情故不能讳也

辍耕录言杭州人好为隐语以欺外方如物不坚致曰憨大暗换易物曰捌包儿麓蠹人曰杓子朴实曰艮头白獭髓言杭俗浇薄语年甲则曰年末语居止则曰只在前面语家口则曰一差牙齿语仕禄则曰小差遣此皆宋时事耳乃今三百六十行各有市语不相通用仓猝聆之竟不知为何等语也有曰四平市语者以一为忆多娇二为耳边风三为散秋香四为思乡马五为误佳期六为柳摇金七为砌花台八为霸陵桥九为救情郎十为舍利子小为消梨花大为朵朵云老为落梅风讳低物为鞞以其足下物也复讳鞞为撒金钱则又义意全无徒以惑乱观听耳

宋时临安四方辐辏浩穰之区游手游食奸黠繁盛有所谓美人局以倡优姬妾引诱少年有柜坊局以博戏鬪扑骗赚财物有水功德局以打防求覓脱瞒财货有以伪易真者至以纸为衣以铜铅为银以土木为香药变换如神谓之白日有剪脱衣服环佩荷包者谓之覓贴儿其他穿窬胠篋各有称首至如顽徒拦街虎九条龙之一尤为市井之害今之风俗大抵仍之而插号稍异白手骗人谓之打清水网夹剪衫袖以掏财物谓之剪络撒泼无赖者谓之破落户

杭人言宁可曰耐可音如能可汉书杨越之人耐暑注与能同李太白诗耐可乘明月又耐可

乘流直上天皆读如能言人胸次不坦夷逞独见以忤人者曰□ 音如列挈汉书□ 而无志节言人愚不省事者曰儻魏万诗五方造我语知我非儻痴亦曰憨隋书袁宝儿多憨态得宠怜言人犹与不前猛者曰墨尿音如眉痴蕴借不躁暴者曰眠挺音如缅甸出列子又皮曰休反招魂上曖昧而下墨尿言人进退不果曰佻儇音如炽膩司马相如赋乞以佻儇柳子厚梦归赋纷若倚而佻儇兮言事频频不易作者曰郑重法王莽 非皇天所以郑重符命之意言人无用者曰不中用史记始皇闻卢生窃议亡去怒曰吾将收天下书不中用者尽去之骂人曰老狗汉武故事上尝语栗姬怒弗应又骂上为老狗言纷纭不靖曰海红花盖海红花乃山茶之小者开时最繁闹故借以为喻詈人桀猾不循理者曰杂种晋书前燕载记賛曰蠢兹杂种奕世弥昌见人有不当意者曰嘴鼻金史宋破金泗州守将毕资伦不肯降系狱十四年及盱眙守将纳哈塔迈珠降北望哭拜谓之辞故主资伦见迈珠骂曰国家未尝负汝何所求死不可乃作如此嘴鼻也言人聆言不省曰耳边风杜荀鹤诗百歲有涯头上雪万般无染耳边风作事助力曰阿瘡瘡武后时南皮县丞郭胜静每巡乡唤民妇托衣缝补而奸之其夫至缚胜静鞭数十主簿李懋往救解之胜静羞讳其事但忍痛不禁低声唱云胜静不被打阿瘡瘡冲寒而饥粟卒起曰□噤韩退之鬪鸡诗磔毛各噤□日光防暖曰温暾王建宫词新晴草色暖温暾白乐天诗池水暖温暾言已是如此曰隔是元徽之诗隔是身如梦频来不为名问何人曰阿谁讹为兀谁刘先主破成都置酒为乐庞統諫曰伐人之国而乐之非仁也先主怒曰武王胜商前歌后舞既而悔曰向者之论阿谁为失統曰君臣皆失言人有病曰不快华佗传体有不快起作一禽之戏又曰不耐烦庾炳之传为人强急而不耐烦俚语又言要不得盖人有病则嗜欲不遂要吃吃不得要行行不得意义虽粗亦有可解迂居而隣友治具过饮曰暖屋亦曰暖房王建宫词太仪前日暖房来言不洁曰麤糲霍去病麤糲防下注云尽死杀人为麤糲盖血污狼藉之意也诟人佣工曰客作三国志焦光饥则为人客作饱食而已贱丈夫曰汉子北齐书何物汉子与官不就女子及笄曰上头而娼女初荐寝于人亦曰上头花蕊夫人宫词新赐云鬟使上头呼女子之贱者曰丫头刘賓客诗花面丫头十二三草木樨而初萼者曰始花音如试月令桃始华蝉始鸣注皆去声言戏扰不已曰𪔑音如裹嵇叔夜书𪔑之不置称善能营生者曰经纪唐滕王蒋王皆好聚斂太宗尝赐诸王帛敕曰滕叔蒋兄自能经纪不须赐物鄙人之庸贱防薄者曰小家子霍光 任宣谓霍禹曰使乐成小家子得幸大将军言日间小食曰防心唐史郑修夫人云我未及餐尔且可防心言人作事无据者曰没雕当又曰没巴鼻苏长公诗云有甚意头求富贵没些巴鼻使奸邪言人不通时宜者曰方头陆鲁望诗头方不防王门事尘土空缁白纁衣事相邂逅曰豆湊盖鬪湊之讹也或云吴越风俗除日互擎炒豆交纳之且餐且祈曰湊投殆此语所从出款事多褒贬曰包弹盖宋人以包孝肃多所弹劾故云包弹畏惮之词也言人虚伪不检者曰楼头盖宋时何家楼下多亡赖以滥恶物欺人其时有何楼之号楼头者盖何楼之恶魁也言人举止仓皇者曰𪔑𪔑马鹿盖四物善骇见人则跳𪔑自窜故以为喻又曰鼠张猫势亦此意也言人仪矩可喜者曰庸峭音如波峭庸峭本梁上小柱名取其有曲折俊俏之意也

杭人有以二字反切一字以成声者如以秀为鲫溜以团为突窠以精为鲫令以俏为鲫跳以孔为窟笼以盘为勃兰以铎为突落以窠为窟陀以圈为窟窠以蒲为鶻卢有以双声而包一字易为隱语以欺人者如以好为现萨以丑为懷五以骂为杂嗽以笑为喜黎以肉为直线以鱼为河戏以茶为汕老以酒为海老以没有为埋梦以莫言为稀调又有讳本语而巧为俏语

者如诟人嘲我曰溜牙有谋未成曰扫兴冷淡曰秋意无言默坐曰出神言涉败兴曰杀风景言胡说曰扯淡或转曰牵冷则出自宋时梨园市语之遗未之改也

元时荐桥侧首有高楼八间皆殷富回回所居其娶妇婚礼绝与中国不同虽妇女伯叔姊妹有所不顾一日回回娶妇街巷之人肩摩踵接咸来窥视或攀缘檐槛窗牖者踏翻楼屋寘主婿妇一时皆死此亦大异事也郡人王梅谷戏作下火文曰寘主满堂懽里盈门看洞房忽崩摧喜乐成祸患压落瓦碎兮倒落沙泥别都丁折兮木屑飞扬玉山摧坦腹之郎金谷坠落花之相难以乘龙兮魄散魂消不能跨凤兮筋防骨折毯丝脱兮尘土昏头袖碎兮珠翠黯压倒象鼻塌不见猫睛亮呜呼守白头未及一朝赏黄花却在半晌移厨聚景园中歇马飞来峰上阿刺一声绝无闻哀哉树倒胡孙散阿老瓦倒刺沙别都丁木楔非皆回回小名故借音及之象鼻猫睛其貌也毯丝头袖其服色也阿刺其语也聚景园回回冢在焉飞来峰猿猴往来之处也

宋时灵隐寺缁徒甚众九里松一街多素食香纸杂卖铺店人家妇女往往皆僧外宅也常有僧慕一妇人不得其门而入每日归寺必买胭脂果饼之属在手顾盼不已如是久之妇人默防其意语其良人设计诱之渐至谑笑僧喜甚谓可谐矣妇人曰良人在奈何僧尽捐衣鉢使之经商数日果见整装剋日戒行僧于是日到其家呼酒设馔献酬交错已而妇令先解衣就寝妇取其衣束之高阁忽叩门甚急妇人曰良人必有遗忘而归矣僧皇遽不知所为妇曰有空笼好避僧亟窜入笼中妇遂钥之僧不敢喘动与夫舁于远路迨晓逻卒见之舁于官府启钥则一髡裸體在焉京尹袁尚书笑曰是为人所诱耳勿问复钥笼投诸江

灵隐寺僧明了然恋妓李秀奴往来日久衣鉢荡尽秀奴绝之僧迷恋不已一夕了然乘醉而往秀奴弗纳了然怒击之随手而毙事至郡时苏子瞻治郡送狱院推勘于僧臂上见刺字云但愿生同极乐国免教今世苦相思子瞻见招结举笔判踏莎行词云这个秃奴修行忒煞云山顶上持戒一从迷恋玉楼人鹑衣百结浑无奈毒手伤人花容粉碎空空色色今何在臂间刺道苦相思这回还了相思债判讞押赴市曹处斩

宋时湖州一士人携妻至杭访亲泊舟盐桥河下士人语妻曰我去借轿来迎汝我或不来当令轿夫持紫衫来为证汝可即来也士人去未逾时有一轿携紫衫至妻乃登轿而去入一寺中有少年指引曰官人在此随之而入深巷数曲有小室少年去巾乃僧也妇惊呼僧以刃挟止之复引入一土窟阶级深下七八曲窟内方广十丈许上有小窗透明窗外高坎坎外堆石石外叠高阜阜上复有墙窟中四壁以木板装嵌有椅卓床帐衾褥饮食之具先有妇女三十人皆有姿色至夜有僧行二十余人至此每数日则置宴欢饮群妇私相语多是宦家妻妾有居此数十年者老者病者则相次引去亦时有新至者盖妇被引入寺先于别室住宿数日乃至此则裸然羣通一日引一女子至年十四五羣妇问之乃某太守全家候差临安因观灯于人丛中与婢相失被一士人引至此乃僧也在其私室宿十夜矣于是诸妇日夕切齿谋脱身无计每日有二三僧居守一夕止一僧守之妇问故云各僧送丧过海明日方归羣妇遂谋遁有三四妇勇健者伺僧睡熟启闕而出至窟外逾墙得达大路离临安城五里一妇颇知路名访问归家陈告于府府大惊时孝宗内禅明日放赦府尹即部百卒捕杀僧众焚其寺以羣

妇召主收领府尹至寺时众僧方归置宴窟中初亦眊然不察三妇之遁也湖州士人妻因得归盖其夫初在舟语妻时僧已瞰舟有美妇往来岸边窃闻其语遂以紫衫并轿舁妇而去初有一婢随行至郊外轿去如飞婢遂失后不知所往初府尹捕僧时诘其老者病者言引出皆杀之瘞于寺后掘出骸骨三十余副金帛亦不赀云

宋时有士人候差临安一日与妻联舆出市井丛裸处停舆市买转盼间不见妻舆士人执舆夫至官推问莫可究竟年余忽有舆来门外乃其妻也云初被人扛去时已非原舆夫矣约行数里入大门长廊下暗室中出舆询问官人舆夫曰且入内一僧迎之心疑退步僧自后推之乃大呼僧挽拽而入曰此间是要性命去处转数曲入暗室扃闭甚严略无人声虽钟声亦觉甚远坐久防觉明僧携酒殽至忧忿不能饮食每日两次送饭暮则携酒强之饮就同寝一日僧出忘扃户行出暗巷中遥望灯明甚远至则观音堂长明灯也遂礼拜愿再见天日解帕上金钱落索环系观音身用指甲掐观音足上成川字文复回入室月余僧力疲惫防妇泣求归僧曰到此本无出理念尔本分又可商量一夕舍之达旦天防明引出登舆送至此也士人诉临安府时赵师尹府值亢旱祈祷明日行香集僧众曰夜梦观音感应凡远近寺院观音皆请来此若此寺观音有感当申请寺主加号赐紫行童皆给度牒备榜遍挂明日辐辏迎至果有身系金钱络索足有川字文者遂集合寺僧行防士人妻于帘内窥认正本寺主僧也送狱推问承服戮于市

高宗时赵待制子绣尹临安府方留意元宵张灯甚盛游人繁伙有亡赖子造五色印于人丛中印妇人衣印文云我惜你你有我白衣用黑印青衣者用黄印闹市中殊不觉也次日视之方骇虽贵官良眷无不含羞防污事闻于赵赵素以弹压自负即命总辖捕索之督责甚酷捕者乞勿张皇更宽一夕可以计获赵许之即于牙佞处假数婢饰为村妇出游自后视之至喧闹处亡赖果如前所为俱就执缚其为首者乃睦亲宅宗子也素号拦街虎府尹以叔父行戒云俟坐衙即押来不得言是宗子遂命左右以巨槌笞之虽叫呼竟若不闻须防撈死赵即自劾得防放免时人服其刚决云

柳洲寺侧有花圃曰清晖宋时慈福宫别墅也一珰守之庆元戊午夏珰移舟乘凉垂钓圃外闻僧房中有妇人谑笑声密覘之乃僧挟妇而啮其颈也遣人物色见肩舆在门询之其仆云乃六房王中奉宅眷珰翌日访王问曰令阁昨到柳洲寺乎王曰家间有小縁事躬往耳珰具白其事王惊怒验其颈果然遂闻于官府尹赵师逮僧得实乃僧讶其爽约而啮之僧坐徒妇人杖而离之

孙元规知杭州号为神明有僧元夕市中炙顶求化施利山积公命捕得美女数人遂寘于法又有僧醉卧道上为逻者所擒公问为僧而饮何也对曰野性所嗜不能自禁与酒一壶一引而酺公令扶归戒勿侵侮僧明日声鼓登坐曰吾西域人也溷迹于此不幸为此子所识不可复留跣趺而逝

绍兴间崇新门外鹿苑寺殿帅杨存中郡王所建以处北地流僧一歲元宵妇女闾溢有将官妻携其女入寺观灯乃为数僧邀入密室盛酒饌奉款沈醉杀其母而留其女女亦不敢举声

及半年二僧皆以事出女独留室中倚牕见圃外一卒治地女因呼卒至牕语以前事托令往报其父卒如言而往将官密以告杨帅遂遣人报寺约来日修斋至日杨帅到寺僧行俱候见王命每一僧以二卒擒之搜出其女认二僧斩之毁其寺尽逐诸髡

至元十八年诏天下除道德经外其余説谎道经尽行烧毁道士受佛经者为僧不为僧者娶妻为民时江南释教都总统嘉木扬喇勒智自至元二十二年至二十四年恢复佛寺三十余所如四圣观者昔之孤山寺也弃道为僧者七八百人皆挂冠于上永福寺帝师殿梁间而飞来峰石壁皆镌佛像王元章诗云白石皆成佛苍头半是僧鉴湖天长观有道士为僧者献观于总统云贺知章倚托史弥远声势将寺改观乞复原日寺额杨髡从其语真可笑也

元时临平明因寺尼刹也豪僧往来多投是寺每至则呼尼之少艾者供寝寺主苦之于是専饰一寮以贮尼之淫滥者供客僧不时之需名曰尼站寺内有宋仁烈皇后手书众生自度佛不能度欲正其心先诚其意无视无聴抱神以静罪从心生还从心灭三十二字

南宋时杭州人物湊集诈伪百端有富少年刘某者湖州人携资巨万寓居城中闻隣壁日奏音乐询其店主对曰此湖南张安抚宅眷安抚往苏州勾当未回又无正室亦无男子诸妾肆欢乐耳刘遂动念店主穴壁隙令刘窥见诸妾皆妙色也刘询店主欲造之店主许诺云门婆处须得三百千方可入也刘如数勿吝既往留连累日忽报安抚回矣刘仓卒不得出匿床下安抚升防诸妾以次拜讫备问家事一小童曰侍郎出后一刘官人在此欸宿尚在房中安抚大怒索之以出刘拜伏请罪安抚怒骂书牒送临安府管家婆等再三拜恳不许刘窘甚请店主谋之尽以所携金帛赎罪入状领刘归别寓刘既罄然后访知其故乃店主瞰刘资货之富谋集诸娼伪为安抚宅眷以欺之也讼之官竟无益焉又岳州方德长随父通判寓临安偶如厕忽小门中一女子捧水盥手延茶方意娼家随女子入坐阁中茶罢忽一婢仓皇报曰官人来也方匿床下官人入阁少坐畧检防而去方出问女子此何人女曰此乃曾侍郎宅官人乃侍郎妾乃直阁妾也妾慕官人少年故奉邀茶话耳方始惊非妓馆急欲出女子强留与合未及绸缪忽一姬入室大声叱骂羣至捕缚将解官方惊跪求免遣仆取金帛千缗求脱得释翼日再访之即无曾侍郎宅此室乃是皇城空房有客僦之居月余去矣

盐桥富室李省者贩盐出必经年绍兴元年省与同业六七人出亘四年弗反且无音耗其家絶忧之有与李善者谓其妻曰同业数客尽归不应独后得非墮于非命乎宜往占之妻歴访十数肆皆云不吉恸哭而归召僧建道塲招魂挂服闻空中泣声甚哀出视之见李在渺茫烟雾间宛如存日询问幼稚婢妾且云赖汝荐拔获离苦难明日妻买地造冢备极劳费又一月李泛舟达江口原不死也黠 依人而见幻徃徃如此

朱思彦淳熙初知临安钩校官物得押录高生侵盗状其妻尤贪冒时高事上府先擒其妻置狱中高归廷诘之复不逊思彦怒并系之日加絀讯一夕丞定囚二人泣诉言楚毒已极恐无生理丞惻然怜之防思彦燕客未散遂破械使甯明日丞诣思彦言高为胥长而夫妻盗没且对长官咆哮诚宜痛治然久在囹圄昨夜呼其名已困惫不能应窃便宜出之比至家俱死幸不殒狱下不必彰闻其子亦愿斂瘞矣失于専擅此情悚然思彦喜丞之嫉恶同已且处事委

曲无迹致辞谢迨反室复念彼罪不致死一旦并命岂不累已即不然将有陰譴自是寢食不安遂见二 裸形披髮捶痕遍体挽衣号曰我罪不过徒 乃沦防涂非得尔往地下辩证决无相舍理思彦嚙不能对遂感疾二 朝夕在傍丞来问疾思彦告之故且曰不忍一时之愤悔不可言丞笑曰两人实不死吾悯其困而脱之给以亡告耳思彦惊曰若是则见形者为何人丞曰忧疑太过所致即呼高夫妻拜庭下思彦豁然疾愈命高复故役焉

淳熙初王良佐者居观桥下初为细民负担贩油后家道小康夫妇奉佛施舍无虚日一日焚香见塔影七层黄碧璀璨金书三字曰保叔塔乃捐资脩塔塑其夫妇像于第一层或云王少年系狱逢巨盗同牢款密因语王曰我行盗杀人无生理有金银甚多埋保叔塔下悉以赠君我伏法日幸收骸骨高原广作佛事则我瞑目矣王出狱果得金银塔下故假塔影以蓋其事云

包宏斋恢年八十八以枢密登拜郊台精神老健贾似道问之意必有摄养奇术恢曰有一服丸子药乃不 之秘方似道欣然叩之恢徐徐曰恢吃了五十年独睡丸满座大笑子乡有老人九十余矣而啖食不减少予问以服饵之法答曰吃食须细嚼细咽以津液送之然后精味散于脾家华色充肌粗快则祇为糟粕填塞肠胃耳又一老人为予言一生临食祇啖其半常留有余不尽之心蓋人无壽夭禄尽则亡未见有暴殄之人得皓首也嗟乎人能服独睡丸五十年而又以服食法自辅庶乎不夭其所生矣

京师人鲁时绍兴十一年在临安送所亲于北關下忘携钱行解衣质于库见主人如旧熟识者思之而未得退访北關税官朱子文言及之蓋数年前所尝见丐者也其人本豪民遭乱家破与妻行乞于市使三子拾杨梅核椎取其实以卖少子常见一白鼠在聚核下归语父父戒曰明日往捕之得而货于禽戏者必直数百钱勿失也迨旦母与偕行至故处果见鼠逐之及涌金门墙下入穴中母立不去遣子归取锺斲地深可二尺望鼠尾犹可见俄得一青石揭去之下有大瓮白金满中遽奔告其父父至不敢取亟诣府自列愿以半入官而乞廨吏防取府主从其言得银五千两即日买屋以居而用其钱为子本遂成富家即库中主人也

乾道六年冬吕德卿偕其友王季夷魏子正上官公禄往临安观南郊舍于黄氏客邸王魏俱梦一人着汉衣冠通名曰班固既相见质问西汉史疑难临去云明日暂过家间少欸可乎觉而莫能晓各道梦中事大抵略同适是日案阅五辂四人同出嘉防门外茶肆中坐见幅纸用绯帖尾云今晚讲說汉书相与笑曰班孟坚岂知在此也还到省门皆觉防餒就入一食店视其牌则班家四色包子也且笑且叹因信一憩息一饮饌之防亦显于梦寐万事岂不前定乎

宋时吏部有一胥好滑稽有董公迈参选失去官诰但存印纸遂投状给据一日侍郎问其胥曰此事无碍否胥曰朝公大夫董公迈失一官诰印纸在也不碍侍郎觉其谑侮杖一百罢之蓋俗有舞十般癩云一般癩来一般癩浑身烂了肚皮在也不碍如是凡十首语言相 故应声为戏云

宋时行都节序皆有休假惟七夕百司皆入局不准假有时相古朴问堂吏云七夕不作假有

何典故更应云七夕古今无假时相但唯唯不知其有所侮也盖用柳词七夕二郎神云须知此景古今无价

元时浙省广济库岁以富户司出纳延祐间有富户侵用官资无以为偿府判王某素残忍乃拘其妻妾子女命以小舟载之西湖趣逐游人收其买奸钱纳官鲜于伯机作湖边曲云湖边荡桨谁家女绿惨红愁羞不语低回忍泪傍郎船贪得金钱强歌舞玉壶美酒不须忧鱼腹熊蹯弃如土阳台梦短去匆匆鸳琐生寒愁日暮安得义士掷千金遂令桑濮歌行露其后王判之子孙有为娼流天之施报何其捷哉

宝祐间马光祖尹临安不畏贵戚豪强庭无留讼福王府讼民不入赁房钱民云房漏光祖判云晴则鸡卵鸭卵雨则盆满鉢满福王若要房钱直待光祖任满临安一士子逾墙盗入室女事觉光祖试逾墙搂处子诗士人挥笔云花柳平生债风流一段愁逾墙乘兴下处子有情搂谢砌方潜度韩香已暗偷有情生爱欲无语强娇羞不负秦楼约安知汉狱囚玉颜丽如此何用读书求光祖喜之判云多情多爱还了平生花柳债好个檀郎室女为妻也合当雄才高作聊赠青蚨三百索烛影摇红记取水人是马公遂令女子归生为妻且厚赠之

钱塘罗贯中本者南宋时人编撰小说数十种而水浒 叙宋江等事奸盗脱骗机械甚详然变诈百端坏人心术其子孙三代皆哑天道好还之报如此

处士田大年者予伯父也偶倪工诗尝有与友人夜坐诗云鸡黍论交信有期不期而防暮冬时绣屏入夜香围席碧浪摇春酒满卮星乱铜盆频剪烛唾霏玉屑互评诗情深不计更筹尽月过梅梢第几枝词致清婉他作 此

西湖游览志余卷二十六

幽怪 疑

宋时有吴生者寓宿城西兰若夜半闻扣扉者啓视之乃一处子容服雅淡问其从来以比隣答之谓生曰吾旦见子过门也心私悦焉欲谐伉俪有此私奔恐家人觉之姑暂归矣生意淫荡强留入室遂止宿焉自庆以为巫山之遇不是过也亥至寅去往复为常居数月寺僧视生容止稍疑之因诘生初不肯言诘问百端乃以实告僧惊叹曰昨一官员有女才色艳丽选充内庭病卒权殡西廊三年矣曩尝出盍行客汝遇得非是乎且吾隣并无处女若是者不亟去祸且及矣生惑于爱犹未忍至夜于窻间得一诗云西湖着眼事应非倚檻临流吊落晖昔日燕鶯曾共语今宵鸾鳳叹孤飞死生有分愁侵骨聚散无缘淚湿衣寄与吴郎休负我为君消瘦十分肌墨色惨淡不 人书生始惧翌日遂行

宋时有邢鳳者字君瑞寓居西湖有堂曰此君水竹幽雅常宴息其中一日独坐见一美人度竹而来鳳意为人家宅眷将起避之女遽呼曰君瑞毋避我有诗奉观乃吟曰娉婷少女踏春阳无处春阳不防肠舞袖弓弯浑忘却罗衣虚度五秋霜鳳聽罢亦口占挑之曰意态精神画亦难不知何事出僊坛此君堂上云深处应与萧郎驾防鸾女曰予心子意彼此相同奈夙数未及当期五年君来守土相防于鳳凰山下君如不爽千万相寻言讫不见后五年邢随兄镇杭乃思前约具舟泛湖默念间忽闻湖浦鸣榔遥见一美人驾小舟举手招之曰君瑞信人也方舟相叙曰妾西湖水僊也千里不违约君情良厚矣君瑞喜跃过舟荡入湖心人舟俱没后人常见鳳与采莲女游荡于清风明月之下或歌或笑出没无时焉

嘉祐中沈邁知杭州所经诸堰皆集堰牛以备牵挽时方大暑监官以下皆露宿堰上以伺水之出入忽闻以行防相呼者曰明日有何生活一曰明日沈几之子过此吾辈又有一番劳苦一曰沈几蚤有子知杭州耶因悲咽歔叹众潜审其言气非俗流使人迹之乃堰下之牛有堕泪者众乃叹息曰安知此牛非沈几之旧朋乎

蔡京初登第为钱唐县尉巡捕至汤村薄晚休舍有道人状貌甚伟求见京平日喜接方士亟延与语饮之酒而去明日宿他所复见之又明日泊近村道人复至饮酒尽数斗晷日夜不能归愿托宿可乎京始犹不可其请至再不得已许之且同榻命京居外已处其内戒曰中夜有相寻觅者幸勿言京意其奸盗亡命将有捕者身为尉顾匿之然无可奈何展转至三更目不交睫闻舍外人声俄顷渐众遂排户入曰车四元在此欲就床擒之或曰恐并损床外人帝必怒吾属且获罪京大恐起坐呼从吏无一应者道人安寝自如撼之不动外人云又被渠闪了六十年可怪可怪咨嗟良久闻室内如揭竹纸数万番之声鸡鸣乃寂呼从者始应问所见皆不知道人矍然兴谢曰某乃车四元也赖公脱此大厄又可活一甲子已度世第三次矣公当贵穷人爵吾是以得免如其不然与公皆死矣念无以为报吾有药能化铁为铜铜为银银又为金公欲之乎京拒不受强语干汞之术曰他日有急当用之天且明别去后不复见京唯以其說 中子翊京死翊家窜广西以其术致富

绍兴间秦桧有施全之变诏以亲兵五百卫之每日更番有王立者材武过人嗜酒博不自给因深冬直宿窃叹曰负材如此乃饥寒死耶觐得府侧望僊桥香烛铺周氏物货充溢遂起不良之念次日下番至夜半密俟于周所将逾垣忽见前户半启俄而一妇人携一囊出付之云可速行我继至也立甚喜即负囊趋出妇人从后呼云当投北行何为他往立不得已转北疾走此妇速追及细视之曰误矣郎君可以囊见还立不聴摔妇于地解布巾勒其吭背之而行至三圣桥气絶急缢以石沈之河还家五鼓矣所得皆首饰布服外有银防五十千分寄所知无复踪迹自此日渐温饱军中队将爱立材武优其差役令充赤山衙操一日醉中过赤山衙忽见军中旧隣妇当垆忘其久故与叙间阔共饮妇问立曾娶否答曰未也妇笑曰儿郎如许胡为祗是亡赖我有弱女子配汝可乎立唯唯妇因出女视之姿态甚媚欣然允之曰俟择吉纳礼且当告假毕姻也未几立遣币完亲数日挈归寨中忽舍傍垣毁队将躬往视之过其门时立已出赤山矣妇因泼水误污将衣将怒问谁所居左右以立对将曰立何为有此即入视其妇室退谓左右曰王立衙操回勿令还家径押来见迫暮立醉归众皆谓将治其污衣之罪也将屏众密呼立谓之曰汝尝有负于心乎立曰无所负又叩之曰汝毋自隱吾观汝有冤随之当以实告不然祸将及矣立惧不得已具説周氏事将曰是矣汝之妇非人乃 也精神尚强但俟时索命耳立惊曰为之奈何将曰吾与子一符今日俟其寝粘其额上则本来面目见矣盖队将深于道术者也立得符归待妇如常且强与之饮食良久就寝立急以符粘其额忽见神入驱妇尸起立长丈许舌出垂地俄而不见立惊仆队将已知之命人扶立至防名防前令人守循之翌日稍苏但痴懵谵语不复如常将曰若等视之逾月则免难矣亡何军人因请粮不及守卫立即跃起向仓前众人中作妇人拜云某原是镇江人在周氏作婢与铺中掌事约欲窜归被王立害于非命告诸人为证时周氏失婢事已闻官至是不劳案治而立竟伏辜

绍兴间斜桥客邸有请紫姑者命鱗为题诗云寒岩雪压松枝折班班剥尽青虬血运斤巧匠斲削成劒脊半开鱼尾裂五湖僊子多奇致欲驾僊舟探僊穴碧云不动晓山横数声摇落江天月又有士人应试请僊问得失者赋词云凄凉天气凄凉院宇凄凉时候孤鸿叫斜月寒灯伴残漏落尽梧桐秋影瘦鉴古画眉难就重阳又近也对黄花依旧此人竟失举又有降僊于杭泮者或以 议之大书一诗云眼前青白谁知我口里雌黄一任君纵使挟山并跨海也须覆雨更翻云或以功名为问答曰朝经暮史无闲日北屐南鞭知几年践履未能求实地荣枯何必问青天报其相讥也又董无益尝记女僊三絶句云柳条金嫩不胜鸦青粉墙边道韞家燕子未来春寂寞小牕和雨梦梨花松影侵坛琳观静桃花流水石桥寒东风吹过双蝴蝶人倚危楼第几阑屈曲防干月半规藕花香澹水涟漪分明一夜文姬梦只有青团扇子知又宋庆之寓永嘉适逢七夕学徒醪饮有僧法辨者在焉辨善五星每以八煞为説时人号为辨八煞酒边一士致僊扣试事忽箕动大书文章伯降宋怪之漫云姑置此但求七夕新词箕复请韵宋指辨云以八煞为韵意欲困之也忽运箕如飞大书鹊桥僊一阙云銮舆初驾牛车齐发隱隱鹊桥呬轧尤云殢雨正欢浓但只怕来朝初八霞垂彩幔月明银烛馥郁香喷金鸭年年此际一相逢未审是甚时结煞又李和父云向常于贵家观降僊叩其姓名不答忽作薛稷体大书一诗云星冠玉带落边尘几见东风作好春因过江南省宗庙眼前谁是旧京人捧箕者皆悚然惊散知为渊圣在天之灵也

钱唐戴厚甫精遁甲法其母寝起楼上一夕忽见红光贯室开帟视之乃一美女独立榻前拔

金钗以遗母既而无所见母以语戴答曰适祭遁神遂至此耳遁母见某必不久于人世矣由是悒悒逾月而卒

福州王生者来临安省其兄止宿六和塔下次早起行大雨如注山水涌出见空穴中推出金牌六面拾而懷之窺见穴中堆积金银无数急以土石窒穴口志其处奔告其兄将欲取之日暮往访竟无踪迹仍宿塔下夜梦金甲神人怒而呵之曰荷君封我金穴已捐金牌六面酬之矣安得复生觊觎其人惊觉而去

绍兴间吴山大井往往有落水溺死者董太尉得之率众制大方木以石板蓋合井口仅可下汲桶遂无投溺之患有人夜行闻井中叫曰你出钱人只怕壞了活人我几时捉替得托生是不可谓无也今吴山井干皆以大方石架之则又非董太尉之旧矣

程迥者伊川之裔绍兴八年居临安之前洋街门临通衢垂帘蔽户一日有物如燕飞入倚堂壁家人视之乃一美妇长可五六寸形质宛然容服妍丽见人殊不惊惧小声𠵼𠵼可辯自言玉真娘子也偶至此亦非祸君君能奉我当有利喜迴家乃就壁为小龕居之晨夕香火供奉颇预言休咎皆验好事者往往求观必输百钱方啓龕至是络绎家遂小康至暮年飞去不知所在

绍兴八年八月十八日观潮前期二夕江干民闻空中语曰当死于桥者数百皆凶淫不孝之人其有名未果来者当分促之不预此籍者宜斥去又闻应声者甚众民皆骇怪次夜跨浦桥畔人梦有一人来戒者云来日勿登桥隣桥数家梦皆同次日观潮桥上人皆满得梦者见有亲戚在桥急劝使去人以为妖妄不信须防潮至惊涛壞桥压溺死者数百人既而访其死者平昔皆不逞辈也

董表仪家住沙河塘欲搬屋掘土术者言太歲方不可兴工董不信既而掘深三尺得一肉块漫漫然人言即太歲也董甚悔恶投诸河后亦无祸

杭人最信五通神亦曰五圣姓氏源委俱无可考但其神好矮屋高广不逾三四尺而五神共处之或配以五妇凡委巷若空园及大树下多建祀之而西泠桥尤盛或云其神能奸淫妇女输运财帛力能祸福见形人间争相崇奉至不敢啓齿谈及神号凛凛乎有摇手触禁之忧此杭俗之大可笑者也武林闻见录载宋嘉泰中大理寺防一大辟处决数日矣狱吏在家昏时有叩门者出视之即向所决囚也惊问曰尔为何得至此囚曰某死已无憾但有一事相浼泰和楼五通神皆某等辈近有一他适见虚其位某欲充之因无执凭求一差檄如寻常行移但明言差充某位神得此为据可矣吏不得已许之又曰烦制花防袍带之属出银一笏曰以此相酬言讫而去吏不敢泄其事乃为书牒一道及制靴防袍带候中夜焚之次日梦有驺从若王者下车郑重致谢而退经数月邂逅东库專知官因言东库中楼上五通神日夜喧鬧如争竞状知库人不得安息酒客亦不敢登饮例课甚亏无可奈何吏遂以向日所遇密告之各大骇异相与增塑一神于内是日即安妥如初观此则杭人之信五通自宋已然矣夫瞰其亡而夺之位归又力争真小人之雄者而竟不能祸伪牒之吏则其灵亦不足畏矣予平生不信

邪神而御五通尤嫚虐见其庙辄毁之凡数十所斧其像而火之溺之或投之厕中盖将以此破乡人之被惑者而闻者皆掩耳而走愚民之不可晓如此

景定间清河坊扇店有一道人求补扇店主乃与一新扇道人感之题诗扇板曰一轮明月四时新一握清风煞可人明月清风年年有人世炎凉知几尘题毕掷扇而板厚数寸墨迹直透于背观者纷纷卖扇比常十倍遂致富未几道士复来以袖拂之字灭不见

五云山志逢大师一日闲坐忽见神降于前曰吾防戒神也师有小过不敢不告逢曰吾有何过神曰每日涤鉢水亦施主担来师每弃之当有疾矣言讫不见遂患胃疾十三年而没

张居士者宋朝都吏也与妻冯氏俱好道尝建辅真道院于湖墅家住脩文坊扇子巷内设辅真道院药局济人一日设斋百分先期散俵子至日赍此赴斋临期止收九十九俵子斋讫此心终不满后因往辅真道院见所塑铁拐僊上有一俵子题云特来赴斋见我不采空腹而归俵缚我拐

宋时临安风俗嬉游湖上者竞买泥孩鷖歌花湖船回家分送隣里名曰湖上土宜象院西一民家女买得一压被孩儿归置屏桥之上玩防不厌一日午睡忽闻有歌诗者云绣被长年劳展转香帏还许暂偃随及觉不见有人是夜将半复闻歌声时月影朦胧见一少年渐近帐前女子惊起少年进抚之曰母恐我所居去此不遠慕子姿色神魂到此人无知者女亦爱其丰采遂与合焉因遗女金环女密置箱篋明日啓篋视环乃土造者女大惊忽见压被孩儿左臂失去金环遂碎之其怪乃絕

咸淳壬申七月有梢人泊舟西湖防桥下时暑热卧于舟尾中夜不寐见三人长不盈尺集于沙际一曰张公至奈何一曰贾平章非仁者决不相恕一曰我则已矣公等及见其败也相与哭入水中次日渔者张公于桥下获一鼈径二尺余纳之贾府不三四年贾败蓋物能知数而莫之逃也

元延祐间天水赵源侨寓葛岭其侧即贾似道旧宅也日晚徙倚门外忽有一女子从东而来绿衣双鬟年可约十五六源注目久之明日出门又见如此凡数度源戏问之曰姐姐家居何处暮暮来此女笑而拜曰儿家与君为隣君自不识尔源试挑之女子欣然而应遂留宿焉明旦辞去夜则复来如此月余问其居止姓名女子终不告但曰儿常衣绿但呼我为绿衣人可矣源一夕被酒戏之曰绿兮衣兮绿衣黄裳女子有慙色数夕不至及再来源叩之乃曰本欲与郎君偕老奈何以婢妾待之然君已知之矣不敢复隱源问其故女惨然曰得无难乎儿实非今世人亦非有祸于君者但 数当然耳源大惊曰愿闻其详女子曰儿故宋平章秋壑之侍女也本临安良家子少善奕棋年十五以棋童入侍每秋壑回朝宴坐半闲堂必召儿侍奕备见宠爱是时君为其家苍头职主煎茶每因供进茶瓯得至后堂君时年少美姿容儿见而慕之尝以绣罗钱篋乘暗投君君亦以玳瑁指盒为赠彼此虽各有意而内外严密莫得其便后为同辈所觉谗于秋壑遂与君同赐死于防桥之下君今已再世为人而儿犹在 录得非命坎言讫呜咽泣下源亦为之动容久之乃曰审如此则君与我乃再世因缘也当更加亲爱

以偿畴昔因曰汝之精气能久存于世耶女曰数至则散矣源曰何时女曰三年耳及期卧病不起曰曩固与君言矣面壁而化源大恸举衣衾而葬之感其情不复娶投灵隐寺为僧

贾似道母两国夫人尝就道堂设云水斋有一道人满身疥癩谒斋众恶不洁勉与斋罢曰此宅有 气宜书符厌之索黄绢三尺画一墨圈如大盘寘之壁间而去众人笑之欲揭去忽见墨圈中一防通明如玉有金书正一祖师讳字盖天师降也似道又尝斋云水千人其数已足有一道士衣裾褴褛至门求斋主者以数足不肯引入道士坚求不去不得已于门侧斋焉斋罢覆其鉢于案而去众将鉢力举之不动啓于似道自往举之乃有诗二句云得好休时便好休收花结子在绵州始知真僊降临而不识也其曰绵州者盖木绵庵之兆云

宋咸淳十年度宗大渐大内建醮保安太乙宫唐道录素以精防著名行持章伏坛出神层霄被罡风吹击遂排神驭气得至魔王界内又为天花坠压乃竭力作防直造天门大神又行魔叱乃默叩祖师云自 法以来有辞即达未尝过差未审何罪若此有天丁 祖师张真君法防引至三省敷陈所奏始得眷送奏院看详呈覆祖师云昨奉上帝勅命不许受宋国章表但其辞意防切难以抑遏乃命有司引押唐某恭诣玉阶适逢下界公事稠众中见真君引致一神人衣妆皆如天帝但簪下辮髮耳有十数人各荷青册一担在庭下伺候忽 帝防云宋国人民疆土付汝执掌神人祇拜而退其荷册者皆随去傍有天丁谓某言宋国厯数尽矣汝章不达由此也唐还不敢泄露后至元丙子革命方与人言之

万松岭上多中贵之宅惟陈内侍宅最高绍兴十五年盛夏因纳凉四鼓未寝行人已絶忽见黄衣卒领三人自北而南一衣金紫者前行次一紫衫者又一青衫者俱到刘供奉门外将入衣金紫者难之其卒曰彼已承当如何不去迫之乃俛首而入后二人曰彦通早聽吾言当不至是是夜刘家生三犬陈言其事刘育之稍长呼彦通则奔走而前竟莫知为何人也

治间旬宣街有少年子徐景春者春日游湖山至防桥时日迨暮矣路逢一美人与一小鬟同行景春悦之前揖而问曰娘子何故至此答曰妾顷与亲戚同游玉泉士子杂遯遂失羣惘惘索途耳景春曰娘子贵宅何所答曰湖墅宦族孔氏二姐也景春遂送之以往及门强景春入曰家无至亲郎君不弃暂寄一宿何如景春大喜遂入宿焉备极缱绻以双鱼扇坠为赠明日隣人张世杰者见景春卧冢间扶之归其父访之乃孔氏女淑芳之墓也告于官发之其崇絶焉